



刊端溪先生集序

序曰昔我

聖皇疇咨宗伯修明禮樂我

端溪氏接武夔龍日聞明良喜起之歌


洋洋如也雖雖如也君子曰休哉乃嘉

靖庚戌游膺

簡命晉位留都作司徒氏經濟之暇輒操觚



國家圖書館, NATIONAL CENTRAL LIBRARY, TAIWAN, R.O.C.



染翰豐豐忘倦乃託諸汾陽孔氏文谷
者盡括平生之所著述彙次成篇詩則
質任自然靡事雕琢其黃鍾瓦缶之遺
乎文則順理成章靡鈎棘軋茁之習其
太羹玄酒之遺乎間以示同官陳儒曰
盍序諸嗟乎儒也陋若涉淵海其無津
涯則於斯集也其何能贊一辭哉辭且

再弗獲乃執簡而為之叙曰嗚呼述作
豈易言哉作者之謂聖述者之謂明明
聖者述作之謂也古昔典謨訓誥明良
賡歌遐哉邈乎不可尚已春秋以降迄
于唐宋中間作者無慮數百家或者謂
晉無文字惟歸去來辭一篇諸葛武侯
出師二表君子謂其感人動物猶有訓

八
端溪先生集序
二
誥遺意嗚呼述作豈易言哉夷考端溪
仕進適在

武廟之初嘗觀其抗疏郎曹請誅君側斷斷
乎如太阿出匣而斗正芒寒至今讀之
猶為凜凜其次則陳情終養宛若令伯
雖中經坎壈遲回歲月而高志雅適時
有得于蟬蛸芻狗之外者此公平生忠

孝大節可以風世而文不與存焉者也
傳曰輪轅飾而人弗庸徒飾也况虛車
乎是故讀公之文之詩者以是求之思
過半矣乃今

聖明簡拔遂躋登茲則所以轉移化導以敦
敷錫之休者其不在茲乎其不在茲乎
易曰觀乎人文以化成天下公名崇慶

字德徵登正德戊辰進士端溪其別號
云廣陽陳儒謹序

端溪先生集目錄

卷之一

奏疏

論逆瑾疏

救宿進疏

論新政十三事

論李隆余永疏

論大禮疏

留林俊疏

陳情第一疏

陳情第二疏

陳情第三疏

辭再起河南副使疏

論佛老毀寺觀疏

論郊禮疏

四政疏

再乞終養疏

辭遼東苑馬寺卿疏
謝平白草蕃
欽賞銀幣疏

謝遣陪祀
帝社稷疏

謝山次殿堂工完
欽賜銀幣疏

陞南京戶部尚書辭
朝疏
考察自陳疏

引年疏

改南京禮部尚書謝
恩疏

改南京吏部尚書謝
恩疏

卷之二

序

贈甘縣令雙壽序
贈楊掌教赴宿松序

送郁刺史擢南京刑部員外郎序

侯氏家譜序
大同府志序

行臺紀興序
家譜序

趙君寶生子序
野庄集序

上蔡志序
元城語錄解序

賀宿子述禮生顏廟序
正蒙會稿序

王溪子集序
山海經釋義序

國家圖書館, NATIONAL CENTRAL LIBRARY, TAIWAN, R.O.C.

壽李母胡孺人八十三序 雙巖詩稿序

研岡集序 楊氏遺集序

壽司訓任虛菴序 攻玉集序

東田漫稿序 律法摘要序

壽童安人七袞序 贈艮山趙君同知寶慶序

送施文峯擢南都秋官郎序 感椿序

瀛東奏捷序 送渭野樊公擢蜀藩參序

送易菴石府君擢兵憲西江序

贈范栢峯判府大名序

觀風錄序 送大名衛司訓堂蔣序

河東杜氏族會錄序

仕學序送上蔡歷田陳侯守廣德

送杜令考績北上序 新刻誠齋先生易傳序

貞壽序 刻馬立齋摘稿序

送南川朱明府考績北上序

送南川朱君擢司空郎之清江序

送盧君敬齋尹清河序 昂新開學序

贈長垣令郝君南峯初膺臺獎序

送周郡博歸汝 序 送朔野尹侯同府徽州序

送栢峯范明府擢南都司徒郎序

送張清豐鷺山應召北上序 卓行行慶錄序

送郡博管東溪歸高密序 孫母常安人貞節卷序

四川武舉鄉試錄序 北畝弭盜諸策序

壽海陵沈母太宜人八十序 壽介溪閣老七袞序

壽介溪相公七袞序 化書詡正序

刻薛文清公全錄序

壽大師保家宰石塘公七袞序

壽大師保太宰石塘公七袞序

序蓬萊觀海亭集

送兵科胡練溪擢永應天府序

南京戶部志序

重刻戊辰同年序齒錄序

送少司徒礪菴方公北上序

送南雄太守王肯齋便道省親序

送趙侍御右坡述職北上序 考政編序

吳塘呂氏宗譜序 黃母張孺人貞節序

卷之三

記

太谷縣治記

名宦鄉賢祠記

復子夏祠記

慕栢堂記

鎮寧堂記

三教堂記

子路墓祠記

周建夫去思碑記

石川橋記

信陽州科第題名記

毀寺立學記

魏縣創立啓聖公廟記

魏縣重修七廢記

滑縣重修孔廟記

習射廳記

寧山衛軍儲倉記

國家圖書館, NATIONAL CENTRAL LIBRARY, TAIWAN, R.O.C.

東岳祠記

觀城縣令張君去思碑記

大名府重脩四橋記

元城書院力行堂記

重脩雙忠祠創建射圃庭記

元城書院得人記

記澶淵之謠贈郡侯尹朔野

重脩名宦鄉賢烈女祠記

開州重脩城隍廟記

貴州道御史題名記

都察院左都御史東田先生馬公祠堂記

重脩金龍四大王廟記

登州府科第題名記

陽信縣令王侯去思碑記

曹縣重脩學宮記

乾州雙烈女祠記

辯

海市

論

一笑

原謗

原始

國家圖書館, NATIONAL CENTRAL LIBRARY, TAIWAN, R.O.C.

跋

喜雨亭跋

僧辯跋

吳門志別跋

浙西紀遊跋

中丞鐵山張公忠義錄跋

跋桴齋先生稽古治要

卷之四

書

與王公濟書

答郭宗器書

與少司馬陳公舊文宗德輝書

與潘熙臺書

與呂涇野書

與顧文宗桴齋書

却呂考官幣書

與邢伯輿書

與張西磐中丞書

答申思危書

與門人汾州孔進士書

答王王溪運使書

答張刺史允清大戴禮問

與直齋叔父書

答夏刺史仁甫處喪禮問

國家圖書館, NATIONAL CENTRAL LIBRARY, TAIWAN, R.O.C.

答馮守勤書

答五舅氏喪禮問

却王三聘求墓誌幣書

答韓苑洛書

上周王書

謝孫刺史送馬

謝吳君咨碧樵約

名王玉溪乃郎永書

還馬以訓布書

辭黃梅秀才幣書

與劉伯錡書

答林二山方伯書

與族長惟端翁書

與族弟崇寧書

賀谷方伯門扁東乃郎夏卿

謝醫人吉應兆書

辭族叔儒輝二幣書

答南陵王書

與晁君石乃尊書

與申思危書

辭王虞徵封君幣書

與顧桴齋先生書

與甘泉先生書

答韋南若僉憲書

答崑崙秦國中尉書

答崑崙之子西亭書

答許道夫書

與夏冠峯副郎書

答趙艮山書

與太僕王寺丞鏡堂書

與崔後渠先生書

與孔汝錫書

答苑馬卿賈啓之

與東平劉東浦少司馬

與寧夏王道長惟人書

與甘泉先生書

賀皇甫少玄力行堂啓

與吳中山書

答大名張二田別駕書

與靈寶主客司許正郎書

與范栢峯書啓

謝范栢峯扁定性堂啓

答朱南川節推書

答呂涇野年兄書

答王二守珂旱魃問

答尹朔野以楊誠齋易傳校理書

請尹朔野賞牡丹啓

止尹朔野決堤書

與尹朔野書

再與尹太守朔野書

與周總兵渭崖書

與孔文谷書

與晁君石乃翁為令孫歸娶啓

賀總河韓苑洛中丞

與甘泉先生書

與深州節判星子汪元勳 與西溪宗室書

與張南川書

與錢公良東畬年兄書

與嚴木山中丞書

答延安宋大叅書

答宣大總制翁東崖

答大同總兵周渭崖

請徐少湖啓

答南京刑部劉春岡書

與寧晉陳大尹文岡

與漕運龔笑齋書

與山東左轄應倣菴書

與潘熙臺年丈書

答陝西巡茶劉白崖書

與應倣菴

答貴州巡撫李三洲

答雲南少叅趙艮山

與蔡憲副書

答王澶西書

答江西曹大巡紀山

答楊四泉乃郎書

與河南府吳太守蓬巖

答舊家宰熊北原

與四川憲副高玉華書

與吉山泉書

與京師縉紳諸公回書

答孫憲副右川書

與內黃李大尹文麟

與大司馬韓石溪論預處兵戎書

與內閣嚴公介溪李公南渠書

與盧後屏書

與朝邑韓苑洛年兄書

與崑山文衡山內翰

答河東運使高貞菴書

與錢士弘宅上

答常熟施僉憲書

答張石川銀臺書

答崑山顧方伯雍里書

與常熟鄧梓堂書

與同年周江郎書

與江瑞石書

答餘姚嚴木山少司空書

答張石川書

謝李古冲太宰啓

請李陶山皇甫百泉啓

與王大任侍御書

答山西巡按吉山泉書

謝韓石溪司馬惠詩

與甘泉先生書

與李春山年丈書

與太僕呂巾石書

說

孝婦說

春鴈說

義田說

思祖說

沙東說

正李都官老佛說

贈主謙殿下三令子說

書樓說

汾井說

四義說

觀鳧亭說

蜀道難說

令尹說

字馬生說

費秀才進學說

居易說

祁子漸字說

說海贈陳萬言

國家圖書館, NATIONAL CENTRAL LIBRARY, TAIWAN, R.O.C.

說馬贈楊一鳳

說孝贈周君威

說舟贈李吾西判漢陽

謹嚴堂說

贈葉中翰柳亭還金說

西溪說贈夏公

卷之五

墓志銘

殤子衢郎壙志銘

靖母王孺人墓志銘

處士侯公墓志銘

郭君鎮邦配孺人朱氏合葬墓志銘

登兒遇雨志銘

明故孺人來氏合葬處士劉公墓志銘

明國子監丞貞菴郭君墓志銘

南野孫公墓志銘

叔祖處士王公瑛墓志銘

明故虎山李先生墓志銘

國家圖書館, NATIONAL CENTRAL LIBRARY, TAIWAN, R.O.C.

明故張孺人合葬孫公墓志銘

左隱君大器墓志銘

柳西馬君墓志銘

明延安府通判張君墓志銘

勅封戶部主事樂菴劉公墓志銘

明國子生盧君敬軒墓志銘 明太原令月泉劉君墓志銘

明故陝西叅政平丘侯公墓志銘

明旌德丞蕭公墓志銘

明中憲大夫鄖陽府知府梅軒馬公配孺人郭氏合葬

墓志銘

明故樂素居士吉公配安人張氏合葬墓志銘

上蔡陳孝女壙銘

明韓君守默配關孺人合葬墓志銘

明四川按察司副使西巖宋公墓志銘

明勅封安人孟氏合葬龍池歐公墓志銘

明故臨淮丞北畱左公墓志銘

明故兵部尚書龍山戴公墓志銘

明贈光祿寺少卿監察御史覺軒王公墓志銘

明太學生西野馬子墓志銘

明故封撫寧侯夫人柳氏墓志銘

誥封左通政味泉宋公暨太恭人劉氏合葬墓志銘

明故操江都御史恒山張公墓志銘

明故大中大夫太僕寺卿沙溪孫公神道碑銘

明故嘉議大夫都察院左副都御史東阜劉公神道碑銘

明祁州知州封奉直大夫刑部員外郎天方張公德政

碑銘

明故南京通政司叅議筦湖楊公墓志銘

明故富平令靜齋王君配孺人張氏合葬墓志銘

明誥封太淑人王氏合葬揚州衛指揮使李公墓志銘

卷之六

墓表

亡弟崇壽墓表

明處士王公順安墓表

明陝西行太僕寺卿喬公墓表

明故大理寺卿後菴李公墓表

海虞庠生陳君謹齋墓表

明勅贈承德郎戶部雲南司主事楊君暨 勅封太安

人武氏合葬楊君墓表 明故段隱君墓表

明故處士槐岡叔公墓表

誥封奉訓大夫宗人府儀賓質菴孔公合葬新鄭縣君

墓表

明贈徵仕郎南京戶科給事中懷雲萬公孺人賈氏墓表

行狀

宋古愚先生行狀

國家圖書館, NATIONAL CENTRAL LIBRARY, TAIWAN, R.O.C.

墓誄

明添注山東左叅政前大理寺卿龍湫王公墓誄

明勅贈工部主事孫公配安人常氏合葬墓誄

明贈徵仕郎禮科右給事中前南和縣史李公配封太

孺人胡氏墓誄

祭文

祭三忠文

祭母舅侯公禹服文

告曾祖文輔公祖松軒公立石文

祭海神文

祭侯大叅啓忠文

吊虔兵備王惟貞文

祭孤竹王將軍墓文

祭土木虞臺厲鬼文

恒山禱雨文

毀西寺告文

祭王汝賢文

祭言部照廳祭澤武仲衡文

代馮掌教祭王澶西母文

祭馬西坡鴻臚文

祭大姑母文

祭史封君文

祭張二守崇美細君龍氏文代諸鄉大夫作

祭妻弟段君晦文
祭東明子壻盧滂文

禱後嗣於大伾山文
祭林郡博乃翁朴菴文

謝大伾龍洞康侯祠文
祭清豐呂司諫乃翁文

祭贈光祿少卿夾江同年宿孺忠文

祭文簡公東川劉先生文
祭溫托齋宗伯文

祭太僕卿果齋楊公文

祭王隆吉併乃正趙氏夫人文

祭易臺山憲副文
祭妻弟張舜美於富村驛文

祭張五臺僉憲文
祭封君王惠菴文

祭東郭開始祖雲社翁文

祭曾祖考開化承及祖考松軒翁文

祭馬宗湯文

陞工部右侍郎祭始祖雲社翁及高祖東郭翁文

陞工部右侍郎祭曾祖開化承文輔翁及祖松軒翁文

陞工部右侍郎祭顯考奉訓大夫顯妣侯宜人文

祭泰和伯陳母楊氏夫人文

陞南京戶部尚書祭始祖雲社翁文

祭徐養齋司徒文

祭崑山天方張公入祀鄉賢祠文

祭大中丞端虹川文

祭姚司廳乃翁大壙文

祭主客司李正郎鳳川文

祭浮山陳振卿文

祭戶部四川司尤主事麒文

祭翰林邢雉山乃翁鉄橋封君文

卷之七

詩

四言古詩

壽養賢殿下南山詩五章

國家圖書館, NATIONAL CENTRAL LIBRARY, TAIWAN, R.O.C.

五言古詩

感何仲默過訪

送吳廷勉乃弟還莆田

冬至簡王公濟

漫興五首

苦雨嘆

喜涇野谿田二君子修西京全志一首

次沱村秋雨韻

贈三洲李公總憲閩中二首

題陳歷田素扇四首

寶鷄杞柳郵亭時與應徹菴對食

夢顏子一首

送徐令文卿之任武邑四首

送湛小泉守廣西太平府 宴集東園二首



國家圖書館, NATIONAL CENTRAL LIBRARY, TAIWAN, R.O.C.

言五言古
旬日幸舟遇風順詩以識之

雨窓偶念戒酒一年感念悼徃作俚言自問

送少司空笑齋龔公引年歸姚江

送呂巾石擢少卿南太僕 元旦謁 孝陵喜雪二首

五言長篇

閏七月兩日雨偶賦

壽彭澤陶封君仲文

次沱村侍御見訪韻

杏塢後園限韻呈在坐諸公

留別西溪二首

武擔山新亭成宴憲使沈少吳李鳳臺諸公一首

賀紀方伯西臯一首

恭遇 東宮加冠識喜一首

送少宗伯兩崖朱公歸楚

送蓮浦路道長出守保定

五月之二日雨忽如注喜而賦此

送駕部周正郎章巖少叅廣東

送高世昌永齊東一首

贈琴川陳瞻麓上舍一首

送近山羅掌科參政東藩一首 春初漫興一首 東元峯太史

送栢峯舊太史兵備秦臬一首

送春元晁生仲權北上

泉溪園宴集觀蓮率爾一首 兼申謝意

壽封君茫湖翁 喜雪十二句

送黃正郎壺淙出守常德府 虎丘山寺一首

吊仲雍墓十四韻 別少司空木山嚴公歸姚江

挽周大理令祖廣文先生一首 送少參張立菴之西江

過邵伯尚郵寶應三湖十四韻 東同年潘熙臺李春山

高氏館會大司成閔午瑄一首

禮曹舊館謝松溪公再訪一首

恒陽喜會楊大巡東江並賦文閣

喜張周羨生子一首 贈館陶令徐子後卿

送楊正郎明田倚廬詩 送司諫林心泉奏最北上

送陳子恩卿還海虞 賀待封會泉李君雙壽一首

送九峯俞廣文歸建德

贈大廷尉王崖余公入 賀 東大司成茅見滄

送春沂廬正郎擢守桂林 賀省親

送天泉潘正郎入 賀省親 送椒山楊副郎北上 送梅生用賓還江陰

送葛王郎雙石守河南

壽封君芝山呂公七十有五

六言古詩

訪澶東於城外草堂一首 贈大司成松溪程公一首

即事一首 送待封君李公南還一首

謝遂安伯陳北窓送桃李二首

國家圖書館, NATIONAL CENTRAL LIBRARY, TAIWAN, R.O.C.

七言古詩

辛丑季夏憂旱蝗二首

題李春城卧轍圖

晚宿河橋驛館一首

題胡與松道士圖一首

仲冬二十日雪幾盈尺兆喜有年漫賦二首

壽海虞張太守立齋七袞一首

壽杏塢劉公一首

次探梅韻東韓石溪

次直齋原倡一首東石溪司馬

問答碧桃二章東韓石溪屠直齋二公



七言長篇

喜雨

壽蜀王適菴老殿下

送水部謝三洲參議三晉 送孔文谷督學再之三秦

壽太師介翁先生七十又一

龍湖先生 寵荷飛魚詩以賀之

賀簡渠先生入相一首

庚戌春二月知貢舉一首兼懷往事

送大司寇治齋萬公北上

壽唐母太老安人九十有五兼賀令孫狀元

賀古冲李公冢宰兼述鄙况

贈長垣令劉吾溪

壽金母楊孺人七十

壽馮母太夫人七十四詩效栢梁十五韻

壽寅文芹山陳公詩

五言絕句

曉發張家灣二首

舟次德州

觀魚

舟次臨清

元夜雨

同年劉遠夫中夜扣門

贈沈綬歸海虞

曉發清豐

題張侍御元德墨竹手卷

夢中一首

城南懷楊遷喬

留別景前溪

黎城公館

見牡丹

夜夢趨朝

南關道中

過分水嶺

觀漳河源



贈表兄侯獻德

贈武仲衡乃郎

過伏生墓

在鄒平道中鮑家庄

簡邵思抑

雨中簡同年田文明僉憲

初夏十日演武

贈陶醫官埜

別桂舉人實

別貴溪楊子育秀

安義縣行署

與南埠飲玉巖館

天池寺

懷周僊

訪西林寺

至東鄉仍用前韻

送虛白殿下

送既白號友蓮一首

再贈陶埜

東林寺一首

舟過采石憶李白

過盤駝驛

贈劉方伯東溪之陝西

贈石庄柯大行

平定州

渡桑乾

贈麻總兵

宿懷仁寺

贈時陳總兵

別許正郎

應州喜雨

凌井夜興

宿臨洺驛

過灞陵橋

晚渡潼川一首

再過松林一首

雨後四首

東康太史礪峯四首

送箬溪顧公北上四首

舟次潞河懷彭草亭

國家圖書館, NATIONAL CENTRAL LIBRARY, TAIWAN, R.O.C.

重九樂城館漫興二首東楊東江侍御

盆菊新酒送孫子龍乃堂一首

題邯鄲令嚴寅所雲望南山四首

走筆二首東張石川

正旦午後日食早先有雪喜懼交集二首

七言絕句

浮山十四歲時送沙東舅氏 挽亡妹大妹卒於海虞人葬祖塋之次

臺上黃花在平陰作呈先大夫 暮春撥悶

登王朝章客樓 陪祭宿昌平館

送唐仁夫陞南京水部 送焦蘊德養病

夏日即事 送宇寅之

憶海虞東同年胡縣令世高 繫錦獄辛未夏也以踈狂言事

秋蟬感懷 別景前溪

邨成家留題辛未出京也 舟次天津

夜泊德州 舟將至武城偶值風作

鄭家口夜泊

御井甘泉 此吾郡八景

洪洋積翠

清河漁唱

西湖秋水

長樂春容

龍湫煙雨

東寺曉鐘

楚臺夕照

漫興

觀鷓鴣

園中偶成

中秋聞鶴

東岡寺

撥悶

七夕

悶坐

穀雨日東方山張內翰

懷柳泉諸君子

連窩道中

舟次張家灣

錢可容陳允默見訪有作

城南邸舍懷前溪

懷呂涇野

市酒江魚送何仲默

大復館見藤

飲大復館

城南聞鐘

城南約百愚不至

懷韓汝慶

東太史許思仁見訪

答張文光

惡蠅

城南邸舍簡陳佑卿

謝屠文伯惠角黍

飲許思仁館

感劉紫岩枉訪

飲寶司諫館

留別屠文伯

題錦衣王景暘冊葉

臨潭道中

除日

春日懷陳公錫

懷屠九峯

寄林縣馬敬臣

山中回偶成

贈許思仁

贈何仲默

贈屠文伯

秋雨別黃子

代孝義閔大尹送陳憲長

代大谷陳大尹送陳憲長

次黃時庸韻

貢院夜坐

贈張子還沂州

贈陳子還南康

贈海虞唐太行

初見杏花

盤中杏花

南關驛

題何憲使卷

次王虎谷原韻

除夜

端午採蒿

登紫巖寺

簡潘熙臺

懷王君佩

觀海四首

簡郝愚夫

張秋道中

時予為登州同知

簡劉子靜

王耨店鋪

昌邑

棗園鋪馬上口占

贈萊州郭二守

贈浦汝器之洪洞

贈族人繼道

贈族人繼先

舟過蘇州

簡徐臨江

信一
卷之三
金
懷胡可泉

行署季冬八日感老母誕辰

觀射演武場呈周克之

吊許子忠節

次初亭還字

次西字

寄臨江徐太守養齋

送陳中丞石峯

謝陸少叅約賞梅花

簡田文明

懷林二山

梅花六咏簡周玉巖

聞鴈

東鄉道中

金谿道中

上清宮

暮春懷徐臨江

進賢雨中漫興

送虛白殿下復號契蘭

曉發南康

彭澤贈陶處士

彭澤舟次寫懷

喜陶仲文惠藥

過采石憶李白

答清江浦李副郎思德

城武堤

磁州道中

武安道中

黎城館

襄垣道中

沁陽公館

盤駝驛

徐海公館

榆次寺院聽同年張字溪彈琴

書陽行署

題東溪圖

代州元夜

鴈門關

廣武驛

山陰觀射

言一
題山陰梅月圖

雲中

朔州暮春

渾源州壁上梅花

雲中懷周秋齋

憶雲中

忻州率諸司禱雨

贈鳳陽郭勳

靜樂縣道中

題張仙三峯圖

送劉既道

蚤春漫興

咏黃菊

紅菊

白菊

紫菊

題運使薛漳涯卷

謝馮掌教惠元宵團

贈馮掌教壽星圖

春日登楚臺

暮春撥悶東劉木塢

次近山原倡贈西巖子

別徐同知松菴還瀘州

喜晴

望秦州八卦臺

賞牡丹後喜雨二首

吊沁州張封君四首

次沁村野望原倡四首

再次自韻四首東史沁村

除夕愴懷二首

送許四峯乃翁歸餘姚

題五老觀太極圖四首

酌沁村宅小山聽泉

宴史沁村對雪四首

題馬震從對月彈琴圖四首

次尹朔野賞牡丹原倡六首

雨中東史沁村道長四首

憶雲中四首東周元帥

送鍾文正丞偃城驛二首

登金佛硤漫興

題張桃坡畫

丙午二月五日小衙杏欲開花對之有感漫興二首
鳳翔公署漫興二首

青橋驛過鷄頭關即棧道盡處下望漢中皆平原也紀

興二首

松林驛對雨

三益驛公館漫興

鳳翔公館對竹

別滄江及其弟滄洲一首

別友人吳劉李趙二高張王談曹及徐翟楊諸君子於

郭外一首

臨潼館坐對南山

過偽周武氏母后順陵四首 鳳嶺道中寫懷四首

武關驛使童僕補窓隙戲作一首

馬道至青喬驛口占

沔縣東舊州河水暴發停車坐待頃之得渡

五丁峽一首

神宣道中見水車

過廣元千佛崖

塩亭縣即事戲作

秋林道中三首

中江會成都方湖王戶部對酌二首

過石亭渡河一首

送紀西臯憲長北上四首

十月九日初試業武諸生於演武場四首

觀老梅二首時餞皮西屏廷尉

言
季冬八日見園中菜花率爾漫興二首

送司諫劉岷川北上二首 范陽四章贈判府徐子

丁未立春四首

同沈憲副少吳至新都館楊亞卿宅四首

喜何總兵平番報捷二首 晚衙兀坐走筆戲作

禱兩郡廟及南瀆祠是日聞易公訃三首

懷史泥村吏部一首

懷馮松菴諸君子會試京師一首

聞妹春鳥以禮始生孫一首 仲春懷後菴澶西諸君子

太平宴一首 送譚秀才鳴岡歸石泉二首

郭錫九遷近不見進修消息詩以問之

得猫之捕鼠二首 謁宋潛溪先生祠堂二首

再過褒城一首 鳳縣聞張僊事戲筆一首

丁未秋八月訪同年蕭平麓一首

訪同年田四山一首 題郭僉憲深心圃二首

訪醉翁亭二首

會于雲心張四峰二年丈一首

太僕扈會溪召飲於醉翁亭詩以謝之

送少司成盧涑西一首

訪甘泉夫子書院漫賦二首兼謝趙湛二子

挽封君甯東郭二首

訪水部裘魯江留酌一首

上元祀天妃廟一首

郭守備惠虎肉二首

四月二十三日雨識喜一首

水部右堂即事二首

喜雨寫懷四首

孝烈皇后會葬識哀呈同事諸君子

直齋屠公山房對月一首

善瑞章四首贈鴻臚孫子鳳

壽年家劉上舍又乃堂太恭人二首

喜馬子端見訪

訪南錦衣李一山一首

喜田四山年兄見訪二首

題詹封君石泉翁山水圖

喜周總兵渭崖捷報長安一首

送登豐李少尹元英二首見別意

送宗人經府聞西川二首

喜雪二首

憶客星亭二首

春祀 長陵 諸陵二首

自述兼發素况二首

感往事四首呈龍湖諸公

喜雨再賦一首

喜侍御陳行菴過訪兼憶大竹公海上舊遊作四咏

過呂翁祠四首

貢院至公堂即事四首

東馮松崖四首兼寓期待且自述也

閏六月望雨東馮松崖四首 漫興二首

王泉溪送蓮花一莖詩以謝之

池河曉發

再過滁陽二首

東顧箸溪

小春漫賦東直齋太宰

訪譚憲副過鷄鳴山寺

次韓石溪原倡四首

次韓石溪司馬

近作二首東韓石溪

元宵日雨三韻

直齋宅問梅留酌

憶老君堂一首

題沸水巖寺一首

望白龍祠二首

憶東麓先生水心亭二首

子游巷一首

煮石山房二首

邀石溪直齋二公一首

再用初韻東屠直齋

清明日謁 孝陵夏西溪留酌

東韓石溪

三月十日奉常陳芹山錢景山邀賞牡丹

挽建德俞文峰方伯

走筆四首東石溪公

登燕子磯四首

憶石川戲題鄭羽士卷

舟次真州東王蘖谷年丈

廣陵道中別石川銀堂二首

東中丞許少華二首

東兵憲趙浚谷二首

賀年家張東泉生擒虜酋功拜錦衣四首

有感少湖公借館蕙蕪謝望湖相訪二首

東康礪峯太史二首

懷滄江伯仲一首

得趙浚谷書喜其練兵著聞二首

喜全太史過訪二首

順德公館題小軒

贈同年楊道長師文乃正李節婦二首

沱村宅喜會澶東澶西二首

聞鶴兼寫懷再次初韻東程澶東

再過宿州寫興二首

北蕭園鋪王氏華館

喜會王侍御槐軒開筵龍興寺越翼日復約醉翁之遊

漫賦四首

江上舟中懷王道長槐軒兼附謝

問梅一首東屠直齋

石溪公邀觀白梅二首

再東韓石溪二首

謝箬溪公見訪二首

顧箬溪留酌二首

碧桃將吐東韓石溪

再用原韻東韓石溪

東呂中石一首

碧桃約會東屠直齋

東顧箬溪大司寇二首

東韓石溪二首

暮春七日再賦苦雨二首

問答碧桃二章東韓石溪屠直齋二公

走筆口占次劉山泉年丈喜周文川北上一首

卷之八

詩

五言律

送衍聖公還曲阜

會馬君卿席上偶成

寄馬君卿

舟次簡王公濟

西湖寒望

過顯瑣城

登水山寺

贈華秀才

與馬君卿

重陽風雨

沁州夏日漫興

簡崑崙張秀才

聞馬百愚實授御史

懷王遂伯守衛輝



國家圖書館, NATIONAL CENTRAL LIBRARY, TAIWAN, R.O.C.



詩五言律 卷之八 詩目

三十三

懷李東昌王沁水

簡楊乾叔

蘇州道中

褫亭漫興

季冬懷劉汝甲

送太守馬公之澤州

代祁縣田大尹送陳憲長

貢院簡同事諸君子

次劉汝甲夜夢趨朝韻

謝何千兵邀賞牡丹

雨後撥悶

沁州懷龍孔錫

贈宋廉夫

西郊馬氏宅

會諸同年於平野館見梅

與林二山訪陳葵湖於章江舟次

聞鴈

舟泊金陵江口戴承緒道長見訪

魚臺書懷

金鄉聽雨

祁縣夜坐

長至日在平定

代州夜懷

冬日懷潘熙臺

應州漫興

撥悶

馬邑即事

題許正郎具慶圖

仲夏懷王玉溪

季春懷王蒼谷

懷舒梓溪

贈王朝重

晉祠

文水夜懷

會玉溪子

草堂即事

早起

秋晚懷呂涇野

再贈王溪子

夜夢趨朝

對雪

冬陰

謝王溪惠書茶

贈程澶東會試

秋日懷海虞陳東麓先生

望韓信嶺

草堂獨卧

見牡丹

贈清豐蘇雙栢亭選北上

送高孟門去最北上

杏塢園中見薔薇

次趙長山帝王龍湫韻

得田兒文宗試題

秋旱喜雨

真門人史粲初入郡庠

送劉若澤分教滁州

東史沱村

懷湯溪鳴泉殿下一首

贈洪洋中丞撫關中

懷總制劉松石年丈

懷晉州張中丞一首

吊濮州郭朝儀一首

王來濟宅見鴛鴦獨戲池內率爾賦此

送張三山餽餉北上

送陳生德成

送晁生君石

送宋生道信

送馬生子恒

示兒田一首

雨中將訪沱村走東申意

對雪一首東范栢峯太史

再次前韻東朱南川節推

聞霍詹事尚書訃詩以悼之

送中山吳明府入覲

送吳少山會試

詩三言有
次前韻東栢峯太史二首 曉霧一首

送朱戶侯歸恒山

辛丑暮春喜雨雪二首東栢峯太史

對雨

夢先宜人教增祭品感而賦此

八日喜雪二首東尹朔野

立春日復雪喜而有作仍用前韻

次朔野韻二首

觀魚潭上燕閱武八首東尹刺史

次尹朔野初度韻四首兼述已志

題文朴齋圖

癸卯春暮聞鴈門卿寺虛齋戲而賦此聊以自笑

東余僉憲草池二首

中秋望前一夕共酌對月一首呈杏塢沱村二君子

城南宴集郭氏庄一首

暮春與澶東柳溪對酌再用前韻

賀孫右川水部乃堂貞節坊成二首

再用韻東右川

送劉君澤掌教文水

聞王澶西辭大叅歸率爾賦此

雪後訪柳庄馬翁於卧榻留酌

乙巳閏正月一日城南觀魚既而杏圃習射二首

春日懷韓苑洛年兄

馬對湖造舟初成邀予泛湖春賞漫成

新鎮道中有懷王大任侍御一首

衛源驛喜濬令魏安峯入膺臺召一首

清華道中口占

孟縣曉發

洛陽新安道中口占

乾州問乾陵一首

偕舊同寅張桃坡謁潛夫祠一首

訪徐僊翁洞一首

仲秋懷王羨陂太史一首

送存一府二郎號滄洲一首

文竹存一諸殿下邀遊空同山四首

送趙浚谷酒一首

乙巳季冬三日夜半後夢先考妣覺而援筆書此用識

餘哀

次趙浚谷韻二首

再東浚谷一首

贈羊山別號一首

立春先一日寫懷

季冬閔雪

西溪池館春酌

鳳翔道中漫興時二月清明日也

晚宿河橋驛館一首

新鳳道中山水亦佳漫興一首

武關驛得漢中朱太守遣使來迎漫成一首

漢中公館遇雨漫興一首東楊恒南趙青壁

別東溪繼善松月東牧守誠友竹存一卷賢安愚南牧

西牧諸宗室時丙午四月五日也

謝韓府諸王將軍餞別一首懷三原谿田馬公一首

曉發松林次安山驛午飯一首

沔縣城東謁諸葛武侯祠墓

飛僊閣一首

隆山驛聽雨二首

柳邊驛秉燭見石洞庭後

晚渡潼川一首

重陰四首

重九日懷孫右川水部

重九日懷晁春陵內翰

早起即事二首

除夕漫興二首東藩臬諸君子

撫公東沙移文禱雨東前溪夢山二君子

白草歌

平市價一首

杜淫祀一首

謹大婚一首

正童蒙一首

丁未春二月十七日再得生孫之報喜而有作兼憶應龍

舍弟崇寶及田兒丙午俱場屋下第詩以勗之

三月十七日將旦始喜聞雷

聽蚯蚓偶感一首

別大叅鄧龍山一首

太常公署齋居一首

謝京兆蔣東瀾李沸泉召飲於貢院一首

仲冬晦日小雪一首

季冬朔大雪再賦一首

季冬十七日立春喜雪一首

春寒一首東湛小泉

挽節婦貞女一首代王傳巖作

四月二十三日同洪洋沃焦諸公至西內觀旋坡臺一首

贈耿君忠菴尹休寧一首

送王槐軒出宰陽信一首

春雪

春初即事兼述鄙况二首呈毅齋宗伯

送陸小峯出宰黎陽一首

遣使迎古冲少宗伯於南都一首

別葉柳亭一首

次甘霖慰衆原倡二首東李陶山刺史

送馬以禮還寧夏一首

孟秋宴香塢宅一首

贈徐生汝再一首

宿州述懷二首

別南康陶子孔啓一首

人日拙句東屠直齋太宰

春懷東萬治齋宗伯

懷鄧梓堂聘君

懷陳中丞虞山

曉發瓜埠東張石川銀臺

入賀喜張正郎聯舟

舟次會趙麟陽道長一首

舟次天津東劉兵備白石

送龍川孟春元

言三言律
太僕余玉崖雷古和諸君子召飲瑯邪寺一首

除日

送大廷尉一泉郭公北上三首

元夜

月食

望茅山二首用王陽明韻

七言律

次文宗顧先生宴諸進士韻

送馬君卿尹固安

送顧桴齋先生守馬湖

送劉天儀謫廣西

送李四順歸錫山

送呂涇野養病

送同年王夢弼尹朮陽

送王虎谷養病

舟中次王公濟韻

蕭家林道中

次張刺史汝隆韻

懷馬柳泉

次黃時庸十四夜韻

次黃時庸巖字韻

送汪朝宗還長垣

與龍王政燈下論舊

贈王宗尹之任文昌

贈馮太守黃雀來翔

題瑞鶴卷

次明遠樓韻呈曾憲長

次曾憲長韻

舟次揚州會屠文伯

次柯大行原倡

馬邑道中

贈許正郎

贈王用章兵備天雄

望太和山

題僊翁圖贈趙洪洋

挽高柳泉隱君

送傅彭原舊學科

送李吾西之漢陽

暮春有懷可泉年兄一首

送石首劉僉憲竹雪

庚子上元夢子岳之兼懷馬君卿一首

送秋卿施文岑之金陵

次杏塢西郊晚眺韻

范栢峯召飲重華亭偶成

范栢峯枉訪論事詩以謝之

送北岡邢道長憲副浙江一首

讀任太守南嶠陰德傳一首

次張石川潞河舟中韻二首

送范栢峯判大名

會范栢峯於龍潭喜雨亭一首

吊仲由祠一首

望長垣學堂岡一首

尹朔野初至開州

雙梧軒

送金陵張進士石塘南歸

題魏東麓怡親卷一首

代族弟崇寶送辛廷相得子一首

題蔣虹泉雙壽卷

壬寅夏五雨喜而有作

後五月朔喜雨仍用閔雨韻 再用前韻二首東朔野

壽郡侯尹朔野一首 送朱南川考績北上二首

聞邊書告急偶成二首東朔野

送星子鄒掌教鵬之任新城

喜劉松石年丈過訪用張貞齋原倡一首

送郡傅周北臯歸固始

朔野召飲話別用少陵忽漫相逢是別筵起句遂成一首

送范栢峯之金陵 壽郡侯陳歷田一首

湟中詞次孫豐山韻送劉竹瀧

挽陳歷田令女一首

癸卯秋八月二十八日宴集澶東宅漫成

識田兒未舉場屋仍用原韻二首東澶東

送史沱村道長判滁州 訪張羽人於東觀一首

甲辰八月念六日得孫識喜四首

送醫官王商賢致仕 送王南塘入選

送蔡伯坡審理周府 咏寧陵范太守牡丹二首

孟津道中 駐義昌驛

張茅道中一首 次闕鄉即事一首

過朝邑吊同年韓五泉一首

自潼關西入朝邑諸邑久旱得雨禾黍甚茂喜而賦此

邠州懷古

金佛磑道中時與李春城少卿同行

八月十二日漫興一首東趙浚谷太史

仲秋懷王蒲菴司徒一首

鎮原再會舊同寅張桃坡喜而有作

過涇州王母宮一首

王母祠下得一兔旋令放去紀興一首

宴集浚谷宅

重九訪浚谷太史留飲一首

舊寅長張桃坡訪予來自鎮原近欲辭歸詩以留之

口占撥悶

識亡叔大章丙丁好好一首

長洲王留宴賦詩一章申謝

華亭會登州門人劉掌教鏞一首

隴州重會王別駕南塘

過沂陽憶邑令吾開李公漢卿一首

鳳翔行館有懷北村大司馬年丈一首

鳳縣口占呈應公徹菴兼致別意

再過武關是晚至馬道驛

宿馬道驛次九山甘公韻一首

過邠州西大佛寺一首

磁澗燈下次中丞吳耐菴韻一首

松林道中一首

富村驛見年家呂幼通壁上之作一首

思賢舖道中吊懷杜子美一首

古店小歌口占 丙午鹿鳴四首

送成都高子玉諸進士會試北上二首

送心齋陳憲副歸閩一首 送木山嚴方伯入觀一首

重九日懷少司徒趙洪洋一首

暮秋懷苑洛年去一首 壽張東沙中丞一首

壽德陽王老殿下

青羊宮漫興兼喜沈少吳紅梅之約

浣花溪登樓一首東臬司諸公

正月九日同沈少吳易臺山徐東墅訪温托齋宗伯園

亭一首 早春謁諸葛武侯祠一首

重過浣花溪杜子美祠一首 病齒飲承氣湯一首

喜平白草番夷一首呈東沙中丞

來鶴詩一首贈德陽訥齋府 壽封君果齋翁七十三詩

花朝會曾前溪羽夢山李鳳臺陳前山諸君子於武擔山

亭一首三月初三日也 送憲副陳前山奏最北上

得春闈中式川中凡十四子二首

暮春重集草堂二首

丁未入 賀得南京太常卿除書兼舟次寫懷四首

丁未入 賀喜會慧岩大宗伯一首

次少司寇劉春岡怡椿軒原倡

詩贈王生來麒來鳳廬慕一首

壽長樂張先生八十詩

送顧二守擢守蘇州兼憶往事

喜苑洛年丈新拜南都大司馬一首

汪春谷沈鳳岡王傅巖召飲靈谷寺一首

訪前溪景年兄宅見乃郎擇喜而賦此

送吏部趙益菴正郎兼憶海虞一首

壽錢封君思竹翁一首 送范栢峰參議蜀藩一首

別海虞陳上舍瞻麓一首 送王巖潭出守九江一首

別夏公西溪一首 賀汪春谷新拜奉常一首

過邯鄲再訪呂翁祠一首 聞長子野始懸弧喜而賦此

送年家汪理問之任貴州兼慰鼓盆

送兗聖公新襲入 賀 送吳筠泉歸省一首

次燕峰少司寇玉簪花原倡四首

壽同年東畬錢公七十又七二首

送馬以禮典寶慶府一首 送侯憲僉之任三晉一首

十月十八日先公漸齋忌日也謹成俚句聊發衷私

送年家王蘆泉宰石首一首 送郭泐陽尹恩縣一首

上元邀孫迂齋諸君子觀燈一首

元夜後三日邀太史郭東野諸君子漫興一首

送太宗伯程齋盛公歸海南一首

送大宗伯毅齋公歸華亭一首

送劉正郎沙洲榮差儀真一首

送陳道長小江按廣東一首 送太史呂巾石還建業一首

送莫道長沙岡還南都一首 送申寒泉奏最還固始一首

壽待封君賈前溪六袞一首 壽兩齋宿

送松江舊同府王常菴還保定

送劉道長龍田補丞歙縣 再賦閔雨一首

聞雲中周元帥渭厓計討以悼之

漫興自戲一首 喜會劉一巖僉憲一首

挽中峰少司馬一首 送春元潘子毅軒南還

壽太宰石塘公七袞四首 送黃門張之菴奏績南還二首

送紀山曹道長按西江 壽太京兆李公沸泉一首

送司諫少郭雷公還建業

送胡僉憲青巖督學西江一首

贈琴川陳瞻麓上舍一首

送太保石塘聞公引年歸隱二首

送惠岩顧公給假還錫山 壽鳳巢王大叅八叅二首

送槐庭宿侍御按浙江一首

送禮部儒士盧生汝壽還東明

送駕部楊後峰出守嚴州府 送杜滄涯守池陽一首

送鄒慕直道契分教陳留 送王子際明蓮幕秦州

送張涑溪擢憲副提學廣東

聞苑洛年丈四疏歸隱率爾賦此

送南光祿王鶴泉還建業 壽張東泉一首

送林東湖別駕開州 送劉蓮幕汝徙還潁州

送東萊鍾太守省菴還任 送儀封令葛子子才還任

送賈伯脩丞即墨一首 送海村劉公之任南太僕

送國醫王子東陽歸夏津一首

揭曉後漫賦一律呈龍湖總裁及南野學士

喜唐狀元一首 別劉西泉一首

送信陽孫司訓之任深州

喜會尹侯朔野一首並見別况

喜雨一首東郡牧李陶山

送年家王經府之任台州一首

送彭東溪榮膺 內召一首

喜黃池周進士來訪一首 再過寧陵一首

言一
庚戌八月七日謁 孝陵西溪夏公留酌漫興

送司諫岑南萬公奏績北上一首

喜再會西溪夏公一首

中秋寫懷兼示郎署諸君子二首

題石溪公雙鹿應期一首

送大司寇若溪顧公北上一首

甘泉書院會呂中石諸君子一首

送泰州一中張鳴皋

贈范醫士二松

戲題黃木香花在堂後南軒池上

送龍岡朱副郎擢任北戶部 送少司徒礪菴方公北上

送少司成涑西盧公考績北上

送李一吾司諫憲僉廣東二首

送茅正郎憲僉廣西兼述鄙志

送王正郎隅齋出守贛州府

齋宿部中火房得鄙詩四首柬松泉

送海虞陳敬軒歸田兼致壽祝

舟泊龍江驛口柬鎮江申太守紫崖

張石川約登金山不果賦此奉答

舟發儀真承石川公約廣陵召飲甘泉書院

訪李春山年丈一首

舟次揚州兩始沾足詩以識喜

送年家賈主政平軒內艱歸里

送戶部李副郎右山 送林正郎雙臺提學三楚

喜邯鄲嚴令寅所應臺召北上

次皇甫百泉原倡一首 季冬寫興一首

送何正郎大壑述職北上 送蘇州金太守雙渠考績

聞桴齋先生入祀鄉賢喜而賦此

送魏大叅及齋之汴藩 送王侍御連川考績北上

贈待封竹村先生一首

禱晴後復雨詩以識虔用告同志

壽大司馬石溪韓公一首 引年未允勉賦見志

送禮部初臬劉正郎守寧國

壽待封君存耕李翁詩 贈竹濱李錦衣兼寓期待

送北川韋少監 賀年家王錦衣得子一首

送榕洲張侍御 送謝吾溪出守廣州府

送侍御趙君南臺北上

送鴻臚黃九峯入 賀兼便道省親

壽川中甘母太夫人一首

贈先太守趙雪崖及仙郎路島洲大叅

送沈進士師節入試春闈 送鳳墩阮使君考最北上

言十言集 卷之三 壽箬溪顧公行年七十一首

送大總戎劉雪麓鎮廣西

謝潘醫敬夫一首

送趙正郎特峰運同兩浙一首

長至一首東王太史槐野

送陳正郎團山出守南寧一首

次箬溪公自述兼寓鄙况

賦

遊僊堂賦

吊顓頊陵賦

吊巡遠賦

登西巖臺賦

卧龍賦贈陳子敬

吊馬東田先生賦

海鶴賦壽郡大夫陳歷田 賦孔子悲麟圖

贈言

金溪先生集目錄

五

歌

吊范節婦歌

效堯民歌五章



國家圖書館, NATIONAL CENTRAL LIBRARY, TAIWAN, R.O.C.



端溪先生集卷之一

門人汾陽孔天胤編次建業張蘊校刊

奏疏

論逆瑾疏

戶部山東清吏司主事臣王崇慶謹 奏為開言路達民情以
 昭 聖德事臣惟自古帝王之治天下如人之一身必血脉流
 通而後百病不作少有壅蔽則元氣一否而百脉隨之始乎四
 肢終乎心腹尋至不可救藥此理勢必然無足為恠故言路者
 人主之脉也天下所係以為安危者也而可一日塞哉臣有感
 乎 陛下近日之事矣敢昧死一言可乎夫自劉瑾當政以來



已五年矣中外臣民劫於積威垂首喪氣莫不以言為諱者夫以言為諱豈聖世事哉臣所以懇懇乎惟望陛下以開言路為急也今天下之言路塞已久矣四方雖有奏本之陳祇皆泛言不切虛應故事乃若關乎利害之重者誰肯為陛下言之隱乎幾微之細者誰肯為陛下言之涉國家之要務逼權勢之可畏判與廢存亡之大計者誰又肯為陛下言之縱有一二欲為陛下言者彼劉瑾固已壅蔽之矣豈徒壅蔽之尋又以竒禍中傷之雖有忠臣義士誰不傷心而又何敢言哉夫天下之事亦多矣人不為陛下言則陛下孤立於上果何由而知之耶臣所以中夜撫枕而太息也陛下自遣張永西

平寧夏以來首擊劉瑾降為奉御歷數其罪布告中外傳聞之餘人猶有不敢信者夫使人而至於不敢信則其氣焰聲勢之入乎人心者何如哉今中外之人無間老幼莫不歡欣鼓舞以為自今眠者始帖席食者始下嚙死者始安於地下矣凡劉瑾之黨與鷹犬一時驚潰奔散束手請罪殆惶汗無地乃知天地祖宗所以陰啓陛下維新之治者非偶然也臣興言及此有不勝流涕者矣敢不詳細言之彼劉瑾者包藏禍心窺伺神器已非一日觀其形迹動以忠良自許而夷考其實則深刻險恠逆謀已著天下所共切齒方將肆不軌於一朝而鬼神已奪其魄矣陛下若之何而獨不聞乎今已知其惡矣若之何而

不重治極法以雪蒼生之憤乎 陛下萬一釋此不治則 天地祖宗謂 陛下為何如 先帝在天之靈謂 陛下為何如 天下萬世公論謂 陛下為何如 臣雖愚昧固知其斷不可也 今四方水旱之相仍盜賊之橫逆亦已甚矣民之憔悴於暴征橫斂死於非法之下而含冤呼天者亦已衆矣縉紳士夫元老大臣一時為 先帝之所親信愛惜者則視之無異僕隸草芥斥譴罷去鞭箠唾罵者已無餘矣國之紀綱法度皆 祖宗區畫周悉萬全則隨意可否無復忌憚紛更亦已盡矣今年曰遼東清理屯田明年曰寧夏清理屯田而卒以激不測之變今日曰某官為某事例該充軍而為民明日曰某官為某事例該罰

俸而調衛邊軍邊匠之不舉則害並及乎兩隣起復養病之遺限則輒以令其罷職京師之店房連雲相望而貧民之居址不恤也法司之議罪不原情之輕重而咸以已之喜怒為取舍也 搖尾乞隣阿意婢膝小人為赤心報國也正氣獨立少存節槩而一言或忤者雖君子亦黨惡不忠也擅 陛下之威福以恣其私窮鄉遠邑孤兒寡婦之哭傾家蕩產在在有之傷天地自然之和喪四海樂生之心莫此為甚其間頑鈍不耻之徒公行賄賂以求進用以求免禍而自以為得計者又未易勝數三四年來名器之濫已極而士風漸以成俗恬不知恠所謂國之元氣已索然矣四維不振尚有過於此時乎夫四維不振管子以

為可以亡國臣安得不慮之深言之詳耶今天下軍民怨氣滿腹皆欲食劉瑾之肉飲劉瑾之血尚未足以泄其怒也臣愚以為即民心可以上占天意彼劉瑾得罪於祖宗得罪於先帝得罪於天下固已極矣伏望陛下念列聖基業之重思先帝顧命之言廓日月之明而不為他巧以惑聖心奮雷霆之威而不為姑息以累英斷速將劉瑾正名定罪加以典刑至其盔甲若干弓弩若干長刀若干龍袞若干牙牌若干仍究所以造此何意所以治此何人然後從而並治其罪則雖粉身碎骨可也以此而謝祖宗以此而謝先帝以此而謝天下曰朕誅劉瑾與天下共誅之也太監張永平賊有功安靜為國

則昭示褒賞曰朕賞張永與天下共賞之也夫人君所恃以治天下賞與罰而已矣賞當功則天下自無不勸之善罰當罪則天下自無不懲之惡故書曰天命有德五服五章天討有罪五刑五用此臯陶所以佐舜而享安民之化也臣敢望陛下下哀痛之明詔以收渙散之人心急遣大臣祭告六陵則亦豈非千古一快哉臣責非言路出位妄言之罪固知不免然狂夫之言聖人擇焉是亦痛先帝而報陛下之職分也惟陛下大恢堯舜之度以納小臣一得之愚乘此清明之機以成大有為之治日與老成大臣老成近侍問民疾苦圖惟化理凡一切劉瑾罷去諫官老臣一一取回復職死者量加旌褒以

慰忠魂於地下凡各處鎮守太監有害及生民者各取回別用
凡京城術士妄言禍福者一一懲治逐去以正人心凡先前緝
事旗校以恐嚇取人財物者一一查出問罪以為小人生事之
戒凡災傷去處量加免徵夏秋稅糧以蘇數年疲憊之民凡各
邊軍士務擇良將統御有功者勿奪使之得以伸有罪者勿免
使之因以勵仍將劉瑾私財量加給賞以固邊疆之氣凡一切
奔競無藉以財而進用者照名罷黜以示名器之清凡中外利
之當興未興害有可革未革者悉照 祖宗舊制許諸人直言
無隱言有可采即行之言無可采即置之則 朝廷有受言之
地而人心無壅蔽之慮如此則天下回心而向道世道一變善

惡分明 宗廟社稷之福萬世無疆之休宜無大於此者惟

陛下留意臣不勝至願親齋謹具奏 聞伏候 勅旨 正德
五年八月二十四日奉 聖旨這所言有理劉瑾變亂法度害
及軍民激變地方致傷和氣包藏禍心私蓄軍器逆謀既露該
多官會問明白已正典刑張永外平叛亂內除姦賊為國有功
朝廷自有恩典其餘事情該衙門看了來說欽此

救宿進疏

戶部山東清吏司主事臣王崇慶謹 奏為懇乞 聖慈曲赦

小過錄用言官以光 聖德事臣聞自古帝王未嘗不以言而
興也故堯舜有進善之旌三王設敢諫之鼓漢文除誹謗之木

天下至今稱之不衰凡以樂聞真諫而已仰惟我朝 祖宗開國之初首以言路為急凡軍民利病例許諸人直言無隱 列聖繼述世守無替百餘年來海內乂安鰥寡無蓋奸雄染指神鼎而不敢動動而必敗者其精神命脈實在乎此所謂監于先王成憲其永無愆者也近惟 陛下削平叛亂以安宗藩誅鋤權奸以消禍變每事務從寬大以振復雅俗凡一切政令不便軍民者悉 詔查革改正以維新治化 皇店之禁見者快心歲賦之蠲聞者揮淚自京師而四方莫不歡聲雷動焚香祝天以為 陛下聰明英武乃一旦改操易轍如此乃一旦納諫如流如此乃一旦疏通壅蔽以開天下太平之基如此若有天地

神明默啓之者方將拭目以望治也 臣謂難得而易失者民心也以天下數年離心之民顧乃轉移如此實惟世道一新之會也夫乘一新之會而不加之意柰何望天下之治乎言路者治之機也人主之脉也當今急務宜無出此 臣謹按刑部主事宿進偶以疏奏上 聞意者不知忌諱誤瀆 宸聰誠為有罪但據其職分雖不免於出位而原其本心實不過於愛 君夫其心愛 君則其情可矜矣其情可矜則其狂可恕矣 陛下乃令錦衣杖於朝削其官令其為民京師內外聞之莫不震恐且繼之嘆息蓋皆不意 陛下蒞政清明之初又有如此之舉 臣謂去一宿進雖未足以傷 陛下之明然以人心叅之頗若為

美政之累諫臣杜口古今大患也夫知其為患不以為患可乎
向使宿進之言是天下必望 陛下採擇以為 聖治之助使
進之言非天下必望 陛下優容以勵敢言之風且進之言臣固
不知其詳然觀 陛下所以待之者如此則固可以占其言之
直也古人有言君明則臣直今宿進之言直是 陛下之明也
以 陛下之明而不能遂臣竊惜之自劉瑾蔽主專權阻塞言
路四五年間一時端人正士斥逐鞭朴者殆盡天下囂然喪氣
無不以言為諱者夫以言為諱固非 聖世事也人性莫不好
善而彼獨反之此瑾之所以得罪於天下也今非其時而其事
猶有存者臣竊痛之况今天下多事盜賊蜂起兼之頻年水旱

災異屢作財賦竭於東南兵力疲於西北流移之民死於溝壑
道路者在在皆是此誠危迫之秋也而人心猶思太平言官不
避禍難蓋感陛下近日之政漸將復累朝之舊亦以追念
先帝之深仁厚澤而不忍忘也千載機會時不可失夫事有可
為而不為臣竊憂之伏望 陛下明開日月永鑿壅蔽之源量
普乾元曲示生成之造俯察臣愚一得之見以安天下久叛之
心仍復宿進官職將臣放歸田里以贖宿進之罪使天下聞之
史官書之萬代而下皆仰贊 陛下之聖德雅量足以光配堯
舜豈不偉哉臣亦出位妄言者也固知罪在萬死惟 陛下少
霽 天威 廷詔大臣議臣之言必使言路開人心悅無為

聖德累 祖宗之光也 社稷之福也天下之幸也 臣不勝倦
倦齋捧謹具奏 聞伏候 勅旨 正德六年六月十七日奉
聖旨王崇慶不修本等職業出位妄言拏送鎮撫司打着問的
明白來說欽此

論新政十三事

江西等處提刑按察司僉事 臣王崇慶謹 奏為應 詔陳言
以圖治安事 臣係直隸大名府開州人由進士先任京職歷陞
今官伏念 臣本以農家草茅偶叨科第諫之賦性愚魯常恐上
負 天子下負所學虛曠歲時為愧為懼今年五月領憑赴任
間因過原籍祭掃本州知州龍大有報 臣以 聖詔到州 臣伏

而讀之皆 王政之大者內一款則軍民利病許諸人直言無
隱者欽此欽遵 臣用是有以仰窺 聖明銳意中興首開言路
此實今日第一事第一義而不敢不仰荅者 臣惟言路之開塞
實關治道之隆替自古及今莫之能外仰惟 祖宗創業之初
軍民利病例許諸人直言凡以廣聰明達下情為久安長治圖
也中遭奸佞壅蔽多端人始不敢言甚至臺諫有言亦從而拂
之由是天下始不復言夫使人至於不復言豈獨治道之病亦
恐非 祖宗意也天運如環固知有待恭惟 皇帝陛下聰明
仁孝早已聞於天下近者上承 太后之懿旨入繼 列聖之
丕圖自楚來京行李蕭條擇日 即位揖讓再四而且哀盡於

居喪勤施於視朝未幾赫然奮發釐革敝政剪除儉人尊禮大臣樂聞忠諫沙汰冗食寬免賦稅 詔書所至士夫軍民老幼莫不鼓舞相慶歡聲雷動以為堯舜之復出也故往年而河清近時而麟出又旱而雨降誠非偶然事者臣以為 陛下所以能大有為雖出自 聖性而好學之力亦不可誣夫以常人好學且足以明德況以 帝王從事於是其不得為堯舜乎 陛下誠有志為堯舜則臣亦當為堯舜之臣天下當同享堯舜之治傳之後來使嘉靖之美光照冊書豈不偉且盛哉然堯舜之為君不過當天理合人心而已臣不揣荒陋謹條陳新政十三事以仰荅 陛下求言之盛舉伏惟 陛下採擇而力行之以

新天下之耳目以正天下之表率天下幸甚 宗社幸甚臣無任忠懇恐懼殞越之至緣係應 詔陳言以圖治安事理未敢擅便為此具本專令家人王來安齋捧謹具奏 聞

其一御經筵

其二訪遺賢

其三慎賞罰

其四辯邪正

其五杜異端

其六崇禮教

其七擇將帥

其八節國用

其九謹近習

其十保始終

其十一却喪中之賀

其十二決章疏之行

其十三重學校之責

論李隆余永疏

江西等處提刑按察司僉事臣王崇慶謹 奏為誅舊惡昭新

法以快天下事臣備數外臺叨食 國祿仰荷 陛下求言之

詔光增 累朝先於 陛下繼統秋七月曾以十三事上塵

聖覽勅令該衙門知道臣不勝感激之至茲復謹據所聞乃敢

再瀆 聖聽惟 陛下為天下伸法臣謹按 先朝豹房回子

余永本以戎狄混處中華憑邪術而濫冒 寵光毒流宮禁扇

異教而蠱惑 先帝濁亂朝綱永之罪也不可言也 陛下謂

此賊為何如臣復照巡撫甘肅地方都御史許銘論其官係

朝廷之重臣原其心為綱紀之遠圖利不歸於總兵禍遂起於

群小臣竊謂行殺者穿主謀者盾人皆曰許銘未可惜也臣獨

謂銘也誠未足惜所惜體面耳總兵李隆乃敢肆無忌憚方且

巧辯所謂陰為不善而陽欲掩之隆之惡也不可赦也 陛下

謂此賊為何如夫以國家之大政王道之大端可行者多矣而

臣獨以二賊請何也臣誠痛之夫首倡禍階使先帝不得善其終者余永也首殺大臣使陛下不得正其始者李隆也臣謂今日不誅余永恐妖淫踵於後來重以累先帝之靈不誅李隆恐威令損於西夏無以一陛下之法惟陛下留神賜斷天下幸甚緣係諫舊思昭新法以快天下事理未敢擅便專差老人馮祐齋捧謹具奏聞伏候勅旨奉聖旨該衙門知道欽此

論大禮疏

山西等處承宣布政使司分守冀北道左叅議臣王崇慶謹奏為早定大禮君臣同心以消大變以保大業事臣愚自為秀

才時聞天下軍民士夫皆知皇考興皇帝聰明仁孝讀書守禮為天下宗室第一是以篤生聖明陛下承皇考之教聞道必早好善必篤是以繼統之初每事盡善雖婦人女子亦知其為堯舜也夫何近來止以徽號一節議久未定遂使陛下君臣之間情迹頗踈臣切以為憂繼聞建室一事廷論紛紛有若聚訟臣益以為懼夫和致祥乖致異理固宜然今四方地震大盜群起兼之風霾屢作水旱不時江南之地人相為食變異之大莫此為甚嗚呼此何時而尚忍言哉陛下何不深求其故也臣聞人主和德於上則群臣和德於下故天地和則歲功成君臣和則民社安是故弘天下之業存乎人致天下

之和本乎心保天下之治根乎誠_臣望 陛下用賢以弘業同心以致和推誠以保治其庶幾乎方 陛下繼統之元年也嘗召三老六卿於文華從容訪道心肺相孚此何如氣象也未幾言官論事相繼去位大臣辭位相繼出京_臣謂 陛下中興以來不宜有此也且_臣愚仰求 聖心不悅之故豈不以子既為皇帝乃使 皇考獨不得稱 皇帝乎是以 徽號尊室惓惓在念_臣謂 陛下此心誠孝子之至情也非過也至若群臣議禮或同或異良以所見有偏有正故議禮考文必求至當_臣謂群臣之心人臣之大義也亦非過也但以偏而自蔽誠有之矣陛下又何怒之深也夫以斯禮本無可怒而諸臣乃以乖張自

取則所以致變者有由矣_臣嘗聞天下有一定之禮 聖人無一定之權故守經以行權推情以合禮則大禮自定忠臣孝子之心事兩無所妨而人倫治道之大方一舉兼得堯舜之實如是而已 陛下保堯舜之名以求堯舜之實則豈可使君臣之間不相得哉_臣請 陛下即日下 詔薄示省躬先召還言官鄧繼曾等及禮部尚書汪俊則衆情自安變異自消君臣同心之美當自此始太平之業可保於萬世矣緣係早定大禮君臣同心以消大變以保大業事理未敢擅便為此具本專差舍人周茂齋捧謹具奏 聞

留林俊疏

山西等處承宣布政使司左叅議臣王崇慶謹奏為勉留大

臣曲赦部屬以昭聖德事臣備員山西叅議乃本年八月十

五日到任伏聞刑部尚書林俊致仕繼且聞工部該司郎中等

官以都督陳萬言房屋之故執送錦衣衛議罪臣方信且疑不

勝駭嘆仰惟陛下入繼大統以來海內一新臣嘗以為堯舜

復出未幾主事陳嘉言御史曹嘉僉事史道皆以公罪遠謫臣

謂當朝群彥必有力救之者而竟未之聞也乃今復有此其為

聖德之累大矣臣切惜之雖然堯舜之為善人不以為異堯舜

之有過人則異之矣臣料此非陛下之本心也意必有使之

者乎夫大臣者朝廷之大臣大臣之進退國家之治忽所關

恐非細故今天下之遺奸多矣間雖幸免而心尚畏死以朝

廷之法在也自林俊在刑曹中外皆以為得人陛下曾不能

一用其言今其去也必有以也乃復未見陛下委曲賜留

之意是林俊自陛下起之自陛下廢之臣恐同時起用諸

臣或由是相繼而去則不獨以傷國體臣謂此未可以示後

世也至若工部郎中事情臣雖未知其詳然以戚畹彪然罪及

部臣則自今而後或有權貴假借以恣無厭之求誰復柰何臣

謂此亦未可以示後世也伏望陛下長慮却顧虛心受言不

忘其初將林俊遣使召還以復其位將工部該司各官早為釋

放以安百司之心仍示陳萬言以永保富貴之道則陛下

舉而三美得矣臣職在藩臣妄言獲罪在所不免倘陛下哀其愚而行其言則雖即日罷黜臣無悔也臣不勝恐懼待罪之至為此具本專差醫生劉勇齋捧謹具奏 聞伏候 勅旨

陳情第一疏

山西等處提刑按察司副使臣王崇慶謹 奏為仰遵 恩詔以便養親事切照臣直隸大名府開州人由進士歷陞今官仰惟 皇帝陛下入繼丕圖以孝治天下大禮既成首頒 恩詔凡在外文職官親老願歸侍養者聽臣惟三綱五常所以扶持元氣以壽 國家命脉此為第一堯舜人倫之至不過率是而已蒼生何幸 社稷何幸謹按臣今年四十有二臣母侯氏今

年七十有五追惟臣父綸亦忝科甲官止奉訓五十有七不幸棄背今惟母在臣恐來日無多所謂報劉之日短其義可悲也伏望 陛下以 聖人一視同仁之心閔臣愚志鑒臣下情乞勅該部查照 恩例放臣歸田以便養母臣不勝感戴 天恩之至緣係仰遵 恩詔以便養親事理未敢擅便為此具本專差百戶王堂齋捧謹具奏 聞伏候 勅旨奉 聖旨該部知道欽此

陳情第二疏

山西等處提刑按察司副使臣王崇慶謹 奏為乞 恩認罪早 賜休致以便養母事伏念臣濫厠外臺曾無寸補乃嘉靖

三年九月二十七日因臣母侯氏垂老有疾孀居家鄉臣因差汾州衛百戶王堂仰遵恩詔具疏陳情期盡終身之養自合仰候成命待報而歸臣以鳥鳥之私不能自禁遂飄然而東此臣之罪一也後聞該部該司謂臣原奏未開有無以次人丁於例不合因遂立案臣該仍赴原任照舊供職臣以膝下之愛不能自決因遂久居於家此臣之罪二也夫以臣之罪狀不可掩也臣固望皇帝陛下以天地之量推曠蕩之恩乞勅該部治臣以擅離職役之罪仍行山西撫按諸臣備查臣愚在任有無規避貪濫事情及臣原任軍民大小及臣原籍士夫老幼勘臣棄官而歸果係為母別無他故容臣以禮致仕得遂初

願則臣母一時一日之養皆陛下之賜也臣不勝感戴天恩之至緣係乞恩認罪早賜休致以便養母事理未敢擅復專差家人王德弘齎捧謹具奏聞伏候勅旨

陳情第三疏

山西等處提刑按察司副使臣王崇慶謹奏為素行不孚自効不職懇乞聖慈早賜罷黜事伏念臣先因母老病篤仰恩詔具奏陳情隨關總司轉呈本省撫接近該撫按叅擅離臣實未喻彼時臣亦有本該部至今未經覆奏夫出處未明非忠也使臣母未安非孝也臣是以不敢不言也臣嘗思之此不過臣之素行不孚故耳使臣之素行稍著在撫按固

當憐其勇去在該部亦當表其有辭今也不然臣所以自愧無行也况臣賦性至魯動與物忤豈徒擅離之叅或致求全之毀自歷官來行且十八九年螻蟻之小勞曾未自伸而天地之洪造乃屢濫及其為不職莫此為甚且忠臣之事主猶貞婦之事夫苟有得失何敢尤人伏惟皇上聰明如堯舜必使四海無一夫不得達其情乞勅吏部先將臣愚罷黜仍查臣原奏有無在部及山西撫按諸臣處有無原行關呈然後臣之心事自矣臣不勝犬馬下情感戴天恩之至緣係素行不孚自効不職懇乞聖慈早賜罷黜事理未敢擅便為此具本專差家人王弘道齎捧謹具奏聞伏候勅旨奉聖旨吏部知道欽此

辭再起河南副使疏

山西等處提刑按察司副使臣王崇慶謹奏為懇乞聖慈辭免恩命以遂終養事切照臣年甲籍貫辭官養母始末緣由俱備前奏吏部見有原准奏案存照臣不敢再為煩瀆以干天聽近見邸報除臣河南按察司副使臣但以臣之下情迫切所以不能自己者為皇上陳焉臣固知皇上必有矜臣之愚畧臣之罪閔臣之私者伏念臣章句腐儒草茅賤士初官戶部主事歷轉按察司副使望海岳之高深涓埃未補慨乾坤之宏闊俯仰多慚况當皇天眷佑使一時復見聖人宗廟

垂靈幸千載又逢景運臣雖至愚且陋亦自慶夫遭逢之盛似有非偶然者從而竭力圖報以效犬馬固臣職分亦臣素心也其更何辭但念臣母年已屆乎八旬日益增乎百病卧榻痰喘朝不保夕醫人往來殆無虛日此臣之下情所以不能自已於陳也臣且以倫理言之為臣莫大乎忠為子莫大乎孝亘古及今莫之能易故臣以為前日許臣終養是 皇上恩命非為臣愚也所以教天下之孝也今日起臣林下是 皇上恩命亦非為臣愚也所以教天下之忠也凡在臣子誰不感激思奮而恐自棄於造化之外哉伏望 皇上始終以孝治人下使大孝之化光於神明塞乎天地匹休堯舜垂法無窮乞 勅吏部查照

原准奏案照舊許臣終養則臣愚未死之身尚圖後效母氏垂老之齡得以有終 皇上之賜臣者博矣臣下情無任激切感戴 天恩之至

論佛老毀寺觀疏

河南等處提刑按察司副使臣王崇慶謹 奏為黜佛老正人心以光 聖學事臣聞天下之道二正與邪而已矣夫所謂正周孔之教是也夫所謂邪佛老之教是也夫道一而已而有邪正者心之所見所趨者異也今天下號稱太平文教混一乃復幸際 皇上以堯舜之資行堯舜之政八年於茲斯世斯民固已樂觀 皇極然而邪正之辯則亦有不可緩者臣聞 皇上

前此將京師尼僧庵院一洗而空之邸報一出天下之人莫不洗目改觀以為真 聖人之政也臣切思之尼僧道士之害正由漢明帝以來固可考而知也昔唐高祖即位有志沙汰天下僧尼道士當時群臣未有輔而行者至今可恨臣固知唐虞事業必將有待於 皇上矣且臣嘗竊論此輩廢五倫食四方犯姦盜敗倫化甚至殺人於白日者徃徃而是且彼自謂出家而所為若此則亦何貴於出家為也且 國家之賦稅彼以出家而不供 國家之力役彼以出家而不服清平之世安用此臣所以不能已於有言而特為惓惓也且今天下民力頗窮民財頗竭加之邊關有警郡縣告饑司國計者不得已而議處又不

過取之民間今年曰起運明年曰存留不知民既疲困財安從出故臣愚以為莫如毀其寺觀足以當天下一二年民賦之苦還俗其僧道足以正萬世民心之惑今日之急務恐無出此臣請皇上思邪正之不兩立念機會之不偶得乞 勅該部及都察院轉行各該巡按御史將天下寺觀盡行拆毀入官估賣將天下僧道盡行還俗入籍當差以其變賣之財用備賑濟以其還俗之數用補逃亡夫如是則大道既同元氣自復雨暘時若青穀用成民力當自此舒民財當自此生民志當自此定民之戶口當自此增其為 聖學之光斯世之幸蓋有不可勝言者而唐高祖未成之志得 皇上而恢復之矣萬世無疆之休在此

一舉豈不盛哉臣又慮奉行者之難其人也而積久之弊行之必自有漸臣願并毀寺觀必自京師始并毀京師寺觀必自貴近始但有司如命奉行者量加示勸其或反是者罪之大率了此不過一年仍令巡按御史年終將拆毀還俗數目奏繳查考則亦庶乎其可也惟皇上留神賜覽天下不勝幸甚

論郊禮疏

河南等處提刑按察司副使臣王崇慶謹奏為應明詔法周禮以隆聖孝事臣備官外臺不合越職論事臣見近日皇上勅諭以郊禮下群臣共議者臣因伏而讀之仰而思之有以仰窺皇上志在三代且喜皇上不欲使仁孝之或偏也

古人有言惟孝子為能事親惟仁人為能事天仰惟皇上以宗人入繼大統其始也追先皇帝以至號是之謂孝子之事親今也將欲分祀天地以別陰陽之位是之謂仁人之事天夫仁孝之道得帝王之盛德大業盡在是矣臣嘗聞之周禮周公放太平之書也其所當法者多矣而郊祀實其大且重者故冬祀天於圜丘夫冬至陽也圜丘以象天也夏至祀地於方澤夫夏至陰也方澤以象地也考之易曰天尊地卑乾坤定矣天既曰天尊又曰地卑則天地之不可合祭亦明矣仰惟我太祖高皇帝非不欲取法三代而亦竟為合祭者恐亦當時群臣之誤也夫周禮豈獨皇上所當法亦皇祖之所當法也

夫以 皇祖之當法而竟莫之行故知當時群臣之誤也夫禮
 可以義起則祭可以類附臣請自今凡祀天也即以成象於天
 者附之如日月風雲是也則所以祭天神者得矣凡祀地也即
 以成形於地者附之如山川社稷是也則所以祭地祇者得矣
 夫以先王之道萬世可行而顧不見與行於 聖朝是宜 皇
 上疑之謙虛問之以追舉 皇祖未成之缺典也夫孝不過繼
 述而已矣所謂繼述有大於郊禮者哉臣是以不避越職之罪
 冒昧陳之伏望 皇上矜其愚不錄其罪分祀天地各以二至
 日月風雲山川社稷各以類從臣下情無任感戴恐懼之至緣
 係應 明詔法周禮以隆 聖孝事理未敢擅便專差候缺吏

趙寵齋捧謹具奏 聞伏候 勅旨奉 聖旨禮部知道欽此

四政疏

河南等處提刑按察司副使臣王崇慶謹 奏為自劾不職願
 早罷黜條陳四政以圖治安以昭 聖化事伏念臣自終養未
 竟乃復蒙以今職起用雖居憲臣未盡憲職徒曠歲時虛叨廩
 祿質之國法例應黜罷然而蒲柳之資雖未逼於桑榆但報稱
 之志實自慚於犬馬况今一切政令仰賴 皇上聖神莫不銳
 意興革動如雷風天下方且傾耳以望堯舜之治宜若無待臣
 之言者然而未敢默也謹以切要四政敬效虞廷敷奏之例伏
 惟 皇上俯垂明聽擇而行焉臣雖歸田莫之悔矣一曰久任

守令臣聞親民施惠以培國本莫如守令是守令不可不謂重也然而難得其人也是故勸課初不及於農桑苞苴每自盈於私室尺長寸績動得轉官朞月三年或至交代夫新舊頻繁勢雖欲勿擾不可得也而欲望小民之安有是理哉臣愚以為守令自今當久任之其必如古所謂三載考績三考黜陟幽明論其賢不拘其資格採其實不泥其名譽則亦庶乎其可也先是吏部尚書廖紀亦嘗論及而未行臣是以申明之二曰慎選撫按臣聞宣上達下以肅紀綱莫如撫按是撫按不可不謂重也然而難其人也是故舉劾之間未免愛憎利害之際多至搖奪猾稽委曲者輒目為賢能忠誠直諫者即謂之固陋反是而平

其情者鮮矣夫其藻鑑如此則其人品他事皆可驟見臣實未知其可盡憑否也而欲望紀綱之立不亦遠乎臣愚以為撫按自今當慎選之其必如古所謂官不必備惟其人允進賢者必受上賞允蔽賢者必蒙顯戮而又申明憲綱互相糾劾之條使機無偏重則亦庶乎其可也三曰查革鎮守臣聞鎮守之設雖精既又然考之先王無據質之時論無用况今各省已自設有撫按則夫鎮守真疣贅矣况此流始以夤緣而出終以飽載而入莫敢救正之者臣愚以為鎮守自今當查革之其必如古所謂復門戶掃除之役是亦天理國法之自然所以保全之者實不外矣四曰簡用邊將臣聞尊內攘外又莫如邊將今各邊諸

將_臣雖莫之盡知然大率剝削軍士以為賄賂之階納交要津以啓憑藉之地甚而至強奪軍功以為已有坐視事變以損國威則知古人債帥之嘆非無謂矣夫以邊將如是何惟乎邊陲之多警跋扈之屢逞者歟雖然此非_臣之言也天下臣民之所稔知共憤天下之公言也_臣愚以為自今邊將當簡用之其必如古所謂仁知信勇嚴者而後擇而用之拔之武舉或不足則博訪草茅察諸行陣或未聞則旁求庶類如是而將有不得乎夫此四事者因而循之則猶夫昔振而刷之則存乎人一轉移之間而四方改觀矣伏願 皇上坐法虞唐各勅該衙門凡守令務在久任凡撫按務在慎選凡邊將務在簡用凡各處鎮是矣惟 聖神留意天下幸甚生民幸甚_臣不勝忠愛激切之至緣係自劾不職願早罷黜條陳四次以圖治安以昭 聖化事理未敢擅便為此具本親齎謹具奏 聞伏候 勅旨奉 聖旨該衙門知道欽此

再乞終養疏

河南等處提刑按察司副使_臣王崇慶謹 奏為再乞 天恩查_臣原辭許_臣終養以便養母事_臣原任山西按察司副使嘉靖三年陳情養母歸田凡五經歲至嘉靖八年春伏蒙 皇上起用今職_臣因多病在告已嘗具本力辭用圖照舊未蒙該部

覆本因遂扶病到任且自揣才力淺薄於事無濟性資愚昧於物多忤然而幸際 昌期誤蒙收錄敢不竭盡心力以圖報稱但念 臣母侯氏年幾八十即今病喘飲食起居極為狼狽雖 臣原籍去任止是一河相隔而 臣母懷鄉輒復數日不樂况 臣雖有一弟又復不幸而死 臣亦自幼癯弱素患耳鳴神漸內耗 臣惟君臣相臨者法也母子相依者情也是以孝子有不可已之情 帝王有不可奪之法 臣以起用而出乃復以終養請是以情而奪法 臣亦知其不可也然仰念 聖明方以孝治天下 臣是以猶有言也伏望 皇上始終以孝治天下乞 勅該部查 原奏許 臣照舊終養以遂未了之願惟復即令 臣養病致仕

以苟全未盡之年是 皇上教天下以忠孝者於是兩得之矣豈獨 臣之幸哉 臣不勝感戴恐懼之至

辭遼東苑馬寺卿疏

遼東苑馬寺卿 臣王崇慶謹 奏為母老多病懇乞 聖慈休

致事伏念 臣先任河南按察司副使九年八月齋捧 萬壽表

到京事畢 臣因母年八十有疾先已具本陳情仍乞終養併致

仕情由未蒙該部覆本至本年十二月二十七日且復陞 臣今

職 臣自揣才力綿小福緣淺薄歷官四品已懷過分之憂起用

一年實抱叨陞之愧且嘗仰嘆 聖人復出再新世道從而竭

力犬馬以圖報稱 臣之心也 臣之分也然而烏鳥之情實切感

傷遼東之遠頗難迎養况臣兩耳虛鳴已經數年有時怔忡頭眩腰痛更多健忘雖外貌如常而神實內損此臣之下情所以展轉往來於懷而不能自己者也洪惟聖明方以大孝治天下臣愚子母二人互相為命天實臨之伏望聖明憫臣素志鑒臣愚衷乞勅該部查臣先今原奏許臣致仕苟全性命少遂初願則臣愚子母未盡之年皆皇上之賜也天地之恩莫此為大矣臣迫切無任感戴天恩之至緣係母老多病懇乞聖慈休致事理未敢擅便專差吏陳崇禮齋捧謹具奏聞伏候勅旨嘉靖十年二月日該吏部覆奏奉聖旨是今後大小官員陞遷未到任的都着以原職致仕你部裏

著為令欽此

謝平白草蕃 欽賞銀幣疏

原任四川等處承宣布政使司左布政使今陞南京太常寺卿臣王崇慶謹奏為謝恩事准四川布政使司咨嘉靖二十六年七月二十三日據本司經歷司案呈抄蒙巡按四川監察御史袁鳳鳴案驗為捷音事奉都察院劄付准兵部咨該本部題奉聖旨這白草蕃蠻據險稱亂大肆兇逆積有歲年地方撫鎮等官乃能協力剿平功可嘉尚張時徹陞兵部右侍郎何卿陞都督同知仍各賞銀四十兩紵絲三表裏王大用三十兩二表裏張時徹王大用都待勘明無礙一體錄用袁鳳鳴二十

兩丁勇等六員各二十兩宋宜等八員各十五兩嚴時泰等十員各十兩俱紵絲一表裏陳乙等四員准贖其餘都依擬奏捷差來人員照例陞賞欽此欽遵隨該禮部差辦事進士黃元白齋到欽蒙 聖恩賞 銀十兩紵絲一表裏等因到司轉差吏馮英於本年九月二十四日齋捧到 臣 即日郊迎望 闕謝恩叩頭祇領訖伏念 臣 猥以草茅誤蒙甄錄乃者白草番夷叛離弗率仰賴 皇上聖武布昭神筭遠播未幾收功奏捷實我皇上中興以來盛事行且史官藏之金櫃秘諸石室者若乃小 臣 效勞餽餉叨名奏牘之末曾何足以上答 洪造萬一哉伏蒙 皇上同仁一視濫錫殊頒綵文爛若頓增蓬華之輝封識

宛然傾動閭閻之目心知忝竊才愧稱酬誓佩服以終身願銘盤而報國 臣 下情不勝感戴之至為此具本專差舍人王英齋捧謹具奏 聞

謝遣陪祀 帝社稷疏

禮部右侍郎 臣 王崇慶謹 奏為謝 恩事嘉靖二十八年二

月初九日致祭 帝社 帝稷合用陪祀大臣該太常寺題奉

聖旨遣公朱希忠代祭公張溶徐廷德侯崔元駙馬鄔景和伯

衛鐔陳鏊輔臣嚴嵩尚書聞淵夏邦謨侍郎徐階歐陽德王崇

慶陪祀欽此 臣 謹欽遵恭候行禮拜 命之下不勝感激除報

名 廷謝外伏以 祀隆邦本叨從華要之班禮展禁垣榮係

觀瞻之重事雖舊典喜殊新聞恭惟 皇上志切函風仁含暑
雨知稼穡之艱難心恒猷猷念幽明之感格誠貫始終馨香素
積於淵微黍稷匪徒於俎豆制崇今日迥邁彌文道範後昆允
稱彛則伏願 聖祚彌昌共天長而地久 神禧永錫如川至
而日升臣無任感戴忻躍祝頌之至為此具本親齋奏 謝以
聞 嘉靖二十八年二月初三日奉 聖旨覽爾奏謝知道了
禮部知道欽此

謝山次殿臺工完 欽賜銀幣疏

禮部左侍郎臣王崇慶謹 奏為謝 恩事嘉靖二十八年三
月初九日欽蒙 聖恩以山次新建 殿臺工完頒 賜臣銀

十兩彩段一表裏臣謹稽首頓首拜領者除赴鴻臚寺報名
廷謝外伏以 聖人創制洪規動出於 淵衷大工聿成盛美
迥高於前古今追勿亟經營光配周文志匪示誇謨烈真超漢
武 神祇默相臣庶忘勞恭惟 皇上聰明作則乾坤不外於
範圍 仁孝夙聞繼述每勤於燕翼 殿鄰 僊苑曉風來蓬
海之香 臺隔市廛玉露湛瑤池之液方慚往昔工佐備員詎
意 聖慈邇來濫賞矜機自異尋常鎔冶良稱精鍊伏願 垂
衣端拱衍梁棟於萬年大造曲成廣照臨於四海臣下情無任
感戴 天恩之至謹具本親齋奏 謝以 聞 嘉靖二十八
年三月初十日奉 聖旨覽爾奏謝知道了禮部知道欽此

陞南戶部尚書辭 朝疏

禮部左侍郎今陞南京戶部尚書臣王崇慶謹 奏為蒙 恩

進用敬陳愚情辭 朝赴任事嘉靖二十九年四月初六日准

吏部咨該本部會推題奉 聖旨王崇慶陞南京戶部尚書欽

此除欽遵 廷謝外謹於本月二十一日恭辭前去到任臣誠

惶誠恐稽首頓首上言伏以 命下九重播臣鄰之耳目階登

二品感遭際於雍熙方報答之未伸忽 寵光之已被臣聞生

民乃邦家之本財賦實積貯之源顧臣何能謬膺斯選恭惟

皇上化同 玄始運六合於聰明 德沛普天創一時之制作

志每切於勸耕憂恒形於禱雨誠哉其大有為也猗與真不世

出焉伏念臣始以終養先慈既而荐蒙 錄用典禮叨宗伯之

佐每愧徒餐司農沾 帝眷之隆益懼弗稱海岳崇深豈涓埃

之足補 乾坤高厚真覆載之難忘臣敢不克念官箴竭愚衷

以時懋躬先倡屬望 魏闕而日新高呼仰 萬壽之無疆嘉

瑞集多方之屢至臣下情無任感 天荷 聖激切屏營之至

為此具本親齎謹具奏 聞奉 聖旨覽卿奏知道了禮部知

道欽此

考察自陳疏

南京戶部尚書臣王崇慶謹 奏為自陳不職乞 賜罷黜以

昭考察事嘉靖三十年二月十四日准南京吏部咨京官六年

又當考察之期四品以上官員例當自陳備咨前來外伏念臣起家寒素馴至顯通遭逢殊幸於清朝曠蕩更沾乎渥寵雖切感激莫逮鋪張惟留都乃根本重地而司農實財賦攸關苟非其人奚堪是任况臣才乏筭籌叨八座而增愧憂深旦夕伸一得以何能逋欠徒陳積久之因轉輸未遂涓埃之報揣已不踰中人揆時允宜下考伏願皇上仁恢天地之洪明普日月之照矜臣駑鈍鑒臣懇忱將臣罷歸庶瘼素者無玷班行賢能者益勤效用矣臣下情無任惶懼待罪之至緣係自陳不職乞賜罷黜以昭考察事理為此具本專差辦事官汪鉞齋捧謹具奏聞伏候勅旨三月二十四日奉聖旨卿典司

邦計宜盡心供職不准辭吏部知道欽此

引年疏

南京戶部尚書臣王崇慶謹奏為遵例引年懇乞聖慈容令休致以全晚節事臣伏覩大明會典凡官自年七十者聽令致仕臣見年七十歲係直隸大名府開州人由正德三年進士先任戶部主事六年以言事外補沁州判官陞登州府同知江西按察司僉事山西布政司左叅議按察司副使未幾陳情終養復起河南副使遼東苑馬寺卿彼因臣母侯氏年老仍乞終養里居一十五年復蒙聖明起用除補陝西行太僕寺卿陞四川右布政使轉左南京太常寺卿工部右侍郎改禮部右

侍郎轉左歷陞今官伏念臣草茅寒士早忝竊於甲科鞅緣菲才屢荷恩於器使愧敷歷之徒深忽居諸之云邁向者力堪鞭策且猶莫罄涓埃今茲景迫桑榆自合戒先盈滿制存舊典乃臣鄰之共遵節慎晚年實衰朽之難冒感寵光而誦佩終身仰聖鑒而纖微畢照伏望皇上憫臣犬馬之素衷察臣孱弱之多疾乞勅該部查照引年事例容臣致仕使延殘喘於太平永祝聖壽於萬億臣下情無任激切惶悚俟命之至為此具本專差辦事官李良寵齎捧謹具奏聞伏候勅旨嘉靖三十一年四月二十四日奉聖旨王崇慶既精力未衰着照舊供職欽此

改南京禮部尚書謝恩疏

南京禮部尚書臣王崇慶謹奏為謝恩事嘉靖三十一年十一月初八日准吏部咨該本部會推題奉聖旨王崇慶改南京禮部尚書欽此欽遵備咨到臣謹於本月初十日望闕叩頭謝恩到任管事外伏念臣才本疎庸齒當衰朽引年未克方圖報稱之私新命聿臨益切曠瘼之懼顧理財未逮夫充盈而揣已徒竭乎勞瘁仰荷聖明之包荒恩已踰乎涯分詎意寅清之美選寵復隆於舊銜每思左右南宮殊覺歲華之倏忽兼憶宣呼西苑更增感激之深長望越愚衷輝生宦邸洪惟皇上靜含淵默動如雷風孝先形於江漢美

匹周文 恭已格於 神明光齊虞舜用人求治覩六合之同
 春 法祖敬天真萬年之繼統臣敢不夙夜洗心祇崇匪懈始
 終敬事遑恤駿奔伏願 大禮樂於 中興遠比熙熙穆穆
 衍敦龐於全盛頓收蕩蕩平平末言磐石於家邦長保馨香於
 社稷臣無任瞻 天仰 聖感戴屏營之至為此具本專差辦
 事官馮宣齋捧謹具奏 聞
 本年十二月十八日奉 聖旨禮部知道本內法祖有失擡頭
 姑免究

改南京吏部尚書謝 恩疏

南京吏部尚書臣王崇慶謹 奏為恭謝 天恩事嘉靖三十

四年四月初五日准吏部咨該本部等衙門會題奉 聖旨王
 崇慶改南京吏部尚書欽此欽遵備咨到臣隨於本年四月初
 六日扶疾而起望 闕叩頭謝 恩到任管事外臣誠惶誠恐
 稽首頓首謹上言者竊惟稽古建官聿重銓衡之任相時弘化
 必先考課之規蓋分則統攝乎百官而責惟均平乎四海雖南
 北簡繁不無小異而黜陟賢否大率攸同在綱維之得人斯內
 外之咸賴伏念臣一芥庸儒三才下品偶以寅清之選濫列都
 京爰致 曠蕩之恩光沾晚景揣已弗堪矢心增懼恭惟 皇
 上英資天啓志存蕩蕩巍巍 聖學日新功懋熙熙皞皞况誠
 敬 上格於 穹蒼且瑞祥屢徵於 宗社克知灼見迥悟道

於 穆清致中協和真攬權於 玄始臣敢不端本以觀豪俊
之揚眉澄源而期奸回之屏跡伏願 玉衡寶曆地久天長
聖子神孫鳳來麟出臣下情無任感戴激切屏營之至爲此具
本專差舍人丁楠齎捧謹具奏 謝以 聞 嘉靖三十四年
四月二十五日奉 聖旨覽卿奏謝知道了禮部知道欽此



國家圖書館, NATIONAL CENTRAL LIBRARY, TAIWAN, R.O.C.




端溪先生集卷之二

序

贈甘縣令雙壽序

門人汾陽孔天胤編次建業張蘊校刊

鄉先生甘公行年八十有一其妻岳孺人亦且八十友人郭生
璘鄉秀子劉生玳管生世亨皆為孫壻于先生之門以予知先
生家世為詳特懇為文壽之于是端溪王子重其請而樂為之
言曰嗚呼人之所大欲者莫如壽而有不可必致者凡以制於
天也夫制於天者數也數不可必而理可為求在我者故也孔
子曰仁者壽然而仁也者理之宗也致壽之道也反諸身而能



仁夫固壽之所由集也吾聞甘氏之家樂善而循禮尚儉而慕義少者遜長者怡庭除無嫉妬非間先生以仁而傳家可謂舊矣君子謂其貌古而心純身脩而行朴是故在鄉恂恂在官肅肅山陰之政民到于今思之先生之宅心樹政可謂宏於中而著於外矣兄澤登進士第為御史出封事諫天子功在社稷膽落權奸一時俊髦之士鮮與並者天下莫不想聞其風采此乃邦家之光而今昔之所謂偉人者也吾嘗論及于是未嘗不嘆其未究于用而遺澤延于先生則今日之享茲壽者豈尋常比耶先生名潤以太學生為令尹今致政家居子八人蕃藝遊郡庠尤著餘皆有英氣孫十人亦明秀篤實然則天之所以壽

甘氏者其又可量乎哉夫事固有積久而舒畜極而發者今觀甘氏何可誣也乃祝之曰願先生益脩厥德以無忘先訓無自小其道而外徇物誘無便安于高年而不恤聖賢無以利害流俗易其樂而輒為憂戚則夫婦享茲永齡無愧矣先生念哉行將推而及公之子孫在窮時以此理壽斯道在達時以此理壽斯民則亦庶乎其可也先生念哉乃復歌南山二章曰瞻彼南山維松義義君子偕老樂如之何南山有松維其茂矣君子眉壽德彌邵矣

贈楊掌教赴宿松序

君子於天下事求盡其當然而要其無所愧焉苟特藏于中而

功名不振乎天下豈暇恤乎哉人固有寓尋常而卓然樹立以自竒者竒在我也而實無與乎人苟無與乎人也則所謂知不知遇不遇又安用校耶吾謂知此道而泰然無悶惟楊先生乎先生司訓於吾澶者七年矣書講而夜思虛懷而向道孳孳汲汲罔間寒暑未幾愚者明柔者強少長習於敦厚退讓其有益於吾黨之士大矣乃知古人事職而不敢苟然為其言有徵也先是辛未之秋大盜群起烽火屠劫之慘千里相望天子憂之詔郡國捕殄而開州其衝也先生謀諸太守募壯勇一法令出竒筭相與晝夜環壁堅守而盜卒引去後執其俘往往得其情語謂開州有人不可當不可當此則先生之所助又不特長

於訓課文士而已夫成人有德小子有造先生之教也文之施也弭盜而民由以寧使士大夫民衆子女不淪於犬豕之辱而遭其酷烈先生之庇也武之著也文以濟武而一本之乎惻怛先生之仁也德之顯也夫為臣而忠固其所也今有紆金紫膺爵祿一旦臨利害而甘心降虜失其平素者視先生人品何如哉吾固愛先生之用力果而成功博也然嘗即是而推其所至謂必有竒之者而僅止宿松焉宿松之命下見知之漸也而吾又未嘗無恠也間嘗謂宰相用人如良醫之用藥大匠之用木苟可以利吾病成吾器安問其材品之大小而泥其出處之隱顯耶雖然先生無愧也且吾聞宿松之地山明水清士多文雅

而好古先生其有思乎思吾之所以教開者以教宿人則又安知宿人之感我不如開人也先生行矣吾告先生止於是矣鄉同年王朝章率諸士夫餞之南郊乃索文贈焉將以壯其行也

送郁刺史擢南京刑部員外郎序

序曰惟茲開州古之澶淵也北門屬準隆望古今才難殆非偶也乃雲間有鴻儒郁公希正以才進士為行人未幾為臺中名御史天下莫不以為天子之得士也立朝曾未三載而落判安吉繼補吾開抱雅守靜間以詩酒呼僚佐賓客觴咏自適時則有若太史何公者亦自翰林出二公為同年為同寅且同補外每召不肖在坐則高談雄辯出入古今真可驚四筵而牧事

日亦不廢蓋初不計位之得喪時之亨否性分預安無加損也乃今年六月擢官金陵為秋官員外郎名位之顯有漸公道明也惟金陵昔稱東南第一奇山秀水茂林修竹古臺野閣足以為天下想慕而不可見可登可遊縱目賞心宦况佳而外物不足累也夫開民之送公感遺愛也離筵舉觴夕陽在望古道迢遞聚散形而情可悲也脩五刑齊八政使王者之和氣上通乎天下協乎民由此而入躋撫仕以大竟厥施為一代元臣與萊公同稱無窮大偉觀也公其有思乎其勿負於開士民之期待可也雖然為斯言者端溪王子也倡斯舉以送者開士夫其令輩也公其謂何公曰吾將從事於斯矣夫好善言而不孤古之

服義者也而希正有焉是可尚也已矣客皆曰諾王子是善知
郁公也

侯氏家譜序

舅氏介甫作家譜既成使來沁州特圖以示王子乃為之言曰
此吾母族全書也得合族之道矣夫祖人之始也古謂合族以
重本也夫其始一也及其久也則末益分矣夫末之益分勢也
而溯其情則未始二也情未始二吾為後者顧乃忽焉二之悖
亂之原也失人道矣此舅氏家譜之所由作也是故知子孫之
由夫祖也則所以反而合族者必有道矣是故必視祖猶吾父
也必視孫猶吾子也必視族猶吾一體也情以天合勢以理一

本之文公家禮以盡其端叅之張公忍字以濟其和推之范氏
義田以廣其恩則所謂合族之道其庶幾乎反是而欲人道之
立難矣夫人道苟有未立則斯譜之作亦何為者耶此則今日
之所切望也亦吾侯氏族人之所當深體念者也

大同府志序

夫志其史之遺乎古之制也不可廢也是故史有三長志有四
弊知此而後可以言志矣吾懼良史之不可見也得見信史亦
可矣是故喜溢而罔辨者非也諛姦而黜良者惑也不擇定理
而惟文之濫者狂也顯明而忽幽者昧也有一於斯皆不足以
信今而欲傳後難矣故曰志之所係猶夫史也嗚呼文獻不足

序

則治道無徵治道無徵則因革無實此仲尼之所以悲也慶也
不才分守是邦方以文教未興兵威未振為深耻郡志固其一
也間欲備加考正謹將前輩文字稍正者聊復存之去其辭諛
而事瀆者崇聖教也後來人物因併續焉作大同志序

行臺紀興序

序曰夫行臺紀興侍御周公之所作也自廢歌廢而世道衰關
雎荒而民風漓斯固志士之所悲也由漢以還詩莫盛於李杜
自李杜外宜莫如王楊盧駱而猶有謗傷者乃知少陵江河不
廢之嘆非徒發也至如馳情風月以憂國為近名專心翰墨謂
樂道為戾俗人品詩文之難喻固無恠矣嘉靖丁亥春先是止

溪按畿內南四府公餘吟咏識觀風也君子曰古之遺聲哉淡
而雅和而在洋洋乎光發詞林藻邁文苑矣自今觀之內丘觀
雪冀平豐也深州坐雨悼民瘼也慈烏返哺示民孝也世廟
禮成志愛君也取森鬱栢惜才賢也戲鷄冠花懲素飧也訟慰
征婦軫邊苦也懷思同道重王事也則夫古所謂發乎性情止
乎禮義非止溪而誰吾以是知古聲之未始亡也止溪嘗令寶
抵綽有循吏風未幾擢內臺發奸摘伏薦賢恤孤君子曰古之
柱史也茲詩固其緒端之一云君子謂其有關風教將梓行以
傳乃真定郡侯喻君汝礪謂予為止溪所知因托為序若乃效
虞庭之明良以大鳴我國家固止溪他日事予何言哉公名

序
在字善卿甲戌進士蘇之太倉州人止溪其別號也

家譜序

甚哉物之無恒也朝榮之花夕而摧零黃髮之童倏焉老死不亦悲乎是故君子觀物之無恒而得有恒之道焉其惟善乎是故善莫大乎人倫人倫莫先乎祖尊祖莫大乎譜譜以合族則勢一勢一則情睦情睦則分定分定則義明孝子慈孫雖達之百世可行也嗚呼慶也作譜之意其在茲乎

趙君寶生子序

曹南趙子君寶歲丁亥有弄璋之喜同年王子公濟之弟維與君寶素友善乃懇予為序將生謂之於是端溪王子為文以塞

其請序曰夫生人之道莫先乎孝致孝之道莫先乎有後故君子於人之有子也有賀之道焉是故教為大教子誠為貴教子以誠天下之大本得矣此易所謂養正書所謂初生禮所謂毋誑者也嘗恠夫世之不能教其子也驕之以聲色富貴縱之以狗馬婦女溺之以功利辭章示之以頑狠傲惰故童而習之壯而成焉雖有良心之存者寡矣此昔人之所以有父過師惰之論也吾聞君寶之處鄉也謙而有禮朴而不華則其養之者可槩見矣則夫今日之往賀固宜遠近翕然也雖然君寶信可賀矣從而待其既長然後教乎則亦將自其童幼教乎君寶必知所擇矣是故童蒙也者其聖人之田與積學以耕之力行以種

之思誠以脩之始之以正心誠意脩身之本終之以齊家治國平天下之道則亦庶幾哉不然徒生子之為賀吾見其末矣君寶以為何如

野庄集序

野庄王氏家太康吾不復論其詳然而以儒名家迄於今不衰所謂天下文章家也今王生朝獻者更自表表所謂稱其家兒非與已丑之秋七月既望予來視事大梁聞其賢既而延之公署日與兒輩講學果有不凡者一日因出其先人文集凡若干卷懇予評之則有若野庄集有若退翁集予嘗讀焉鏗乎鏘然曰嗟乎盛哉此古之遺聲也及訪野庄之孫曰節其曾孫曰煦

嘗欲梓之而未果也節之子曰庶煦之子曰暨者蓋嘗梓之而未竟也乃至朝獻謀諸其叔祖杰夫杰節之子庶之弟也朝獻煦之孫暨之子也今將同心梓之廣世德也是皆可以觀其孝矣夫以其父祖之賢家學之有傳固也然兩公之文必待是時始出則夫人事之通塞文章之顯晦固亦有數存乎其間嘉其善繼述也為作野庄集序

上蔡志序

嘉靖己丑九月既望端溪王子之汝南也過上蔡之墟吊霍少卿之祠有餘涕焉既而謁謝顯道之墓有餘感焉既而進邑宰郝子璋問志有餘思焉則亦曰古之監司將以庶訪庶訪將以

示訓也其先以志告我曰璋也敢邑志之能創厥惟柱史馬君抑之實秉筆焉敢以厥志願公惠大序將與楊太史方城之文回示蔡人王子曰嘻有是哉璋可教也夫風教莫大於史紀綱莫重乎文勵世磨鈍莫大乎勸懲今之志古之史也善在斯惡在斯夫善惡在斯則勸懲不能外矣然而良史知要志士慕古是故觀上蔡之志叙事紀物與他郡縣一也式類辨宜與他郡縣一也循名究實考往例後與他郡縣一也審若是吾何言厥亦惟曰忠愍之孤忠貫日上通乎天可以教萬世人臣之不忠者顯道之受學伊洛上接洙泗可以教萬世俗學之不知本者夫斯二者風教之大者也其為天下之史莫先焉餘固可畏也

義有取夫重者故也郝子其志之當必有是吾說者於是序上蔡志

元城語錄解序

序曰元城語錄者何錄元城語也夫錄其語矣何以復有解也解其語將以發其義也吾聞古之君子有三異所以大同乎道也是故君子者以異而同之者也夫其以異而同何也異其異固所以及吾同也是故曰誠曰明曰剛其斯君子三異之道與惟誠也故能一天下之偽惟明也故能察天下之隱惟剛也故能濟天下之變其斯以為元城乎夫元城非求異夫人也異乎人之異夫道也苟異夫道將安同是故殿上有虎大有勇也厥

知長男凶大有明也七年而後不妄語大有誠也元城之所謂異而同者其諸是與質之道思過半矣然則蘇軾氏曰鐵漢似也由今觀之無乃得夫其一遺諸其二者乎愚既作是解復舉此以示讀語錄而不思者俾後之君子考焉

賀宿子述禮生顏廟序

吾郡宿生繼曰子述者幼學之思以奮其業於泮宮既而從事武舉業思以效其忠力於國家皆未之偶也乃遂往究之曲阜慕禮於顏氏之廟焉比其還也鄉之大夫士莫不嘉其心之知所向也族人義叔先是以妹妻繼則子述者固內眷屬也義叔將稱賀乃以文字托於崇慶然亦慶之意也因樂而序曰子知

曲阜有顏子乎子知顏子百世之廟以祀乎是故有道德而後有遺範有遺範而後有廟祀茲固天理之常民彝之公也子是之務可謂知本矣然而司禮於顏廟也有三益焉有三戒焉是故執事黍稷之馨知明德之在人者同矣聽琴瑟鐘鼓之鏗鏘知德音之可不朽矣觀升降進退之曲折知德行始終之條理矣而或慨焉以思其故得無惕然感乎是故情之易發莫如怒吾將克焉學顏之不遷無心之失謂之過吾將克焉思顏之不貳天之與我者謂之仁吾將克焉私思顏之三月不違夫是謂三益而其所謂三戒固在所當猛省也不然奔走於廟是徒慕其虛文美觀已矣吾何以觀之哉子述勉之吾將有深望矣

序
正蒙會稿序

序曰西銘論道而切用正蒙觀物而近玄要之有功吾道則一而已故君子之泛觀萬物不若反而求之一身易曰近取諸身言反約也是故視聽言動皆道也服食器用皆道也三綱五常皆道也審若是則求道奚以泛濫為正蒙之作何為與大而觀乎天地幽而察乎鬼神微而究竟乎昆虫草木言則至矣不可以有加矣而程子乃謂正蒙之不能無過豈亦責備之意與抑亦言之多而不免支離於道與故學道之難雖聖人弗敢自滿也秦之大司徒近山劉先生聞道甚早當弘治甲寅間嘗取是書而註之發其旨不詭其義暢其理不乖其辭明其歸不泥其

迹信正蒙之指南矣關中學者仰而宗之迄於今不衰是使橫渠之道益明於天下先生之功顧不大哉先是靈寶楊君某廉訪秦臬謂是書有補後學乃謀之西安別駕祝君仁卿因遂梓行板在公署士以印刷為難公之門人任君伯宣歲戊子來訓吾開嘗得近山公訃乃設位而哭凡三日則君之得於先生者宜亦深矣茲將再梓以廣其傳乃踵予問序焉予昔備員戶曹亦嘗辱先生之教且愛也故樂而述其事如此且以告吾黨之士

玉溪子集序

玉溪子集昔者吾友王公濟之所作也公濟自結髮以至筮仕

不妄交不妄與不黨惡不隱賢而又不雷同附和以浮沉於世俗故其勲志竟亦不甚大究於時亡之日人或幸其無成而君子則益悲吾道之日孤也嗟乎厄運之遭仁人所弗免而陽爻在六固聖哲之恒也君子安得以成敗論人物哉公濟嘗刻意詩學將跨六朝而上之文則好學左氏而極於檀弓今讀之渾如也鏘如也雖有不嘆服者鮮矣近山趙子既選而將梓行因索吾言序之

山海經釋義序

序曰經常道也聖人履常所以神化也君子信道所以昭訓也先王守一不二所以正人也山海經何為者與是故以之潛世則頗而不平以之叙倫則幻而鮮實以之垂永則雜而寡要惡在其為經也顧歷世既久傳者寢廣大荒而後蓋又甚焉仁者見之則曰理無往而不可體也知者見之則曰言無往而不可察也是何惟其混六籍而並行以至於今也雖然晉之郭璞吾亦竒其人而悼其博也然而弗信理而信物不語常而語恠此吾釋義之所由作也君子尚有擇於斯乎尚有感於斯乎

壽李母胡孺人八十三序

東阿李君元甫外補我闈之三年是為丙申乃迎其母氏胡孺人於宦邸孝養惟謹越三月既望會母初度乃稽首滌觴開筵為壽惟時賓客雲集延及黨庠師長諸生既繪圖瑤池為况以

暢其樂皆願予有言以序之惟君早以毛詩發解於省繼以會
試擢進士於京再以風力選拜司諫於科母氏之教於是乎有
明徵焉及其判茲土也始而杜門既而造士門庭瀟然無異行
旅君子是以知君之直道忤時素位而牧益信其源流非偶然
也方君之立朝也秉道疾邪思所以磐石國家君子曰善哉若
人知壽其君矣既佐郡而安履惟恒又思所以固結民志君子
曰賢哉若人知壽其民矣夫壽其君者忠也壽其民者慈也惟
忠故孝可移於親惟慈故勤可施於政孝則行集勤則政脩行
集政脩則德備夫德備而後化光化光而後有恒有恒而後民
作極故君子之道莫壽於民作極矣詩曰樂只君子萬壽無期

又曰樂只君子民之父母又曰永言孝思孝思惟則敢以是為
元甫祝不知約齋諸君子以為何如僉曰可以壽矣遂書

雙巖詩稿序

序曰此雙巖詩稿之僅見於雲中者也尚憶往歲聚首梁園公
酒後高歌慷慨起舞憤然有澄清宇內之志乃今果爾信哉其
為偉丈夫矣公既受知 明天子自癸巳來撫雲中由是勞心
於籌邊唾手於報國有時發之乎聲詩以自表見雖不力事斧
鑿而渾乎鏘然法度自在有李白之風流而不失之狂有杜甫
之愁苦而不失之迂有陶潛之冲淡而不失之枯君子是以知
公之傑出諸家固自有本也矣異時公論大定論功麟閣安知

今日之咏不匹休江漢諸章耶是故先觀公䟽後讀公詩然後知公之作其諸異乎人之作與是以樂為之序

研岡集序

序曰夫言心之動也操其心者存乎人昌其辭者存乎道故君子不患無言而患道之未究焉是故賡歌宣重華也大雅發緝熙也豳風東山吐坐旦也是皆道之至也吾觀是集其動之華也乎是故讀其古詩渾渾爾讀其樂府諸賦鏘鏘爾讀其律詩穆穆爾讀其聯句怡怡爾夫天下之情待人而平八風之氣由心以宣推研岡之所有而往其又焉可禦也而况乎明主以人文化成天下古所謂天光昭回下被萬物者也而賢宰百執

事又皆彬彬乎出而弼輔宜禮樂文章之大備夫大備盛德也治之極也述而采之乎史斯集不外也矣

楊氏遺集序

端溪子曰吾讀楊氏集而知人性之本善也夫氏也生於賀蘭遷於濮陽里於榆林派衍於元雲仍於明何其盛歟然而西夷之人也夷之變於夏者也故君子以為善變也是故吾於思本見其祭焉於順樂見其養焉於敬止見其履焉於觀德見其射焉於鄉約見其鄰焉於為善最樂見其知所慕焉故讀集而後又知是集之可以訓也嗟乎楊之先人君子以為善變固也繼自今為其後人宜何如而可也亦曰謹率乃祖勿變乃訓則

亦庶幾矣楊氏世系與其官見本集因序其槩使歸而藏之

壽司訓任虛菴序

嘉靖丁酉之秋八月二十九日吾開分教任君虛菴辰當初度其同寅許君四峯張君樂軒及諸友生李宗美輩皆欲吾言以壽吾固素知君者也君秦人也少學易以才俊聞於長安長安之人無少長近遠皆以君為通儒夫世之所謂通異乎吾所謂通也世之通也通以事吾之通也通以道惟通以道故其蘊之則為德行發之則為事業近而為當世光遠而為後世師信哉其為儒之通也任君幼師大司徒劉公近山今天下所謂儒之偉也是故近山之教其教也以道是故虛菴之學其學也亦以

道長安之人無少長遠近又皆以君為所師得人以君為不忝其學云及近山捐館君聞訃為位而哭諸寢者累日於是開人之仰之也無異夫秦之人也故吾以君為儒之通乎道者此也夫道人之本也德之門也萃而積之壽莫有大焉者矣由是而立身則身立而名垂由是而淑人則人孚而化行由是而考終究履則可久可大胥此焉出則任君之壽其諸異乎人之壽與是故壽莫大乎體道不壽莫大乎溺慾古之教也君以為何如君再拜而謝曰有是哉吾聞命矣

攻玉集序

夫陽春白雪所以昭至音倚馬行空所以示絕倡昔賈洛陽過

湘而吊屈原柳柳州望燕而悲樂毅梅花賦於廣平莫且歌於
子建是皆風流振乎詞源藻思超乎文苑殘篇千載知言幾何
是故道合舜禹豈必登乎明堂才契周召奚用服於大僚是以
逸人多性命之辭而豪士抱忠貞之泣古也皆是今何不然龍
巖趙君艮山始以才進士而選翰林既乃忤當路而主秋署秋
署未幾復節推吾大名夫君子之於處世要在歸夫大中故動
心所以忍性觀物所以成仁詩謂他山之石可以攻玉良有以
也今讀其集不思父則慕君不隆友則憶弟夫學莫大乎敦倫
文莫先於潤身艮山篤於本根是以暢於發越蓋全德斯為大
噐噐大斯其行遠所謂上友風雅俯視屈宋人曰刪後無詩蓋
亦未之思云爾

東田漫稿序

王子曰嗟乎予讀東田漫稿而知天下本嘗無完士也若乃顏
末則沙溪公備矣今夫詩君子所以蹈情也含英者競其華鬪
巧者鑿其響好奇者亂其真而先王之雅風亡矣是故詩而匪
情是為玩物君子弗由也先生篤於行而理於情則其發之乎
詩大而雅曲而中和而不流怨而不怒有以也夫昔者慶也聞
諸父師先生在私治成化間為諫官立朝正色蚤有雄辯片言
隻辭往往輒為人頌既九年而補外其直可知也逮至正德中
逆瑾黜伏 天子詔而再起尋拜中丞則又不能效流俗委曲

遷就以求合於世蓋脩乎鳳翔矯乎龍躍號乎雷行猶昔焉於是群小愈益忌而毀之至以方張不制之寇責先生完功於旦暮此其所以中傷之者為何如而先生方且不失其初不懼其外可不謂至偉至偉者乎然則世之徒以文章稱而慕者抑末矣先生既懼讒以沒功業未究墓木既拱天下則又聞而悲之賴天子明聖卒白其寃而諭之以祭嗟乎諸葛出師而未捷命也屈原蒙謗而自沉亦命也公也番老之年幾無以自表見亦命也若夫文如韓詩如杜公餘事也吾又暇為先生道哉公之子監生師言是年秋七月自故城來乞言且托郡大夫筆山文侯三畏校而梓行蓋筆山乃翁松齋司馬實先生同年云於墓噫先生不沒矣

律法摘要序

戊戌之夏五月戊午御史虛菴王公來按吾大名四郡既冬十月而週巡軺鞋恒陽激揚宣達風行草偃每懷靡及之志蓋倦倦焉君子以為王畿數年來所僅有也昔者吾嘗聞之諫官惟垣以司恒於內臺史惟巡以司恒於外夫惟其有是也是故治安立壅蔽決先王之所以垂法經世恒必由之者也虛菴之巡也學本於誠行存乎謙憂切於國亦既盡其心而平其政矣乃

復慮小民之易虐大憲之難剔公法之易搖私情之難窒也於是哀無告而恤邦本取律之大辟而示要焉曰事莫重於人命罪莫大於死刑故法家成獄必本於檢驗嗟乎誦斯言也推斯意也堯舜之所以欽恤禹臯之所以泣囚淑問湯武之所以祝網丕蔽皆是道也仁人之言其利溥公蓋以之矣今取其集而讀之由檢勘而至相視要害由傷痕新舊而至形跡真偽由焚溺而至經刳骨脉一披圖而無盡藏焉則夫諸郡縣良有司得不仰體公志也哉是故體公之仁將必有哀矜惻怛焉雖欲自私無之矣體公之明將必有洞察周悉焉雖欲自蔽無之矣體公之斷將必有不留宿諾焉雖欲遲疑不果無之矣公之培植

元氣以壽國脉如之何其可及哉乃舊司諫石府君使來乞序因重其請且以見虛菴是舉於憲綱為知大體可以永世傳焉

壽董安人七袞序

慈谿葉君敦叔母氏董安人是歲仲冬九日實惟誕辰吾開掌教姚江許子汝聞與君有里閭之好開去南樂伊邇又有鄰官之雅將致壽於安人以推敦叔望江遙拜之意因乞言於王子王子曰許子其知錫類也乎夫敦叔之宰南樂吾聞其政矣吾見其人矣君子蓋以為循吏焉吾聞古之循吏忠於君不忘其親所以廣教也敦叔夙夜匪懈王事靡遑亦既忠於職矣乃復有陟屺之感發而為斷機嘗膽之慕思欲彩舞萱闈顏承膝下

此其孝思何如哉聞之安人之相其夫也婉而敬其教子也慈而嚴君子以為婦職毋儀兩無缺焉用是厥兄彬以儒行而飭吏事厥弟采以儒名而業武舉乃敦叔則又以文章薦進士於兩浙以卓異拜郎官於名邑也先是敦叔嘗欲迎安人於宦邸而安人以安土辭茲其初度之辰宜君未之能愬也是故秋風入戶南國雲飛望親勞也書錦未行花封漏永夢親頻也有歌盈耳有酒盈缶樂轉慨也仁人孝子之情事孰有加於此哉夫顯親莫大於名揚敦叔方卓然於時而未量也則其壽安人者顧不宏且博與繼自今無忘爾兄弟以及爾姊氏則所以悅毋氏者至而孝益章矣敦叔知壽理也夫

贈良山趙君同知寶慶序

良山趙君瀘人也嘉靖壬辰以進士入史館甲午春出而補刑曹焉乙未之冬再推吾大名君子曰若是乎舛也無亦銓衡未之思乎然而良山怡怡如也未之戚也君子曰達命矣夫推吾名也由未而之亥幾四年人皆曰振翮天衢其斯時乎既而問部檄則寶慶守貳猶之推吾名也階不甚相遠也然而良山怡怡如也未之戚也君子曰達命矣夫是時司諫易菴石君來守邦知良山未申厥蘊率寅僚而相與唁之曰嗟吾意茲行也臺諫無論也恢而復子之故雖晉編撰焉可也然而良山怡怡如也未之戚也至是君子又曰達命矣夫是故吾於君之達命而

見三難焉變而不禡其衷仁之量也否而不失其泰義之和也素而不忘其初勇之至也夫是之謂三難故三難非達命者弗之逮也可以觀艮山矣艮山之行也易菴重其器不忍其別舉爵者三為之賦蕪葭少府二田之於艮山則知之久者也於是賦南山有臺判府君曰虞曰張填註推府曰施感其視象之有日也於是皆賦六月君子又曰時哉六月君適其會可以為仕版光矣夫易菴長侯也餞而以言制也是故敦風以明教篤近以舉遠交始以全終德之盛也易菴蕪而有之矣因並及之用以復君之請

送施文峯擢南都秋官郎序

庚子春三月濮之二守施君文峯有主事刑曹之擢將之任建康州之逸人胡東岡清之來乞言以贈則夫公之實政州之士風皆可因之乎見矣昔者吾嘗聞之君子之於天下也經以守道權以行才文以博識禮以約德學之全也聖人之所以無疆而立人紀也故為政者道而非經則流於恠才而非權則流於泥識而非博則無以辯物德而非約則無以反本其斯中道之所以難乎文峯吳產也今之常熟古之海虞也先大夫漸齋之所遊也聞君少而慧敏頭角不伍於群邑之識人先達有如錢公士私有如陳公汝昌有如周公光宇固已默竒而偉之矣甫弱冠而入庠則又以明經聞諸近遠操筆為文動數千言不求

工而自中矩度乃壬辰果舉進士未幾為西曹尚書郎主事會
勘椒房張延齡獄不阿不隨一繩之法黨貴者怒之因遂謫同
知於濮君之治濮也行其學則辯而不泥臨其下則惠而不褻
守其身則恭而不勞慎而不憚當路者廉其賢而重焉多委之
機政者君皆立辯而當其可故旌薦日聞故老以為數年僅有
也夫以君之由中補外卓然如是三年而始復其舊似猶未大
伸也雖然官之伸不伸無論也而君之人品則有足稱矣夫刑
先王之不得已也威之所以懲小人也哀而矜之以得其情淑
而問之以求其生其幾乎然而宅心為要心之治則講學為急
今金陵大司寇非四明聞老耶君就而請益有餘師矣若夫心
學之講則有甘泉夫子在君政暇而往扣之吾將並受教矣君
無忘吾言也哉

感椿序

天下之道存乎誠應乎感故感椿而南川之孝思可見矣然而
君子必溯其流而後源可考也是故肇於東吳遷於梁宋仁齋
之家世也積學而文抱真而樂仁齋之獨得也奔訃而哀處弟
而篤仁齋之孝友也拾金以歸主永訣以教子仁齋之範族也
夫以仁齋之有是也培而植之者厚矣雖以壽比靈椿可也乃
既不永以彫則夫南川之倚廬宜其蚤夜以思羨墻屢寐如或
見之也未幾己丑而椿生於石則所謂不待生而存不隨死而

亡者以為無是理可哉且吾聞之孝子不履石悲之至也靈椿
生於石孝之徵也然後知素冠陟岵追養繼孝世何可以為無
斯人也故君子觀厥子而後厥考為益顯云夫以南川賢科掇
於芳齡嘉績懋於推郡文行孚於當路今時吾見亦鮮矣異時
道德之崇勲業之樹名位之茂其又何可量也感椿固其一云
爾乃今年庚子夏使來乞序既重南川之隆於親而篤於同門
也乃復以是而告鄉之諸大夫圖所以共發厥美於是杏塢劉
公誦易之餘慶後菴李公引書之百祥西巖宋公賦詩之萬壽
沱村史公終禮之思貽令名必果乃端溪子則繼而鼓掌颺言
曰大哉南川稱其孝矣夫孝忠之地也教之端也始於家終於
國極於後世德之盛也南川念哉予日望之矣因僭序簡首為
群玉引且以為南川復

瀛東奏捷序

惟畿輔之南郡曰瀛東澤陂攸畜俗剽競貨民嗜寇亂舊矣
明天子十九年庚子夏六月有弄兵者起而倡暴群疑罔制妖
孽煽行怙恃驚猛攻陷部落以拒大順謂雷霆之迅莫已擊也
毒口益橫近遠騷然於是撫臣都御史範東劉公以天討為已
任以國患為私病簡賢命師人效其勇聲義抗憤士一其心振
兵出次奉揚王誅儲峙饗賚申明號令惟特大攘頑凶宥諭劫
脅不旬日而取其渠魁乃播告以為大戮闢塞巢穴蕩滌沴氣

飛章捷聞 帝心嘉悅功議居最光流上京可謂恢張神筭綏
寧黔首垂耀無窮者也何其備與是宜碧泉張公紀其盛我石
府君易菴樂其成也然而範東公之殊勲重望行且書之太史
彼其家學繼述又當銘諸太常茲豈足以展其萬一也哉庸書
此以僭卷首尚奮筆以俟將來因求教焉

送渭野樊公擢蜀藩少參序

辛丑之春渭野樊公方以御史南巡吾大名四郡憲綱惟貞王
章益明激揚以人近遠振肅功會贊成於沙河勞且允協于
帝心於是銓曹首議先缺非公不可因疏名請於上報既出中外
翕然莫不以全蜀為得人云聞之蜀去京師甚逖接荆楚通嶺

海邇滇南加之變生無恒事多時出君子以為地之要劇且險
而難治矣惟 聖明稽古建官莫今日為盛而大小臣工奉行
王度每三載一行考課以殊殿最亦莫今日為公惟時巡撫劉
公範東既喜輿論之明而又重惜其去也乃命屬吏得以贈言
而申意於是崔同府魏揚判府振文朱推府家相皆謂慶方里
居為公所知且愛使來問序王子曰吾聞公嘗令於晉而知叅
議於蜀之易易也其心翼翼其志兢兢若有所沮人問之曰吾
懼政之荒於心之傲也其貌矍矍其辭悄悄若有所忌人問之
曰吾憂政之怠於意之肆也其行惇惇其動隱隱若有所失人
問之曰吾恐政之遺於念之粗也是故惟懼傲而後至敬者立

馬惟憂怠而後至勤者集焉惟遠粗而後至精者至焉學之要
政之本也然後知公之克令宰邑而拜官內臺非偶然矣克是
而議政於蜀有不沛然者耶植密畫於俎豆發群謀於旦夕上
為 明天子論列熟計而導揚國美吾見其未之量也公行矣
尚勗哉思我之所以叅議乎政又從而自議之曰吾昔令於晉
也善也後乃為御史焉又從而自議之曰吾既為御史也善也
乃復且為叅藩焉又從而自議之曰古之治蜀者法行則知恩
莫如孔明琴鶴而自隨莫如趙汴今其風節可望而想也吾何
脩而可比於斯也夫然後德益懋行益周天下稱之後世傳之
雖以匹休三代固分內事也於孔趙奚有君子曰是議也庶哉

愛人以禮矣於是乎序且以質之範東公云

送易菴石府君擢兵憲西江序

今天下臬司類設兵備於要地叅錯乎撫巡而保障疆域凡以
大國威靖妖氛也饒州實鄱陽之衝俗剽而多盜由 國初以
迄於今必才望素著者選擇而臨之所以康民而弭盜者至矣
今年辛丑春二月大名郡伯易菴石府君以銓曹考課推於當
宁因疏名以聞 命既下戒行伊邇同府崔君巍及楊君振文
推府朱君家相重其別皆謂不可無言以贈也使來乞序吾聞
君子之於天下也政不患其不修也而才德未克之為憂所以
探本而反躬以為負荷勲業之地建明聲稱之木也先生以少

年為才進士視篆花封未幾入而司諫以啓沃 帝心潤色皇
猷天下聞而慕之者久矣乃當路又以大名古之天雄鎖鑰之
地也非先生不可於是遂出守焉先生本之以明敏克之以剛
大而又基之以慎密比及三年政通人和風清弊除爰及屬邑
莫敢不奉行法令者故老兒童熙熙乎相安於和平而莫之知
也審若是其又焉往而不宜哉是故明敏吾見其足以臨也剛
大吾見其足以執也慎密吾見其足以籌畫也政之大要備矣
則夫由是而振發紀綱以培植元氣磐石邦家殆無難者異時
進而鋪張鴻休以垂無疆之名如之何其可量哉君勗之吾目
望之政暇巡遊尚為我揖五老而問白鹿今山水之秀不審無

恙如往年否也

贈范栢峯師道序

栢峯先生之判大名也諸郡博率其徒而餞之亦既徵吾言矣
乃庠之俊彥張生鳴鳩又率其同門四十人餞焉曰吾師之來
也臯比設而治不廢二三子所由以窺道也吾師之行也除書
及門征車在途二三子未之能愬也咸願吾翁有言用暢厥事
王子曰二三子其欲吾何言論治乎論教乎若夫治而成化吾
既言之栢峯亦既悉之矣吾請序先生之教以為臨岐觴侑可
乎吾聞先生之始吾開也周情而孔思蚤作而夜息動有箴息
有規是為身先履道先生之教可謂博而大矣二三子以為何

如僉曰唯唯願言其次曰先生之橫經於政暇咀華於詞林振芳於文苑又從而隨事示意因物造才進退乎古今表裏乎人物先生之於門牆可謂篤而至矣二三子以為何如僉曰唯唯願言其次曰先生之於分袂也獨於諸生乎依依而又且無論衆寡焉離亭夕照懷昔感今往往有悵然之色至要其心而究其旨則又古人譽髦斯士之至情也先生之教可謂不忘其初矣二三子以為何如僉曰唯唯願言其終曰先生古之遺愛也在一郡則道行一郡在一國則道行一國在天下則道行天下是古之遺愛也然則愛獨士乎愛士所以愛民也愛一郡所以愛天下也事久而論自公人勝而天自定推而極之黃閣論思

橋門環聽其在斯行與其在斯行與二三子以為何如僉曰端翁之言至矣不獨知吾師又知吾師所以教二三子者

贈范栢峰判府大名序

辛丑之夏四月九日節判盧子敬齋以栢峯先生擢判大名戒行伊邇既篤舊實之情而又嚴屬吏之分將餞諸州署而難於自述乃乞言於予甚盛事也惟先生之出翰林也有餘忠焉邪媚者憚其色正而義直貪鄙者畏其守儉而居廉是謫係邦家之教也栢峯於是可以一身自觀矣逮先生之視事於佐州也有餘愛焉強禦者蔽其凶而莫敢肆困窮者安其業而得自殖顛連無告者脫其厄而悉自遂是倅州而措衆兆之平也栢峯

於是可以一州自試矣夫開東齊魯而南梁宋西覃懷而北燕
趙號稱民朴而事簡舊矣先生下車未幾郡治用休則其推是
而往又可知矣夫判者斷也由州而府民則又加衆矣民重則
事加繁矣先生以其判開者而判府吾又見其有餘烈焉自元
城而魏博而南樂而清豐而濬而滑而長垣而內黃而東明振
其綱則目斯張篤其近則遠斯舉事吾知其靡不康也猶吾開
之一堂呼吸也民吾知其罔弗寧也猶吾開之一州弛張也栢
峯於是又可以一府自考矣嗟乎君子者學以造用才以濟德
道以匡時名以範後是為全功栢峯可謂大而成矣由是而恢
乎其地晉而臺閭以平均四海不又可以一世自收其完名耶

吾將質而問之當有新得矣

觀風錄序

觀風錄者侍御渭野樊公之所著也歲唐子渭野承 帝命按
王畿甫三月而政聲茂逮五月而民志孚及其如期而復奏也
憲網備矣王子曰御史法官也厥惟艱哉公攬轡所至雍如也
肅如也君子且謂其昌言陳而重望塞矣其見公之心乎乃今
讀其錄缺官有疏急民牧也星異惕脩省也贖穀備荒凶也貧
軍月糧畜瓜牙也旱蝗踏勘宣民瘼也奸貪清查體 聖孝也
分豁賜田決處重囚什寃抑也恭問起居廣忠愛也盜息民安
端治本也至於告成沙河品評功次公賞勸也若其禮賢以下

士敬神以恤孤吊古以問俗薦賢以為國拔幽以剔靈鋤強而扶弱君子又以為近時所僅見云夫士脩於家欲效諸官也藏於身欲顯諸用也慎於獨欲驗之衆也言於今欲垂之後也顧狃於氣膠於習而奪之利以至淪落無聞往往乎是若公也者可多得乎聞之公也志於橫渠學於死落友於五泉所以閔中而肆外者舊矣然則君子觀人必本其源流吾乃今益信其非誣也廣平別駕陳侯將命梓人以傳謀及大名推郡朱侯南川使來問序因遂樂述其槩如右公名得仁字恕夫秦之朝邑人渭野其別號也以 廷論推擢蜀之少叅茲固緒餘云爾嘉靖辛丑夏六月十日也

送大名衛司訓臺序

衛君文星振鐸我大名者三年矣辛丑春三月巡按御史渭野樊公廉其賢而獎之昭憲綱也庠諸友劉生思寵董來乞言以賀於是王子嘉其隆師而喜其足以風遠也為之序曰夫師之時義吾嘗聞之矣振蒙以破愚開來以繼往傳道以解惑皆於是乎賴焉苟非其人其不至於廢教而玩歲時者寡矣文星之分教也朴以基之敦以行之端嚴以濟之敏者服其明睿銳者則其從容柔嘉者樂其寬裕英發者準其果斷如是者素矣夫人之生也質敗於浮華氣漓於澆薄志奪於傾邪縱肆固也是故學以造成道以崇本行以崇正所以全教也教全然後士氣

振士氣振然後風俗隆由三代以還莫之能違也文星蚤馳聲於大梁繼筮仕於庠序其兼而有是者耶則夫當路之獎而顯之豈偶然也哉君懋之由分庠而蒞政吾見其木可量也君懋之吾日望之

河東杜氏族會錄序

序曰族會有錄以敦族也仁術也誰所作也杜侯惺菴也惺菴蒲版名族也少有才名當是時杜氏治家之美甲於河東而操約以為訓援古以為倡則自惺菴始也惺菴賢哉今觀其冠婚以禮喪祭以禮而人道始終無餘事矣統宗以一其紛提綱以振其要而又戒勉交行以作其氣至使河東之人望廬而起敬

聞風而仰止今固未之衰也惺菴賢哉夫以惺菴施於家者而措之官立之素者而試之今宜其宰星垣而吏畏民懷令行禁止也予嘗即其政而問之衆無弗同者信其學之為有本也惺菴賢哉古稱神堯之協和基於敦叙文王之作孚始於麟趾由後世觀之誰復能外者近代如呂氏之鄉約鄭氏之家規亦庶幾古人遺義矣然而惺菴是錄吾恐未之多讓也予嘗臬三晉知君為悉蓋不可無言也作族會錄序歸焉且以為杜氏族人賀

仕學序送上蔡歷田陳侯守廣德

上蔡陳侯歷田歲辛丑過開而見端溪王子曰熙始登進士即

告終養以歸既免喪而入京師今且出守廣德然而嘗從事於學矣如之何斯可以從政與王子曰美哉斯言也昔者吾聞之古也仕與學一今也仕與學二是故學也者知之者也體也仕也者行之者也用也所謂體用而一原也匪學何仕匪仕何學譬之草木培厥根莖而後暢於枝葉閔子馬所謂學猶植者也足故君子徵諸事業以達用也驗其問學以敦本也岐而二之其不流而為俗吏者鮮矣先是庚寅入上蔡而過侯之廬當是時候方箴器講學靜觀養晦然已彬彬乎有聲於梁宋間矣比及壬辰振翮雲衢吐氣帝都則又辭榮依母垂十年餘則侯之體用固已孚於物矣曾謂二於仕學者而能有是也耶侯公哉

州有尊經閣閣有甘泉先生心法在焉侯往而時復思繹之又從而推其所蘊以輝煌於紀綱文章振迅於禮樂教化則夫仕學合一之妙邦家垂範之遠不益徵於他日也哉遂樂而為之序

送杜令考績北上序

或問於予曰考績古與予應之曰然又曰行而餞禮乎予應之曰然是故績以考而實著行以餞而情伸先王所以勵世而立教也長垣令杜子大章將北上通府楊君鶴溪使來問序因不敢辭而暢之以言今天下之親民莫如守令守令之臨民莫如廉惠惟廉也故能激天下之貪惟惠也故能化天下之暴激貪


而化暴仁術也王政無餘蘊矣吾聞君之宰垣也三年矣政在
田野教在芹泮聲名在當路古之遺愛也茲其行也其必有合
乎是故積貯有餘聽斷無冤催賦平均可以觀其政矣考德問
業分經立會明賞示罰可以觀其教矣州府曰循牧撫巡曰稱
職可以觀其譽聞矣旱禱而靈雨沛扃戶而夜無金可以觀其
幽隱矣夫心之積者久則行之孚者深實之養者大則發之及
者遠理固有然則夫君之行如之何其不有合也哉銓曹執其
績而上之 彤庭揚之諸僚叅之衆論吾見其匪臺諫之選則
郎署之推也紅亭離歌之惜將轉而為蒼生來蘇之慶乎大章
試自考果以為何如哉於是揚君拜而謝曰公之教我至矣殆



不獨為杜發也

新刻誠齋先生易傳序

王子曰吾讀誠齋是傳未嘗不慨其出之晚也而又喜其三百
年苦心朔野子能一朝發之也庸詎非吾道之幸矣乎乃樂而
序曰夫太上忘言其次立言其次有言易之所以始終也是故
忘言者神也羲之畫是也立言者聖也文之卦周孔之彖象繫
辭是也故忘言非默也難言也立言非言也不得已也有言非
贅也不得已而又不得已者也嗚呼是易之所以始終也吾觀
誠齋六十四卦之傳也沿爻而發卦由卦以發畫雖以祖義文
周公可也又觀其十翼上下之傳也以已言而會其未言自己



發而益其未發雖以宗孔子可也又觀其取程朱而旁引曲證於歷代也勸勸懲懲雖以友程朱而得進君子退小人之遺意可也嗚呼是易之所以始終也大哉斯人斯其至矣辛丑之秋侯始來守郡其行之剛健也蓋得諸乾其志之含弘也蓋得諸坤其視聽之明而不蔽也蓋得諸離其樹立之勇而不懼也蓋得諸大過嗚呼可謂不負其平生之學矣方且憂大音之易墜懼至寶之難遇遂命梓人以告成事因且謀及不肖相與訂確蓋未幾三月而周之完易盡在開矣非果於繼往銳於開來而慨然以斯道為任其孰與於此嗚呼是亦可以觀其政事矣

貞壽序

秦之微地有淡孺人氏者始而貞於家既而旌於朝先是三原馬公伯馴遂寧陳公子學富平李公宗樞既錄其行實遂發其貞節四方聞而重之淡之子男郭君從道歲己丑通判吾天雄辛卯春尋擢守應州因以其母淡氏事濫托崇慶秉筆用招厥親甚哉郭君之善用其孝也既不敢辭因遂序焉序曰夫天道主誠人道主貞是故誠也者實也貞也者正而固也惟誠也故能一天下之動惟貞也故能定天下之慮動定而後靜慮定而後安易所謂貞夫一者也人道無餘事矣然是道也異而同之者也是故人未有誠而不貞亦未有貞而不本於誠者也天人合一故也自今觀之物之堅者莫如石然石亦有時而可朽則

以其未貞夫一故也夫其未貞夫一也則其質有可奪也固宜是故淡氏之行不可及也易所謂貞夫一之者也其在斯人與宜其家不忘其夫敦其行不變其守教其子不墜其業是故淡氏之行不可及也易所謂貞夫一者其在斯人與是故噬指出血誓栢舟也貨衣積書志斷機也九齡視課效能九也是宜明明天子從而旌其門以風示當世與君子則曰古之制莫先範女師也女師立而男女之倫正萬化出矣先王王化之本也故曰淡氏之行不可及也故夫貞壽序而君之善用其孝者可見矣

刻馬立齋摘稿序

摘稿者馬子立齋之所著也夫立齋雅多著述茲固其什百之一云爾南樂鄉秀石子漳南其友也自京師來歸摘今稿凡三卷將謀諸沂守宋侯梓行以傳使來問序王子曰是為厥考梅軒求志銘者耶佳士佳士吾愛其志在顯親亦既聊復答之矣乃今又得是稿則亦安可默耶是故吾讀其首卷曰節日悲萱然後知望雲之嘆陟屺之咏不獨古人可專也既而又讀其中卷曰反反離騷然後知楊雄之仕莽與屈原之投汨羅不獨古人可擅也又讀其下卷曰希迂如經史祖德諸篇乃吾又知其尚友前脩而又繼之以格窮之學終之以光裕之道其所以自待而待物者不又恢恢矣乎賢哉若人吾又不獨嘉其文藻焉

已也夫文而無補是為曲藝言而有倫是為道本則茲稿所載豈尋常加災於木比耶乃石子又從而不蔽其善亦可謂敦義也已宋侯推石子而播諸人人亦猶石子之於子端也是皆可訓也是故得並書焉馬子名巒字子端號立齋晉之夏縣人云

送南川朱明府考績北上序

南川朱君推吾大名者三年矣郡無冤民賢聲茂流當路剡薦者後先相望君子以為臺諫之選宜若無待於奏最者乃壬寅秋七月復且考績北上惟時郡守鄭西張侯及諸寅僚大夫嘆其屈而重其別也使來問序予學道於甘泉於南川為同師遂

不敢辭因而直言其事吾聞奏最舊矣是古之勵世磨鈍者是故天下清公論在朝天下濁公論在野由商周以來莫之能違也若昔虞唐天子知恤於上冢宰奉法於下以殿最為黜陟因賢否為進退是以朝無倖進之階時有秉公之效人有相讓之美野無蔽賢之嘆今考績之名猶夫古也不知秉黜陟而司進退曾亦如古否與是故寵祿及於匪人賄賂盈於權室乞哀踵於昏夜蔽也久矣宜其世變如江河日趨日下者也嗟乎 聖明求賢方切側席倚眷銓衡可謂至矣乃往往若是則其流而為妨賢為病國為釀災召沴為殃民逆天為士類喪廉耻為名教貽罵羞是豈 聖明望我責我之物意也哉南川學遠而博

才敏而健志古而銳德宏而深蓋士林之傑出梁宋之上品也故推其學足以利用充其才足以達變廣其志足以致遠振其德足以匡俗錄其勞而上之九重嘉其丕績荐登樞要雖以弼明主為堯舜之業有餘裕焉其視不俟考而選擢者人品賢不肖何如也然而君且不加芥蒂於胷中益肆力於其職業所宜盡者此又足以占君之所存有大過人者君子以為不辱師門又人臣師表之垂無窮者也則夫鄧西諸大夫雅相推愛吾又見公之篤於同寅不獨徵於民之難其去也

送南川朱君擢司空郎之清江序

南川君將考績北上舟未發而水部之檄下矣君子則曰斯人

也而有斯擢也未之能愜輿情也信哉知人難矣先是郡守竊西張侯以君考績來問序未幾又謂南川且將駐節清江請更序以餞往吾見臺諫之召也於魏博吾得魏氏於滑臺吾得劉氏當是時南川獨若見遺今也奏最且臨而郎曹之轉又僅與黎陽蔣氏子比信哉用人其難乎於是既慨吾道之多梗而又惜斯別之難也乃為序曰昔我聞之父師人有不可必得之時而有可行之道有不可必遂之願而有可用之學故君子不失其正所以立教也不枉其身所以直人也不變其塞所以弘功也不願其外所以樂天也是謂四美焉故四美者君子之所以自信而自得之者也南川推吾大名且三年矣一刑獄而必慎

曰吾懼法之易撓也一話言而必確曰吾恐行之未踐也一動
定而必省曰吾畏德之未恒也一戚喜而必平曰吾憂情之未
理也夫惟其有是也故其推郡以迄於今士則懷其教也民則
樂其政也屬吏則程其範也寅僚則永其好也君且以水部之
為踰分而又以清江之邇歸德也得奉母以行此其人品為何
如而又安足與瑣瑣尋常者較尺寸哉於是鄮西歌所謂伊人
在水一方王子曰吾不憂道阻且長也願毋金玉其音既而栢
峯歌夙夜匪懈以事一人王子曰吾不憂王事之靡盬也願他
日濟川作舟楫既而鶴溪諸大夫次相送於野瞻望弗及王子
曰吾不悲於飛之分袂也願天降山川不使治外如古之人於

是南川感而再拜復且歌曰我生之初母氏勞兮我生之後君
父遺兮蟋蟀在堂遄我裝兮鴻鴈在天沾我裳兮言別諸公淮
水長兮雲山渺忽予心傷兮遂行

送盧君敬齋尹清河序

敬齋君之判開者三閱歲矣壬寅秋七月且有清河尹之擢將
之任郡守朔野尹侯率僚寅而設祖席焉重去住也因以序托
序曰古之人贈人必以言言必以道道必以身故君子脩身正
物以端本也出令加民以考德也發邇昭遠以圖終也敬齋之
佐吾郡其容貌雅而飭也其辭氣簡而慎也其家傳愛而忠也
始而試以馬政終而考以馬政往返京師屢矣比其得朔野之

來也言而取則動而獲矩默而潛格觀望於風聲意氣之表而轉移於尊俎談笑之餘蓋自是政無墜民無間視昔益改觀焉信乎君子之貴於薰陶而虞廷之必有師師也則夫君之令也孰謂無本也哉然則金之道柰何由是而推君之佐郡以長乎邑惠民之仁或庶幾如仲尼之不問馬乎製錦之政或庶幾不愧魯禧之思無邪乎又由此而擴充光大之河陽之花不必種思子夏之無欲速於莒父可也單父之琴不必鳴思原憲之常祿且辭可也武城之弦歌不必作思子游之學道愛人得賢如滅明可也哦松之丞不必為同寅思子奇擅能聲於東阿可也君念哉追四賢步履以復能事其在茲乎於是邑何有雖然朔野

餞而送君不獨始終君也成已而成人也雖以為法於後可也嗚呼其尚思所以報知己也哉

鼎新開學序

嘉靖壬寅二十一年夏五月五日尹侯朔野創時雨堂於孔廟之後並重立生徒學舍凡二十號悉次以扁扁各有名昭進脩也堂之前尊經閣在焉則取其舊而重加潤色之閣有銘辭約意博登而誦之者有餘慨焉當是時候嘗以落成張宴告杏塢劉公後菴李公西巖宋公因且濫及端溪王子酒行樂作侯乃執爵泛蒲投壺雅歌已而舉袂颺言曰哢也繼守是郡首詢開廢莫學舍為甚報本之謂何吾用是懼遂以新之匪以為報也

永以為告也諸公以為何如於是杏老乃歌百堵皆興既而曰
美哉環望之固可以遠文苑矣後老則歌在泮飲酒既而曰大
哉斯舉吾未見民之勞財之傷也巖老乃歌順彼長道屈此群
醜既而曰羽書方棘而泮且命匠文而武雖古之人何以加焉
端溪子乃歌有德有造譽髦斯士既而曰諸君子之誦備矣我
聞創學以迄於今自池陽李公相繼而脩曾幾何人况踵毀瓦
頽垣之後勇於作新而又神速者哉則侯之功邁前人過掩先
牧宜君子以為至善也於是侯復拜手以謝曰斯役也居賢也
未之妥先哲也由是又上而修兩廡焉彩木為扉為位以龕俎
如也炳如也戟門東西相向則又有坊者二扁其門曰博我以

文約我以禮又進而北殿之東西為坊如戟門扁曰仰之彌高
鑽之彌堅欲凡有事於斯者知景行仰止云爾乃至夫子之殿
則丹楹朱門簾益遠地而周迴以欄松風森涼栢影交翠元碑
宋碣昔卧今起皆猶夫初蓋入而觀者奪目步而趨者忘其階
級之非舊矣又西而重修時習養正日新諸齋又西以北而改
脩今上敬一箴亭又東而創立射圃為垣為門為廳為翼室視
昔罔不倍增什百焉於是鄉進士松菴馮子一泉吳子前山孫
子山泉吉子皆忻然喜大功之成而思欲奮其辭說以傳因遂
以序問諸慶而又謀及郡博謀及鄉賢謀及大學諸彥且將肆
筵設席擇日於重九之先展敬於明倫之堂所以發舒士氣昭

布道光輝張曠事振起雅俗要非尋常之會比也則夫尹侯燕
喜思樂泮水又何魯侯之足讓哉繼自今當文日益茂教日益
暢窮而鼓篋遜志當必有誠意正心者達而濟時行道當必有
補天浴日者生於斯當必有懷侯之教弗忍忘者遊於斯當必
有法侯之政俾勿壞者神安於幽人悅於明當必有冠評他郡
匹休國學者是開學鼎新之大校也若其思慮豫防以為保障
屠奸剪弊以為治安遏惡揚善以順天命則又有民謠碑在諸
大夫士以為何如僉曰俞盡之矣遂以告朔野而述其始末俟
良史采焉

贈長垣令郝君南峯初膺堂獎序

壬寅之夏某月君視篆長垣甫及三月而惠及小民政乎當路
巡按御史殷公虛川移檄獎焉有仁愛有容鎮靜不擾之語於
是邑之耆老徐信二三子 思將效風康衢而
未敢也乃謀及庠俊尹生瑯毛生有倫過開而乞言於端溪王
子拜且稽首請曰自吾侯之令於斯也剪弊於征求屠奸於黨
惡消患於未萌相機於急務會羽書告警民大恐侯於是振兵
脩城蓄精養銳省刑薄斂民始有所恃而弗恐矣侯又以為神
而達變道之權也政而守經德之恒也寬而有制牧之體也今
也吾見水旱之相仍則休息莫可或後焉又慨夫風俗之侈靡
則儉勤莫可或弛焉又思吏胥之滋猾則防閑莫可或廢焉是

故後令尹之政必以視先令尹吾惟取其平易近民者而已矣
乃若違道以干名則失之陋欲速而見利則失之隘陋與隘吾
弗敢由也於是境內晏然士則樂於庠農則怵於野工則安於
肆商則怡於市不復知有逃亡困苦矣此則侯之初政爾也則
夫當路聞而獎之不亦宜乎雖然薦賢御史職也侯來未朞月
而虛川獎之固薦之地也他日勳名可量也哉侯念之吾拭目
矣侯名良臣字曰廷蓋別號南峯領乙酉鄉薦登辛丑進士晉
之襄垣人予昔視事冀南蓋已識其為遠器云

送周郡博歸汝南序

壬寅之秋九月既望郡博同始周子北臯辭官於當路將行同
官管子東溪何子龍屋靖子海岳率諸生餞馬來乞言以贈予
亦素知北臯者遂不敢以弗文辭昔我臬司大梁歲當庚寅之
冬乃有遼鄉之命當是時先宜人老且病遂以疏聞於朝

既而得請歸里由昔逮今蓋已十二寒暑矣乃今復且以朝
命起思欲奮以報稱而未之能也今子之歸也將無志在煙霞
不忘耕釣爾耶抑亦希蹤黃老尚友巢由欲直遂其性耶不然
子方振鐸吾開士僅樂其教者兩年矣而何以有是也雖然世
弗可忘也群未可離也離群則孤立志世則屯膏君子之道吾
恐其未若是也故猷猷不忘君所以示忠也江湖思魏闕所以
弘志也成功而不居所所以保躬也子歸而求也其有是也宜益

助焉可也乃或未之合也又從而思匹前脩以無戾夫道焉可也孰謂子能終於隱哉北臯世業儒以清白起家以讀書好禮冠里黨由祖父迄於今門祚日益以茂蓋古所謂積善而餘慶者與於是管子乃歌曰有客有客薄言歸兮載酒舉觴秋陽輝兮野草既零我心悲兮既而何子歌曰聽彼鴻鴈過我階堂彼美君子駕言翱翔於是隱隱其樂未央既而靖子乃歌曰我留是周子感而拜手以謝曰善哉美哉錫我百朋矣

送朔野尹侯同府徽州序

壬寅之冬十月甲申二守王君南塘節判蔡君栢坡孫君荷塘

蓮幕文子朴齋以郡大夫朔野尹侯將同府徽州戒行伊邇既惜去住之難而又謂餞不可以無言也因來乞序序曰侯其行矣予復何言侯知侯之寅僚是故侯之寅僚莫之能忘侯吾見侯之守吾聞也其視百姓則曰赤子也其視寅僚則曰兄弟也是故惠而不替其教仁而不失其義侯之所以撫民也和而濟之以莊愛而啓之以正侯之所以處同官也然則侯之意柰何曰惠也教也仁也義也侯所以法乾父坤母者和也莊也愛也正也侯之所以廣宗子家相之責者也克其志而行之雖以陶一世如斯而已矣獨開人也哉酒半南塘乃舉爵而拜且歌曰彼美人兮望隆四方萍水逢兮聚此澶堂風日凄兮言過其

裝願恒德兮業日孔彰侯曰美哉斯言吾將勗而侯矣乃栢坡
聞而鼓掌亦歌曰蹇予寡昧賴侯啓之夙夜兢兢莫或已之太
山喬岳予實倚之短亭分袂恨誰紀之侯曰言約而情博相愛
之篤也既而荷塘揮袂以進則從容以歌曰悠悠者旌鳥啼有
聲言戒僕夫玉壺且傾緬彼南國山水佳清願吾君侯行且持
衡侯曰吾惡敢當哉予方思副諸君之愛而未之能也三君歌
竟於是洗盞更酌乃文子朴齋獨若欲拔留而莫遂者於是復
且拜而歌曰昔我入幕罔知道方自侯之來始諳紀綱幘幪幾
何忽復離觴言佩令德曷其有疆於是起而謝曰諸君之別意
何其長也予將佩而周旋行且視復者神矣因遂次第其說以

為序

送栢峯范明府擢南都司徒郎序

癸卯之春三月丙寅栢峯范君有南都司徒郎之擢郡守鄮西
張侯將率同寅而餞諸河梁使來問序序曰君子之相聚也以
道而其相愛也以情惟以道故有終惟以情故無倦是故達人
觀相與之始終而寅好同心之雅胥可因之乎見矣吾聞君之
判太名也素位而率其常開誠而本諸性協恭而忘其勞與鄮
西之相朝夕也入而謀議出而建明怡怡然如手足同胞未始
一日衰也當是時羽書方急君且身親戎務而振勵之蓋先聲
所至盜輒屏迹近遠老稚皆以為真得保障云未幾當路聞而

高其不以史氏鄙有司也遂又以錢谷諸政託焉君亦忻然從事簿書會計之間蓋清理摘發之餘而吏胥膽落往往稱之為神明云若其聽訟之明決則又察見至隱民無遁情至有望栢峯之臺而返不敢履其庭者君子又以為君以文章名家而鍛鍊之精乃如是雖漢廷老吏何以加焉他如隨才而作新士類本之躬行以啓其端參之經術以弘其用終之賢聖以要其成則吾開為最焉是故迄於今士樂而誦民懷而吟猶夫昔也此則栢峯之大校也今夫好善者天下之情也薦賢者相臣之責也君之補外幾四年矣持衡者苟思公議之不可拂殊才之不可掩也雖拔而進之大僚無不可者而僅以郎曹及之謂之何

哉宜鄮西不忍其去而思有以發之也酒三行鄮西憮然久之既而誦易之勿逐七日得曰斯義也君子所以守道而弗屑於隨物者也既而郝君誦出門同人括囊無咎曰斯擢也推已而達之民者也道之行也必自爾言始也既而鶴溪諸大夫誦天行健君子以自強不息曰斯道也吾儕之職思其居以求自新焉者也既而栢峯再拜誦同心其臭如蘭焉曰斯舉也鄮西倡之諸大夫和之瑟也敢忘大惠繼自今其勿以相違而金玉其音也已而夕陽在樹人影在橋花落鶯啼前驅漸遠賓主唯唯於臨岐而別

送張清豐鷺山應召北上序

鵝山張侯宰清豐者三年矣癸卯秋八月銓部以臺諫缺人因
疏舉海內民牧之良者請裁於 上侯實與焉於是滑令劉侯
率諸邑之長共謀所以餞鵝山者乃走書於端溪王子欲追而
贈之言蓋篤交鄰重友道也今夫國家懸爵祿而待士與士之
宣勞賢而自待其究一也而持衡者恒病於弗公秉用者每難
於自效天下之通患也吾觀鵝山之斯行也其殆免於是乎方
其始也以進士知名於時比其視篆茲邑也夙興夜寐政孚而
民和刑省而俗易亦可謂賢令也已茲其入而策名 簡在從
而推其素有又從而光大恢弘之則夫臣時以澤民篤近以舉
遠信今以垂後又安見 廟堂之推用中外之想聞不自清豐

乎托始耶於是元城令王侯歌曰君侯賢兮達 王廷民思甘
棠兮欲沾纓會當樞要兮躋隆平南樂令劉侯歌曰彼美人兮
行旆搖我思君兮我心勞欲繼見兮道路遙濬令魏侯歌曰卓
卓鵝山謙而靡誇宛其勲業終當黃麻魏令董侯則又歌曰識
君邂逅兮飲其和矣曾幾何時兮聽離歌矣既而垣令郝侯歌
曰執子之手鴻鴈在梁懷子之好蕙葭有霜言念今昔耿莫可
忘乃黃池令冷侯則又歌曰豈弟君子邦之磐石欲對床兮更
復何日既而滑令劉侯則又歌曰秋風其涼秋草其黃臨岐於
野載酒於觴努力崇德垂休無疆王子曰嘻善哉諸君子之別
也情恰而辭暢矣繼自今吾將俟諸君子之擢亦復如鵝山是

亦驚山所以望報於諸君子者也

卓行衍慶錄序

卓行者何梅山先生之大父也衍慶者何積而流慶以大馬氏之祚自卓行公始也然則奚以錄曰行以身教見而可知也行非言則無由以傳雖欲影嚮莫由也已故合祖孫之行而一之以廣訓也茲馬子端衍慶錄之所由作與大哉舉也子端之孝可以考矣今夫自國君以至於士庶至殊者分至同者性故仁孝未始不達於上下吾觀三代以還人倫治道之備則周為最周之興也始之后稷以開其端繼之公劉以宏其用又承之周公以恢其業是故後之敦教而言治者卒莫先焉則以其植

本固而發源深也晉之馬梅軒氏以儒素起家由始祖而遷於中條鳴於禹都顯於卓行之焚券盛於東山之振鐸又從而光大之於梅軒之立朝則夫馬氏家世之濟美如之何其可掩哉若夫異時出而鳴國家之盛宣太平之休紹理學之脉折群言之衷以希蹤司馬文正於遙年則吾於梅軒之仲郎子端蓋又有望焉子端豈獨篤其孝於家而已哉是庸書之卷端

送郡博管東溪歸高密序

甲辰之春二月既望郡博管東溪治任將歸其同官靖海岳鄒鳳岡王思澗率庠彥諸友生欲餞諸郊乃問序於端溪子蓋情篤同寅義重師生甚盛事也予復何辭東溪高密人去聖人之

居如彼其近也吾以是知其容貌言語之恂恂有自也歷教通
 冀潤諸州練涉若是其久也吾以是知其交際周旋之有方非
 偶然也訓兩郎先後以科第顯吾以是知其中之所存者有本
 匪獨化及於所過也東溪之有是行也方且一委諸命曾無幾
 微介諸其中吾見其忻忻猶平生也酒酣高歌夜半起舞繼之
 絲聲蓋其遺興而樂恐亦出自天性匪獨今日爾也是可以觀
 君之量矣然則君之歸里何為對青山白雲則思洞仙聽埵琴
 錦瑟則思故人讀牙籤萬軸觀春耕千畝則可以優游卒歲矣
 諸君子以為何如曰大哉公之教也匪獨以慰管子也

孫母常安人貞節卷序

歲當甲辰時惟冬暮水部孫君會初免服慈範既沒而名高
 坊方表而俗變蓋聞唐堯敦釐降之風室家攸叙周文廣關
 之化男女始分自是而還漸非古比白華作而閨壺遂漓谷風
 起而柔嘉乃散豈徒道散亦切心悲卓彼安人系稱常氏藝衣
 徹坐已窺素行之嚴白首斷機不改采蘋之雅守臣具奏已宣
 蘭蕙於彤闈天子褒章更顯霜操於梓里士林匹美投崖
 宦海稱同斷臂仙郎純孝因托鄙人豈曰兔毫敢效麟筆爰發
 二章聊僭引群玉云爾

四川武舉鄉試錄序

成都古郡開誠仰諸葛之忠全蜀雄藩機傲偉垂崖之智是故

春生秋殺天道昭焉文德武功王章備矣昔者干羽舞於虞階
 自後大闕輝於魯史曰惟 皇極在統兆民以寧加之俊傑殫
 冠頌殿不作運廻熙皞休何如之士荷甄陶樂可知矣歲之丙
 午時惟孟冬重當蒐拔之科曲盡防閑之密監試則有若副使
 監矢則有若都指揮徐昂他凡執事罔不慎擇所以上
 體 國家者何如也洪惟 皇上克仁克孝克聰明爰稽 聖
 朝無黨無偏無又側創觀超三而邁五奚憂啓後以光先 神
 武藏不殺於雷霆司馬普旁求於微顯未數請纓之技謾誇投
 筆之風乃諸生之何緣際千載嘉會慨孫吳之笄出奇變終係
 有私必帝王之兵比時雨斯稱無外願希蹤乎鐵漢尚長保乎

金甌坐消醜虜於榆關立俟殊勲於麟閣苟推是也以往其殫
 幾乎若天經濟宜勞中丞則有芝園之老繼之紀綱肅遠村史
 且來湘楚之英誰云至德之或孤真見朋來之無咎唾手共薦
 賢而為國誓心每舍已以從人此則臣子之大閑哲人之能事
 匪徒以告二三子已也於是皆再拜曰謹受教遂次第其說為
 序且以自規

北畝弭盜諸策序

清豐左氏北畝謝政臨淮既歸樂土嗜學雖垂老未始倦也則
 其宵次悠然不以得失介懷抱不益可占也哉北畝嘗感時事
 思欲端本而善俗以挽回陋風會脉泉李君保障天雄首詢利

病而北畱遂以弭盜諸策上蓋北畱之素志畜極而欲發脉泉之憂民宜其虛懷而樂受也然而圖治之本在風俗風俗之淳漓係教化教化之興否係郡縣未有郡縣之匪人而能化民之弗盜者也方今 聖明在御側席求賢兼之銓曹秉公所用固多豪俊然守初而變後銳始而怠終予固未敢以為盡無也而欲民之不貧盜之不起俗之不陋如之何其可得耶故予於弭盜諸策謾復及此亦以見脉泉之於北畱宜其勢分之忘襍與之切使北畱得以進言而無嫌也嗟乎推是舉也恢弘王化振起善良殆無難者是在良牧加之意而已矣因樂為之序

壽海陵沈母太宜人八十序

蓋聞流長始諸源深慶集根乎德茂從古皆然乃今益信蹇予朽拙叨備清御方建業之初臨幸冠裳之快觀何緣萍水創識鳳岡雄才蚤振翻於天衢夙學繼馳聲於文苑上封事則多裨聖朝贊廷尉則允愜輿論是以名騰宦海價重連城向非內訓之素敦安致衆美之悉具惟明年二月上旬實宜人八袞初度羨望江之拜足比瞻雲念祿養之歡奚誇捧檄曰慈曰孝曰順誰復聯芳惟柔惟婉惟貞更稱獨步昔者褻衣徹於姜氏既而斷機成乎孟賢是皆異代以符聲詎害跡殊而行合華筵肆啓惠風來蓬島之嶺海屋添籌芝草降瑤池之鶴雕欄花發畫棟增輝蘭閣香飄彩霞弄影謾陳鄙撰兼致賀私尚愧莫罄於名

言用引大方之珠玉云爾

壽介溪閣老七袞序

君子之言壽也理與氣而已矣是故理以御氣氣以理涵夫然後人以天一一則絕絕則不息不息則久斯固所謂壽之道也然而壽其身者人之情也壽其道者君子之志也是故壽其身者數百歲壽其道者千萬世數百歲者公之所弗屑也未敢以為祝也千萬世者公之所素履也亦未敢以公之既有而遂忘夫言也今夫人之生也貴者未必能壽壽者未必能貴往往乎是公乃兼貴與壽而有之謂非超出乘除之外也乎由是而觀則夫公之所以壽其道於千萬世者固造物默相為之也惟公蚤

以雅博清修取高第入翰苑蓋望之若身不勝衣而中之所養固有塞乎兩間而莫可屈撓者既而華階日崇品山日晉一時文學之士則又彬彬乎揚眉相慶以 皇上聖神天啓聰睿日新掀宇宙啓昌運千羽兩階風動萬方是堯舜之再出也公且首蒞夔龍之位仰受 寵渥之隆存承帷幄之間中外豪傑又以為千載之一見也而公方將之以寅畏濟之以慎勤加之以柔遠規諷動中機樞蓋自是又見其宣上達下憂深思遠者孜孜爾也見其經國防微登崇俊良者疊疊爾也見其祗肅 宗廟匡正風俗綱維世教和調元氣者雍雍皞皞爾也渾渾噩噩爾也蓋至是知公之淬勵夫相業者固已踵接前修恢弘素學

而輿情之慰又有心欲言而口莫逮者則又公之壽 聖明於淵默壽斯文於熙穆壽蒼生於不識不知壽國祚於苞桑磐石顧不大且偉歟繼自今擴公良貴與其芳譽俾後之人稱良弼之享令名膺全福以克殍其君者惟公之云則公也之壽當又後天地而凋三光矣所謂千萬世者將不益徵也哉若乃俎豆笙歌衣冠拜趨安足為公多也因序仰祝如左尚愧不足以答光祿諸大夫之請

壽介溪相公七袞序

蓋聞書著降祥事傳今古易稱餘慶訓若日星惟仁者然後永齡必大人乃能名世蟠槐上實翔青鳥於瑤池芝草含春茂異

香於華屋安生駕披紫煙老子風來清書矧太平全盛每望治於玉衡宜喜色盈門共捧觴於黃閣恭惟介溪相老閣下秀拔洪都默應五百年昌運榮登師保盛開七十歲嘉筵厨進大官之珍縉紳禮接名騰仕路之要選邇懽孚文章知邁先秦誰誇漢魏勲業行追周召奚讓范韓蓋望其眉宇恒樂易之可親至扣其蘊蓄實汪洋之莫際下士既吐哺而走迎憂時更匪躬而盱食扶持善類已臻茅拔茹連調燮 聖明又覩日新月盛中和致矣洞窺大造之淵微博厚基焉允卜無疆之福筭昔三楊密勿當年聲猶未泯乃一德都俞 今日慶復何量蓋不獨占人心之同推實可仰天休之滋至伏願爛石於南山細數囊收

火棗添籌於東海尚期丹鑄朱顏此固數百載 明良之竒逢
而亦十三道諸君子所共祝也敢並及之用申鄙悃云爾

化書詡正序

序曰旁行而不流易之所以教無窮也及是焉而離倫道斯詭
矣詭則道其道非吾之所謂道也仲尼曰道不同不相為謀其
斯詡正之所由作乎昔者吾嘗右轄川蜀始得是書讀之未嘗
不嘆其神竒振邁動有默契至其發而為文則又縱橫抑揚莫
可津涯蓋亦才敵造化而卓然有條者亦安得以其道宗黃老
而遂槩少其說也哉嗟乎道一而已矣顧人之所見有偏有中
夫然後君子有棄有取予謂未可槩少其說亦仲尼不以人廢

言云爾

刻薛文清公全錄序

戊申之春前司諫陳君文岡以纂修廣平志駐節邯鄲是時予
自南太常承乏工部過而會諸叢臺乃於徘徊吊古俛仰陳迹
之餘文岡因以文清全錄問序焉聞之君子尚友前修每多曠
世之感矧私淑景懷之素同者若之何無言乃序曰夫文清公
當代鉅儒也其高風偉節令名夙學海內傳頌久矣若夫讀書
錄諸書固其緒餘焉耳然而文岡乃圖梓行之何居蓋欲天下
士因言以求其蘊由文而師其人夫然後希蹤賢聖振發來人
者有地矣蓋嘗觀其論學要旨以復性為本以實踐為功推是

而往高明廣大之域悠久無疆之業又何遠之足憂則夫全錄之刊又未可以謾無補益加災於木論矣雖然文清所謂復踐云者要豈徒問諸冊書餒其糟粕已耶其必至大以宏學之端必至剛以堅學之用必至正以究學之歸必於穆不已以造學之純則亦庶幾其可也苟缺一於斯則人慾棄之而天理或幾乎熄矣審若是又何係錄之有無也哉愚嘗評文清人品當為本朝第一有周程學術之雅而未畢其勤有伊呂相才之望而未究其用有方召武畧之長而未兼其權由今觀之詎弗信矣乎哉先是文清父貞嘗為邑博遂僑居鄆陵未幾庚子公且發解梁園遂進士辛丑乃文岡在禮垣時已嘗䟽請於 朝為建

祠樹坊如河津以風示海內殆真有文清趨向矣君之父溥亦以名進士為大理評事忤逆瑾外補武鄉丞繼宰陽曲則又仰文清而特立者嗚呼茲又可以觀其家學之源流矣敢書之卷端並告成事君名斐字汝忠別號文岡乙未進士先授中書舍人歷戶禮都給事中多所建白以論事補承長垣今宰寧晉河南鄆陵人

壽大師保冢宰石塘公七袞序

嘉靖己酉秋七月十二日為大師保冢宰石塘公初度辰今年且當七袞惟時縉紳卿大夫欣欣然喜色相告咸欲趨拜為公壽乃府院司屬徐子文輝輩以慶忝通家又嘗受知於公者因

踵予而問序焉序曰夫欲壽者人之同心也人人有壽於已者弗思耳矣若乃能經為伸以希蹤喬松吐故納新以巧奪造化是皆方外之所謂長年也公之壽豈若是哉昔者嘗愛商周諸老以平格而得壽於天凡以無私焉致之然非塘公其孰能與於此是故天無私壽公以無私而得壽於天故知無私則公矣公則明矣明則誠矣誠則久矣要皆自公宣力國家始也今夫壽之名一也而其實則有五焉曰仁曰義曰禮曰智曰信夫五者備則天德全無私不俟論矣然後知平格之壽於古者宜其莫外於公也矣是故黜陟人見其由舊也而不知有仁寓焉以為寬裕責成之地簡繁人見其異用也而不知有義寓焉以為

量才器使之階尊卑人見其有等也而不知有禮寓焉以為抑揚進退之則可否人見其不紊也而不知有智寓焉以為甄別審察之本發於其心見於其事人見其先後無間也而不知有信寓焉以為推行感孚之具然而公方乾健日新若忘其衆善之悉有也是亦可以觀乎其素蓄矣故聞公之風者殘暴足以興慈也貪鄙足以興廉也媚忌足以興讓也昏昧足以興明也矯偽足以興誠也而無私之澤固將被之天下矣自今觀之人之恒情易私者子也公之子思學至踰常例父之始拜中書禮部郎即其家庭在他人者可知也自其近時在平生者又可知也繼此而薦登黃閣密邇 丹宸行且以無私延長國脉培植

元氣調燮陰陽廓而洪之雖與天壤同始終可也則夫七袞之
賀今日其殆托始也耶吾乃今益服天卿之在公信乎如天之
無私也蓋嘗聞之當世豪傑相聚而評曰公秀鍾於東南才雄
於漢魏學貫於天人有范文正先憂後樂之志有韓魏公寵辱
不驚之量有包孝肅關節不到之風有房玄齡推賢讓能之實
有司馬光身係安危望重夷狄之譽是又天下所想慕而欲見
者也矧夫旦夕親炙者其景仰師法當又何如哉於是徐子文
輝諸往賀者皆捧觴以拜且颺言曰大哉塘公壽也其諸異乎
人之壽與遂次第其事為序

壽大師保太宰石塘公七袞序

蓋聞運開於穆斯文昭有道之祥功懋中和薄海行無疆之慶
雲高閣花花燦瀛洲俎豆陳而德洽飽餘笙歌鳴而樂超塵表
香分縹緲覺逸興之滿襟鶴舞蹠躑恍南星之奪目麟袍玉帶
壯嵩祝於華辰翠竹紫芝陋蟠桃於異說士林盛舉且際清
朝宦邸天休更擅銓部恭惟大師保太宰石塘公台座望隆內
外卓振古之人豪節貫始終屹中流之砥柱唐虞耆佐誰謂眇
不可攀商周元勳自當優為並駕允哉可久可大殊乎令名要
之惟明惟良恒關異數鑑之空衡之平皆其末緒永以清玉
以潔匪我形容緬惟皇極之轉移真致王風之熙皞永言嘉
况敬展鄙悰若乃笏袍盈榻由賢嗣延及玄仍引而恩寵駢

臨傾當時猶光考祖因材而篤默見天心應索以言寧辭僭筆
靈雨飛而塵淨九衢海籌增而榮先八座趨拜雖踵常規稱情
豈同流輩仰 重瞳眷注之方殷矧歷代機樞之俱在繼今而
後遙逐長春從古以來咸歸一德誦奏範則石室宜藏問丹成
則黃庭為贅川流晝夜測靜深以何窮山峙東南仰巍崇而弗
朽此則縉紳所夙慕焉是尤狂斐之切願也第慚庸劣未足以
答中翰之求尚希覽裁且附見吾積誠之素云爾

序蓬萊觀海亭集

登州之有蓬萊其秦漢之遺乎是故吾聞其名矣未見其實也
夫未見其實則又何以稱夫是名也哉始予佐郡之至於斯也

會久旱禱諸廣利王廟既而作海市辯以僭正向往汎掃荒唐
自吾是說出駭而笑疑而非者半用是益慨習心之難消天理
之難明也嗟乎追思往跡良如夢寐邇來三十有二年矣若乃
碧桃開謝於濤聲之間海月盈虧於天漢之表宦情去住於登
眺之餘吾又不知今夕之為何夕也乃已酉之冬會郡人侍御
陳君行菴吳君晉菴相與坐論疇昔因謂是邦與海為隣古今
大夫士多題咏其間者然而板刻不無散逸殘缺因走書中丞
倣菴應公為折衷之公忻然喜曰吾意也遂以檄下節推潘子
滋為編次潤色焉所以雅敦勝槩考紀歲月固非尋常加災梓
木訛也敢並述而序之用告來者

送兵科胡練溪擢丞應天府序

君子之道隨所遇而思盡其職要不外言之合一而已矣蓋
嘗仰嘆我 皇上端拱玄默特秉乾道如天之運於上左右相
臣則夙夜在公如手足腹心之一體於下吾用是益知緝熙之
學太平之治所以洽浹海內者有自來矣何其盛哉何其盛哉
夫建業六朝舊都且 皇祖龍飛之上游也衣冠文物之萃
宗廟百官之美豈異金臺耶練溪行矣吾固知不以南北而異
厥中也先是練溪之在兵垣也且六年矣邊務之條陳足以中
事幾諫議之凱切足以動 宸衷風采之轉移足以震夷夏謨
猷之深遠足以固本源區畫之精詳足以破奸宄而又兼之勤

勞不二日新無倦則所謂隨遇而盡其職者素矣乃今年冬十
月擢丞應天則夫練溪論列以為職者其殆轉而暢諸行乎昔
者聞之言行合一之者也然而君子知夫樞機之在我也則
所以緩急於言行之間者而暇外求乎哉是故昔也以言而發
其蘊今也由衷而驗其言昔也人傳其言今也民且樂其政矣
然則其目可言與曰崇四美重五要夫然後見練溪之思夫其
職以孚人望者果非在外也已是故表章信義所以端士習也
推禮者舊所以作士氣也惠先煢獨所以重民瘼也匡翼惰頑
所以協民極也喜怒之易乘吾慎之賞罰之易倚吾思之遠近
之易蔽吾一之顯微之易淆吾察之始終之易懈吾恒之審若

是則行以踐言言以孚行而君子之能事畢矣於府丞乎何有
遂書而序之用谷玉窓諸君子之請不知練溪以為何如

南京戶部志序

兩京六曹未有志創南京戶部志者今大司馬石溪韓公始也
先是石溪公既覃精思於厥務而又慮夫 祖宗成法備載會
典諸書思欲往有所稽來有所程也遂命郎中謝君彬旁蒐而
博采之取其事關職司為分門別類撮要提綱乃司務趙君鶴
隨則又從而校勘之僅七閱月而志告成今讀之但見其文彩
脈絡始終悉備君子以為完書允矣石溪公之用心顧不遠且
宏哉庚戌秋八月予承 上命始來視尚書事未幾謝趙二君

復請序焉然而志殆非尋常加災於木者因樂而序曰帝王
稽古建官以時立政莫典常為急矧民曹國本攸係若之何而
可率易為哉是宜今日之有斯舉也今夫天生聖人出而身任
皇極臣妾億兆必先養育以厚其生而代耕之祿即戎之餽皆
於財賦焉資之要未可一日缺也方今財賦望於東南戎馬賴
於西北則夫留都協燕而並峙者庸詎非天之祚我國家如磐
石金甌以永太平於萬世耶洪惟我 皇祖聖武天成掃除亂
畧混一海宇念積貯天下之大命版圖王者之所天也恒切憂
之我 成祖則英邁神授廓清燕都當是時至親御六飛帶甲
百萬直擣陰山之幽天聲四訖虜夷褫魄真若無復子遺堯舜

以來未之能有斯也而又何漢唐宋之足云哉吾用是知兩京
並設真 聖朝無疆之休又非百王之可擬者也雖然足食足
兵仲尼攸訓况邇來國用恒苦告乏則夫慎始慮終之政居安
思患之圖乘時策勵之方在今日幸有 聖君握乾獨運於上
賢相百執事勞勩於下又何俟區區之贅且礪菴方公相與寅
恭淬礪先已率屬以共祈時和年豐為邦家慶則予與十三司
多賢奚但樂觀斯志之成也哉於是乎序

重刻戊辰同年序齒錄序

序曰此吾同年進士所謂四海九州人也其始也甲榜同於一
日序齒則永以為好矣嗟乎此義行而敦龐復於俎豆雅風振
於流俗雖謂古之道可也然而紫陽朱子戊辰進士於宋世但
以梅菴同年名錄者何豈不以道統之有功非甲科可同日語
故耶吾乃今知君子之立身傳世果非偶然矣我 明戊辰涇
野子呂公榜得三百有五十人今觀斯錄質諸宦途僅松泉子
夏公暨予二人即林壑存者亦不越三十餘人則夫古之晨星
喻嘆屋梁愴懷豈無謂哉是故修短者數也榮悴者地也利鈍
者時也君子正心以匡時素位以廣業志學以明道又必淬礪
憤發貫始終而一之斯完人矣審如是則今之戊辰又安見不
朱氏之戊辰若耶同志當必有感於斯矣繼自今凡我同年之
子若孫尚人以情敦交以義孚地異心同百世如見執此以往

往信乎真世講矣乃或徒以榮悴利鈍而異其心尚足齒也乎
哉且念會試時有若江西見山子文襄桂公尊始拜邑令荐登
台輔先以憂制未與 廷試故茲錄弗之及云是用表而出之
送少司徒礪菴方公北上序

蓋聞德盛者業宏識高者器遠飛騰比威鳳於丹山澤潤異神
蛟於滄海是故肝鬲孚心俎豆伸寅僚之雅朱明啓候冠裳共
依戀之私楚湘擅拔萃之名魏闕馳邁倫之望權傳盈坐聲播
寰區恭惟礪菴方公崢嶸直諫超風氣於尋常特達周詳流師
程於俊彥進士傳臚早年郎官鳴琴劇邑黃池留去後之思華
亭踵來暮之譽身冠行而纒攬風清岱岳梁園廷尉佐而獄平

奚讓發奸摘伏駟司再掌坐收雲錦之功院憲繼命力挽瀾狂
之倒大理方正於留都民曹僅二於隔歲執法儲畜後先均老
成之政由南改北遐邇仰耆舊之風曾日月之幾何忽旌旄之
遄發伏願日新以崇令德不懈始終尚期 天寵以被元勳荐
登臺閣篤棊邦家信八柱擎天之非偶光輝仕路致萬方安枕
於無窮此又菲劣之素望亦司屬之同情云爾

送南雄太守王肯齋便道省親序

南都察院經歷王君肯齋近膺 朝命守南雄五府諸君子及
君之僚寅葉子皆踵予請序以暢其行色予方以部事勞午兼
之署攝禮曹然而辭莫吾允也乃遂序之曰夫天下莫大者君

親所以事君與親莫忠孝先也肯齋台之黃巖人也夙稱聰慧肆力問學飄飄有凌雲氣蓋甲科之遺英也未幾以官生試選都事晉經歷凡御史臺出而按巡與本院刑獄皆其綜理籌度者今留臺雜記可考也吾嘗觀喬木之族類有異才山水之鄉必多拔秀茲實古今之恒有也肯齋以南渠為父必不忝所生以苑洛為師必不負所學則夫忠孝完節其不在斯人與然孝之行於家是忠之茂於國也是故古有太行望雲識者卜其虞淵取日而謂無自也乎且吾聞南渠有年而又恨晉接無由也始之以諫官補嶺南繼之以京兆名建業終之以卿亞歸里居乃其人品宦業則東橋諸公備矣今豪傑方望其起而霖雨一

時舟楫四海也况年登八十而葛母太夫人亦七十又七可謂全福矣肯齋茲行衆美駢集誰復及之者是故金紫輝煌於膝下拜舞歡溢於庭除姻戚友朋賀而來者無虛日天下之樂孰大於是雖然志盈意遂持之以謙功成道立守之以讓此又聖賢所以垂世而光無窮願肯齋體此以施之治郡如何肯齋拜而謝曰至哉教也吾將比以弦書矣

送趙侍御右坡述職北上序

辛亥夏五月南京四川道侍御趙君右坡將卜日北上以三載述職聞其同寅諸君子皆踵予乞文以華其行乃序曰夫祖餞古之遺也君子動必古人範焉以光諸猷為信乎今傳乎後皆

分內也是故事以情暢禮以義宣是之謂交際往來反是安在
其為重別也君勿有竒氣抱志尚友督學魏莊衢歐陽石岡皆
器重之辛丑補瑞金令瑞金今豫章簡僻邑也俗悍而健訟無
之田連巨室賦役逋負有司徃徃莫之能自樹者君之令斯土
也申之以畫一蒞之以廉勤詳之以詢訪繼之以慎密一時政
聲卓然改觀焉則夫善良見思豪猾屏迹士夫頌慕迄於今弗
衰固有以也及其拜官南臺始試巡城疏革引稟諸弊未幾巡
江每事操縱悉中奧要蓋持憲凜凜門無私謁可謂道與時偕
夫豈尋常尺寸所可涯際者耶先是嘗會君燕都按巡復奏
闕下乃今再送建業則君復以名御史策功 彤廷焉然而推

重其賢至於十三道則非實之孚物莫有是也已矣且是行也
某歲薦某賢登崇者幾人某歲糾某邪罷黜者幾人某地舉某
逸士未用者幾人一課功風馳而天下當有想聞眉宇者矣可
不謂偉丈夫哉雖然是猶未罄其蘊也由是而積之以旬時進
之以經濟則夫藩臬九卿皆可次第入矣君其念之吾言非敢
為佞也

考政編序

序曰夫政出乎身而加乎民者也以展素學以端民極載觀徃
古或善或否罔弗昭布所貴君子盡其在我焉耳矣奚以編為
也然而考之於昔所以驗諸今也叅之於外所以研諸內也何

莫而非反身修己崇重名教之意乎審若是則是編蓋將資以
驗吾之學又匪獨施於有政而已辛亥之秋予以入 賀過里
會別駕皇甫子百泉出是編問序焉觀其始為邑令再擢郡推
所至輒著聲稱蓋能行家學於溥海播循美於 清時者也是
故曲周花比河陽黃郡歌乎五袴乃由南部司勳郎中再補吾
開嗟乎困而不易其勞殆所謂經濟之才豪傑之士歟吾方見
其進也行且霖雨八荒舟楫四海鹽梅九鼎固皆分內事也則
夫考政之編將不轉而為金櫃之章哉或曰考政凡以自表也
求在外者也淺之乎知百泉矣往年乃兄少玄子以宗伯郎補
判吾大名亦嘗聚徒講學以敦教化古稱難兄難弟其斯人之

謂乎百泉子名沆字某姓皇甫嘉靖己丑進士蘇之長洲世族
自筮仕迄於今無慮二十年餘顧乃位滯郡倅道未大行殆將
耄極而發者歟嘉其自修無倦因樂為之序

吳塘呂氏宗譜序

序 吳塘呂氏譜譜吳塘呂氏之族也從而仁民愛物咸此焉
推遠而治國平天下必此焉序極而扶持宇宙參贊彌綸垂世
立教恒此焉基而可一日昧也哉夫以其未可一日昧也斯吳
塘呂氏宗譜所由汲汲也乎今夫思孝然後譜作譜作則親親
之義明親親之義明則枝分而勢踈者孰聯屬之世遠而名存
者孰感通之始同而終異者孰主宰之今觀斯譜其一幽明萃

離散嚴取舍殆仁義並用而克稱其孝者耶是故記呂公以著
氏記魯夫人以明宗本之世系以正派叅之列傳以究實而又
為之翼焉以榮 恩命以徵文獻以昭名筆今取而讀之吾見
其書法精明紀載詳確勸戒悉備君子以為呂氏之完書矣矣
故克是心也自一身而九族當必有各體其情以敦吾愛而無
不洽其恩者乎由彼蔓而本根當必有同歸於善以光乃祖考
無忘賢父兄之養子弟俾中而才者乎當必有篤近舉遠以廣
吾仁而無不被其澤者乎則斯譜也又將有移風易俗之美有
甄陶斯世之助有成已成物之效又匪獨今日自盡仁孝之情
事而已也通叅巾石公以太史歷任今官蓋博大而推者而又
足以發其蘊也

黃母張孺人貞節序

蓋聞關雎兆王化之端栢舟衍從一之訓真鳳梅婚蓋已久矣
徹衣示正何其偉哉是皆浩然之流行非獨渺焉之寡儔也卓
彼莆田允稱芳土爰考黃氏之門並羨淵源之盛厥考肯堂卓
蜚聲於文苑小君張氏會持節以終天孤燈鸞鏡飛六十歲之
清霜寒月空堂播千百年之貞譽誰言淚墮獨擅蕭湘况復名
傳世逢全盛魏科見麟角之才雄筮仕騰身冠之聲價玉堂金

馬雖誇學士風流北斗太山終羨名家地步俯多才而曲造俊
髦仰至公而允孚朝野遂使蘭香蕙馥益播閩藩尚期八座萬
鍾兼隆宦海。褒封俟照乎 龍章門祚仍崇於 昭代聊成
鄙撰用發芳蹤愧未足以答諸賢姑借是而申鄙悃云爾



國家圖書館, NATIONAL CENTRAL LIBRARY, TAIWAN, R.O.C.




端溪先生集卷之三

門人汾陽孔天胤編次建業張蘊校刊

記

太谷縣治記

太谷令陳君世顯重脩縣治工始於正德乙亥十月落成於丙子五月考其縣治之脩蓋元令陳氏某亦自大德十一年五月也可謂異數也矣聞之太谷之在太原蓋鉅邑也邑長所更不知凡幾人曾莫能為一圖之豈非安其敝而利其壞者耶乃至陳君始有斯舉則夫物之起廢固自有時也哉初君之用是役也土木經營曾不大聲以色而庶民子來凡七月而匠氏告完



工馬蓋易所謂悅以使民民忘其勞者益信矣是故中以堂聽政也環以廊集吏也儀門示儀表也戒碑有亭示官箴也儲有庫備匱乏也寢有室順起居也工集而民無怨言財不費也可以觀陳君之政矣先是丙子秋愚有事於省之場屋蓋與君相處幾五十日但見其心慎而禮恭貌溫而辭寡三秦士夫豪傑亦多以君為可交則君之令譽果非偶然矣今年戊寅夏五月君命其同寅王少尹璋來問記以識顛末愚自沁以公事東還省毋會轉官登州既不敢辭因復推陳君之素與其成工之有數為後來之邑長告又為贊贊之 堂堂鉅邑久莫脩矣賢哉令尹心其憂矣擇時命工慮斯周矣彼有輪奐昔不侔矣千斯

百年未其休矣

名宦鄉賢祠記

鄉賢者鄉賢也鄉之祠賢表鄉人也吾開之有是舊矣淮陽同年潘公伯和正德丁丑春補吾開謂其祠近庖厨且未嘗及名宦又未嘗次以序非所以慰先哲而示後人也於是始以其事白之當路叅之輿論考之典籍而為名宦鄉賢祠焉蓋公佐政之第一舉也先是前守池陽李公毀郡之淫祠為三忠祠工未告完輒以轉官去公遂以前祠往遷焉而復增以隙地以建廊廡諸制復扁其門曰崇德報功蓋規為區畫視昔有加焉矣前曰名宦祠則以萊公為主而附以慕容公遯者十七人所以勵

遊於斯者也繼曰鄉賢祠則以汲公為主而附以郭公昂者十
五人所以勵生於斯者也位以次定行以實錄祭以禮制事以
義起始於丁丑之夏五月迄工於戊寅之七月百年之盛典至
是明矣今夫節義廉耻之在人猶元氣之在天地不可一日缺
焉者也不可一日缺則不可一日毀也是故元祐之碑在當時
則以為黨人在後世則以為端士何也公論必久而後定故也
吾嘗慨夫三代以還道喪俗敝雖繼以孔孟而不能回天下之
陋也所賴六經四書之一脉存焉耳開為河朔重郡王化所先
則其得人之盛宜復何如而上下數千百年乃僅止是蓋信孔
子之所謂才難也雖然才之不可多得者數也理之不可不勉

者人也然業如萊公文章如明道忠鯁如汲長孺可不謂偉乎
而史考其故則亦以其人事之自脩而已吾徒從事聖賢而可
自棄也哉歲時奉祀登歌廟堂肅然對越其必有感今懷昔努
力思齊者乎讀其文也又從而數其功烈其必有特立而出以
鳴國家之盛與所謂見危授命見得思義者乎過其祠從而論
其人曰某嘗父母斯某嘗生長斯今皆照人耳目炳乎如前日
事彼獨何人而乃如此也則又必有發憤忘食不甘心草木同
朽者乎則公也是舉固大有補於名教矣夫為政而先之以名
教古之道也彼規矩於簿書期會者曾知是否哉是役也公實
主之同寅諸君實協力為之前守李公之志乃亦因以成之衆

美之集一舉而兼得之矣烈女祠則附祀於門左其右則別為一室曰仰山亭噫備矣後之同志者亦可以深長思矣辱公之命強此以荅不識君子以為何如

復子夏祠記

嘉靖甲申之秋端溪王子以按察來汾州訪耆舊以故事得子夏及田子方段干木焉蓋子夏以孔沒退居西河疑汾即其地云先是祠在孔廟之後歲久為羽流所侵至是乃復郡諸生以文請識王子曰是為子夏之祠乎而亦疑有歟矣今夫不可朽者名也不可昧者實也不可私者道也名以實著道以人傳商也賢之尤也二子則聞風而振拔之者也彼文侯得以少自別

於諸侯伊誰之力則汾之故俗宜其崇而祀矣雖然聖賢在實之有無不在祠之顯晦吾謂子夏至今固在也必待祠而後顯耶書之示後來者

慕栢堂記

夫慕栢者慕先大夫之栢也夫慕先大夫之栢者何以崇德也夫惟崇德而後民知向方矣古之義也我 孝廟之戊午重守令之選惟時先大夫自海虞來尹浮山然而浮晉之僻也俗朴而民無偽君子曰大夫之尹茲邑也名未孚而實有也其何忝先大夫亦曰是可行吾志矣乃益慎厥德以和厥民未幾數年逋賦完且恐後而庭無訟君子曰大夫之宦業其昌乎夫誠著

而民不見迹德之盛也古之遺愛也於是遂植栢于兩階君子曰大夫之得民深哉德下而人和識以樹夫樹樹也言德之立而入民深也可以傳矣嗚呼此先大夫之大畧也邑生陳子大紀一日訪予孝義與之飲酒叙舊乃及此為之感而慕慕而悲曰嗟乎是栢也南國之棠與襄陽之碑與是未可知也然則故老有覩是而動心者與陳子識之請勒之石用告來世先大夫諱綸號漸齋弘治庚戌進士官拜奉訓云

鎮寧堂記

夫鎮寧軍者澶舊名也澶以軍非古也自晉天福始也蓋吾得之父老云嘉靖癸未秋刺史朱公來守吾開比及三年威宣惠流政集人和會郡署年久圯而壞隘而逼公於是乃率其匠人而告之擇日鳩工相宜度材未朞月而規制煥然矣君子曰善哉經營夫民不告勞而財不費可以觀德矣丁亥夏五月乃既落成即扁堂曰鎮寧君子曰善哉取義夫鎮寧也者鎮而寧也可以思政矣今夫政有六美有四惡遵六美避四惡鎮寧其殆庶幾乎是故勞而不伐則功可成和不流則心可養簡而無傲則政可修慎而不驕則德可進靜而不擾則民可安誠而不欺則物可格聽讒間賢謂之惑好諛病忠謂之舛非古是今謂之狂畜強凌弱謂之靡夫是之謂六美四惡焉故為政者木有不擇乎是而能大有為者矣吾見公之有是美而無是惡也是

故觀其考績之稱最也則知其不伐觀其應物之曲當也則知其不流觀其持身之以恭也則知其無傲觀其臨民之以莊也則知其不驕觀其成事之以默也則知其不擾觀其遇人之以信也則知其不欺今之良大夫也鮮有能匹之者也鎮寧之堂可以示來世矣嗚呼後之君子登斯堂也懷斯人也又從而思其義則知公之所以名堂者信乎遠哉若夫繼其志踵而修之亦猶夫今也則豈非公之所望於後人者乎是亦予所以答公之意也公名統字子純別號秋崖辛巳進士蘇之長洲人云

三教堂記

夫道一而已矣一則純二三則雜其何以行之哉夫自三教之

說行天下莫知理之一矣吾嘗慨然嘆憮然悲曰嗟乎理未嘗有二教人者亦必合一自夫老氏以虛以無而天下日流於虛無自夫佛氏以寂以滅而天下日流於寂滅夫虛無寂滅人之性豈固然哉彼其見之偏固有以使之也而流弊不可言矣乃若會至一之理達萬變之妙渾乎純粹中正之歸其吾尼父乎是故天地不得此則何以位萬物不得此則何以育人倫不得此則何以明世教不得此則何以立嗚呼其諸異乎老佛矣異乎老佛而猶並立而為三何哉是故老佛之於吾儒有若同是而智者能辨其非焉有若同公而仁者能察其私焉此三教堂記之所由作也清豐竇固村鄉老秦氏鉞知三教之為同而不

知三教之大不同吾因以是終焉嗚呼以此示秦氏必有能識之者

子路墓祠記

嘉靖丁亥冬十一月監察御史吉公代天子巡狩過開而見戚城曰吁斯其衛地也乎吾乃今得創見已夫顧瞻路左見仲子路之遺墓在焉曰吁其斯衛人為之者乎吾乃今知蒲政之得人深矣既謁而出曰嗟乎吾聞故老創造曾幾乃今祠屋壞塚墓頽乎而何以妥先賢為也是時崑山張子寰守開之五月則踵先牧譚子綬故事從而用命惟謹遂以前事請公曰俞哉俞哉吾事濟矣未幾移文侈其規廣其地新其堂崇其墓費不

及民而工告完焉實戊子春三月某日也君子曰善哉柱史知觀風矣宜有司之遂其良也已而濫托慶為記記曰夫修墓非古也自孔子防墓始也是故墓子路於戚其諸識遺愛也與民之良心其未亡與今夫物莫大乎道道莫大乎中中莫大乎時由學道於孔稱高弟焉而竟仕慳未化也非夫道之罪也是故中庭之哭哀道也覆醢識酷也非為食也嗚呼是可以觀聖人之情矣然則結纓非與曰忠矣然而過於忠也其斯以為未化者乎今夫事有時而或乖道斯詭焉已矣而謂由也遽止於斯焉也乎吾乃今知吉公重孔也重孔重道也故曰其知觀風矣黎陽有子貢墓公則以命郡判交城解子一貫新焉猶夫開也

鳴呼豈曰小補云哉若夫登車攬轡徒吏事之為而遂已焉視公何如也嗚呼是可以觀吉公矣公名棠字思召甲戌進士先尹金華今為御史鎮江丹陽人練溪其別號云

周建夫去思碑記

嘉靖戊子夏六月南樂致政判府石君介夫以其縣令周君去思問記於端溪子曰惟我邑侯宰我幾四年厥既守濮之五月越敝邑小大民罔不惟懷若我二三子其又甚焉者乎顧方謀所以頌德而未能也顧公秉筆會予告養里居素知君亦為君所知者其復何辭乃為記曰夫民罔常懷懷於有德故德者政之本也孚民之地也德以孚心心以懷德古之人皆然何獨今

日而疑之是故甘棠之頌頌召公也墮淚之思思羊祜也其諸天理之自然著乎吾聞君之宰南樂也有六重三美焉才健而通惠溥而專政肅而寬行朴而茂論正而雅志廉而謙其學古也博其臨民也莊其圖事也遠古之遺牧遺牧者與夫以其宰南樂也如是而欲民之弗思得乎噫此健夫去思之碑所由建與是故思一也而實則殊焉以善者則尚懷其德以惡者則尚畏其威以士者則尚大其教以農者則尚安其養以訟者則尚平其斷凡此皆所謂思君也皆君有以感之也非倖致也噫古所謂去後見思建夫殆其人乎後之君子可以繼君而自思矣雖然君子所恃以不朽有不係夫石之立與否茲固予之所望

言
於健夫者也然而邑人忠厚之美其亦有足徵也已矣因併附
以告來者君名是健夫其字雲岑其號雲南大理人由甲子鄉
貢士遺珠也識者惜之今為山東濮州知州云

石川橋記

記曰橋以石川名示本也重初政也澶東門之外居下流焉當
霖潦輒成巨津勢也始而故老告予病涉予雖諾然而未之信
也乃丙戌歲三日雨繼四日雨城門之下行舟焉會日暮大風
起果有二童溺者越翼日予過而問之行者對以故因感而為
文以吊既而且告先刺史朱公子純子純曰吾有司之罪也乃
以致公憂乎方將經營謀所以濟往來會子純轉官南都事遂

不果則夫橋之成與否無乃有數也乎丁亥之秋崑山張公繼
守來茲未幾百廢就緒開誠布公考古敦教禮賢課農振兵恤
孤君子曰良牧也庶幾王道矣一日公以他事出見舊橋圯塞
木石散落乃愀然不悅曰是固有司者之責也吾何修而可以
繼子純也於是命官擇日鳩工采石於黎陽伐木於河原資費
於官帑窪者填之使高缺者補之使平而橋告成實戊子夏五
月望日也空以三駕欄以十二爰及周道其直如矢蓋有目者
罔不改觀焉君子曰病涉吾知其殆免也已矣是前守志乎乃
石川因問予所以名橋予遂以公號對公曰吾志也敢不知公
之教今夫石石也有介焉川川也有流焉是故介以象公之操

則弗可拔流而不息以象公之量則弗之能窮從而上之濟川
有餘地矣獨一郡也哉嗚呼繼自今凡我君子登斯橋也讀斯
碑也將不有感而思思而嘆嘆而繼葺者乎則茲橋為不朽也
已矣公名寰字允清辛巳進士崑山人石川其號今擢金臺秋
官負外郎云

信陽州科第題名記

嘉靖己丑冬十月端溪王子以廉訪副使出巡於信陽凡三月
而代者至今射洪楊公殿之是也公念予同年也將返梁園莫
之能留則命郡諸生以題名文字請蓋實則藉是以緩其行焉
耳既不敢辭因遂為之記記曰夫圖治莫大乎進賢求賢莫大

乎科目是故科設而後賢進賢進而後治成則今之科第莫有
易也夫科第非古也周公以後之制也然則夏商而上其無是
與曰厥名籲俊而已耳厥制黎獻時舉而已耳然究其圖治大
要則亦猶夫科目也是故其始也以言進其終也以行考古之
帝王化成天下之遠猷也今日之得人於科目可謂盛矣然而
予猶有感焉者則亦曰得士恒於斯失士恒於斯吾以是知科
目之未足恃也是故物有可常而不可朽者道也然則三代而
上士其寡儔或者其在是與近世以來則宋為盛相業如司馬
范韓諸公道學如程朱諸君子何莫而非科第中來者苟求其
故不朽者在其中矣故曰科目未足恃也夫信陽古之申國也

南接建業西邇三楚山魏而竒水秀而瀕人物之盛視他郡邑為最有由也夫然而即吾之所見推之餘固可想也是故申臺張公之敦厚無涯孟公之雅量大復何公之弘博百愚馬公之沉靜邃谷戴公之俊發元靜朱公之老成皆近來科目中之僅有者也無亦以其所存者有是物故耶若乃企而思之追而繼之則吾於後來諸賢實有望焉諸賢試以吾言求之當必有獨得者矣作科第題名記

毀寺立學記

王子崇慶視事大梁庚寅夏六月將入 賀乃命開封府太守關中劉君漳毀尼僧庵院改為社學事既成因復為之記記曰夫逐尼僧正民類也毀庵院正民居也立社學正蒙也夫逐邪崇正廣教也蓋其事若類迂者然而風教於是乎在世道於是乎改觀吾恐俟聖人而未之惑也况今 聖人在天子位方隆唐虞之治乎宜海樵子斷然行之也其刻之石告後來者

魏縣創立啓聖公廟記

十年辛卯 天子詔天下郡縣立啓聖廟由周而來所未有也惟時畿內魏縣令連登實先告成邑教諭劉瑚訓導武功率諸生述狀來告崇慶俾為文以記乃拜手稽首記曰夫帝王弘化莫大乎孝體道推教莫大乎仁是故孝以立極仁以廣恩故政成而上下孚此五帝三王之所以獨美也洪惟今 皇帝以宗

人入繼 大統未幾追 獻皇帝以鴻號旋復立廟於楚既而
又立廟於京師大禮既定群言乃息於是推尊 先師孔子之
父叔梁紇以上公之爵曰啓聖公大哉 聖人之孝其所推
也已矣復 詔天下歲時奉祀如春秋禮各有差乃以當世門
弟子之諸父配享如顏淵父路曾參父皙子思父鯉孟軻父
皆在焉大哉 聖人之禮其所祀也已矣嗚呼自生民來聖
人多矣然皆隨世而有立沿物以昭化乃若渾淪乎三才綱紀
乎萬世範圍乎百王未有如仲尼者也顧後世但知尊崇仲尼
焉止矣未有推始於聖父者也即其推始於聖父然後知 皇
上追帝先王者固自有道矣故嘗因是而為之說曰啓聖之有

廟見 獻帝之匪私也天下自此當曉然矣慶於是得以仰窺
皇上有五美焉禮不紊於立祀別嫌疑也仁不曠於達變示至
公也孝不違於同道昭大順也志不孤於獨善廣大化也法特
出於獨斷垂常則也大哉聖人之舉陋周秦以後之主矣嗚呼
休哉是役也承之者大臣奉之者有司紀之以光冊書者史氏
也慶何人也乃今秉筆然而仰誦之餘竊自以為莫之能辭也
爰考經始則辛卯冬十二月落成則壬辰冬十月望廟式一如
四方制也既嘉魏令之恪於趨事又從而系之以贊贊曰 大
哉啓聖肇生文明曰中曰時匪和匪清新我俎豆創我廟庭百
王具瞻萬古儀刑

魏縣重脩七廢記

王子記曰夫魏博蓋畿輔名邑然而有廢政七焉曰重脩何見前此未有也故郡縣之代交無恒而論治者必先歸諸久任庚寅冬十月鄭州連君既免喪來宰是邑下車謁廟乃慨其敝而思有以新之則出令曰惟茲廟貌先聖攸居王風之係莫此乎大令若是何以令為乃擇匠鳩工相材度宜頒廩稱事刻期責成爰始殿廡延及兩門曰吾以妥先聖與賢也次及明倫堂及兩齋饌堂曰吾以勵師生也既而及邑之廳事吏廨曰吾以慎政本也又引而緝申明旌善兩亭曰吾以重勸罰也又引而緝惠民藥局曰吾以壽天厲也又引而緝養濟院曰吾以恤孤獨也又引而緝馭倉凡若干楹曰吾以財民命也是役也財罔及民工輒告完君子以為難焉夫七廢之舉侯之賢加人一等矣獨曰才智已戾邑之醫官趙從周等率故老踵予為文用紀侯之新政因述其梗槩如此若夫流矜恕之德堅廉達之操完終始之名固侯之餘事予何言哉侯名登字君薦領河南庚午進士於鄉先任涑水猶夫魏也別號梅峯云

滑縣重脩孔廟記

夫事有振萬古而常存曠百世而相感者則以道之所在情自係焉爾也是故羨墻見堯河洛思禹重其道也重其道則重其人重其人則妥其靈故廟也者所以崇德而報功也匪獨妥其

靈也惟天生仲尼合堯禹而上之而或反焉不為之所吾恐非人情與嗚呼茲固滑之孔廟所由重啓乎開去滑蓋九十里聞邑有孔廟創自洪武之二十有二年歲月幾何廢興不一間或補脩又皆莫之能久其故可知已惟庚寅歲秋七月雨秋八月兩廟室益壞越明年辛卯新令尹崑山高子進實始宰是一日謁廟深用咨慨欲遂脩之不果重年荒也未幾巡按御史傅公按滑之明日進諸生而問俗焉曰嗟乎茲春秋所謂次於滑者非與又明日率諸生而詣泮焉顧瞻殿庭曰嗟乎茲易所謂立廟而聚渙乃今若是與既而見兩廡齋堂及射圃曰嗟乎茲群賢所以配享諸生所以脩業而習射之地也乃今若是與是誠

在我乃進高子而告之曰吾聞政先禮教志上不忘本也子盍圖之高子曰嘻是進之所嘗欲為而未之逮也敢不惟命則相與謀所以新廟者會上有服舍違式之禁邑之富民實犯之因請於公而資廟焉乃遂命官糾工擇匠理材作廟門易木以石葺其廡遂飾其殿新其兩齋及其饌堂既而作射圃廳作啓聖祠作敬一亭各創脩如式無慮三五十楹視昔蓋有加矣工始於三月之戊寅既四月而甲子告成君子曰賢哉桂史乎重道而不以勞民近乎仁宥罪而教之以正近乎義合後先之廢而葺之近乎禮工不越月而竟近乎勇夫是謂四善矣其諸異乎人之撰與今夫天下莫大乎道道莫備乎孔子萬世出入造

化於斯道顧有徃徃以是為外惟末之圖視公之人品藻鑑何如也噫是可以觀公之大畧矣公名漢臣字某號某東萊平度州人丙戌進士先推府鎮江尋擢御史綽有風采多實政脩廟固其一耳聊此以復高子用識歲月

習射廳記

嘉靖甲午冬十二月大名通府程君建習射廳成使來求記辭而不獲因述其事記曰夫射君子之道男子之事先王之所重也所以責禮於進退周旋也所以責志正而體直也所以責審固於弓矢之持也射之義博矣哉是故天子節以騶虞諸侯節以狸首大夫節以采蘋士節以采芣雖所射不同而其節之有

法一也是故明乎其節之志而事可數為以立德行以安國家以弭禍亂者必射焉是賴如之何其不重也然而古以觀德今以校藝古以敦俗今以禦侮古以擇祭今以練兵斯古今風教之所由異與吾聞程君之判府也端而不泥慎而不迫嚴而不苛君子謂其職司捕盜展厥蘊矣先是中丞少華許公撫畿內乃移檄四郡而專射焉君捧檄而喜曰是吾志也於是相地於府署之東會得隙地凡若干畝又稱貸而益其半中有廳前有廈翼有室蓋為間者各三楹又後則為堂五楹旁室如堂之前又南則門扁曰習射示專也鳩工於癸巳春三月落成則是歲冬十月也材取諸公廨之廢費資諸罪人之贖督工者經歷華

子俸也樂聞而叶倡其舉太守端君廷赦也謂事不可無文以傳則推府楊君經也是故廳以射名重射地也叅之賞罰作士氣也密邇郡署便民兵也擾弗及民全惠鮮也先事而備戒不虞也一事而衆美集可以觀程君之政矣夫禮莫大於射君子是以知許公之善教也君名範秦以進士薦於鄉朝邑人

寧山衛軍儲倉記

晉之澤州有寧山衛設地屯田今大名之滑縣其處也夫軍有田所以養也田有積所以備也積必以厥倉所以待乂也然而政存乎人人存乎志志存乎忠實是故忠實足以成天下之務矣邑之東南隅舊設一倉曰軍儲歷歲既乂至不能除風雨去

鳥鼠蓋無慮三十年於茲識者悲之

武廟辛巳指揮楊敬夫

曰願者來理屯政乃嘉靖甲申冬凡三越寒暑一日省耕視屯閱及軍儲慨然惜其敝壞而思有以新之乃謀及僚屬謀及故老衆曰是在屯君已而儲材益地命匠計料擇日糾工未幾三越月而工告完後有堂凡三楹曰退省東西有室各三楹曰廂房前有大堂亦三楹曰屯政又前東西有室各三楹曰所廳又東西有廩各三十楹曰軍儲倉焉又前有重門曰軍儲門焉君子曰善哉屯君庶幾綜理而忠實者乎吾聞古之為政者必先敦本而理志不徒粉飾乎其外而已敬夫理屯苟知軍儲之為急將無推而與士卒同甘苦與苟知戎務之為重將無推而奮

言
勇效忠思古名將而並駕與苟知脩葺頽廢之為當然將無推
而究吾闕失增脩其所未至與敬夫念哉吾言止於是矣敬夫
之友李承恩來見予而述敬夫之行既嘉李子之篤於友因推
理屯之說歸焉

東岳祠記

太山山宗也元氣始也於卦為震於時為春於行為木於德為
仁於方為東宜其靈之所發貫通六合鼓舞萬物感召群動與
夫禮諸侯祭境內山川大夫而下不可得而僭也故太山諸侯
之所祭也天子之所望也自王教不明而祀典廢祀典廢然後
禮亡禮亡然後淫祠作於是天下始有東岳祠出焉夫祠以東

岳正也民而祠非其禮斯淫矣吾嘗考乎其故然後知世之紛
紛者無恠也是故漢明帝加封太山為元帥唐玄宗再加太山
為天齊王宋真宗再進太山為仁聖帝夫以漢唐宋巡狩之典
舉宜若堯舜望而祀也而乃有是其何以訓故即夫歷代而後
知小民之犯禮有自來矣是故無謂之號不可加也不經之禮
弗可用也荒唐幽恠之說不可踵也顧其事無慮百千餘年乃
無一人出而論正其間君子之憂世閔俗豈真鮮其人與嗚呼
今天下有事於太山吾見其進也未見其止也四方之男女雜
然而群相望於道或事之以牛羊狗馬若恐後焉或事之以金
帛珠玉若恐後焉是使士惑其志農耗其業也是使工離其肆

商忘其貨也甚者藩王宗室亦從而附趨奔走之嗚呼其亦惑也甚矣欲民之弗窮不可得矣窮鄉遠邑又從而立廟繪像噫極矣仲尼曰曾謂太山不如林放乎故有事於太山者繼自今其財可以省矣凡不務民事而冥於登高者繼自今可以愧而歌矣然則孰正是曰有 明天子賢宰相在吾開習城里張淮周鉞輩近方重脩東岳祠成踵予問記為作是貽之使退而省焉

觀城縣令張君去思碑記

晉之張君方石宰東昌之觀城既三載是為戊戌將考績入京師邑之大夫士恐君轉官而去不復來邑也以予嘗備臬三晉

於君為舊知俾邑秀國子生姜惟叙來乞言然而何可默也壯者吾聞諸君子曰先王建官以為民也守令親民以昭化也冢宰統百官而黜陟以辨物也是故政莫切於郡縣職莫大乎守令守令得人而後民心用乎國斯治矣聞君乙未始牧於斯邑邑之人莫不喜其來而惜其晚也則君之賢大畧可見也已先是武廟辛未薊盜群起流劫郡縣自是民日以貧訟日以繁無賴遊食者日益以衆君下車即惻然思有以振而更之於是爰發新令曰士有弗率六行自底弗類者與民有蕩淫匪彞流而為穿窬者與有弗事產業豪俠以逞者與有罔上行私厚貌深情者與有影射貧富弗均者與有一於是吾其執之而已弗

可悔也。令既布，境內皆恐恐然，惟懼刑罰之及其身焉。先是泮宮久圯，城垣以頽。君一日見而弗悅，曰：「是何一至此極也！」乃命工責成，凡三月而就緒。數決疑獄，曲中隱伏，兩稅咸徵，科以時。民爭輸恐後。其考課士人，惟明經行脩之為急。他多類此。故一時父老豪傑皆以為垂白來所僅覩也。乃自是當路諸君子聞者，獎之如所謂蔡中丞、張侍御，皆移文以君稱首焉。嗟乎！民懷其政，可以考君於民士；服其教，可以考君於士。撫巡獎其賢，可以考君於撫巡；則夫銓部雖不待考而君固已稱最矣。審若是邑人，雖欲去後不見思，得乎顧乃先事而興，卧轍之感，所謂無以我公歸，無使我心悲。蓋庶幾其迹乎。繼自今為內臺為郎曹

進而為藩臬，當必有望。甘棠而勿伐，蓋庶幾其愛。章執謂古今人不相及，耶？君尚念我君名，廷璽字君典，別號方石，薦已卯進士於鄉。平陽之蒲州人。

大名府重修四橋記

吾大名衢交梁衛齊魯秦晉，君子以為上游。山宋元而來，又以為北門云。蓋王畿他郡，莫之先焉。先是徽之蛟潭，兵憲汪公溱秉文而閱武，於是幾三年矣。嘗以城且瀕河，每大水則城幾覆者數矣。因喟然嘆曰：「嗟乎！防盜可以一時，防水非久遠不可。久遠非采石為梁不可。於是遂問橋於四門，而加脩焉。擇工惟良，命官惟謹，用費惟公。不數月而規制煥然，且宏衆美，曲備環橋。

之旁甃壁以石門之內棲神以廟皆前此所未有也庚子春二月丙子舊司諫易菴石府君遷高謂不可無言以傳乃使元城丞王子濟來求記王崇慶氏曰不亦善乎夫公知所以防水則知所以防民矣獨盜也哉是故無恒而有漸者盜也故防民弗可以不豫也難測而易決者水也故君子貴慮患於遠也然則防水之道易防民之道難是故防德以禮防淫以刑防欲以命先王之所以制萬世也豫而法之盜斯亡矣然後知防民甚於防水也然則斯橋獨防水與憑欄而眺則悠然有深思焉履石而堅則確然有介想焉原始而要終則惻然有壞懼焉夫深思則政罔或缺介想則守罔或渝壞懼則憂罔或近二者惠民之大端也君子之所以自防而立訓也公念我公且叅政以行繼自今士而欲廣其志則思公之教柱可不必題也民而欲急公家之難則思公之武橋可不必伏也隆冬深秋往來如砥舟可因而焚也蛟潭之為澤不亦遠乎蜀之碧泉張公素繼蛟潭而來也又從而藻飾之遂成勝槩視昔益倍君子是以知二公之善防若合符節云是役也先守易菴相而協力有勞焉未幾亦轉官去命玉人而終告成事則南川朱君家相也乃若別駕崔君巍史君鶴虞君舜卿張君瑤皇甫君孝揚君振文皆樂觀厥成者也是故得並書焉

元城書院力行堂記

宋大儒元城劉先生今大名元城人也所謂鄉先生沒而可祀其殆斯人與邑舊無書院創院而兼其事自兵憲安福劉公秉監始也夫院以元城名重其人也若夫專院事而啓多士光前脩則又自先太史黃巖劉公夔始也此則書院之大校云嘉靖歲己亥秋宮僚少玄皇甫君濬來判郡乃文宗侍御南渠黃公綬用易菴石府君遷高請遂以君掌院事如初於是拔諸庠之才俊使之講業其中而作新之又各選儒官凡六人而分督焉廩繼粟庖繼肉重養也又請諸撫巡範東劉公隅兩江陳公脩忌專擅也易菴所以經畫者備矣少玄意以元城見道在思誠思誠在力行也因即以力行名堂昭仰止也所以自待而待人

者何如哉今年庚子夏四月使州司訓靖子安來問記記曰昔者慶也聞諸父師曰君子之學以造道為至而入道之要以聖人為極夫惟學道而有準夫然後常也而能變其變夷也而能險其險安也而能危其危今考之元城之始終而後知其果有是也是故殿虎犯萬衆之怒而容自如大蛇視群僕之魄而了無懼讒奸構殺身之謀而寢若雷可謂雄乎浩然邁往而獨存者也噫此其人品為何如而非見道之至惡有是哉君子是以知其思誠之力斷乎不可誣也夫誠以思入故不思斯罔功以下妄故有妄斯雜行以力致故不力斯沮學之極也元城之所以當景行與少玄早以才進士稱其家有重名博大而雅慧敏

言
而謙和莊而慎方其被薦也將入而青宮為論為思為啓為沃
為剪桐隨事而規以振發 帝業於無疆也曾復幾何乃又出
而提舉斯院起居斯堂嘉惠斯徒樂與之講求斯道是欲成已
而成物也是欲黜功利而畧辭章也其諸異乎流俗遠矣君子
曰賢哉少玄必有擇於斯者嗚呼吾黨之士其尚惕然而省也
哉

重脩雙忠祠創建射圃庭記

嘉靖十九年庚子冬十月丁卯長垣令杜侯大章先是見雙忠
祠壞射無圃也於是乃脩葺而創立之制各有差民弗知勞工
既成使來問記王子曰嗟乎吾嘗讀空同子之碑而壯其辭氣

雖有董狐史遷要未敢與爭雄也而又何言然而侯之政弗可
以無傳也今夫政莫先於勸俗善莫大乎有準合二者而兼舉
之民牧之稱賢者率是道也是故惟賢故知重本惟重本故知
教民故教民莫忠乎為大忠也者民之質也道之綱也昔者夏
之興也以忠而其亡也亦以忠商之興也以質而其亡也亦以
質故逢于忠質之所由始終也雖與天壤俱敝可也而又何祠
之待乎祠也之圖以標勸也勸行而民向方治斯赫矣先王之
所以式閭而封墓與然則人心亡乎曰未也蓋自是夷齊之於
周屈原之於楚茅焦之於秦朱雲之於漢巡遠之於唐文山武
穆之於宋視逢干之流風餘韻猶夫一日然而未有出其範圍

之外者也故逢干忠臣之鼻祖也萬世所視以為的焉者也然則侯之創射圃也鄰其地不遠其堂意其有在於斯乎是故射之的人之心也心之得吾之德也然則君子之觀射謂非觀心也哉故曰為人君者以為君鵠為人臣者以為臣鵠為人父者以為父鵠為人子者以為子鵠各射其的以正其心也然則逢干非人道之鵠與繼自今登歌俎豆則惕有思焉弓矢既張則的有準焉感今悼昔則觀德有餘師焉而謂祠與庭也徒然乎哉夫射以中的而止德以成道而止道以範人而止所謂止至善也教之大端也有司之能事其不在茲乎杜侯一舉而兼得之矣侯名縉字大章號惺菴晉之蒲州人薦壬午進士於鄉下

車多異政云

元城書院得人記

大名先別駕皇甫少玄公嘉靖己亥始掌院事既明年是為庚子未幾以內艱歸夫少玄才賦於天秀而雅學傳於家淵以深識優於衆大而遠蓋順慶公之仲子云君子以公掌院事曾幾何時而振作士氣倡明理學繼光先哲恢恢乎履成效而收完功斯亦奇矣黃巖之後鮮儔匹焉其足徵也哉方公之主講於斯謂文必以聖賢為準會是而言文則支離於道也謂學必以帝王為要會是而言學則縱橫於霸也謂終身行己必以正心為極會是而論聖賢帝王之業則未之前聞也是少玄教士之

大端也少玄嘗慨士習日陋而又病文之日漓也至親製經書
 文義凡若干首沿經也而必參之傳繪辭也而必本諸理達意
 也而必相諸時每課試之餘則特出以示學者蓋不徒欲人式
 之而實則欲人行之少玄之用心篤矣蓋其詳則申子璩已見
 諸跋然吾自是識申子焉今其書固在也士每環聚而觀動相
 鼓舞稱嘆如獲至寶乃目之曰文粹先是吾嘗取而讀之豐而
 不侈質而不俚華而不靡信哉其能文也於是既慶多士之得
 師而又未嘗不仰少玄之果無愧於師云是歲之秋由是院而
 中武京闈得九人焉蓋創見也嗚呼盛哉是故於大名吾見崔
 子宇於邑庠吾見張子師伊於元城吾見張子朝綱於開吾見

吉子澄於魏吾見魁亞申子璩於長垣吾見訓導李子行簡唐
 子桐陳子罔於內黃吾見教諭宋子治歷而數之彬彬乎一時
 之精選也合而言之固少玄平日之陶鎔也先生之功豈小補
 之哉雖然諸賢之有是固不可忘本而自畫矣繼自今登春官
 策 大廷服有僚則將如之何亦曰脩之於書院不壞之於
 清朝養之於少玄不倍之於 明主體之於聖賢帝王不雜之
 於功利霸術如是焉已矣使後來主是院者不易諸賢之所學
 則亦庶乎其可也若夫少玄爵里出處則力行堂備矣作元城
 書院得人記以答申子之請

記澶淵之謠贈郡侯尹朔野

澶淵之謠何採民言而因以知夫政者也夫政以宣惠惠以昭德德以動衆古之極也去古既遠民風日漓然而民心之公則未始亡也是故觀民謠而後知循吏之傳可再覩也蓋吾於郡云者民知侯之政而又於里人並得侯之心云是故其在郡之東者則歌曰民不見吏流移日還國賦惟平雨暘無愆桑陰既茂蚕絲綿綿我里無事始自今年王子曰其見侯之仁乎然而足以長人矣其在南者則歌曰我訟則平我心且格洞見秋毫民寃咸雪庭有冰壺門無松謁曰誰為之尹侯赫赫王子曰其見侯之義乎然而足以正物矣其在西者則歌曰昔我荼毒實苦豺狼征求日恣迄無寧卿侯來視篆日肅紀綱百度惟貞十

郡稱良王子曰其見侯之禮乎然而足以節欲矣其在北者則歌曰賢哉郡侯威宣惠流兵戢鐵騎農資米牛憂深慮遠盜息民休優哉游哉抑又何求王子曰其見侯之智乎然而足以及遠矣夫東西南北之謠亦既著矣然皆各隨所見以發者也至於闐闐之民則又有歌之者曰侯居鈴閣動如雷風推誠無倦行今有終狡偽者去遐邇攸同繼自今往垂範無窮王子曰其見侯之信乎然而足以孚邦矣今夫無常者民之情也有徵者民之謚也感而通者化之神也觀民之謚究民之心又從而驗今之化則侯之治開固有致民於熙皞而弗知者矣其又何民謚之足多哉雖然吾侯之蒞吾郡曾復幾何乃得民若是則夫

由是而合一終始自郡而有服大僚以經綸 王國洋溢中外
銘功太常則夫忠愍之寇公明道之程子其又何可專美於昔
也哉然侯之政本於學而其忠原於孝古謂未識其父願觀其
子今觀我侯則令翁之賢源流之深又可擬矣侯名耕字子莘
號朔野壬辰進士晉之蔚州人先令藁城繼晉儀部員外郎未
幾補判兗州皆有賢聲猶吾開云

重脩名宦鄉賢烈女祠記

開有名宦鄉賢烈女祠舊矣創而脩之自淮陰潘公墳始也顧
歷年既久垣頽瓦毀幾無以蔽風雨過者悲之乃嘉靖十有九
年濟南范公瑟以翰林編脩來判開謁祠之後因進師生而問

焉曰嗟乎祠也者祀也重風教也今若是庸詎非吾有司之責
耶僉曰公言及此所以流訓者博矣公遂擇日命官相宜鳩工
葺敞補墜又從而餼廩稱事焉始而脩名宦祠則有若寇忠愍
諸公者先是忠愍合而祠諸名宦公以其有功社稷為天下望
因遂遷諸他室且繪像焉既而脩鄉賢祠則有若郭忠烈諸公
者又終而修烈女祠於二祠之東則有若高愍女諸女氏者或
曰祠以棲神神必用主禮也然則萊公獨以像何與曰漢唐以
還元臣名將往往光照凌煙圖形麟閣蓋勵世磨鈍古人之至
意非無謂也則夫栢峯像萊公而特祀於後孰謂偶然也哉是
故名宦祀則宦箴興鄉賢祀則黨閭勸所以脩男教也烈女之

祀與二祠並則貞風行而淫慝沮所以脩女順也公之功豈曰
 小補哉當是時郡守餘姚吳公至會入 覲實嘗與聞而協力
 焉祠雖仍夫其舊然而潤色版築之功則視昔倍之矣今年壬
 寅冬十二月郡博管子九雲何子九經靖子安及庠友諸髦俊
 來乞文因次第其事而為之記是役也始於庚子之仲冬告成
 則辛丑之季春云

開州重修城隍廟記

吾開之有茲廟也洪武六年同知馮君朝泰實創脩之自是而
 相繼脩葺在永樂元年則有若判州李君珣在天順四年則有
 若知州李公迪在正德三年則有若知州譚公綬乃嘉靖癸卯

汝南陳公時熙來守郡既視篆而謁廟因慨其敝而病其隘也
 思所以恢弘而潤色之於是出俸金捐粟穀以為境內人士倡
 未幾聞命而響應者無慮千百人焉富者效其貲貧者效其力
 敏而有謀者效其勤為廳事於前若干楹猶夫長民者之聽政
 也又為寢室於後若干楹猶夫長民者之退食也又為翼室若
 干楹於東西之兩階猶夫司牧之有掾曹也又為拜庭於廟之
 中央若干楹猶夫官府之有叅謁也又為大門若干楹猶夫有
 司之有重門也工始於秋八月朔日告成則是歲冬十二月某
 日云蓋棟宇金碧巍如煥如規制豁如視昔不啻十倍矣君子
 曰賢哉若人達幽明而能敬鬼神可以訓矣今夫盈天地間皆

氣也盈天地間皆氣則盈天地間皆神也仲尼所謂氣者神之盛是也是故郡邑之有廟春秋而祭朔望而拜靡詎非以其能保障生民故耶故城隍者靈氣之通乎天而本乎地神之正也然則民可瀆以私與曰民之祀其先禮也謁廟非古也若乃水旱而禱或疾病而下或吉凶而告是則民俗之恒君子弗禁也然則繪像何也曰神用主禮也用像非制也然而神道以設教是亦古人權而行之以從宜也其儆頑懲惡之微意乎是故君子弗之改也公名時熙字舜民壬辰進士河南上蔡人歷田其別號也視郡多惠政有良吏風重脩茲廟蓋其一端云耳是役也同知王珂判官蔡濟世孫賢吏目潘鏞皆樂觀厥成是故併書之

併書之

貴州道御史題名記

記曰御史之名列於周官雄於累代隆於聖朝其所從來遠

矣然而題名何為也欲稱實也是故君子之仕也始則登名於校庠晉名於科目策名於仕版終而收名定價則又垂名於竹帛然後知名之時義大矣故君子知名之不可無實也在科目則思以驗其學在仕版則思以效其職既仕而後則思以令其終要皆不徒有其名而已况夫御史言官也紀綱之振肅官邪之糾正國是之維持生民之體察夷夏之震懾悉於是乎攸賴而謂朝廷建官圖治之初意可一日弗究其實耶貴州道之

建亦既有年矣乃己酉之歲王君本固劉君涇吉君澄皆以才進士入內臺而又同官斯道謂題名之舉未之行也因以文字托焉盖亦知名實矣繼自今踵芳而來者或正色立朝或先事防微或薦賢如不及或嫉邪如仇讐或責任守令政先農桑或沙汰貪殘威行權要或如古之上殿論事下殿不失其和以臻茂實以收完名以垂法無窮吾固知且與天壤俱敝又匪持如石之恒已也雖然諸君子固海內豪傑也豈必石之有無而後為重輕哉僭發狂斐如左聊以識歲月云爾

都察院左都御史東田先生馬公祠堂記

辛亥之秋予以入 賀過里會先生之子國學家器師言使來

乞記盖先生之沒行且四十餘年其文章德望薄海內外私以傳誦固亦素矣矧予去先生之居若此其未遠也讀先生之集仰先生之風若此其甚乂也安敢以不文辭乃記曰夫祠以示勸匪德何據東田先生抱奇資於髫年所謂神僊才也及其荐登甲科因時懋功悉著聲稱乃至五十而後則名位益隆付托日崇矣然而貝錦之讒足以惑一時之聽聞而不足以蔽 武皇之睿見是宜既沒而彰鄉人與慕售地構祠遠近響應也非盛德而能若是乎先是嘉靖癸未邊郡有為先生建昭德祠者鄉耆欲同時並建之師言以先生昔居諫垣繼官廷尉督兵討寇嘗忤權貴懼餘憾之未泯也力止之乃戊申七月曹建諸人

請於撫巡如初悉許之始為祠三楹云據其成則已酉某月某日也嗚呼是可以觀斯民之秉彝與今子之仁孝矣則夫今日獲遂初心謂非奇數也哉若夫先生家世之傳始末仕用生平文行已備當代諸名筆予復何贅

重修金龍四大王廟記

嘉靖壬子吾開土壘村重修金龍四大王廟成乃鄉大夫江西大叅王澶西氏問記於端溪子若曰斯廟也吾高祖福榮在永樂間實修葺之其手植楊木森然山峙今固在也弘治改元吾祖湖廣方伯靜軒公再為新之如初嘉靖某年吾季父戶部郎中雲峰公先是令吳江時又嘗遺俸金命族人再加潤色如靜

軒雖踵脩攸同然亦各隨所感以伸報稱而已乃辛亥某月予則再為鼎新因遂謀及郡侯陶山李君為給帖鳩衆擇日命工乃某月某日爰始告成願公秉筆用示我後人匪獨紀歲月云也端溪子乃為之記曰王氏祖孫其殆善繼述歟夫新廟而不忘所有事充是念也焉往而非作善之基哉聞之金龍四大王河神也今沿江南北謂其呵護生人轉移風濤咸立廟以祀其視諸凡無名之土木遠矣自今論之龍之為靈昭昭也噓雲雨神變化妙卷舒蓋其有益生民不獨沿江諸地從而廟祀非過也然而被之以冕旒肖之以塑像加之以袍笏則後人為之非復龍之本來面目矣非其固有而用之柰何無改乎所謂事之

無害於義或亦昔人神道設教焉耳是以君子取其向善而不忘本餘固可畧也或曰四大王之號舊矣執公之說其即先儒程子之意乎雖然洋洋乎宇宙貫通乎六合主宰乎群動出入乎造化則又何莫而非鬼神為之何莫而非行吾敬淑吾身善事吾心之地乎仲尼曰丘之禱又矣此又吾黨所宜究心云廟西南數百步黑龍潭在焉岡隱而竒水秀而遠天光遙映古木穿雲飛鳧浴鷺牧笛漁歌往來暢情亦足以資遊賞而遣塵慮每旱禱雨旋復響應故老以為漢之宣防宮遺址瓠子河故道即其處也創廟者或亦有取於斯云因併及之

登州府科第題名記

壬子之春登州吳侍御晉菴自清戎山右使來以科第題名開記於端溪子若曰公昔化兩吾郡相類等雷濡最深且又顧衿佩彬彬爭雄後先在科第題名因仍曠缺願公賜記以增重海邦庶既久而思者瞻仰有據矣斯意也予何敢當哉然而晉菴諸君子之用心其真遠也乎乃記曰君子之仕也亦既題名於國學矣然而四海九州之人也合而言之者也題名於列郡者一方之人也分而言之者也是故國學萃名才之會也列郡登名才之地也天下之士備矣推而尚友古人亦奚外此則夫國家之求賢與賢之所以效用於清朝舍科目奚由也始予倅府登州嘗攝府事每試諸生以文率多才俊當是時先達如大竹陳

公鼎石泉任公忠又皆人品卓然諫垣傑出者視他郡奚啻十
 百焉意者海山靈氣鍾秀發祥而是府諸郡邑宜豪傑輩出若
 是其盛也今夫題名於科目凡以輔理承化以求無負幼學壯
 行而已耳以求隨寓而安垂名於宇宙而已耳曾謂百世之師
 而可求之一世外耶是故在官守則思以盡其職在言責則思
 以效其忠在經則思以安其常在權則思以達其變在辭受進
 退則思以不悖於聖賢由是而芳躅前脩光增名教謂非吾之
 始終可榮可尚者耶審如是則生平之歸宿丈夫之偉節信非
 凡民所能企而及矣則夫今日之題名庸詎非後來之模範乎
 諸君子克養於平居恢弘於功業吾固知其期待當有同者聊

書此以俟國史之備云爾

陽信縣令王侯去思碑記

壬子之夏四月丙辰六合縣尹董君邦政以其先邑侯今侍御
 王槐軒既轉官而邑人思之弗忘也因出其所述遺愛來問記
 焉夫槐軒吾鄉人也寧復敢辭先是槐軒初宰齊之夏津也惠
 政未幾以外艱歸乃既免喪則又改篆陽信焉陽信在齊之北
 燕之南古所謂渤海之地也槐軒以名進士明而誠公而恕甫
 下車即思所以崇教化敦政本作髦俊訊興革雖不必大聲與
 色而風自行於邑井之外俗自變於觀聽之餘君子謂其二年
 無一要囚可以徵侯政之溫良矣他如學校之興以淑士類盜

賊之息以康兆民。戶口之增以完逋稅。率僚以御史。脩則公庭肅如。節費以寬里甲。則田野怡如。至使貧富相安於平居。孝友著聞於宦邸。此則侯之邑政表表最著於陽信者。視前此侯以憂去夏津。士民及隴而哭拜者以千數。不又若合符節也。哉。雖然。侯之所以有此何也。吾謂其輝煌於政事。皆其學術之轉移也。感發乎士民。皆其仁愛之運用也。今昔宦遊之設施。皆其精神之條理也。孰謂偶然也耶。異時引而進階公卿。登名臺省。論功石室。則又當有良史紀之。以光重鄉邦師範宦海者。然則董君知其邑令之賢。亦可以占其賢矣。君之父天粹者。吾友也。以乙丑進士官地。曹因述之。見名家有後。他日六合去思。亦必有縣人云。

曹縣重脩學宮記

曹縣地接魯衛。俗稱淳厚。而又代多才賢。蓋山東劇邑也。然密邇黃河。每河決狂瀾橫流。莫可爲禦。嘉靖丁未六月。決重堤。河水潰城。以入湯漾。瀾漫奔騰。如雷。官廨民居。漂沒幾盡。以至學宮不之免焉。君子以爲異數。允哉。顧頹壞之餘。諸費皆與一時財力有未能善濟者。而學宮視他廢爲急。於是邑令王子某。訓導歐子某。謀及千兵王子某。而作新之。王子即欣然曰。吾意也。遂擇日命工。輸金鳩材。諸凡需用。皆悉力補葺。無難色焉。爲門

為宇為堂為廡無慮五六十楹雖制仍其舊乃既仆而崇直煥然快觀矣工始於辛亥八月某日落成則壬子某月某日也邑之大夫南京光祿卿會溪扈公柱史肅齋朱公咸謂王子斯舉有足嘉者因踵予問記以示將來君子曰非慕義如千兵莫能輸費非用心之公如扈朱二公莫能與人為善故勸一善士則凡有是心者莫不聞而興起况先聖攸授師儒講誦所謂根本地也矧一事舉而衆美集其斯以為盛事乎是故惟重義故輕財惟知務故學宮之修悉力為之無難焉其視積金以遺子孫殊緣以創琳宮梵宇者識趨高下何如也嗚呼觀扈朱二公獎善之勤則首倡之勞又匪邑令邑博所得專美也已是尚未可

傳乎謹次第其事為記以復扈朱二公云

乾州雙烈女祠記

是為乾州二烈女廟考之唐奉天寶氏生長草野姊妹皆有殊色乾州人也唐代宗永太間群盜剽掠村落二女匿岩穴而盜曳出之卒莫可犯乃俱投澗壑以死至於今故老談其事不衰云先是蘭州幸菴彭翁嘗繪八行圖並為說以行二烈與焉敦女教也嘉靖乙巳秋七月慶以終養再起備秦之太僕馬卿又從而易圖為書爰命梓人以廣其事近者叨轉蜀之右轄再過乾始獲登拜祠下祠舊在寶村去城三十里先巡按御史李公瀚命有司移之城東年久頗就頽廢嘉靖乙巳春二月汾陽李

君天錫來守是郡乃更新而潤色之且以文字托予為記顧方
憂夫力扶人紀而未能也其又何辭聞之心之良曰羞惡羞惡
也者孟子所謂義之端也三綱五常之大者也一日而無羞惡
是無入之道也慨當其時二女惟知有羞惡故不知有死生惟
知有父母遺體故不知有外慕所謂浩然而獨存師表百世雖
與日月爭光可也或曰曹娥專孝二女專烈皆女中之至偉至
偉者第恐蛾眉不讓人者難與並為鄰矣夕陽古木過者悲之
其秉彛之至情也乎又從而系之歌歌曰涇水清兮誰比其長
秦月高兮誰齊其光千萬年兮蘭發其香爰告司牧視之庶深

辯

海市

予到官之三日率諸生謁所謂海神求觀海市兼禱雨且以七
日為期既又以為神當蔽其用也海市竟不見越四日乙卯雨
丙辰復雨丁巳復雨因自謂兩事之請神已不拒其一而復以
海市不見為正且為吾民有年喜也作海市辯其辭曰甚哉人
之好恠也夫惟人之恠恠而後恠亦恠人夫人之恠恠非也恠
之恠人亦非也知其非而又信之亦非也今夫理誠而已矣誠
實有也實有則非恠矣吾嘗泛觀之兩閩之物洪者萬古常洪
織者萬古常織高者萬古常高下者萬古常下飛者萬古常飛

潛者萬古常潛動者萬古常動植者萬古常植此無他實有故也所謂誠之不可掩也今天下恠者多矣而其可惡莫如人之好自恠也吾謂海水之大者也朝之宗也是亦物之實者也安有所謂市此理之必不可信者也不然環東南皆海也均之為海則均宜有市而獨登州何哉此理之必不可信者也有恒言以為蜃似也夫物固有機藏鬼神巧奪化工者而實因乎人因乎人則知海固未嘗有是矣夫以其未嘗有是也則其為恠固宜是故其所謂市云市云聚之喻也由今言之形象之彷彿爾也蓋卒然倏然或有類城室者其天地之至妙至妙者乎然其為物也常見於大小竹之諸山意者海山靈氣乎然不能久

則以氣之升降故也夫氣之升降陰陽之動靜也而其至妙至妙者初未嘗須臾離也未嘗須臾離則所謂變化之象猶夫世也猶夫人世則是海亦固於大化之內者也夫以其固於大化之內也則夫其所謂用者豈能出造化之外哉水能一萬物之形久矣雖謂之巧奪化工可也嘗又驗之七八月之間雲多變應俗謂之巧雲故或有如人者如樹者如蓋者如龍者如鳥之飛如獸之走者杜亦為須臾變蒼狗大率一氣為之而造化則本無心也海之有市其諸此類也乎夫以海之雲霧為市也則亦將以天之巧雲為市乎雲一也而在天而在海大率一氣為之而其巧則非造物之有心也即是以觀亦可以解時惑也已

且吾又聞之居人市將見則每霧其既見也則必雨是知市又雨之萌乎而山澤通氣地天交泰之理得矣夫以海雲之巧者謂海之市也則亦將以天之巧雲為天之市乎不待智者而後釋然矣是故物之無益其有與否不論也而特恠夫東坡之好恠也夫物之生長閉藏物之情也十月而見市者海之變也譬之雷乎二八月者固其起止之候也而亦有十月雷十一月雷者則亦非其正矣故占者以為閉藏不固氣之泄也其為天變大矣自坡之詩一傳而市之名益著人遂以為坡之禱也而坡亦居之不疑所謂恠以傳恠人以市恠海海亦以市自恠吾請為天下後世破之自今日始則是未嘗無益於海孟子復起不

易吾言矣雖然吾豈好辯哉論語曰子不語恠吾徵諸此而已

論

一笑

方伯陳公蓉湖左轄西江歲壬午以歸田疏請於朝詔許之公將歸或曰公嘗得謗也故有此端溪王子乃獨不然作一笑論送之其辭曰公真得謗乎我未敢知也人其能以謗加公乎我亦未敢知也雖然公可以一笑矣公或不樂如命何公可以一笑矣公或不樂如義何夫命也者賦之天者也義也者存乎人者也賦乎天者不可易也存乎人者不可失也是故君子知命以順天存義以正己則無所患於人矣夫其謗之中乎我也吾命也其或迹之涉而疑也亦吾命也吾嘗有感乎仕矣今夫

仕也者以致用也致是仕焉以蔽用也人惟知用而不知蔽此
上九所以有悔也公殆免於是乎吾嘗觀今之仕其猶女乎夫
女入室則妬妬在色也士入仕則妬妬在利也夫利未必賂也
聲名文德皆其類也而况物之情不一乎辯者異我以愚勇者
異我以弱員者異我以方巧者異我以拙吾其自以為何如則
雖有聖智亦將莫如之何而欲人之皆悅我也難矣夫以人之
不能皆悅我也吾又安能保乎物之愛憎哉夫其愛憎也者是
亦數之不能外也吾求吾之所以致愛憎者可矣吾安能屑屑
焉校是非哉是故人情莫不好譽而惡謗也而忘夫得失焉人
情莫不好進而惡退也而忘夫消長焉人情莫不好壽而惡夭
也而忘夫盈虛焉忘得失者曰昧脩忘消長者曰昧理忘盈虛
者曰昧數三者謗之道也吾見皆是也而戚戚以窮年者多矣
吁可不悲乎公可以一笑矣公之在是也道直而言溫貌朴而
行純是藩侯之賢也一䟽行而留公者鮮且會焉此吾所謂今
之可慨也夫以彼人之謗我如此也彼以為我可謗也而不知
彼之陷於謗也雖然晏嬰智仲尼沮流言行周公懼吾見大聖
之每有是也君子當知所以自處矣公其以吾言為何如

原謗

端溪王子之為監司也壬午夏五月之饒州鄱陽令章子彬方
以謗告辭色鬱鬱若有未釋然者王子作原謗論慰之曰無傷

也是可反觀也夫何尤吾嘗即字以求其義而其理得矣是故
謗也者旁言也誣也者巫言也方其始也事出疑似彼其巧於
中人之聽也宜也及其久也吾所謂吾者固在也此莊生所謂
險於山川者也蓋衆人皆恐吾獨得不悲雖然人亦顧自處而
已矣吾見人之患是也而未有聞譽而自患者也此之謂利害
之常情也是故毀譽之際可以觀量矣聞謗而自脩其量宏以
深聞譽而自矜其量褊以淺是吾儒誠偽之分理欲之關也可
不慎乎中庸曰天地之大人猶有所憾是故寒暑必以冬夏災
祥必以善惡道之常也而或反之吾未見其能免也惟聖賢亦
然人之言曰聖人不能使人無謗是故孔以武叔周以管蔡文

以崇虎孟以滅倉曾以投杼而卒以顯也彼何人斯而今安在
雖然可不懼乎貝錦謂其飾小以成大也青蠅謂其變白黑也
是故功蓋天下者或不以賞而一言忤人者遂至得禍有以也
嘗復驗之乎古今晴雲麗日光風霽月其時常少深霾震雷久
旱大水其時常多陽不能勝夫陰也故擠善而揚過者衆也自
一世而觀之忠賢每遏塞之虞巧偽多顯順之福理不能制夫
數也自一人而觀之旦親戚以為歡夕反面而構禍者多矣恩
愛之未足恃也常不能定夫變也夫以物之情若是乎不一而
吾以一身處乎其間良難矣而莫要於反觀反觀也者求之一
也吾以吾之一以答夫物之不一夫然後不一者可一而後吾

之情庶其泰然乎章子亦求之身而已矣少壯幾何忽復頽邁是方壯也肆力於道德性命可也役役於血氣讐怨不可也吾嘗因之而重有感矣吾之與人也相生死於瞬夕均之為蜉蝣也及其至也吾何為哉元會盡焉天地窮焉吾何為哉夫以吾之無所為而遂已將不幾乎空生吾固全吾之自治可也是故種六德去七患其所謂一之具也君子以言有恒而貌有莊也志有謙而動有慎也慮有遠而過有改也可以一萬物矣忘人之厚而弗報謂之悖知人之善而弗稱謂之妬見人之厄而弗憫謂之賊乘人之禍而附會其成謂之殘受人之約而惑於弗踐謂之懦見義而弗果為謂之弱聞人之美而思卒掩之謂之

不祥此人之七患也章子有一於是乎可以究矣夫以吾之自治者一也而彼所謂云云者猶夫昔也然後謂之命亦可也吾恐子或未之思也是則子之所以有謗也章子起而再拜勃然而應曰善哉教我以一請以書吾紳

原始

夫原始者何為者也原人物之所生也原人物之所生則知人物之所死矣一理之消長也恒而不變者也是故原始要終得死生矣吾見人之昧於是也性其以情鑿神其以物壞也噫迷也久矣今夫生者生也死者死也生乎吾前死乎吾前生乎吾後死乎吾後生乎死乎其化機為之乎吾何喜乎吾何悲乎雖

堯舜至於途人一也夫堯舜聖也其生也生也其死也死也吾未見其異夫物也夫問堯舜也為堯舜之亡也讀堯舜之書則堯舜至今固在也夫其亡也者亡也其未亡也者未亡也神乎物而不物乎物者也吾嘗曰莊周大矣見枯骨而嘆涉於悲矣未大也夫其未大何也囿於化也囿於化則小忘乎化則大矣吁此莊之所以為莊乎吾嘗即一人而觀之矣始吾見其孩也繼吾見其童也繼吾見其少而壯也繼吾見其壯而老也繼吾見其老而死也其或哀之以為是不可即也而不知夫死者之忘夫死也夫以死者之忘夫死也則雖有生者之哀無以生其死矣而亦寧知後之復哀我也夫其哀夫我也者迹之感也情之

累也物乎物者也而不知理則未嘗有生死也哀乎人乎哀乎已乎孰為生孰為死是故秋聲之聽萬物凋也浮雲之喻群悔釋也有身而患老子泰也逍遙而歌尼父樂也始吾於人也見其犯也今也吾見其敬也今夫晝而動馬煦煦焉事也勞勞焉人也及其寢而寐也則昏乎其無所用機也故知晝夜者知死生也是故吾以一日見百日以一世見萬世以一物見萬物莫之能違也富貴者其富貴乎貧賤者其貧賤乎壽夭者其壽夭乎窮通者其窮通乎得喪者其得喪乎邪正者其邪正乎洪者洪乎纖者纖乎高者高乎下者下乎飛者飛乎潛者潛乎動者動乎植者植乎流者流乎峙者峙乎榮乎枯乎成乎壞乎一理

之無所為而為也吾見其恒久而不已乎夫以吾之達是也雖謂萬世未嘗亡可也是故生非有也死非無也吾喜乎吾悲乎是人物之所殊途而同歸乎是堯舜至於途人所以無異乎是故大人去五病則樂心生矣貪生者癡也畏死者惑也謂物我岐二者蔽也虛生無裨者荒也相生而忌者狂也然則聖人見理而不見迹也宜死生之無以亂也凡人泥迹而昧夫理也故有偷生幸存無所不用其機焉者也嗚呼豈其知弗若哉弗思耳矣故始也者不可昧也作原始

跋

喜雨亭跋

喜雨為民也是故 明王脩身以閔雨仁者愛人而自責大公之心也夫惟其大公也而後憂喜始以民不以己焉喜雨之說前人備矣而其事容有未盡同者蓋古今之勢然也同年謝侍御廷爵先生風采持重為臺中第一蓋士論所推非私好也今年己亥夏六月不雨秋七月不雨先生巡歷之餘憂心達於面目一日館大名之清豐乃夜禱於天誠孚鬼神志昭天日雲漢之嘆至忘食寢越翼日天乃雷旋復雨明日復雨民皆忻忻然有喜色且相懽呼曰是誠御史雨也吾民其有生乎先生亦喜

動顏色鼓掌而笑曰大有年之兆也是真可樂也哉明日令其
邑長揭扁於院之後亭曰喜雨示不忘也夫古之君子在一國
則澤及一國在天下則澤及天下此無他自其心之仁推之也
其心仁則其惠斯公矣商之傳說是也高宗曰若歲大旱用汝
作霖雨吾將有待於先生焉

僧辯跋

僧辯一帙蜀人徐子九霄所著也愚方待罪沁州一日同太守
馬先生過郡人崔縣令家始獲見焉因喜其為吾道之助且復
為跋於後今夫吾道氣之元也天下之至正也所惡於佛者為
其賊道也是故鄭聲作而大雅亡玉盃與而杯飲廢勢固有以

使之也安用辯雖然吾徒之辯邪說因病而施藥也苟施藥未
之或效病雖存而吾之醫案固在何病之能為然自開闢以還
凡天下物又未嘗無對畫之有夜陽之有陰君子之有小人中
國之有夷狄皆物之情氣之數相乘為之有非人力所能易者
佛氏之病中國久矣而吾徒之所以醫之者亦衆矣今其病痊
乎與否是皆未可知也而所謂醫病之方則有一日不容廢者
六經四書皆膏肓之砭劑而考亭語錄明道遺書致堂崇正則
又袖珍難經切中病根焉者今日之僧辯亦猶素問而後有加
減十三方也可謂益明白矣嗚呼使此書行於梁武之時則可
以免臺城之餓今此數書與此浮屠猶俱存也豈不痛甚矣哉

醫國者萬一從而留意則天下之病或庶幾其少瘳也已

吳門志別跋

夫志別古也感於物而後動人之情也此雷澤蘇子贈石川之賦所由作也始吾得雷澤之句讀之和而雅壯而悲曰嗟乎此中唐盛宋之風也渾渾乎藻邁文苑也哉既而得吳中諸君子分韻讀之繪景運情無離昭德出奇含慨曰嗟乎此六朝兩晉之風也洋洋乎光發詞林耳矣既而又得雷澤之小叙讀之其言曲而中其意婉而直曰嗟乎此先秦之聲也吾何幸而得此於今日也乎是故見吳音則思先君見雷澤則思鄉人見石川則思世好夫是之謂三有情焉吾惡得而已於言哉吾惡得而

已於言哉於是遂以跋諸末簡以告石川張子

浙西紀遊跋

辛卯冬十一月崑山張君允清為司寇員外郎既乞終養以歸則靡所弗用其力焉君子曰善哉知用力與然而足以養矣越明年壬辰春天方翁雅樂佳山水嘗慕浙西而思遊焉君乃謀之歐觀松陵趙子未幾放舟奉翁以行至於浙西覽所謂名山水者凡旬月乃復君子曰孝哉知順其志與然而足以悅矣是行也登一山而望之必與翁之友偕臨一水而觀之必與翁之友偕君子曰孝哉知推其樂與然而足以廣訓矣夫悅親所以愛君也同人所以撫衆也養志所以體道也愛君曰忠撫衆曰

慈體道曰德是為孝之至矣君子之所謂難也允清於是得之矣惟明天子方以孝治天下而翁乃悠然泮渙於太平之年則允清有以致之其盛事乎其盛事乎宜吳下諸君子詩以歌之趙子紀以傳之

中丞鐵山張公忠義錄跋

予同年張公元素武廟時嘗為御史立朝正色有埋輪攬轡風天下豪傑多慕之者及其宦轅所至故老兒童又皆喜其至而惜其去公何以得此哉曰公忠義人也又孝友人也夫惟忠義故直聲重於縉紳夫惟孝友故名行於里巷公沒之數年公之子文教則又篤念前人而發揚泮礪之君子以為稱其家得之矣丙午秋八月予以再起承乏來蜀見公之子如見元素然而求如疇昔之論文傾倒並轡長安莫之可再得也亦足慨矣作忠義錄跋使歸而藏之聊以徵世講云爾

跋梓齋先生稽古治要

古有三不朽立言其一也夫言心之聲也實大聲斯宏矣是故聲以昭道道以潤治是謂極功開闢以還聖哲所以力扶人紀而範流群動何莫非是物也而謂天下文章有大於是乎哉吾嘗悲夫知音難知已難久矣先生以丙辰才進士自翰林吉士出而為文宗御史既病告里居靜觀有得乃出其所蘊而獻諸先皇孝廟今取其篇讀之為目凡十為文幾數千萬言皆本之

往蹟叅之典訓附之論斷忠梗如劉向學術如陸贄風采如王珪因事納忠如魏徵可謂藝林拔萃內臺出色矣况公有令子雍里以藩伯完璧吳下馳名海內且諸孫允熙允默允烈又方秀發而未之量也則夫天之報先生者不又洪且遠哉謾綴品辭聊見夙昔然而先生固不待吾而後彰也



國家圖書館, NATIONAL CENTRAL LIBRARY, TAIWAN, R.O.C.




端溪先生集卷之四

門人汾陽孔天胤編次建業張蘊校刊

書

與王公濟書

示諭縷縷備悉至意且辱多惠因循來久欠謝問罪當何如情照情照不肖自與足下髫年同師講業意氣才智人悉以為畧相上下而不肖竊亦信之曾未十餘年來而足下之聰明才辯乃大勇進著作落筆語輒驚人始嘆其妙處蓋得之天賦誠未易追逐而流輩中亦鮮有能及之者恭審邇來詩文日益工政事日益茂而不肖則日益昏惰無可為言乃知三益之友不可



無殆非虛語也柰何柰何不肖自今年春正月十有八日從時制已行即吉禮初心亦謂一出以苟圖斗升之入或可遂數口之計第老母在堂兼之多病雖一時不能離去膝下而情之迫切已具本稿中矣田園茅屋尚有圖書數百卷琴鶴松菊數事日以從事吟咏其間似亦可以了此一生而歲月如流壯大無聞則又每付之愧嘆且懼而因復恨分陰之不逮古人遠也雖然此不肖心事也非不肖之踈狂或不肯進此言非足下之素厚亦未可輒以此言進也五經尚未了得又一缺事之大者聽訟之暇不惜教示以開茅塞則足下之惠博矣萬懇萬懇朝覲還諒內臺之擢旦夕可待立朝風采必有大慰人望如不肖

所云者使他日山西稱真循吏京師稱真御史必曰開州王公濟云云則豈非朋舊之光至願至願抑聖賢立身自有法度而下手工夫則以朱晦翁范文正為樣子可也足下謂何病中草草不咎不咎

答郭宗器書

辱吾子以體悉時態見教甚中愚病然而體悉時態固自非所長也非其所長則安可強而能哉古之君子高視百代恐亦不在此竊惟夫近來人作文字往往稱許人太過又大段不顧可否一槩濫辭繪句求以悅人而不知自損實多六經而下史遷班固號稱大家昌黎柳州二三子又自班馬流出者所謂古今

文士盡於此矣而求如孔子孟之平易正大萬世無弊誰其人耶則知文字固未可以易而言也雖然此天下通弊宜吾子未諒也積俗之陋久而惑人一至於此惟吾子察之如何如何

與少司馬陳公舊文宗德輝書

慶方以踈狂晚進得罪 聖朝進退狼狽為時共怒若無所容獨賴大君子若俯慰之者此仲尼不絕互鄉之仁也顧流落放逐跡與時異欲恭致尺素以通姓名又恐無謂而上書或不免流俗之誚是以欲作復止蓋展轉于懷者屢矣良辰不與夙志多違恐一旦與草木俱朽無以仰答恩造為天下笑用是振其枯槁洗其塵垢尚思惕然發憤有以自拔於凡民也慶受知於

執事最先且蚤當執事為文宗於京畿是時辛酉慶已得為執事藥籠中物矣豺獺物類猶知報本慶實何人敢忘所自其再入京師則執事已釋太夫人服慶亦已備數為尚書郎主事矣追思辛未錦衣之獄雖妻子難保而太倉一飯之賜鏤骨至今莫之能置此又慶受惠之最著者復念庚午章氏園圃之宴慶從諸子俎豆之末所以領教誨而瞻風範者抑又多焉伶工呈技至梅溪王氏故事而執事感太夫人物故為之泣下滿座感動至不能仰視此又慶所終身不能忘者也歲月曾幾而離合榮悴之勢乃遽大相乖隔耶今年乙亥四月慶起復入京謁見守門官謂執事與西涯議事去矣遂悵然而返惟留一刺爾後

竟不敢續進不知執事曾見賤名亦曾悉此事否欠事欠事慶
自待罪沁陽但使民善惡不混以順聖訓而已山城荒涼無物
為貢書一部志一刻上覽不勝戰慄之至

與潘熙臺書

日者辱枉顧併領清誨感激如何年華易改人事難同有深可
慨者所講郡誌事大率已乘歲且晚恐一時難為功為今之計
且先分門別類佳作了此不過數日如是則百年曠典當指日
可期萬一不能遂願亦足以備羊存之義此弟之鄙見執事以
為如何幸與劉生輩圖之一二日弟亦當踵席求教也先此併
聞新春在近可能同衆一東郊否筆凍草草諒能垂宥不恭也

恐懼恐懼

與呂涇野書

慶常自念人生若不為聖賢即當為神仙聖賢功業可不朽神
僊導引亦可長年也慶欲棄此功名與執事葛巾野服同入名
山深處浩歌返觀以塵視八表此亦平生所欲言而未敢者也
夫百年瞬息能復幾何及時不早為處恐悔無窮期雖然神僊
事吾黨所不言也而晦翁嘗一論之夫以其所以論之豈不思
以從之而曰脫蹤諒非難則知神仙亦有之矣但不可偷生焉
以逆天理耳此晦翁之所以逃神仙而不學而終為聖賢者也
執事以為何如遙發一笑

與顧文宗梓齋書

早年荒鈍每懼終身將無聞不意偶以文字蒙執事獎拔於未
遇迄今懷感未之能忘也冗病久踈奉候為罪惟執事立朝風
采固生平日所觀法而心醉者也馬湖之行未幾歸隱士論惜
之况在門下者敢不為執事賀馮先生南歸會中幸道意生自
辛未得罪後苟度歲時無足云者時事諒已悉杞人有憂亦將
奈何匆匆奉問

却呂考官幣書

范宣子為政諸侯之幣重古之戒也吾非晉大夫宣子也子亦
非諸侯也乃者之幣重無乃不可乎是不肖知吾子吾子不知

不肖矣雖然吾子君子也吾聞君子之愛人也以德凡以崇夫
義也崇義以廣訓也今日之事其無乃流於姑息乎蓋子之意
誠厚矣而所以愛不肖者似未廣也原幣敬返璧恕之亮之

與邢伯輿書

慶別也久矣每懷風致動生景想念世事無恒哲人永慨吾聞
君子之處天下也盡其在我者而已毀譽何足言千萬珍重後
當自白也往年辱薦稿敢不努力匆匆不盡言

與張西磐中丞書

往年備數民部嘗望見風采於朝而未能聽教門下迄今為歉
癸未秋來三晉冬間聞旌節臨鳴謙止奉書遣使而已又不果

一遂願見蓋至是兩成欠事矣而其仰斗望河之敬則未始不
往來於懷也實語實語惟 聖皇繼御宇宙再新士夫之慶宗
社之光也第邇來縉紳之持見各異是以好惡之所存頓殊此
中庸所以為難能也時哉不可失古人名論嗚呼此何時而可
自相矛盾以乖 聖明也乎雖然天下事成於自然而壞於矯
枉所謂自然固中字義也吾喜新治之機可為而旋復以異同
壞是以不能不痛惜之也恭惟門下以大君子在中丞之位凡
一時紀綱法度咸握掌中從而取舍折衷殆無難者惟隨事觀
理因法究情使不至偏勝而後庶乎其可以訓矣請以近事言
之雲中之變四方震驚以情則張賈不無少乖謂之自取可也

謂之激變亦可也以法則彼二公也文武之重臣也何至使人
殺之而竟無罪人之問哉夫太平之世而三軍敢為亂階以啓
奸雄之門其惡極矣望赦而不拜至發不遜語使行路亦不忍
聽此猶謂 國有法乎今有市井之童從而罵人者人將殺之
律且抵命而謂 國之大臣不如一市童乎愚謂脅從者可赦
倡首者不可赦其必有以處之而後可以小立大體萬一耳鳴
呼悍兵驕卒所以釀成凶變有自來矣始而西夏繼而大同如
出一轍然則好生惡死彼獨非人類耶而 國家乃往往姑息
之宜其樂為傳染習以為自然也不十年後吾恐藩鎮跋扈之
變將復見於今日豈不可畏之甚哉至若大同知府杜旻聞變

而逃不罪則亦已矣又從而保之此何理也吾不意名輔之舛錯乃至是也慶也以母老東歸誠不忍時事如此是以冒昧陳之惟執事察其愚不咎其狂幸幸

、答申思危書

夫處明夷之地抱謙光之德其終有亨乎是故君子反躬自責所以脩身也窮理盡性所以踐形也遜世無悶所以樂天也吾子其將味吾言乎其將以吾言為狂乎嗚呼姜里演易復壁著書古之人不可及矣願吾子企而思之如何

與門人汾州孔進士汝錫書

汾陽之別行且數年於茲念自歸養後再起中州未幾叨轉馬卿於遼旋復以老母多病具疏辭官良切自慰嘗得三晉鄉書始知吾子魁捷消息不勝雀躍今復得京師試錄又知吾子連捷殿元忻忭當復如何也實事實事夫泥蟠而天飛龍之神也積久而流光聖之學也乃今吾子有地矣行且相 天子如堯舜莫之難矣敢不為天下賀區區投老以來養親教子杜門藏拙耕田省愆自以為其樂莫之可奪吾子故人也且知我為最因復及之此後風便勿吝爾音可也不盡意

、答王玉溪運使書

城南分袂行且三月於茲引領三晉我勞如何忽得來教良慰懸渴且審事竟天水不復違行君子於是乎得輿矣敢不為知

已賀實事實事但恐視篆後積政旁午不復暇來何以完對榻約也真切真切僕自退藏林壑日且荒鈍何至如來教所獎也增愧增愧价旋迫甚聊此申復暑溽客次幸保重不盡不盡

答張刺史允清大戴禮問

承問大戴禮文字始末僕誠寡昧何足以知之然嘗竊聞之儀禮乃周公所作禮記漢儒所錄故高堂生傳之蕭奮蕭奮傳之孟卿孟卿傳之后蒼后蒼傳之戴德戴聖二戴因習儀禮而錄禮記故知大戴禮一書乃戴德所自錄者蓋襍引古之格言以為一家之言者也初學者若之何不讀然多訛舛尚須校正乃可頒行至於今日急務小學二書尤為喫緊蓋化民成俗莫此為先故也文章政事執事將諉之誰至祝至祝允勿謹此奉復凍筆草草亮之

與直齋叔父書

安東之除雖不足以盡大人之才淮上之地則可以發平生之樂况夫祿分薄厚固自有命前書亦已及此若乃職分之當為則不可不自盡也不見古之人與宰衡竊效者卒以遺臭無窮印綬歸田者終以流芳不朽人亦顧自處何如耳若但以勢分驕人富貴眩俗譬之秋雲春夢吾恐未之為得也大人以為何如河南再除之事已辭本矣初心委不願輕出以苟斗升之粟但以遭逢 聖主千載一時兼之親舊諸老悉以為勸吾為是

書
人端溪先生集卷之四
八
懼恐不得已當亦一行也海味淮酒之寄思惠我母此骨肉至情也獨念先公漸齋不得同受安東一日之報可揮涕也如何如何臨楮惓惓不一

答夏刺史仁甫處喪禮問

承問處令兄喪禮備見謙虛夫兄喪之制服以期年禮也若夫從事王家又當濟以權變蓋國事重於私情無俟論矣夫三代而下古禮日壞固有身為大臣而奪情於父母者則知兄弟之喪可以權變處矣且執事敦本厚倫誠不可及然在國事若之何其可獨緩也幸早出視事以答群望大段出而臨政則如本朝所謂烏紗帽角帶可也入而燕息則衰服素冠可也

如此則內既有以伸兄弟之至情外亦不廢君臣之大義所謂經權之濟意固如此蓋權而得中是亦禮矣不知高明以為如何若夫往答吊客在情禮亦有之其鄉士夫但踵門投刺或下車入門若彼師生則統於明倫堂上揖謝無不可者拜則又加隆矣凡此在執事諒當有處因併及之

答馮守勤書

三月十七日先考生忌之辰古人所謂終身之喪者也又從而宴樂豈人情哉方命之罪吾不敢辭矣謹專人奉謝不知高明以為如何亮之

答五舅氏喪禮問

聞外祖母之訃無任哀悼大段喪禮必以文公為準佛屠之事固在所不必言也若夫喪具亦稱家之有無日者枉責下問以有事荒塋失候所諭喪制一節庶母者衆母也恐無三年之例但暮年而有杖耳倉卒奉對尚恐未詳另俟參考何如二十八日荒塋立石容二十九日奉吊謹復

却王三聘求墓誌幣書

而翁先大夫之徒慶也之長友也乃今物故為情可知方圖秉筆以發德輝而又以荒劣為愧多儀之惠似亦過矣雖然執事以大義來其仁親者篤矣僕敢盡辭但原幣終不敢受耳敬返瑩且謝

答苑洛韓書

近得來教濫以區區論學論事足啓後人三復增愧且懼至謂但於道字何以不及是蓋教予以道甚至愛也然慶竊謂學與人事恐不可不謂道也是故古之學也道與事一今之學也道與事二此君子所以惟支離之患與不然聰明如釋老何可當也夫惟其外人事而為道此橫渠所以謂之往而不返也往而不返其又何道之可言故嘗為之說曰夫道著於學散見於人事而極於聖人六經論道備矣必又紛紛然曰吾將以論道也則吾豈敢來教又謂考亭誤以理字釋道又足以驗吾兄精密之力非吾所及然慶則以為道之云者性之行理則性之渾淪

者也體用之間而已非若氷炭之反天壤之隔也雖然考亭以體而為用所謂毫釐之差千里之謬宜若死於此不能無辯也然即其晚年之悔病在苦心訓詁而缺所謂專意涵養之功此程子所以教橫渠完養條暢與來教又以三代而下惟張子為識道玩其辭氣若有專主豈以程子嘗推其筆力之故因遂獨取之與不然恐聞道不獨張子也然橫渠之論著莫如西銘之為最是故理一分殊道之體用盡於是矣所謂秦漢以來粹乎其文雖無正象可也今即其清通不可象之說似未免認道器為二矣慶嘗泛而觀之盈天地間皆氣也氣而形皆物也物而則皆道也何謂不可象也故即氣即道也甘泉先生謂氣得其

中正是也又嘗近取諸身而觀之存乎人者莫大於耳目夫耳目者形也然耳用聰目用明謂聰明之道出耳目外與慶以是知形之顯於有即道之妙於無道之妙於無即形之顯於有非舍形氣之外復有所謂道也何謂不可象也易曰形而上形而下同一形見其非有先後也合而一之者也故曰即氣即道也然後知清通不可象未免認道器為二也夫以橫渠不能免於正象他何言矣至若周邵也者其學不可不謂大也不可不謂精也蓋已有論及之者然而慶則以為邵之齊物以數未免啓信道之不篤無惑乎程子之弗屑也周之加無極於太極之上未免謂理為有形是以仲尼之論為未盡也皆千古之恨也而

又何老氏之責哉是故道以中正合一為至以知行並進為急以潛心默識為上吾觀仲尼之欲無言其諸此乎反是而多言支離者宜乎衆矣鄙見如此敢以為苑洛復不自知其或過願聞折衷教焉如何如何

上周王書

敬惟 殿下派衍天潢宗聯 帝室出都大梁統御河洛聞諸去任長史王春每稱 殿下聰明好善質實無偽此乃保有富貴之道享 國長久之基慶蓋不勝敬仰者嘗切聞古之賢王好善而忘勢是以賢士大夫不可一日不接蓋一日不接賢士大夫天理便昧人欲便萌夫惟天理昧人欲萌則群小或得以

乘乎其間群小乘乎其間由是紛紛之累始出而不可遏矣古人謂君子慎動又曰哲人知幾蓋言事之未發不可不謹故也崇慶近知 殿下少與士夫相接意其靜坐反觀以讀書為樂猶之可也若徒與宦婦日相盤桓從事絲竹花草之間恐非國人所仰望於 殿下者也仰惟今 皇帝聰明仁孝日新聖學手不釋卷薄海內外莫不奔走拭目以望堯舜之治亦不過答天下之望守祖訓之常由是觀之則 殿下亦可以取法之矣必先讀書必先寡欲必先禁約左右無令假借日與賢士大夫相接其為有益大矣惟 殿下念之思之

謝孫刺史送馬

年來為母辭官車既懸之馬安用矣然而雅愛莫之敢違也謹用祇領聊此稱謝

謝吳君資碧樾約

碧桃舊約原非畫餅之談丹桂初盟終羨凌雲之氣况煙景開乾坤之德而壺觴結賓主之情良晤可尋芳春固在惟聖賢均一視之量故物我無同異之嫌昔剡溪乘雪夜之舟戴安可仰蘭亭唱惠風之句逸少難攀蓋盛筵多阻於可人而令節每妨於旁午方命之罪雖自可原佩愛之私尚須面謝惟賢者亮之名王玉溪乃郎永書

大禮謹父命之規春秋重子同之始其為教一也乃者昊天不吊亡我良友實傷五內乃者復聞得子慰我豪傑忻我父老仁良有後夫復何誣先是往吊見玉溪細君於喪次且率其遺孤諸女匍匐階除益增揮涕嗟乎天平何奪予玉溪之速也會玉溪細君張氏夫人以其生子命名見托既嘉張氏之知禮且幸玉溪之獲佳嗣也因以永名焉是故永也者長厥生也繼世而可長玉溪子不朽矣柩至其以予言達之靈次

還馬以訓布書

機杼初停謾成經緯雖不敢闢巧天孫要之禦寒以濟生人固自裕矣執事以為何如敬布二端聊完夙昔之約乃若短長之校固執事所不屑也如何如何

辭黃梅秀才幣書

賢契不以老夫為狂乃一日來從之講老夫何敢以天理為遠不樂為之告耶原惠盛幣敬完璧以歸

與劉伯錡書

往年入 賀得再見君子開發鄙吝殊多何幸何幸比還又辱餞之郊第邇時歸心甚迫又未及一揖而別迄今抱歉為罪何可言且復任後旋復以老母辭官坐此杜門遂成踈闊非敢自外於執事也先是老母嘗得危疾幾不能起乃幸再生吾是以有三年蔬素之約要之非敢自褻於神明也亦盡吾誠而已昔嘗切論海內人物篤於故舊者宜莫如執事開誠露真微顯聞

幽不以毀譽為取舍者亦莫如執事柰之何不以一言教我也吾聞古之君子以廟堂而念林壑矣未聞林壑無故而上書廟堂者也何者其所居異故也執事審察至是可以亮僕之心矣近見子魚孫刺史乃知動定萬福九月上京為慰良切敬遣小价奉問且謝舊歲仲冬賜票之愛外口號一首并博一粲

答林二山方伯書

別來幾何忽復歲晚言念君子實勞我心往年具疏陳悃實以老親年邁憚於行邊兼之賤子多病且昧世故此吾所以決於投閑不敢效昔人之捧檄也執事猶且不復忘情於僕祇領教劄拜讀數四宛對眉宇良慰良慰至於書曆之惠又不能不動

歲月飄忽之感而彩幣爛乎盈門且適老母誕辰仁人君子之用心周厚倍出常格一至此哉實事實事所諭文字容另呈稿原許大作當亦早發庶旦夕仰誦猶夫君子之在側也懇切懇切幸會未卜臨楮無任仰企

與族長惟端翁書

初謁廟以諭族也大意則條約已盡之矣何近來儒新兄弟復有云云者耶反而自愧竟莫之得嗚呼天理難明人心不古如此夫然而慶之不德固已可驗矣雖然我惟端或念及此宜若亦有責焉慶為此懼乃敢申約仍望喚其為弟者使之輸罪再令其為兄者使之尚自圖念無以一日小愆忘終身手足情事必如是乃嘉耳不然我族且先首違夫約於張氏崔氏何責乎念茲情係人倫不可草草如其頑冥不改慶不敢姑息惟端慎哉其以是併達之伯謙弟尚共與行之

與族弟崇寧書

聞弟結姻於段氏事係大倫禮不可苟然為也百凡稱家之有無而已其尚慎哉初四日之行當令長男專送綿羊一牽少見資助之意

賀谷方伯門扁東乃郎夏卿

慶嘗聞之故老曰先大夫嘗為方伯於晉德寬而惠博民到于今思之及慶備官於晉乃致其父老而問之猶夫所聞於開

也於是乃始益嘆令翁之不可及云嗟乎前輩風流已矣得之
傳者悉矣晉人劉子蚡乃重葺其門扁而新之使邦人過客望
而思夫先翁者如一日也不其章君子之德風耶慶為此喜敢
為翁後人賀而又重之以辭

謝醫人吉應兆書

足下為我製半僊之藥使之注顏黑髮此意良勤然恐非天地
自然之道也雖然足下豈以僕方從事彩舞使其貌若稚童或
足以致親心之悅乎果爾是君之所以愛僕者至矣念予何人
敢不知德實情實情聊具豕首一枚酒二瓶少引謝敬幸勿曰
此何為者

辭族叔儒輝二幣書

慶嘗效勞於祖母之喪然揆之天理固其所也乃顧從而繼之
以謝何為者哉切以為過矣夫禮可經而行者謂其中也而乃
過何可繼也慶為此懼故於二幣之惠敢以為辭乃若羊酒之
貺固不敢例却也敬申鄙衷於執事併致謝意

答南陵王書

端溪子既辭官之三年是為癸巳南陵王遣人過開而問焉投
之以手書而繼之以詩曰予小子敢拜稽首自吾子之臬司於
汴也士不易業農不易耕商不易貨男女不易倫而風俗一自
吾子之既歸也盜日以熾訟日以煩強梁跋扈者日益以肆而

風俗靡吾然後知子之學道之驗也庸替吾思乎哉於是端溪子拜而受讀而感且愧焉乃復於王曰嗚呼王知夫道乎夫惡惡而民知其過者道之寓也然而被吾刑者之猶嗟嗟也勸善而民徙於義者道之昭也然而迪吾政者之猶嗷嗷也使物各安其正而不疑者道之常也然而人猶以吾毀異教之為過也是惡在其為道也雖然王誠賢矣取其志不忘其狂王誠賢矣吾惡敢當哉予日勉之而已矣

與晁君石乃尊書

辱不鄙以賢郎見托此意之行今人固已鮮矣敢不為執事賀雖然乃若相與力行以繼法古人蓋或有之惠禮過常似又非所以待區區也二幣敬完璧以歸會書屢試二三子以文不及奉接已先令小兒達情曲矣幸亮幸亮即刻薄具奉扳倘早惠降又賢艾兄之愛予者得矣懇祝懇祝

與申思危書

兄方天水之遠而予乃緇衣之好紛紛眼底竟當如何幸切括囊之訓行收利見之功白茅有取於慎乎黃矢終期於直也兩承佳製荷教良多薄麥引情諒當鑒入

辭王虞徵封君幣書

慶聞古之君子道合而義隆則生死不倍其好所以全交也反是則朋友之道或幾乎息矣予與玉溪之髫年也相許以義而

同受業於甘泉之門當世之人謂之二王子蓋稱乎其素也此其亡也同心者鮮吾道孤矣此古之人所以有落落之嘆與自玉溪之在殯也凡三入慶此又古之所謂落月滿屋梁猶疑見顏色者也嗟乎是可以觀區區之交玉溪矣近者翁以幣來以銘志托既不敢委諸不能然而以幣則過矣古人之於朋友固如是乎曰予用是愧敢以幣辭

與顧桴齋先生書

慶也別門下久自謂荒唐日甚無由一扣教榻比來辱賜靜觀堂集有漢魏之渾成而不失之俚有唐晉之風流而不失之浮有屈宋之沉幽而不失之躁殆不獨為吳下之全書而已慶也

敢不拜服雖然吾且於是又愧力不足以薦之也其直道可以高當世而人不惜其馬湖之行其高風可以振頹俗而人不錄其居里之廉其文章可以傳百代而人不登其過人之才吾是以聞而悲之雖然此何足為執事之加損也恢而繼之存乎令子吾見執事行且與日月爭光輝與天地爭攸久矣淺夫俗子宜其紛紛者衆也此執事所謂庸流賤目惟貴耳志士千秋待知己者也慶也於此有深感矣伏惟執事時復垂教而終納諸君子之域使四方之人聞而嘆曰此桴齋門下所造士也則慶也之光庸有既乎外具石刻三幅皆近時作也敢附上教覽不盡不盡

與甘泉先生書

慶也別三年矣疇昔庚寅入 賀得侍講坐領聖賢之至學開
狂瞽之鄙懷嗟嗟小子何幸如之惜也爾時晉謁隨衆方且投
刺往來於旅邸由是願教雖勤竟莫能從容展布如弱冠時矣
學廢於多故克之人所以嘆也其為歉缺何如耶慶自辭官遼陽
奉母慈闈有書足以訓兩郎有田足以養數口敢切自慰以樂
而又切悲夫良朋日踈去道日遠也不省夫子竟當何以教我
懇切懇切慶聞行道濟屯者士之用也守身愛道者德之權也
虛心乘化者聖之事也吾慨夫士風日靡古道日頽忠信日衰
諛佞日熾此大可憂也亦可畏也雖然是不足道也夫以身任

斯文之重如夫子不知推而尊之已矣顧乃擬諸群流而又訕
侮之亦何貴於吾黨為乎吾恐人心自此不復公士論自此不
復明吾道自此不復可行茫茫宇宙竟誰荷諸夫子獨奈何不
思一處此乎雖然斯道也無人已無毀譽無存亡審若是吾又
何流言之悲嗚呼由前而論是他山之石可以攻玉也由後而
言則樂天而知命旁行而不流也是可為夫子賀不可以為吊
也夫子可以手舞足蹈矣如何如何若乃年來進修大抵如昔
至於慎動以養靜因事以體道隨時以識中則自謂小有進矣
近與韓文節論道併錄之稿上倘不忘其愚而裁正之是亦增
益京師之未嘗聞也幸何如哉幸何如哉言發不倫恐懼恐懼

答南若僉憲書

慶喪母里居哀情如海乃復仰荷執事篤念舊好專使惠吊繼以賻帛執事之心其諸古人之心與何以報盛德也實事實事崑崙賢父子亦嘗念及校之流俗亦可謂難得者會中煩一道意使旋謹南向稽首

答崑崙奉國中尉書

慶抱大惡不自亡滅乃禍及慈闈忽復六月於此古所謂心死形存殆慶其人與近寅長南若使至並辱來教及佳惠且得令嗣西亭音問何中州宗室之賢乃獨萃於賢父子一門也刻骨刻骨至於西亭加冠學業猛進得其文字視昔為倍良足

慰舍親沙東之女向嘗再請於執事及得來教已擇名家遂亦許婚馬氏子矣古所謂赤繩繫足信乎有數承問及多感良會未涯臨楮南望悵然

答崑崙之子西亭書

昔我啓行辱子贈以言今我里居辱子惠以問良切感感且並得近來佳製讀之乃知昌黎淵然之光蒼然之色昔賢不得擅之矣况以宗室有此尤為難得敢不為朝廷賀實事實事近南若遣使已嘗致意為區區轉謝不知何如知之知之令祖豫齋老想康強無恙旦夕幸不廢孝思再留心孝經一書為社稷光尤區區望也小作容另致荒迷聊此復不盡

答許道夫書

慶也罪惡滔天塊苫伏地大事未舉良切痛心仰荷來教乃有
黍雞之招言念平生似非菽義之愛且尚子處亦與往還已令
豚犬擇日往吊若區區恐未敢往嗟乎泣筭之血誰不見憐於
仁人飛觴之歡吾敢輒受於君子昔昌邑以喪制大壞且鄙於
霍光原壤以柩歌彰聞乃獲罪於尼父事故有殊禮則無二何
高明如執事乃教人以反常也殊切自愧謹謝來意荒迷不次

與夏冠峯副郎書

別君也久為仰為慕為瞻戀為甘棠以思當何日已也不佞不
佞惟執事牧郡流聲愛人以禮人之頌之迄於今不衰史稱龔

黃何得專羨前代耶不佞不佞第山川阻脩無由奉訊惟有秋
風春草時復一興懷企而已柰何柰何且聞僊郎高薦鹿鳴朋舊
之光良多然而莫能一賀也抱歎抱歎區區拙守林下如往時
雖為科道交薦無可云者風便聊此見情西望何勝惓惓小書
附上

答趙長山書

辱荷金聲且承彩幣豈徒感德實重名言不佞不佞東明尹旦
夕且至幸更及之文先行縣尤佳所命鄙作已完草草付來使
梓完仍惠數冊播公美也匆匆不及細

與太僕王寺丞鏡堂書

敝州之馬不足以勤執事然而吾仰執事久矣固切願見也往
讀任丘志曲而中簡而文吾嘆其有良史之才既而並得其政
惠而不褻威而不猛則又重其有良牧之體嗟乎良史國之華
也良牧國之元氣也秦漢而後未之聞也乃吾何幸於執事乎
具見也殊慰殊慰然而猶惜所以用執事者未盡也夫以明
天子出而稽古右文銳意帝王制作如吾鏡堂當在蘭室秘館
用備鋪張揚厲可也而若是是蓋舍斑馬而趨毛仲也無乃未
倫其才乎雖然君子道行素位吾又何官之擇惟執事勗而自
愛用報 明主鄙野之言願垂亮焉幸幸

與崔後渠先生書

不領教久西望相州我心實勞何明德感人之深也伏聞 明
主側席蒲輪在戶斯文之幸 社稷之幸門下故人之幸也願
以多病相尋莫能候問於庭下柰何柰何時方多故所賴經綸
康濟以慰吾人又至望也向見呂子自全菴記退而自省者彌
上然後知執事之垂教不獨發呂子也不肖亦欲有所瀆而未
之敢也漫復及之

與孔汝錫

舊歲河州守吉子西入秦嘗托奉訊想已達之矣近聞有大故
望汾驚悼何可為言聞之君子哀而不毀唯而不對王制也讀
禮之餘當自為四方訓也珍重珍重粗帛一端充賻亦幸麾入

草草不盡

答危馬卿賈啓之

馬主簿家人還遠荷手教及佳惠拜嘉三復感且增愧何君子之愛人若是隆也再讀苑馬一論辭暢而理明事該而意切古所謂閔中而肆外者此亦可以驗之矣異時經濟天下孰謂此非權輿也哉大率苑馬所係於國家最重遂老嘗亦為之今中外始重之矣執事豈亦繼遂老而振起者與遂老嘗言藏兵於馬名言也執事繼自今將不由是而為大司馬耶洗耳洗耳馬子家人西行再此申復上謝

東平劉東浦少司馬

慶生也愚自棄官來頗與世違然而好善如不及惡惡如探湯自以為出自天性人固未始深知也閑居每會貴郡侯危山未嘗不仰嘆執事之忠誠智勇拔乎流俗文章氣節振乎朝野當進賢之守城也首挫逆濠之鋒而屹然不可動搖如太山凜然不可觸犯如太阿海內豪傑誰敢不讓敢不景慕借有及是恐其良心之獨壞者耳嗟乎東浦今天下豈易有斯人耶吾每屈指本朝人物則又未嘗不為聖明得人賀也僕嘗謂天下之事集於同心君子之謀成於果敢往見雲中之變始之以張之乖方繼之以蔡之姑息由是事機始不可為叛卒之喪國威固其所也嗟乎公之志行明主可無西顧之憂天下之勢當

赫然起矣乃使垂成之功不可復豈亦天意有在乎抑亦人事之未盡也雖然不否不泰不屈不伸高宗之夢版築文王之載渭老吾且拭目以望矣道喪千古力而主之存乎其人惟執事自愛願加日新勿為一時之沮遂忘聖人大中至正之歸是亦平生之所望乎門下也古之君子善之所在見如弗及今日要非未同而言也伏惟畧其狂不拒其直亦幸裁而教之如何如何小書並上不細不細

與寧夏王道長惟人書

僕昔備巡雲中殊荷教愛既而終養東歸且辱過薦抱茲知遇於心終不忘顧自再起河南且有遼卿之擢以先宜人多病高

年遂又辭官里居杜門省愆之餘乃復屢辱亭諫交薦增愧已矣知己如公何以教我茲洪洋中丞西撫聊此奉問風便千萬示教

與甘泉先生書

舍親侯時畏南行已嘗專啓奉問道履見景懷明德無復了時顧道體無窮年歲易邁吾何由一至講榻終日在春風中領誨言以為終身歸宿耶此實小子晚年心事非敢為佞也向薛君采書來謂體認天理恐於本原為踈渠蓋疑夫專外而遺內小子復書謂隨處之云固已兼動靜合內外而言矣不知師尊以為何如至於時事吾何敢論今日惟有靜觀動察以自點檢乃

其所最急者耳又不審師尊以為何如教之教之王宗一來再此申候宗一亦欲聞道而未之遂也願一問津伏惟垂慈加矜亮焉

賀皇甫少玄力行堂啓

嘗聞晉有禘祫之宮也而諸侯以幣往匪侈也大其主中夏盟也大其為周室光也夫事可訓斯傳之矣故知晉人受禘祫之賀非過也伏惟執事自宮僚出也提院未幾而斯堂肇焉此其光吾道為何如而豈晉人私霸功者比哉吾用是敢以幣賀而又重之以辭惟執事亮之

與吳中山書

昨會范太史栢峯談及兩江侍御告病而去移文郡中動支無礙官銀百兩賜僕為修理坊牌之費兩江不以僕為不肖而獎愛倍常我明府從而奉行推惠不以僕為可外其復何辭然而僕聞君子之辭受則有不可苟然為者况當民窮財匱之年諸司府庫在在空虛而乃濫及不肖以是吾何敢輕受為哉且鄉先生風流可以訓者衆矣若乃舉其坊牌而問之最壞極敝所宜亟脩得八人焉南則有若王主政佐紀司諫欽北則有若劉編修矩王廷尉緹甘侍御澤楊進士聰東則有若劉考功輔王運使溱惟茲八人皆後先相繼以沒今其坊牌至使過客行人望閭三嘆匪物彫之悲所以惜仰止之無具勵士風之缺教也

若乃僕之諸坊則以屢荷州司時加粉飾尚賴不墜蓋不徒抱過情之愧而每以懷出格之感為日久矣吾用是懼謹以兩江所惠願留官帑或以備賑或俯聽鄙見即以原惠分脩八君子坊使鄉人士類既知兩江之高又知中山之愛人以禮又知區區愚而過中不敢重濫公家之賜是亦近時自省以私憂人窮以無倍前脩云爾情愛狂鳴知者雖以為笑所不敢避倘會栢峯幸亦以是語之

答大名張二田別駕書

讀來教深用憮然豈獨動孤立之感實則發皆醉之嘆僕嘗有言君子讒謗而見疑小人賄賂而得官君子剛方而取憎小人

邪媚而承寵君子廉介而獨困小人貪濫而常亨古今之通病無足恠者然而君子之於天下也求夫心之無愧而不必泥其迹之所遇要之久而已矣仲尼所謂不悔而不愠者也嗟乎知己甚難同道良稀數窮理極之後以為終無暴白時耶惟公自愛自信以俟天之自定幸勿忘斯言也辱雅貺並謝不盡不盡與靈寶主客司許正郎書

往嘗幸會執事於行次匆匆數語殊不盡平生之仰迄今抱歎近洪洋中承書來因而拜領九邊論乃既讀之為之目炫驚喜者累日嗟乎清平之世能注意疆場者何人今九邊主將有憂深思遠算無遺策如吾執事者乎吾謂執事之論行九夷當自

稱藩似不勞繫其頸而後服也然又聞古之君子必同心者立朝而後可望勲業之茂不然甲稱乙毀群小者出而乘之其不疑而沮者鮮矣志士所以嘆知己之難也故執事之論必有同心之人采而力薦之者吾但預為天下賀耳侯危山行便謹此申謝不盡意

與范栢峯小啓

麥飯一盒敬上行厨豈曰惠州之飯聊見古所謂曷飲食云爾鑒入如何

謝范栢峯扁定性堂啓

伏惟篤念道本振發人文大扁雙題金映考亭之筆高風再步

名齊伊洛之芳米清玉潔已駕廉吏於遙年鳳起蛟騰更邁詞源於當代凡在士類莫不眉揚况忝相知敢不心服謹令二三子衣樞堂下欲使千百載事震耳中昔韓昌黎補州嶺海教遂流於遐荒繼歐陽脩佐政滑臺地更重於畿甸豈圖異世重親同賢敬陳辭而引謝容面謁以伸情

答朱南川節推書

三月念七日得手教獎愛備至情文交切知感之喻前啓已悉第念區區遲暮之年加之以庸劣之資且蚤歲嘗以狂悖出位一鳴時事當世不以為風癡者鮮矣爾來薦剡雖屢徒益過情之愧而已吾又何敢望齒錄於清朝哉所謂野心已被白雲

留者古人固已先得我心矣執事以為如何教之教之長子苟就此途至售先人屋尚未足以從事蓋皆親朋所勸非吾意也乃勞佳貺何敢當何敢當价旋謹此奉謝不盡意

答呂涇野年兄書

承手教兼得大著諸經新義三復仰嘆深切著明聖人心法先王遺政皆於辭外見之矣斯文何幸斯世何幸弟棄官之餘踈懶多疾舊學日荒無足論者乃知古人索居之嘆固有以也柰何柰何西京總志必有藝文弟嘗思遊華山探希夷洞以質達人觀而未之能也附上小詩三首倘可錄之名公後亦驥尾之托也如何如何谿田公會中並望叱名見意不敢又瀆以言

惟善亮

答王二守珂旱魃問

承問旱魃事足見銳意初政思惠小民不惑流俗甚喜甚喜大率和致祥乖致異理固宜然第鄉俗無知每遇天旱往往歸咎於此可笑孰甚焉然亦有行而遇雨者所謂事之無害於義從俗亦可也然天之雨與否恐終不係此一病婦也昔穆公閔雨欲暴巫婦則與桑林自責者反矣執事不自用而訪及老夫百姓之福也可以為執事賀矣昨以會客冗故未及裁答幸終亮

答尹朔野以楊誠齋易傳校理書

表章前賢嘉惠後學盛事也明府之責也乃濫托不肖豈敢豈
敢雖然誠齊此書不遇於時而遇於明府誠齊之幸也吾道之
光也其又何敢辭為容少暇便當努力校理先奉首冊如約何
子十二論並上

、請尹朔野賞牡丹啓

蝶舞鶯啼化機自運綠肥紅瘦道體何虧幸而園東尚賴花在
不有美人何稱嘉賞三十日小酌用瀆高軒所謂未到曉鐘猶
是春也懇惟過降先此啓聞

止尹朔野決堤書

聞有堤西之人以水災告者今堤東百姓又皆恐恐然懼水之

沒其禾猶夫西也夫築堤所以防水也若此堤一決則被患者
衆又不但如堤西一一家之害而已况堤西之禾沉沒既久水
雖去而已無救矣堤東之禾方見垂成旦夕且將獲矣乃又使
之沉沒於水民何賴乎凡開之小大皆君侯赤子也書之如保
文之如傷意獨謂何敢請公車一臨視之則堤之可決與否自
定矣博愛一鳴伏惟垂亮

與尹朔野書

聞邊書告急一夕五至此大丈夫枕戈之秋亦英雄樹功之日
也可惕也亦可賀也所幸敵郡有君侯在百姓可以無恐矣百
凡保障諒自談笑為之至於廣積貯募才勇申號令出奇筭又

餘事也不知遠近父老子女亦可徧示之使次第入城否也餘容另悉先此奉白

再與尹太守朔野書

昨承手教備見忠愛保障之策誠未有出此者豈獨可為一方賀哉正恐丈夫處天下事非此無以自見入相之階封侯之地古所謂取金印大如斗固可立而致也往年兵備信陽嘗自造盾二面謹上其一請我侯覽而擇之亦備變萬一之小助也昨已約鄉諸君子今日登城一望以觀君侯神筭並預賀竒功敢並及之

與周總兵渭厓書

僕辭卿歸里不足為當世齒錄獨愛國憫時一念未嘗敢忘於旦夕耳伏聞總戎忠孝出於天性勇智振於華夷而又恩威兼濟至與士卒同甘苦上不事請謁下不事剝削可謂一時出衆之才千古難得之將矣仰慕仰慕敬羨敬羨念時方多事 聖主方以西北為憂所望元戎萬全之策時復出竒而不離其正 芻以文武分為兩途必使內外合為一體但以 宗社為重無以小嫌為沮他時良史秉筆當與周之方叔召虎漢之李廣唐之李光弼宋之岳武穆同照汗青垂名無窮豈不偉也僕與元戎素昧平生然心切樂道元戎故敢及此惟元戎圖之勗之然吾已力薦於同年司馬翟公矣外鄙句老儒之作也並上一咲

與孔文谷書

百泉小灘兩荷書問兼領佳貺比聞督學南征又失走賀然而得人之慶想戀之私固自惓惓也竊惜士風方患競靡殊鮮古意蓋不獨論卑氣弱與溺心文藝而已振而起之待其來復是在執事者不審鄙見如何耳昨邢北岡入賀過開備述化行多士殊為驚喜僭著五經心義嘗托訂確不知課士之暇曾及此否至論老夫進而圖報則又自揣多病暮年與時不合終恐未能也真切真切北岡還任匆匆聊此

與晁君石乃翁為令孫歸娶啓

恭喜令孫歸娶嘉禮肇新標梅之咏未涉愆期紅葉之媒豈湏



流水綺羅晝永行看麟趾於當年花燭宵長重觀鳳毛於異慶
三千禮樂早須儲策於英雄九萬扶搖誰復收名於遠大幣雙
雲錦終溫借老之盟義篤緇衣聊見生平之雅幸勿曰儀不及
物且但祝裕後光先

賀總河韓苑洛中丞

伏以春入霜臺密啓化工之妙雲高濟水遙牽瞻戀之情梅試
和羨於旦夕苔含嫩綠於庭階占經濟於夔龍行當利見卜勲
名於堯舜究竟非誇况體道探河洛之源而觀物出俯仰之外
慨同心之尚遠喜陽德之漸亨謹具菲儀用申芹敬伏惟揮頓
無任幸禱

NATIONAL CENTRAL LIBRARY, TAIWAN, R.O.C.

與甘泉先生書

往年備員川中嘗托同寅李憲長三洲致啓奉候自後未領教音良用耿耿乃今年叨轉太常幸會令郎尊兄且知道體康強殊為喜慰及謁尊師書院又見教規手澤盈牆滿屋疇昔從遊二三子時復雲集則又知天之相斯文者未始衰也念世道方隆兼之 聖明側席耆舊若夫扶持宇宙於無窮舍尊師又將誰望相去萬里無由扣樹臨楮戀戀莫知所云

與深州節判星子汪元勳

南康之會遂以文字知子之蘊自後每開科閱西江鄉試因而始知滄海有遺珠也茲者忽承書惠遠來又知節判深州聞之

聖賢行道固不必皆高官大爵也然此後當自薦其賢於當道更望策勵如何匆匆奉復

與西溪宗室書

別來行且四年乃一日真如三秋也寸心千里雲山萬重想念實勞讀近來諸大作俱視昔倍進雄而健俊而逸建安諸豪傑豈得專美哉敬羨敬羨雖然此在尼父所謂學文耳若論躬行君子則又深望幸努力孝弟以光照冊書又素情之至切者令郎小殿下幸亦以是論之

與張南川書

往年固原荷教承愛迄今銘佩伏惟台候萬福樂天俟時足慰

企仰古之聖賢率亦類此顧否泰相尋又大道之常奚足加損
伏望善加珍攝至祝

與錢公良東畬年兄書

別來企仰何似况四十年餘也耶近會令郎太守如見風標一
也為慰可知矣鄙詩小引尚不足以發聊表平生耳教之教之
外鄙著二冊附上一粲不細不細

與嚴本山中丞書

別懷旅况舊事新愁實未易數獨幸全蜀得公撫育真幽谷回
春也每對京師縉紳亦嘗及此豈貢諛也哉且念區區垂晚幸
備工亞而又叨改禮右祇增愧懼蓋至是又不能不望知我者

誨我也如何如何餘俟另布不多及

答延安宋大參書

錦城之會新都之遇德音在耳德音在目何日忘之念公雄才
偉器人皆期其遠到乃流落至斯天真可問人未足責也區區
向廁寅末殊承至愛惜也鴈眇雲高如衷曲戀戀何哉實
事實事憶昨以蜀轄馴至南太常既而復備員工亞今且改禮
右矣顧才菲性愚何足以稱其任教之教之盛价來齋白草蕃
謝 奏因而得悉動定殊慰殊慰計今志舒山谷樂遂子姓一
觴一咏皆可以頤養高齡笑傲卿相人生何必官爵為哉公可
以鼓掌矣敝同學吉大尹山泉賢勞甚著近聞有考績之行亦

可為我道意也匆匆謹此

答宣大總制翁東崖

今天下文教在 本朝可謂全盛然而武備似若未焉宜憂深思遠如來教也展讀再四殊增羨慕且公在宣大誠可無慮但願 聖君賢相盡采公所云者可也至謂戰車之速備兵憲之奏留是又今日之所急者其餘相時而動遇變而筭因才而拔又從而勸懲之以賞罰天下更復何憂先是蔚州有尹子耕者以才進士嘗守吾開其英俊蓋亦難得不識公嘗物色之否乎因併及之奉答不盡統惟台亮

答大同總兵周渭崖

承手教並得新刻王將軍碑文足感盛情且見用意忠厚不沒前人功烈也敬羨敬羨至如賞勞官軍一事已與本兵再三面講矣諒不致稽悞也价旋敬此復

請徐少湖啓

昨叨賓席今日端陽為霖之疏已驗於兩陳報李之誠敢違於三爵爰修豆俎冀屈光臨倘早惠然荷愛多矣謹以告下執事

答南京刑部劉春岡書

盛价來再荷教言並得佳扇新刻拜受之餘清風滿襟聯珠奪目矣感慰何如恭審司空方愜輿情司寇又聞新喜君子受知聖明簡推屢出如此哉敬仰敬仰屠公直齋想已至矣安得同

聚文榻一話夙昔以諧此渴想也耶呵呵

與寧晉陳大尹文岡

先是寧晉部馬吏來承手教並佳製已嘗裁謝諒當達之恭審
春來循政日新兼之大方文教必有旁及鄰國者敬羨何如向
者濫托文清全錄序文近始脫稿專人齋上然以才劣事冗殊
愧未足以發也尚希高明裁而訂之完書後仍希不吝一部幸
甚時方熙雍公論孔宣旦夕必有殊擢矣預賀預賀餘惟垂亮
不一

與漕運龔笑齋書

前此仰荷教音兼領清貺已嘗裁謝茲者溽暑將消嫩涼漸復

想台候萬福地方攸賴軍民稱慶多矣為慰何如近七月初旬
本部少湖徐公具冊立東宮之疏又利見之辰宗社之光
也敢並附聞茲敝同年山陽楊遷喬乃子書來知公嘗以斯文
垂訪其家渠方病卧殊失迎候今且物故念遷喬以三禮魁南
宮兼之仕途未展驥足淪落幾數年餘蓋清脩苦節士也伏望
執事始終垂盼渠母子真荷二天之庇同榜者與有榮矣特愛
續冒臨楮悚息

與山東左轄應儼菴書

相望東方渺不可即美人顏色達者論談當復聽觀何時真切
真切伏惟藩省承宣聲光茂著至若歲寒之盟肝鬲之好又有

弗俟贅者想高明當亦然矣追憶往者承乏登州時嘗著海市
辯邇見該郡謬采附刻蓬萊詩集後大政之暇不審肯寄三五
部否蓋雖公未至觀海亭而對卷凝想固已如坡公袖中有東
海矣倘不惜大章俯和又安知後賢不東坡我公共一笑一笑
茲敝州高子隆新丞齊東謹托奉問隆朴敦六之望幸矜而汲引
之不細不細

與潘熙臺年丈書

一別動經三十年餘仰企為勞何執事使人馳情一至於此近
得遷喬年兄訃痛悼不可言何晨星之嘆方殷而薤露之悲又
出耶想高明當亦有同之者風便謹布腹心兼致問候方今

聖明側席抱經濟者可以出而仕矣洗耳洗耳

答陝西巡茶劉白厓書

教示茶馬金牌一節足占留心王事且中間區畫允當經濟
並見之矣敬羨如何介旋匆匆謹此復並謝諸凡不備亮

與應倣菴

辱惠歲書既荷稠疊之雅且動流年之慨况時將更新天回乾
道固宗社無疆之慶也感慰何如恭審芳譽騰於士林撫政
孚於東土景慕又可知矣非佞非佞外觀海亭稿一冊謹呈覽
教倘裁正之後命及梓人使漢宋以來觀海諸名士再一表章

又不獨海山增色而已如何如何

答貴州巡撫李三洲

承教翰並試錄之惠感荷感荷恭惟成筭遠猷振動荒服茲固可為清朝賀也非佞非佞佞旋謹此申復並謝餘俟另布不具

答雲南少叅趙艮山

不領清論久矣念人生離合無恒良切永懷乃知晨星之嘆古今一也僕自丙午奉違馴至今官尚愧苟延歲時無足為知己道顧濫獎過情益增顏汗然君子之仕也憂道之行與否乃若地之或遠或近要未足論也執事以為何如幸珍攝無以為迂

佳既併此謝臨楮耿耿

與蔣憲副書

仰令名素美顧扣榻無由良切憂思奈何奈何乃勞垂念遠辱嘉惠且謙虛溢於言外其為感愧又何加焉不佞不佞佞旋謹此復並謝外山海釋義一部並上請教不一不一

答王澶西書

季冬李太守來京因領手教並書帕之惠高情素愛三復但望風企想而已伏惟起居眠食倍於平時殊慰殊慰近得李子乾書又自深悼後老捐館也老成彫謝吾澶氣運所關豈細故也耶想高明必有感於斯矣如何如何

三十一
卷之三十一
三十一
答江西曹大巡紀山

承手教知按巡交代地方之福多矣為慰為慰伏惟重望清才早馳館閣加之英資夙學洋溢中外豈徒頌播豫章當自增光縉紳矣匪諛匪諛區區拙守如舊日惟從事策勵尚乞知己者有以教之价旋謹此以復冗次不悉

答楊四泉乃郎書

盛价來得書惠且聞尊翁計良用驚悼所論堯祭一節本部已為題覆施行然亦可以占孝子之用心矣敬羨敬羨大事襄後幸努力學問以圖繼述則又通家之光也臨楮不盡欲言外香帛引賻

與河南府吳太守蓬巖

別後屢承教言良用感佩近見邸報始知擢守河南雖於執事素望若涉小屈然而地方受福使中州快覩備良馴致津要則又奚讓漢家入相之路哉非諛非諛南望旆旌雲樹蒼茫不審對榻論文更復何時也貴屬登豐亦有李元英者區區判沁時受業門生也立志向上海竟以歲貢選今官倘蒙與進亦斯文之光也如何

答舊家宰熊北原

遠承鈞翰兼荷嘉幣珍感珍感伏聞道躬多福士林仰重此樂如何慶叨備在茲惟素飭無補是愧且懼風便固望執事有以

書
二八 蘇子生身卷之四
三十一
教我也餘懷莫之能悉臨楮無任瞻戀

與四川憲副高玉華書

川中別後久踈奉問懷想何如每會當路未嘗不述往昔交契之雅並執事宦業聲名之茂第念川中久滯又知己者所未能忘情也近四月之初區區叨轉尚書南戶部乃知玉華前日之夢至是驗矣想當聞而鼓掌也如何如何風便謹此申謝臨楮悵望不勝惓惓

與吉山泉書

導錢者屢屢而又繼之雄文當何如佩感也非佞非佞方將解纜而手票並及悵惋久之价旋謹此以復兼謝同鄉贈文諸君子先希叱名容嗣布匆匆不盡意

與京師縉紳諸公回書

僕叨佐春卿荷愛良深茲者南轉復承雅厚自揣涼菲何以當此感佩感佩人旋謹此申謝餘容嗣布

答孫憲副右川書

春初京邸多慢比及榮行又以春闈有事場屋未能餞諸郊門抱歉抱歉邇以年深叨備南部乃勞翰惠遠及且以吾澶兩出八座為喜顧菲劣如僕當何如愧感也聞擢憲東藩榮歸伊邇對榻諒在旦夕矣忻慰忻慰价旋先此復

與內黃李大尹文麟

開與黃池鄰封也嘉聲初政尤悉攸聞仰羨如何薄具菲儀聊將贊意溘署草草不盡欲言幸亮之

與大司馬韓石溪論預處兵戎書

蓋聞有備無患書垂明訓臨事而懼又聖人格言也邇者猾虜猖獗直抵通州且聲言南下漁獵臨清雖事涉風聞試即海內虛耗兵力罷弱加之節年入寇洞知中國道里險夷則夫肆然無忌為腹心患孰謂有甚於今日也耶况犬羊難測已非一日承平易玩蓋亦有年倘其志在虜掠尚宜迅加驅掃以張皇國威若乃捷而弗去詭計橫生使京師閉門老師糧盡力疲四方因而乘機構變互相蠢動不又可憂之甚哉此固臣子為

不父蚤見而預待所不容緩者也惟公夙學宏才權握本兵謀畜萬全宜無憂者鄙人竊謂轅門必次第頻遣飛騎以探虜情又從而振兵揚武命將犒師若將策應且旁遣羽書馳報山東河南遼左陝右諸處或招募壯勇或遴選豪傑或調集民兵或並用兩淮直隸及青萊鹽礦諸徒各號稱二三十萬應期而前以遙示先聲震驚羶裘發舒華夏則豈非我堂堂天朝為兩京保障為四方觀望為萬世太平所最急者哉雖然此杞人之慮也知不足以博執事一笑然而忠君愛國彼此攸同諒不以為狂贅惟裁教之

與內閣嚴公介溪李公南渠書

慶以非劣濫叨南部自八月來朝夕惕若惟職任未稱是懼乃者清查倉庫積貯不獨逋欠數多然而因循弗振蓋亦久矣大率法久弊生勢固宜然第恐怠玩日滋留都支用且將不敷其如邊方軍餉告急何哉若夫奉 詔繼免及災傷未徵者固已暫停矣除具 題外謹專辦事官李良龍齋上揭帖一本代惟采擇早賜施行不勝幸甚

與盧後屏書

潞河聯舟清源促席高情惓惓恍若昨日如之何能忘也非佞非佞恭審撫臨南國威惠並宣地方何幸實事實事區區惟八月亦已到南部矣旦夕幸不惜教又素望也茲屬下嶺縣知縣吳汝礪者初入仕途百凡惟垂矜使之效職鄉邦之光多矣如何冗次不盡亮之

與朝邑韓苑洛年兄書

不佞教言者又忽兩隔歲年企想高情景行全德自謂弟於執事懇切也往見乞歸大疏至於再三真使朝野大夫士望其風采如在登仙之列也弟在南宮時嘗有鄙句一軸贈別坐乏良便以至於今偶咸寧舊司訓任伯宣乃郎至似又天假良緣亦可以占弟之徵誠矣謹將原稿錄出并新刻序齒錄一冊統上備覽伏惟揮入明年弟亦引年矣未卜何時再對文榻也臨風無任惓惓

與崑山文衡山內翰

仰公素矣雖承顏接辭未遂風懷然而高咏妙圖每於京邸諸縉紳見之此心已如面談矣近年家石川公人來詢知執事福壽日增精力益倍加之開卷忘年真神仙之樂也小絹四幅敢求名筆惟不惜惠是望

答河東運使高貞菴書

澶水初逢秦山再會屈指今昔忽復六年於茲矣昨公差人來遠辱手翰賔既拜受殊增企慕止念執事妙年風望乃有此轉錄亦命簡者使遐僻識才賢耶呵呵冗次聊此以復

答常熟施僉憲書

追憶先公中堂貴邑忽忽垂五十年餘然而企想虞山風景懷念耆英朋舊今復幾人在乎可以三嘆矣謹專辦事官李良寵遙致問候少見夙昔前哲所謂溫盟意亦如斯外石刻二幅武舉錄一冊伴啓

答常熟施僉憲書

承手教足慰渴懷念令親思玄先生伯仲齊名海內共慕昨偶問之不意其家事零凋如此良可太息然幸聯親執事則又斯文所共喜也辦事官入吳中謹此奉復外小詩咏虎丘者伴啓不盡不盡

答張石川銀臺書

賤子生辰乃勞記憶且繪圖為章以賀此意良亦勤矣感嘆何
如若夫山陰之興來訪知己吾又何幸至如虞山諸作俱佳請
早登石所諭云云已領畧矣蓋緣係妄攀者一轉移間可以無
事矣何慮何慮原惠已即完璧吾與公世好雖連城之壁夜明
之珠豈足易之也幸早命館人以慰拭目之俟

答崑山顧方伯雍里書

先是承手翰敦念夙昔無任佩感茲者再荷多貺華劄祇領三
復豈勝雀躍追念尊翁梓齋化雨蚤霑既而移文陶造更若特
厚蓋吾衣鉢甘泉實自此始所謂成我者之恩與生我者等非
虛言矣方思報德之無由何幸遺書之托序敢不勉竭平生以
發盛美於無窮哉實言實言貴价旋先此以復容部冗少撥另
當呈稿外菲儀引情

與常熟鄧梓堂書

承教言並留意我先公此豈今時所易得者抱茲高情良切肝
鬲何以報知己也石川書備述尊意懇懇且為先公作小傳數
語皆史筆也吾何敢忘惟再推廣所未及者如何外粗葛引敬
不盡不盡

與同年周江郎書

吳主事公差人來再詢動定知願養日粹為範士林蓋慰怍亦
自多矣非佞也近松泉年丈亦已得請歸蜀舟次上清又得數

日盤桓然後別則夫魯靈光獨存之嘆其真允哉想兄高况當亦有然者矣惟便中不惜鴻聲至望至望謹因奉訊外虎丘山拙句附笑

與江瑞石書

久別得誨言奚止百朋之錫然而三秋之渴慰亦多矣賢郎進士諒麟角書香行且出而名世公之晚景何如也忻羨忻羨吳主事差吏旋謹此申復

答餘姚嚴木山少司空書

南都新別西蜀舊遊情切平生何能筆述萬一也第尚以未罄請益之私為歉耳柰何柰何貴縣部糧張主簿來重荷教言知榮還者月餘然清樂何限也仰羨仰羨生近亦入賀匆匆聊此奉復

答張石川書

承賜題名並昊天罔極諸作真有良史筆力兼之書法道勁公晚年大成之集恐當凌駕一時矣非儀潤筆乃復擲還豈世講所宜有哉呵呵會入賀之行舟次龍江揮汗奉答殊不能盡統惟亮之海虞賢士大夫及諸髦俊篤於念舊使先君子既久而名益彰雖渠秉彛好德不約而同然我公倡首事之勞垂不朽之愛不又多乎哉盛价還謹此申復並謝餘俟都下奉候旌飾也不一

謝李古冲太宰啓

瑤章寵及倍增行色之光堂吏奉還並見中心之感薄言申悃聊發衷私謹謝

請李陶山皇甫百泉啓

入賀來歸濫承禮愛愧請益之未伸顧寵筵之先及絃歌盈耳奚減武城政教孚民應傳魏闕豈惟膾炙於斯文更喜賢推於當路敬陳菲酌冀領高談尚撥冗以光臨謹積誠而豫告約期九日伏惟亮之

與王大任侍御書

不領教音久矣鄙吝之增如何可喻昨入賀至京每見朋舊

卿老皆以東山未出為執事問樂行憂遠在聖哲自有成式公安得又卧也耶一粲一粲相見未由徒抱耿耿先是在南都亦嘗備述執事人品之高靜養之久為諸臺諫告聊以見區區之素耳要未足為執事重輕也恃知敢附及之區區明歲當引年以歸又未審得遂良晤否匆匆謹此奉候用溫舊盟惟不惜教至荷至荷

答山西巡按吉山泉書

遠承手教佳書兼領新曆深感高情且審旌節晉陽動搖山岳况水鑑無私光增士類春風有脚價比連城其為清朝人物傑出孰大於此敬羨敬羨先是入賀至都下嘗附裴內翰轉

奉一書未知到否明歲上疏例遵引年東庄詩社又喜密邇尊翁於柳榆間也樂事何如預喜預喜承差還匆匆草此聊見謝耳尚容嗣布

謝韓石溪司馬惠詩

崇惠大章光增寓舍忻然三復允矣百朋容另申情先此布謝

與甘泉先生書

慶老門生也相違且三十年餘相去則萬里外矣平生受恩荷教自謂莫可云喻然而道在天下古今則未始可以遐邇分山河限也夫道不可以遐邇分山河限則吾輩體認柰之何敢衰亦曰未效顏氏子卓立焉可也况夫參前倚衡今固未之或忘

吾敢布此為同志學士告不審師翁竟以為如何懇切懇切然而歲年忽復七十古之所稀今亦未必多也則又自恐功夫為血氣後進為次第究竟歸宿為他巧侵吾用是則又求救於乾之九三以助脚跟旁援顏之四勿以思坐忘心齋其亦庶乎可以免於過矣心馳羅浮望極海雲餘非所瀆惟慎重天和未扶人紀以輝映無窮斯文幸甚

與李春山年丈書

憶昨入 賀始一開顏別來忽忽又且壬子矣企慕如何聞淮上大水良用太息况逃亡滿耳有司垂念者能幾人乎謹奉問不罄欲言

與太僕呂巾石書

公讀書樂道素矣滁陽山水秀且靈異茲行庸詎非踵六一而尋遺芳以神交百世也耶昨者屢訪思領教談未之能一遂也如何如何聞部檄已至尚欲作數言用發鄙衷謹此並聞統希示我懇切懇切

說

孝婦說

端溪子在車聞有婦人哭於野者謂童子曰汝往問之童子友曰是哭其母者也予曰嘻此孝婦也其可重哉其可重哉客有過而稱之者曰彼在車者為誰其可謂成人之美者乎夫古之聖帝明王稱為達孝光流四海道卓千古率是道也彼在車者知所推乎端溪子聞而嘆曰有是哉教我矣

春鴈說

端溪子夜坐觀書聞空中鳥聲哀而不怨舒而不亂方嘹唳乎庭階忽漸逼乎雲漢予曰此鴈也胡從而來哉吾觀夫鴈之為

鳥也方其秋冬而南春而北也歷險阻飽霜露過衡陽經嶺南
 一飛萬里動遭網羅一往一來其意謂何旁有童子對曰夫子
 知鴈乎夫鴈陽鳥也天寒沍而南下出入群鳥而不雜鳴有次
 序而飛有倫失不再偶隨時翱翔故鳥之高品者莫如鴈也諒
 乎夫子之所取也雖然吾嘗考夫鴈也寧獨網羅高堂燕雀見
 而笑之以為凡鳥也易且侮之乃奮啄棟宇之間驕曰爾鴈也
 鳥之最苦而善飛也江上之荒涼孰與夫堂奧之深密蕪葭之
 蕭索孰與夫稻梁膏肉之甘且美也鴈聞而不答他日隣有災
 者梁宇盡焚燕雀死矣而鴈之往來於南北者猶夫昔也然後
 知鴈之異夫凡鳥也諒乎夫子之所取也端溪子聞而太息曰

童子可謂知言矣夫網羅之厄棟宇之焚其患一也而鴈有君
 子之道夫鴈鳥也而有君子之道可以人而不如鳥乎童子可
 謂知言矣因次其事為春鴈說

義田說

正德甲戌之春王子崇慶既免喪以其先大夫田六十畝悉讓
 諸父伯叔為恒產示息爭也今夫天下之事莫不本諸義人惟
 無義也故惟知有利而已夫利心焉一萌大亂之原也古之戒
 也故夫人之公私在義與利之間而舜跖之分也昔者范子文
 正猶夫人也自義田之制一立而天下至今歌之不衰彼其為
 性豈顧與人殊也軻有之曰子服堯之服行堯之行言堯之言

是堯而已矣然則義田之舉其希文正之一端乎

思祖說

曾孝孫崇慶正德戊辰呂柟榜進士也為戶曹尚書郎主事辛未之秋以諫言謫肇慶方奔而南旋復丁先大夫刺史公憂越甲戌免喪服乃展祭祖塋崇慶惟人生必始乎祖不可忘也爰命匠氏採石黎陽之巔為樹碑塋次標紀歲月示子孫有所考也曰嗚呼人之不可負者恩也不可忘者德也此在常人皆然而况祖也夫祖譬則天也其為恩德寧復有加也故夫子孫之孝其祖不可不慎也而宜莫如求之吾心吾心致孝之原也善忠之機也方子孫之幼也彼其良心固在也夫良心在則一於

義而不復知有利不復知有利則天下之所好固不能易其心之善也及其長也為妻子利害之所累於是乎始有重利而忘義以自相賊者夫子孫而至於自相賊是謂忝厥祖非思祖矣吾嘗泛觀之天下之人其以利而忘親者未始不由夫此也夫子聖人也曰君子喻於義小人喻於利此萬世義利之防也而子孫思祖之所當知也故必求如古之人生死塋祭繼述始終和睦友愛忠孝廉節無一而不著之躬行推之教誨則思祖果為思祖矣而又進焉至於匡時輔國致君澤民熙鴻號於無窮揚休光於四海使天下後世指而稱之曰此王氏子孫也則又豈非孝之大者哉其或殘忍薄倖背負恩德而動以利云云者

則祖宗所以望乎後人之心孤矣夫是之謂天下之大不祥不祥則凶凶則禍禍則祖宗不救至是則凡我鄉人亦將指而非之曰此王氏不肖子孫也嗚呼可不戒哉

沙東說

舅氏時畏在澶州之沙東因取以自號王子乃為之說曰夫沙金之餘也東生物之方也有金木之義焉金以斷之木以生之仁義之道也夫仁義之理備其餘可次第舉矣舅氏敏且多能精李斯篆舊曰澶東今易曰沙東其有意仁義者耶行且懋焉沙東之號可以傳矣

正李都官老佛說

一日觀李都官石續博物志云老君生於陳國渦水李樹下剖左腋而生又云佛天竺釋迦衛國王子於四月八日夜從母右脅而生嗟乎陰陽生育之理恒萬古而不可易焉者也誠故也信斯言也則是反戾陰陽之常為恠為誕為幻將使天下之人惟不經之是從害莫有大焉者吾意宗其教者之為是也夫彼其為是本欲尊以崇之也而不知昧以理之所無祇以起後人之疑耳不然則是鼻亦可食目亦可聽耳亦可視乎將謂聖人之異乎人也有過於堯舜周孔乎而何其不左右脇以生也即是以觀則其萬無是理也明矣可以發智者之一笑

贈主謙殿下三令子說

言
八端溪先生集卷之四
務學書院殿下初號平常子慶謂殿下為賢宗室愛予且篤因
以主謙易之殿下復以三子號請乃以仁勇智贈焉辭見後伯
曰近仁堂天地大德是之謂仁夫惟仁也故萬物以均嗚呼其
惟力行以近斯仁仲曰近勇堂發強剛毅是勇之常夫惟勇也
故可以行之無疆嗚呼其惟知耻進修以無忝乎至剛季曰近
智堂聰察明辨是智之名夫惟智可以別賢愚而洞星星嗚呼
其惟好學以成此明

書樓說

夫書樓其入德之基乎王之所以書樓者知本矣是故經天緯
地莫先乎文化民成俗莫先乎德夫無德不立無文不行永和

之書樓知本哉嗚呼永和日以從事於斯其繼東平也不難矣
作書樓說

汾井說

夫汾井者鑿井於汾也鑿井而飲正也得甘泉者數也往無井
汲之城外數百步此汾井之所由鑿也井在臬臺分署之左時
嘉靖甲申七月十三日也作汾井說

四義說

四義者四事之合義者也四義合而人之美得矣此陶山王氏
兄弟之素也其實則宋子清嘗以告予矣予始聞之喜繼而駭
乃喟然嘆曰嗟乎義其諸未泯也乎誰謂虞唐而後民風偷耶

嗟乎義其諸未泯也乎聞之宗仁之父曰清泉翁者昔為豐城之少尹絕不事矯詐民到於今懷之則其二子之有是固宜是故為義渡患人之病涉也為義塚患人之不能葬也為義塾患人之力不足以致師也為義田患族人之不能均其食也夫是四者行義之大者也踐之難矣而况兼焉者耶嗚呼宗仁何如人乃有是乎雖然事則美矣而其心之樂是與否則未可知也夫以其有是而不自恃也則終身行之無敢怠從而傳之子孫雖為三代之民可也反是則所謂四義者人將以為名而已矣可不懼哉王氏長宗仁次宗義館陶為巨族也

觀鳧亭說

郡治清河之杏岡刺史秋宇朱君嘗愛之因築亭其上資眺登也工既完以問諸予予曰亭近水而得鳧先也以觀鳧名可乎君曰可矣此亭之所由名與今夫觀鳧之道四曰升曰沉曰聚曰散如是而已故君子觀升沉聚散而萬物之情得矣吾嘗因之乎感也且人之生也可樂之時常少可憂之時常多則夫一月之間開口而笑者幾何吁此南華子之所以太息而秋宇之所以有是遊也秋宇之約諸鄉大夫也實丙戌夏四月二十九日也時則有若夷菴孫子有若龍湫王子有若杏塢劉子及近山趙子君子曰斯亭之會會冠裳也樂在其中矣是時予與南野孫子妨以事皆不得而與也不可不謂數也逮予之斯遊也

諸君如會者半而近山子則已之京師久矣亦不得而與也斯亦不可不謂數也然則可感獨鳧也乎嗚呼後之君子登斯亭也觀斯鳧也又從而思君將必有繼志而脩之俾勿壞者矣朱君以為何如於是秋宇振衣而興撫掌而笑曰有是哉端溪子之言不迂矣遂命玉人刻之石用識歲月

蜀道難說

龍湫王子往年以病辭太僕卿歸歸之三年天子聞而賢之命左轄全蜀焉君子曰孚輿論矣夫天下之至難者莫如欲至險者莫如山川故欲可克也山川可梯航也何者其機有可乘也乃若君子之心則異乎是矣其它諸志也平而易其發諸業

也光而明惟平故可親惟易故可行夫光陽之用也夫明德之本也是故君子平心足以範物易氣足以傳教光明其德足以進道天下之至能也夫以其至能也從而措之躬行其復何險之足憂也吾以是知古人蜀道難之作有所激而云也嗚呼可以訓矣龍湫子行請思吾言將必有發我者出焉全蜀之治無難矣作蜀道難說

令尹說

嘉靖戊子秋七月既望卦山解君有濟陽之命將之任刺史冠峯夏君率其二三寮友餞之公署重別也既而濫以文事及予吾乃知冠峯之示教四焉居其官不忘其朋所以示友也司其

牧不章其長所以示謙也餞其行不廢其規所以示正也推其情必及其寮所以示公也慶雖不敏請事斯教矣君乃瞿然作而嘆曰子之言美矣至矣愚固不足以承之也願聞令尹之說何如於是慶乃執爵而告諸賓曰夫諸君知所以別乎夫別也者會之反也別必有言以敦情也惟茲濟水厥地面陽厥民惟澆厥俗惟驕夫令也者出令以詔衆也夫尹也者正已而先物也以示本也是故君子不動而敬不言而信不怒而民威不賞而民勸其身正也其令行也從而措之濟陽澆者其純驕者其順乎夫民純而俗順令無事矣卦山謂愚言何夫卦山言確而誠行方而遜德溫而厚政孚而寬古之遺愛也今君相望治有

如饑渴君之名實其殆自此章乎其殆自此章乎冠峯忻然而笑曰俞哉俞哉是卦山意也衆賓亦曰是卦山意也遂書焉

字馬生說

吾鄉秀子馬生文卿初名尚卿吾嫌其同於世俗者衆因易之曰文卿夫文學之常也德之聚也從而推之其義博矣乃嘉靖戊子秋九月文卿既冠其師魏子朝元因以字請且曰馬生冠未幾會且得子願公一言暢之願吾亦素知馬生者乃遂字以質夫因併及弄璋為馬生告焉其說曰夫理一而已矣然而在人則有體用者出焉質其體也文其用也合內外之道也吾嘗觀諸天地而後益信文質之不可缺一也易曰天玄而地黃夫

天玄者質也地黃者質也然而天有日月星辰則天之文於是乎在矣地有山川草木則地之文於是乎章矣審如是則文必以質質必有文天地且不能違而况人乎嗚呼馬生勉乎哉是故德之不脩非質也學之不講非質也聞義不能徙非質也不善不能改非質也夫以質而未之能也何以文卿為哉夫冠成人之道也冠而子為人父也夫名之所在實將責焉不懼可哉不戒可哉嗚呼是在質夫而已矣

費秀才進學說

清豐費生隱初托吾妹丈馬子以禮來從予講始扣其蘊為之喜繼而試其文為之信乃今考其行為之敬曰嗟乎斯人也而

有斯美也其可進乎蓋波流蕩風之中僅見是而已矣乃往試諸文宗未之獲選焉君子曰是尚未篤也無乃亦有命也乎哉然而生且退藏以脩未有怨也君子曰是亦知命矣夫然而人事固在所當自究也乃今年戊子夏四月再試諸文宗始校而錄之矣君子曰是尚未大也夫學以進乎聖人之道者也彼但知從事於辭章口耳以競夫青紫者陋矣為生圖志其何能踰此乃子道既入泮之三月則飄飄乎洋洋乎有凌雲之氣焉君子曰是尚未熟也廓而大之終身之用有餘本矣子道其念之哉子道稽首而拜曰至矣至矣夫子教我以文重我以道矣敢不書紳也乎哉因聊復識此以答厥親石子鸞杜子經崔子

廷輔之請

居易說

夫權謀術數皆有取於後世而易直獨若無所貴者雖然去易直吾未見其為完人也天下之道必始乎一故一也者人之所以率夫性也反是則失其所以為一惡在其為性之率也大哉易直也乎吾懼其不合於俗也是故機心深者謂之逆天宅意險者謂之賊道是居易者坦至一之間君子所以俟命而率性者其在斯也乎

祁子漸字說

嘉靖庚寅夏六月端溪子將入 賀同寅祁公其村以予嘗從

晉大夫後乃以其長郎第命予字焉且復懇以字說於是作子漸說貽之說曰夫天下之理其惟漸乎是故漸也者德之基也事之序也德以漸崇業以漸廣所以弘人道也學在其中矣易曰鴻漸於磐鴻漸於陸言以漸而升也惟君子亦然是故君子之學必以次第為貴致其知必先格其物正其心必先誠其意齊其家必先脩其身平其天下必先治其國未有躐夫等而為之者也夫是之謂序是之謂漸子漸之以第名其尚勉乎是故名以昭義字以暢德學以循中道以順正古之極也君子之能事其在茲矣其在茲矣吾觀子漸之聰而有文直而不傲剛而能柔雅而成章必其留夫心於漸也又乎哉乃若由格致誠正

言
以馴致夫脩齊治平之盛又從而推之三代其尚顧夫漸可也
北村以為何如祁公曰鶴也敢忘大惠因以語諸子漸使書諸
紳

說海贈陳萬言

嘉靖壬辰夏四月陳子萬言以國子入選銓部判寧海將行曰
何以教我於是端溪王子為說海以贈曰嗚呼子之判寧海也
知海之道乎夫海水之會朝之宗也法天之運不失其時處衆
之流不擇其汙涵靜之機不妄其動其諸以為海與是故不失
其時近乎信不擇其流近乎仁不妄其動近乎禮子之及是也
望海而有思焉得無感於斯乎早作而夜息慎爾辭令嘉善而

矜不能廣爾容受守身而居貞節爾出入吾見寧海之果寧也
於是官何有是故古之善觀物者皆道也皆所以資吾身也吾
子之行其勉乎是而已矣萬言吾戚也好善而默愛衆而遜行
溫而理宜若無不可者吾慮其忽於判而沮於近小也為說海
勗之

說馬贈楊一鳳

鄉秀楊子桐字曰一鳳少嘗問業於儒比其冠也父兄奪其志
而為掾今方從役郡之馬政曰馬科者我宗子儒聰之婦兄也
率親戚里人往賀之因索文於端溪子於是作說馬以贈曰嗚
呼馬之為物也健於伏羲之易蕃於文公之詩周遊於穆王之

書品題於伯樂之素由是世所謂致遠之材莫之有外焉者矣
然而馬之盛衰用之利鈍則徃徃存乎其人是故食之必盡其
力鳴之必通其意相之必知其才盡其力則畜之有餘健通其
意則育之有常格知其才則駕而御之有常步苟推是以往也
執鞭而臨之曰天下無良馬吾見其誣也已矣然而世之知馬
者鮮也是故操縱於圉人垂耳於鹽車病顛於伏櫪幾何不枉
其才而棄也是馬雖有超逸之足雲錦之文安在其能千里顯
哉夫以其致馬之不能以自用也今日取一馬明日取一馬比
年萃而貢之曰吾得是足以充 君王之廐空冀北之群則天
下惡有是哉甚矣馬政不可以易論也甚矣馬政不可以易論

也吾論其一節為揚子發端云耳揚子誠由是而勗之吾見其
志一而事集獨馬也哉

說孝贈周君威

嘉靖乙未之秋九月八日里人郭朴率其鄰二三老踵予而告
曰吾黨有周子鉞者年四十而見孚於里人郡刺史因以里之
民事委焉曰非若人弗可里之故老皆且聞而喜曰是吾鄉人
之老成也里人其有式乎乃今且辭其年之未稱詣郡侯而決
退焉曰鉞也齒則未也敢辱吾父母之命刺史初未之許乃既
廉其實而允其請里人則又高之曰願得夫子一言以彰始吾
見其有勞於吾瑩而未知其有是也乃今質諸人言吾信之矣

遂作說孝以贈曰嗚呼君威爾得人心若是同乎吾聞諸里人莫不推子之行既而察之則皆曰是孝行人也吾又從而疑之則皆對曰自斯人之幼也爰喪厥母鉞實五閱歲矣而父實撫之又十有五年則厥考曰某者亦殂矣鉞之喪禮未嘗學也而哀之毀之人以為天性爾也既又十五年則壯有室尋生子男二焉鉞以其失怙之蚤成立之難也每一思其父母輒流涕鬱鬱者終日聞蜀有仙能繪事者將積誠以往圖厥像而奉焉恐其愈久而失之也嗚呼古稱孝子何以加諸然且每有飲食必先獻諸乃考乃妣或時有出入及大事則又必以告然後行家人習見以為常也故或聞里之惡少有弗順其親者輒疾之為恠是周子之大畧也若其朴而無偽質而有辯直而能遜溫而能斷則又隱行里人所弗能述而告也夫孝一也而身之窮達養之小大名之顯晦是則有命在焉然則鉞之不忘其親而行已有德里人知之已矣郡人敬之已矣進而郡侯嘉之已矣又進而問諸他邦則容有弗及知之者矣是故知弗知在人者也不其外也實之修不修在已者也其內也君子務夫其內已矣而暇問其在外者乎於是君威聞而拜拜而跪曰善哉善哉夫子內外之辨教我至矣作說孝使勗而藏之

說舟贈李吾西判漢陽

漢陽於古為名國於時為大府吾西李君既判吾閩之二年是

為丁酉云越夏五月將述職北上會部檄轉判是邦將行郡大夫文君筆山率寅僚餞諸祖道乞言於予因為說舟贈焉今夫舟車之制以利用也水陸之交以全旅也先王所以教萬世而無窮也始吾西由東阿而開蓋陸而車焉乃既捧檄而漢陽也則舍車而舟矣君豈擇而取之也哉所由之途異也然而舟也其體一其用六是故虛中而方外舟之體也遲速順逆而浮沉舟之用也體無時而可貶用有時而或殊所遇弗可必故也方君之發解於東省捷報於南宮人曰遠器其在斯人與其由司諫而補吾開人又曰遠器其在斯人與是何也君以無心而應物以無所私趨而自牧則夫遲速順逆浮沉吾又何心宜人

之仰之終有合也是故無心曰虛中無所私趨曰直外虛中足以容仁也直外足以行義也仁以主之義以濟之全德也易所謂藏器而待時君其有哉君行矣漢陽之舟將不為濟川之具耶由三楚而四方舟楫之托可以慰 明主矣君勗之吾望之

謹嚴堂說

蓋聞苟簡者敗常縱欲者僨政故民慢始於崇寬納侮生於自恕從古及今莫之可易者也慶也學古入官叨再起於 清朝濫竊祿於右轄豈徒效垂崖之素風亦嘗仰孔明之夙訓正俗愧積習之難移整亂懼漏頑之易犯尚期來哲同踐道盟

贈葉中翰柳亭還金說

尼父有言見得思義人惟見得也始有昧義而忘所擇者况在
女婦不又難耶吾觀葉母以還金教其子乃厥子又能以髫年
而承其志可謂拔乎流俗默契尼父之旨矣君子曰慈而知誨
母道其備乎則夫中翰君持身而端履官而潔合忠而孝孰謂
無本也哉吾用是又知不獨可以範其家也

西溪說贈夏公

丁未冬十月予以濫推承乏太常既謁 孝陵遂會西溪夏公
一見如素識聞之公嘗經事 孝廟選入坤寧益慎密者無何
逆瑾斥出之今 上即位庶其無他遂恢復其舊蓋斗牛服色
如初昭新政也今夫常人之情莫不重樞要而薄寥遠喜寵近

而悲遐遺然而觀人之道與人之所以自待固有出乎其外者
矧 孝陵我 皇祖園寢重地 神魄攸棲又非尋常祠祀比
者苟非其人其能仰答 聖明付托者幾希矣若乃西溪其殆
處遐邇而益彰其賢者耶是故吾見其沉靜而弗撓於聲利也
若得溪之體焉見其明通而弗滯於酬物也若得溪之用焉又
見其偉然儀貌聳觀殿庭進止有度也若得溪之砥柱焉又見
其博書史重文雅愛賓客而弗間也則又若得溪之量容焉由
是而推之以恪乃事篤乃志慎乃始終以吾忘 皇上淵衷至
意以承 帝澤於無窮又必若游大川罔知津涯朝夕惕若無
但徒取西溪之號則亦庶乎公之自待者果如吾言也已否則

言
二
三
徜徉於鷗鷺出没之間徘徊於雲日掩映之表流蕩於蓮歌漁
唱之餘要非鄙人期望意也西溪以為何如哉於是西溪喜而
拜曰善哉言也繼自今吾知勉矣



國家圖書館, NATIONAL CENTRAL LIBRARY, TAIWAN, R.O.C.



端溪先生集卷之五


門人汾陽孔天胤編次建業張蘊校刊



墓志銘

殤子衢郎壙志銘

衢郎之生也實弘治甲子八月也兄姊妹弟五人焉澶郎登科
蘭蕙貞姐而衢郎行居三以亞澶郎一歲又謂之二郎焉耳目
明秀神志以靈雖嬉戲終日而言默起坐矯矯有壯氣特異諸
兄弟妹蘭蕙病疹早沒未幾登科兒來京亦沒而衢郎之亡則
正德己巳閏九月十三日也臨絕聽其育間氣猶隱隱連呼予
者三而予方病卧昏聩未有以應也其母段氏撫其尸而哭之



國家圖書館, NATIONAL CENTRAL LIBRARY, TAIWAN, R.O.C.

特哀甚已而成病冬十二月十八日亦淪胥以亡噫否也甚矣尚何言哉意者豈天命乎抑亦人事之或然也天人之理微矣然則柰何曰事至於此雖謂之不幸可也而其理固有不可知者不可知則其謂之命與數也亦宜先是荆婦之亡也迫甚甫及旬月旋復以車載其柩而還惟衢郎則柩留京師者凡五閱月開州吾祖宗墳墓在焉安能落落久寄此乎乃卜日歸葬欲其子毋得依附地下因復為銘銘之聊以紀歲月也亦以示夫予之不忘也其銘曰吁嗟衢郎我心孔傷我心孔傷曷其有疆悠悠蒼天謂之何哉吁嗟衢郎有柩南旋有柩南旋淚下如泉悠悠蒼天謂之何哉

靖母王孺人墓志銘

正德歲壬申正月既望溧陽少尹靖公邊以其母王孺人行狀踵予而問志銘聞之孺人孀居守志者幾四十年蓋貞節人也何可無言以傳諸後按孺人姓王氏大名府大名縣美化里人也隱君子王公能長女母薛氏治家甚嚴孺人年十七適邑庠生靖公世芳靖氏家世業儒為郡邑望族孺人之歸靖氏也孝恭柔婉父之益著鄉人親戚無論近遠咸知其有隱德成化癸巳歲大水會世芳溺水死孺人春秋才二十有一也哭之哀甚氣為頓絕不食者累日未幾亦赴水求死鄉人覺旋復救之孺人曰吾求死不得乃更使得生耶辭色俱慘見者悼之母薛氏

恐其終未釋也特謂之曰汝之意則善矣如世芳之後何且夫死從子古之訓也爾柰何違之孺人收淚許諾然以夫亡子幼徃徃感激淚至喪明其平居也則惓惓訓飭其子俾之向學至躬親織紡以供日用既而邊果為郡庠弟子負卒業太學正德辛未夏四月司銓衡者以為應天府溧陽簿旋迎孺人之宦邸會燕設孺人舉酒不能飲曰汝以讀書幸沾一命惜不令汝父見之言與淚俱下滿坐為之掩泣既而成病卒焉時正德辛未夏六月二十九日也享年六十有七子男一即溧陽簿邊也女一適郡陰陽正術張鑾孫男二長四兒季五聖保孫女一許聘郡人張淮子某嗚呼以王氏之清節凜然始終無間其天性之美有人多者而其子孫之賢且淑者方未艾也則天之所以畀益之者豈偶然哉人之言曰天道福善而禍淫蓋自是益為信然矣復銘之銘曰毓之者貞守之者剛積之者厚發之者昌惟風之清泉石之光

處士侯公墓志銘

公諱疆字禹服號滄洲釣隱世為開州之清河里人也祖春登永樂辛丑曾鶴齡榜進士為御史仕終浙江副使以直名動天下父佐讀書不樂仕叔英為都御史母蕭氏有淑德公之生也兄姊妹弟兄七人而公行四恬退自怡曠如也弟天性業儒有英氣以豪曠高邁自許尋以疾廢業人皆惜之長姊適少尹郭

君忠次適郡人張處士欽次適陳少尹璋次適先公刺史府君
次適義門鄭氏漢公性資踈通明爽善論事雅有高致有通達
天下之才而不顯其光有廓然一視之量而不以壽考永年有
高潔不拔之操而不以一事見表有善處機務時宜之智而不
獲小有所試命實為之夫君子之於天下求其無愧而不責其
窮與通守其在我而不問其在人與物凡以不悖於道而已若
乃公之家世清白為名御史後其閨壺則肅而雍也其用度則
儉而素也其教子治家則端而勤也其延賓處鄰則睦而和也
其事先禮神則誠而孝也其恤孤賑窮則慈而惠也每燕暇披
襟坐月明中則歷歷論說古今人物洒然可聽俾親戚後進凡

讀書力學之士知所據依而其汲引懇到之心實有未易名言
者不肖與表兄嘉猷早同筆硯沾被獨深曾幾何時而公乃以
疾不起耶公有孝友之德推而見之行事井井有條而樂易好
施不與物競所至不問賢愚望之者即知其為達人長者君子
以為古之善人非歟公生於某年月日卒於正德元年七月某
日享年五十有三子男一即嘉猷明秀有遠器女一早卒娶王
氏郡名醫王先生季女有賢德尤善治家先是正德二年二月
二十有八日葬公祖塋之東北岡今去公卒時忽忽垂十年餘
間或過其居拜其靈周視其平生器用花木草石宛然整好猶
前日而表兄之志業文章則亦過往年多矣為之感嘆懷慕繼

之以悲九原竟不可即而一慰愚私也則亦將何日忘耶為之
銘銘曰吁嗟公兮惟誰之子矯矯茂族直哉若矢吁嗟公兮允
矣哲人古今一脉誰為屈伸吁嗟公兮多福自受克昌其家以
垂其後

郭君鎮邦配孺人朱氏合葬墓志銘

君諱維垣字鎮邦開州東郭里人也其先河南上蔡人曾祖賢
始徙居開州云祖禎娶張氏生縉縉生君兄維藩舉成化甲午
鄉試第六博古振俗至今猶有能言之者君生而慷慨天性仁
孝少事祖母曲盡心力友於尤尤善處鄉里恤孤幼重有德耻
言功利奮然有尚友古人之志弘治戊申補郡庠增廣員鄉人

莫不拭目以望未幾居父喪毀哀骨立旋復卒實弘治庚戌三
月初十日據其生則天順甲戌正月初二日也享年僅三十有
七配孺人朱氏濮州朱公道隆孫女也賢且慧知孝經列女傳
大旨歸郭氏凡十五年内無間言人亦以為郭氏之良配云當
君之亡也二子璘玠俱幼璘少長於玠兄弟十五六時刻苦力
學動希往哲玠舉正德庚午鄉試九十三璘補郡庠廩膳生癸
酉入鄉試未遂以還而凌雲之氣固在也鄉人稱其兄弟之齊
名者咸以為朱氏之善教云夫以朱氏既能善教其子而復誓
志柏舟垂老苦節有如一且可不謂難乎孺人生於天順乙亥
十二月十有六日卒於正德戊寅春正月二十七日享年六十

有四子男二長即璘次玠女一歸東明縣黃子時佐男孫五九
峯九皐九翀璘出九遷玠出女孫一許聘楊魁子梅璘出乃今
年某月某日將合葬城東祖塋之次鄉人莫不以為君之夫婦
子孫多賢可無復遺恨也已予幼與璘兄弟同筆硯知君家世
為悉乃述其世系行事如前復銘於後銘曰生之清行之貞嗟
乎孺人也女之英豐其才遜其名嗟乎鎮邦也人之雄蕃乃嗣
昌乃宗嗟乎君之夫婦也沒之寧

登兒遇雨志銘

登兒者端溪王子之三郎也自繼室谷氏沒始與予同榻焉距
今凡六歲性通靈能孝敬儀狀美白端好酷類其母每食未嘗
不在側或予公署未退家人促之食以予未來不敢先及予來
則曳衣而迎之或予出囑予之早來也即隨出門隙窺之及乃
去辛巳冬隨予西江宦邸癸未春其母卒先二日抱哭久之冀
其成立而悼其永訣也夫亦安知其復沒也悲哉往還見舟人
歌即一二能學二郎田者口授以三字經即隨口朗誦如素嘗
知者其致人不能忘情大段如此乃甲申夏六月二十三日病
痘以死予哭之過目為腫時方中伏予心謂天必雨庶兒屍之
不壞乎是夕陰明日天果雨無暑殮事始畢嗚呼登兒可不謂
幸乎可不謂幸乎雖然雨不以是而兒實遇之矣據其生實正
德己卯七月二十五日也繼之以銘銘曰昔何生今何死數有

終必有始嗟爾歸其寧止

明故孺人來氏合葬處士劉公墓志銘

孺人姓來氏處士劉公允之配也公允字公信蚤業儒矯矯有大志嘗喟然嘆曰人生不可無聞於當世故其肆力於問學者無間寒暑而鄉之後進多賴公陶成者劉氏先為山東之觀城人父諱福者國初始徙居大名因遂占籍云公自娶孺人交相懽好雍雍如也怡怡如也少長親舊無間言者至於舅姑之養會年荒至采薇蕨以進蓋其時之遭孝之著類如此君子曰可以觀孺人之賢也矣先是公年十五六時有弟五人元克克光孺人撫之各有攸當乃既長則勸公擇配俾咸有成立未幾弟

婦紛然咸欲異爨公以問諸內孺人曰不可夫家國之範也兄弟情之鍾也孝弟德之順也從而異之無乃不終乎繼而言者如初竟莫能止於是公始以生產均之然心實未嘗悅焉君子曰可以觀孺人之相夫也矣孺人性貞而慈心慧而辯質朴而婉童僕子女有過者多釋之不忍撻曰此亦人子也姑教之而已其巨細之行大抵類此正德己亥七月九日公先孺人卒享年五十有九孺人當公之大漸也以後事問公但曰教夫三子者然起吾家繼吾志者必三子也此外亦非乃所知孺人收淚曰諾蓋自是始躬為治家課子計焉初公生三子俱力學有父風乃嘉靖壬午容甫果領順天鄉薦明午癸未復登進士第旋

宰鄞縣且迎孺人於宦邸孺人每謂容甫曰省刑恤孤脩德禮賢防奸課農爾之職也容甫拜受曰敢不如命故容甫有聲於吳越為諸郡縣稱首孺人之教也君子曰可以觀孺人之教子也矣乙酉秋孺人始北歸歸之三歲曰戊子春三月十有八日卒矣實享年七十有一云子男三長宗仁選擢內臺娶郭氏次宗禮娶崔氏次宗智娶苗氏俱邑廬膳員男孫三芝蘭若女孫六長適庠生趙思仁子淮次聘李大經子獻可餘在室容甫將以是年閏十月十有六日合葬處士公於邑之東北祖塋乃謀父鄉進士厥親徐一之狀來乞志銘乃銘曰母之慧克振其配吁嗟母兮母之婉流慶其緩吁嗟母兮母之良垂聲其長吁嗟

母考

明國子監丞貞菴郭君墓志銘

嗚呼貞菴其真已矣夫吾猶及爾之永訣也不可不知者其天歟不可易者其命歟嗚呼貞菴其真已矣夫非予為銘為志其復誰據門人封子國狀君諱玠字信卿貞菴其別號也其先河南上蔡人高祖賢國初徙居於開今遂為開州人賢為郡典術娶安氏李氏生六子其季則曾祖諱禎也禎娶張氏生二子君祖行二諱縉字大紳天順甲申例貢授鞏昌府通判六年有惠政丁內艱還以疾卒於陝州娶姚氏子男二長維藩少有大志以詩經薦成化甲午鄉試魁未仕卒次維垣貞菴考也增廣生與

兄維藩齊名於時得年三十有七而卒娶朱氏濮陽後府經歷道隆女貞菴妣也通孝經女戒大旨年六十四卒子男二長璘文卿娶甘氏子六人九峯九皐九翀九苞九寰九棘次即貞菴少倜儻有英氣與人交明快無隱伏其所為文浩博縱橫雖老師宿儒自以為弗如也自後從鄉先生甘養盛遊因益肆力於經書子史甘公每謂所親曰郭氏子其有成乎弘治辛酉貞菴與文卿俱補郡庠弟子員正德庚午則舉順天鄉試然而屢敗南宮人稱屈焉其平居尤好汲引後進如封子類甚衆皆卓有進益嘉靖甲申授太原判府比視政當路諸公莫不嘉之未幾適負告完夙弊日清晉人亦乞服矣至其斷聽獄訟精敏條達

吏胥皆不敢干以私雖老吏莫之及云定襄縣一日失印貞菴至教以求無太急急則投諸水火矣縣官從之未幾輒復獲印御史馬公百愚委以清查平陽府庫復委捕盜苛嵐諸郡縣俱得勵獎為三晉別駕稱首未幾復有事於苛嵐一日山行冒嵐氣成疾思飲澗泉輒飲之已而疾益甚遂至語澁手足痿痺焉乃忽嘆曰何以宦為因乞休已而人有勸其不可者乃辭原任遂授東昌府學教授條規井井生徒雲集出其門者戊子己丑擢科之士凡三人論者以為貞菴恬退自牧有古之遺風而所用未足以展其蘊咸復惜之己丑夏四月擢國子監丞鄉之父老豪傑皆鼓掌曰是公論之大明也貞菴宦業其光乎乃抵里

之三日親黨會晤未幾前疾大作迎醫自治莫效也是年五月二十一日卒於正寢嗚呼其可痛也已矣君生於成化壬寅四月十二日享年四十有八娶王氏郡人司訓世寶之女再娶陶氏東明隱君贊之女子男三九遷則予之坦腹子也次九達聘太學生孫冠世女次九迪聘南康守王公濟女女二長聘太學生馬宗湯之子應奎次在襁褓九遷等卜以是年七月十六日祔葬城東南隅祖塋之次以予眷屬因遂托志銘焉遂述其大槩如此銘曰否其泰嗇其豐吁嗟乎其命不同秘其光深其藏吁嗟乎其德不忘

南野孫公墓志銘

公姓孫氏諱經字引之南野其別號也其先山東鉅野人至敬先處士始徙吾閩曾大父福大父昇俱不仕父釗性仁厚鄉鄰有橫侮者輒閉門不與之校贈承德郎吏部主事公生而美姿容脩髯如畫論談英發五七歲時即能為竒對當時名士多器重之年十有四遊郡庠博通經史下筆滔滔未嘗屬草而聲華日播黌宮間矣弘治戊午池陽李公守開每見必曰此公輔聖也乃辛酉歲公年二十有五遂領鄉薦第十三弟綸方九歲公嘗撫而泣曰吾兄弟不幸早失所天今母氏孀居家業索然苟不奮發以圖進取先君目且不瞑矣於是教以舉子業夜以繼日綸正德丁卯亦領鄉薦鄉人每評人物至公則曰此孝友人

也何可當何可當公事劉氏太安人尤謹嫡母沈孺人所出二兄曰綱曰紀太安人少有怒必跪而請曰寧責吾二人無責吾二兄也由是太安人亦感悟視綱紀益厚正德戊辰年三十有二登呂柟榜二甲進士觀都察院政改戶部主事未幾天官聞其賢復改吏部稽勲主事遂菴楊公每論事必深為許可然性直方剛大不能為委曲軟熟奏績之年遂僉事三晉尋兵備雲中路城王驕橫諸司莫敢誰何公一切裁之以法由是雲中軍民稱慶矣有僧清洞者累年動越禮法公卒得其罪狀而按之比任滿歸父老諸王多餞留城下至日午不能行其後分巡冀寧與監察御史杜公昌會決要囚多所平反正德十年太安人

以疾卒訃至公哀慟踰度既克喪除補陝西叅議蘭州金孫會年荒公為具奏蠲其賦稅邊人賴焉秦都司指揮孫昌田祿搔擾軍士公按而劾之由是軍中有更生之謠矣隴西巡茶御史王公欲改水入城力止之不聽後果溺死者幾三十人由是巡茶亦以公為先見云其作事動合事機大率類此無何陞本省按察副使兵備環慶有聖主深恩渾未報小臣竊祿敢偷閑之句總制中丞李公鉞一日至慶陽見其旗幟號令精采十倍即喟然嘆曰英雄才也巡按御史曹公珪凡稱服之者多與李同先是邠州除一妖女擇配以夫邪說始息商人熊飛輩凡百十有二人以種鹽勘問事誣謗及公未幾事白諸商曰當時孫使

君用我輩糧草今日乃謂若是耶天乎寃哉嘉靖六年春大饑
因出粟以濟貧民不能食者無慮數百人公平生雅好賓客樂
道人善為詩文渾雄俊健有遺稿存於家至其光明磊落見事
風生雖一時豪俊自以為弗若也事嫂屈氏年踰七旬禮尤不
廢其他可以類見云處其生成化丁酉十一月十七日卒於嘉
靖己丑三月二十一日享年五十有三娶侯氏郡處士國之女
賢稱里黨子男二長如筠俊才有大志次如箴亦好學不置女
一出側室王氏孫男某某孫女一許聘中丞李公廷重之孫份
嗚呼以公之才華如是問學如是人品如是從而置之廟堂以
究厥施固亦分內事也而竟以疾不起耶予與公同年且眷屬
也謹撰次如此復為銘之銘曰豐其才足以有聞蓄其德足以
潤身嗚呼是為南野之墓以示其後人

叔祖處士王公璞墓志銘

嗚呼此我叔祖也聞之先人曰公名璞字廷輝兄廷瑞我祖父
祐我曾祖祖浩我曾高祖曾祖彬我始祖也娶李氏無嗣嘗瘞
城中興國寺今改葬城東堤下有二柳焉公嘗業儒為府庠生
美容儀工書畫然多不拘小節卒以無成終焉故老惜之慶既
錄諸譜復立石用示後人嗚呼人之所恃以不朽有不專夫石
者然而盡吾心而已矣銘曰有墓有墓處士在此我田附廓百
畝而止嗚呼叔祖視爾孫子

明故虎山李先生墓志銘

虎山李先生諱麒字世祥別號虎山世居開州之張郭里乃嘉靖壬辰秋八月十七日卒焉既閱月先生高弟吉君萬言乃以狀托予為志銘以傳顧辭官來頗不事文藝然以先生行義之高知愛之素義固不可辭也乃援筆作志以示其後人志曰先生之父能以力善起家不激詭不抑抗朴而不陋儉而不嗇使聞之者洋洋乎勸信哉其有後與母邱氏柔而婉慈而貞清豐元丞相之裔也大父寔曾大父敬皆有隱德為鄉里推重先生娶宗氏繼娶王氏子男二伯樸宗出仲桐王出女四長歸肥城令唐君之子祚次歸寧海守程君之子萬石次歸延長令王君

之子世官次歸訓述紀君之子樾男孫三九功九叙樸出長女歸王圻次歸程燦次懋德桐出長女歸高惟善次聘鍾若蘭曾孫二樵夫漁夫曾孫文三在室先生常痛亡兄之早歿而撫其遺孤甚至又嘗念姪玠未之能立而造育其子又嘗謂兄弟之鮮而敬愛其姊若同時郡人李先生鳳儀高先生汝翼則又相與友善油油然終始未之間也先生生而雅重敦厚幼有大志讀書力行慨然有追逐古人之意性尤不喜浮華重廉讓不輕許諾乃成化丙午舉於鄉弘治丙戌授同知晉之澤州其蒞官猶處家也甲子既免喪再同知東昌之高唐其蒞高唐猶澤也正德庚午以當路剡薦旋擢守高唐焉即其郤魚丘驛張雄之

金以代民租斷舊庫役之獄使稱神君平軍人吳成之訟使其
舅免中毒以死此其政事之尤著者先是中使臨高唐他郡邑
望風奔走恐後而先生不屈辱於趨承乃辛未大盜群起高唐
城陷不能支而先生每以不得死其事為恨高唐人至今談之
不衰然竟以是歸歸之日足跡絕不履州府此則始終之大較
也先生生於景泰癸酉夏四月二十九日據其卒則已八十春
秋於茲矣乃卜是年冬十一月十有六日葬道原之岡嗚呼
先生既以德著復以壽終而其子姓之賢方與未艾古所謂鄉
先生歿而可祀其殆有之矣因復為銘銘曰鍾其仁不乏其派
古之遺愛兮蒞其官不敗其廉古之遺賢兮守其身不失其亢
古之遺諒兮

明故張孺人合葬孫公墓志銘

志曰處士公姓孫氏名某字某其先秦之西安朝邑人六世祖
嘗為大元提領史失其名無傳焉娶梁氏生長卿長卿生禪謀
禪謀生大大生溫溫生綉綉生公皆弗樂進取公兄弟二人長
曰廣仲即公娶同里處之女即孺人云孺人之歸公也德充於
容行踐於言高朗而不傷其柔嚴恪而不害其和君子以為婦
行之要矣比公携貲抵徽陽曰此樂土也因而卜居遂為徽人
焉成化甲辰歲且大凶公因與孺人設饘粥濟之多全活者君
子以為相夫而能推其惠其婦道之大端乎越七年公卒孺人

哭之痛繼而以死自誓垂四十年人無非聞其後有司過廬而嘉其節將表於朝孺人輒命其子止之曰吾不能以死從而父徒以爾之未立故也乃復重吾罪耶不可不可聞者感焉君子以為知謙知守得婦道之正者也尤善撫諸孫以慈愛而子魚在諸孫則鍾愛尤篤先是子魚嘗尹洪洞寔迎孺人於宦邸孺人乃進子魚而教之曰爾惟克備令德以光前人其益敦乃事無累乃志苟能是吾復何恨今子魚每追論之輒復嗚咽不自禁君子謂孺人憂能及公至是尤婦德之不可及云及其疾也家人迎醫子孫環請竟不之聽越再宿卒於正寢實嘉靖十年三月八日也君子以為婦人知命者嗚呼是不可觀孺人矣

乎擬處士生於正統十一年十月初四日卒於弘治庚戌五月十八日享年四十有五孺人生於正統十四年四月十七日得年凡八十有三子一即珂樂善克家娶趙氏女三長蚤世次歸同郡王銘次歸楊武孫男四皆珂出長巨鯤次巨鯨即子魚少以後才聞未幾以春秋登癸未進士先宰洪洞繼守吾開皆有惠政次巨鯉業商次巨鰲克郡庠弟子員女孫四長歸商人石瑛次歸生員袁世經次歸商人傅經次歸生員梁藩曾孫六光祖光前光裕巨鯤出光庭光世光道巨鯨出光祖克郡庠弟子員曾孫女四在室子魚承父命采石黎陽將載歸為柩葬計顧濫托予文冀不朽焉其孝乎親者篤矣何可無銘銘曰貞其德

顯其光振其後伸其良祔其室永其箴

左隱君大器墓志銘

嘉靖甲午春二月十有四日清豐左清甫厥考大器君卒清甫
哀哭而成病乃使厥姪無咎來請銘因遂據狀而為志按君諱
昂其先館陶人世居邑之武強鎮曾祖欽會元末亂離獨守先
業惟謹祖習欽之季子也嘗為府庠弟子員永樂宣德間將卒
業成均而未果識者惜之父鳳勤於理身而果於蹈善鄉黨稱
耆老焉配秦氏君之母也君生而性行質實野居自適不履城
市雖未事詩書然動合矩度能急人之難兄旻鉞弟旻後先業
儒然皆酗酒以逞君性不樂飲每切戒之而諸兄弟則群共笑

以為迂君亦怡然不以介諸懷人以為善處兄弟之間矣君嘗
立祠以祀祖曰朱氏家禮可師也又嘗擇族之長而賢者立會
省墓遂以為例曰呂氏鄉約亦可推也故人以為善用古禮而
不受變於俗云初君之異居也得田僅二百畝有李雲者嘗餽
白金五十將為君廣業君乃毅然辭曰我竭力畊田足以自養
我何以子之金為哉又嘗卻子壻閻梅氏白金三十猶李雲也
人以為善守已而不苟於趨利弘治辛酉邑長陸君崑聞而嘉
之使理霍氏兄弟之訟卒得平允今霍氏子感而誦之固未艾
也正德辛未群盜流劫將官卻某神某相繼出師邑當駐馬之
路縣官苦於應給民皆蔽匿其馬君獨慨然出廐馬數十於軍

前以助不逮曰以是勤王之師不猶愈於盜劫矣乎人又以為處變而能知義由是大器之賢益著矣自後邑令賈某汪某累舉鄉飲皆弗赴乃 今上龍飛以齡年應 詔得授冠帶為壽官居無何痰陡作而歿據其生景泰六年四月二十四日享年八十云配呂氏慈而內助子男二長即淮清甫國子生敦行而明志有遠器仲則江周府典膳女三長歸閩梅次歸魏寵次歸孔輔男孫四無難無屯淮出無咎無違江出女孫曰娟許聘楊氏天麟之子曰韓次歸張嘉會次曰慎言許朱氏次曰謹言在室清甫以是年三月三日葬君於祖兆且以未及祿養為恨清甫可謂孝矣銘曰畊爾田不失爾廩蔽爾德不折爾年昌爾後

不朽爾賢

柳西馬君墓志銘

馬君成度卒之二年將卜葬厥壻張子訐以其內子鄧孺人之命為狀托予志銘以傳君郡人也名宗轅字成度家郡郭之西世種柳因號柳西曾祖玉祖秉皆未仕秉生騰字致遠是為君父號萬柳庄主人嘗丞登州之萊陽民稱惠政君行六幼聰慧遠長柳庄翁謂可以儒階身昌厥世乃令就鄉校從里師尋補郡庠弟子負然屢敗場屋未幾以 恩例入太學奉母谷孺人孀居年八十時入膝下煦煦乎猶襁抱也兄弟怡怡惟君以季弟見敬憚故鄉人謂君朴而不華質而不俚溫而不亢得其性

行之大畧矣君平生善與人交每親舊宴飲雅歌投壺喜動眉
宇酒未及酣往往出肺肝語故人亦傾心愛服尤樂稱人善未
嘗輕信流言以易其志故人亦始終思之此又君之心行不可
泯者也君嘗遭田土構訟雖諸伯兄群子姪竟未嘗失和好比
其卧病其兄四老往省乃相與抱頸而哭見者動容此又君之
愛友出於天而不可奪者也君賙貧不吝聞人患難如恐弗及
嘗有范文正公之志以敦三族而竟未之遂也豈亦命耶君生
於成化五年十月二十九日卒於嘉靖十一年七月二十四日
得年僅六十有四娶鄧氏家政井井克稱內助子男一永弼柔
恭嗜學先六年卒女六長歸張推府之子岍廩膳生次歸王縣
令之子世祿次歸王副郎之子世正次歸渭南令劉司直之子
愚次歸張司訓鵬之子一誠次歸庠生王詒男孫一出宛有祖
父風卜以是年三月二十九日葬君祖塋附以銘銘曰誰謂成
度已死夫其良心孔彰是謂不亡誰謂成度未仕夫其良貴未
伐是為已達

明延安府通判張君墓志銘

據鄉進士孫元龍狀君開人也姓張氏諱誥字汝欽慎齋其號
云曾大父忠國初以茂才聞歷官少司馬於南部大父貴父佐
少有氣槩早失怙能自樹立以弘先業 憲廟時歲大荒以發
粟活衆例與冠帶君子以為不私其有云 武廟辛未以子貴

始贈文林郎兵馬副指揮此則君之家世之大較也君生而豐貌長軀雙眸甚細坦易質實與物無競髫年鄉先生廉訪程公鑑見而噐之詢其姓氏扣其蘊畜乃鼓掌而喜曰是名家物也因遂以女歸焉及長以周易補郡庠弟子員識者讀其文字謂其辭不詭於理且類其人未幾以例入國學恂恂焉初未嘗有矜大色而同時與遊之士亦以為名家子云方君之處諸弟也友愛甚至夔析之日財物未嘗幾微見顏色諸弟自以為兄弟之好郡中所未有也正德庚午入選銓部天官以為西城兵馬副指揮時逆瑾雖誅宦寺猶熾每以事囑而君乃從容應酬動中幾會不可其請而亦不忤其意至是君子又以為君之善處

云先是御史孫君樂之巡西城也每見所交曰不以卑官而自沮不以強禦而奪職西城張兵馬也其見重當道有如此在職凡八年司勳上其年勞君封授如前職內人程氏得封孺人尋陞陝西之延安判理糧芻於神木神木今秦之邊境邑也烽火日警戍客諸兵餽餉無恒人皆以為未易區處調度而君一以常規操縱其間各有攸當由是邊兵無告乏焉巡撫中丞姚公謨聞其賢仍移文獎之為撫屬最焉君嘗署縣事會孔廟屋壞莫有脩者且土俗酷尚師巫甚而入瀆孔庭猶夫淫祠君一日見而惻然遂命捕其巫而正之以法尋命工葺其廟貌如故閱月而工告完神木人士至於今談之不衰惟時巡按御史喻君

茂堅謀及中丞姚公某將同薦於上而君以疾歸矣實嘉靖之改元也君既歸杜門自愛足跡未嘗一及公府每呼諸郎而戒曰吾少有志當世而不克恢弘其業以繼美烈祖命也汝曹勗哉汝曹念哉日以唐詩諸史自娛然性不喜飲至優賓則陪語鎮日無惰容申申如也乙未冬遘疾卧榻上親朋往問者殆無虛日君雖疾中猶歷能談往事洒洒可聽蓋其知命自適不顧乎外類如此乃是歲冬十一月二十有一日卒矣卒之日鄉之老少無間遠近多哀之君生於成化乙酉十一月初六日據其卒蓋享年七十有一云子男四鳴鶴鳴鸞鳴鳳鳴鳩鶴鳩俱州庠生有大志鸞鳳善克家女三長歸梁舉男天祐其二殤歿

孫男七心學心印心正心德心師心安心法女孫十二鶴女五長歸生員王重芳次歸劉應旃男某次歸王君慎男某鸞女二一歸王克一男方凝鳳女四長聘李誼男某次聘梁宗祿男某次聘馬尚友男某鳩女一聘監生孫仲龍男大鵬餘在室鳴鶴率其弟將以是年丙申冬十月某日葬君城南西岡祖塋之次乃使其弟鳩來乞志銘因念君先大夫之故人也其世講焉既序其事如志復為銘之銘曰屯其膏兮未光究其用兮小康紹其祖兮用彰豐其後兮無疆歸其室兮永藏問其名兮常芳

勅封戶部主事樂菴劉公墓志銘

公姓劉氏諱遷字從善樂菴其號也世為元城解家里人曾祖

節祖有源俱不仕父增娶常氏實生公兄英為驛丞庶母二李氏生子三曰忠恕環石氏生子四曰淵邑庠生曰澶溥湧義官兄弟凡九公實行四娶河東里耆民張理女為室公貌偉而氣剛才達而質直雖未肆力於儒而識見道理甚早母常氏有綠衣之變輒流涕以諫為得罪於父遂令別居為授田百畝此外一毫無所與公處之畧其怨諸兄弟以為難自是服勤農事兼事商賈父之生業漸裕父由是始若憐其賢而悔其逐之過也公益自慎竭力以孝比及父母歿毀哀咸過禮宗族稱孝焉公年垂四十尚未子因數年飄乎無意人間事矣逮既生今主事貴卿君公始翻然滌慮為永圖云是故其居家則以勤儉其處

鄉則以和謙至若寬以容犯義以濟貧正以息爭平以及闕則又邑人之所素仰而服也公好馳馬有良馬死輒令童僕埋之曰吾不忍乘其生而食其肉也至是人又謂其德之及物可與仲尼埋畜狗同科云貴卿甫七歲公即為延師於家塾以教為之正其句讀習其揖讓進退曰敦蒙也比及十二則又令之小灘鎮從師講業曰振而進也未幾又令從府庠張君溱遊曰學無常師以從善也乃 孝廟十四年始入邑庠為弟子員公由此遂亦見知於邑令舉鄉飲大賓 武廟丙子貴卿中鄉試親朋踵而賀者無虛日公笑曰吾嘗憂無子也乃今日有子至是耶嘉靖二年有農婦與隣婦毆隣婦投井死農婦將自縊以解

其慘因置其幼子於地大哭公聞而往救之遂以粟百斗給隣人死者葬而更娶事乃寢此又公活人之德而鄉所稔知者也已丑貴卿登進士試民曹政乃迎公夫婦於京邸無何張孺人以疾終是歲夏四月二十六日也享年八十有二公哭之哀貴卿免喪後公復速之北上已而且拜主事於本部明年癸巳有清泉之委則又迎公於宦邸會恩封授職如子官母追贈安人一日盛宴公喜謂貴卿曰汝讀書我未也乃亦為是官耶又明年甲午送公歸有太倉之命凡五月而公訃至矣據其生景泰三年九月十一日其卒嘉靖十三年十一月初五日也享年八十有三君子以公夫婦俱登壽考為吾有徵矣子男二長瑜

主事即貴卿敦篤而孝鄉評重之娶傅氏封安人次璣府庠廩膳生以好學聞娶白氏女四長歸邑人李輅次歸王璽次歸館陶溫良次歸庠生趙光繼孫男七楚華國子生娶董氏楚巖娶蘇氏楚龍邑庠生早歿楚鵬楚澤楚芳俱幼音瑜出口耀德為國子生娶董氏璣出也女孫七出於瑜者一歸國子生曹浴出於璣者六長歸郝嶠次歸李景明次歸王楫次歸董用威餘在室曾孫男三汝建楚華出汝鵬得祿楚巖出曾孫女二耀德出也貴卿將以是年丙申冬十二月三日合葬公及安人於府城北齊固村西南祖塋之次乃命其子楚華來乞志銘既述其行又從而銘之銘曰誰謂爾無子郎稱鳳毛誰謂爾無弟遇官封地

曹爾名永考奕世不磨爾族昌兮千百其多

明國子生盧君敬軒墓志銘

君諱鎰字畏之號敬軒其先晉之潞城人也始祖萬有隱德高祖士原國初由晉徙東明今遂為東明人云當士原之起家也會大河為患生理鮮少於是力農克儉家漸用康曾祖榮又從而克繼其後至是附籍開州為編戶長未幾分里旋復歸東明焉君之考旺字時興及其內人夏氏相與勤苦至躬操井臼日盛一日人以為君父不失教子君母不失相夫蓋其素重興評如此時興正德甲戌秋八月卒享年八十又六夏孺人先公卒享年則七十又三也君生而質朴不事矯飾幼讀書領畧大旨

務信義每開心見志行無隱僻親友朋舊之間油油然至忘爾我里黨至今稱之成化間以恩例入國學然竟不急於仕人又以為安常守素無慕外取榮之意蓋庶幾古之逸人云先娶薛氏鄉貢士原吉之女再娶劉氏賢而婉蓋名族女也子男四伯子清幼喪明娶某氏先君卒仲子淞娶李氏曹縣大尹某女叔子沼娶谷氏吾開谷少尹禹民女季子滂方從事業儒聘予小弱息云女三長采繁歸曹州廷尉王公子監生一麟次采蘋歸邑人蕭上舍子大淵次采藻歸懷慶衛舍餘繆氏子從仁男孫二曰桂曰根俱未娶清出也女孫一含粹淞出也君生於成化元年九月初十日其卒則嘉靖十八年四月初十日也享年

凡七十又五云君之仲子淞以狀來乞志銘因復銘之銘曰惟君業素養高草堂白雲流水其樂洋洋日月幾何忽復奄棄君抱隱德庶幾信義天錫子姓如鳳如麟年當垂老見知縉紳歸爾佳城何千萬載俾爾來人無斁無改

明太原令月泉劉君墓志銘

君諱玳字文伯別號月泉世為開州人曾祖矩登永樂辛丑進士及第拜翰林脩撰博古而雅有長者風開先進之最著者矩生鈍字宗魯丞興化有德政鈍生淇字天潢遊郡庠有才俊聲配棗林王氏是生月泉者也月泉幼而慧敏從鄉大夫王東谷遊綽有辭藻然讀其文探其蘊鮮不嘆而服者後文宗浚川王

公校士至開以為畿內不可多得蓋月泉之名自是出矣乃正德己卯領鄉薦第三十九識者因以浚川為知人又以月泉為不負所知云是可以觀家學之淵源矣顧屢挫南宮遂以母老就太原令比過里謁墓感今思昔至流涕泫然曰惜不令吾父見也因迎母氏至宦邸養焉曰吾聊以慰吾私也是時太原邑政久墜民且頑醫藥訟鬪月泉至而撫之治之一以平易慈祥為主而間或濟之以刑董之以威曰吾不忍其習於頑而安於陋也未幾政教興而當路有聞於是分守蔣公移文委之清查朔代諸郡錢穀無不快人意者由是獎檄屢望於道矣月泉心慎而不狃於術學篤而不惑於異志剛而不怵於勢竟以巨室

搆毀敗官以歸識者又未嘗不惜其才之未盡展也歸之日方思結廬林壑訂盟詩酒肆力農畊以終乎其身未幾疾作而卒實巳亥冬十月十八日也悲夫月泉生於弘治癸丑五月二十七日享年僅四十有八娶甘氏貢氏養盛之女子男四長第郡庠生有父風娶王方伯孫女次策娶常上舍世瞻女次籍聘上舍辛養德女次簡聘鄉進士孫元龍女也女二一歸陳大尹萬言子無可一歸楚府典寶馬以禮子化龍孫男三維藩維屏第出維垣策出也月泉之長子第將以是年冬十月十有二日葬君於得勝東岡祖塋之次乃踵予米乞志銘予眷屬也夫復何辭遂銘之銘曰卓哉月泉飛聲少年矯矯振俗家學重宣視象

花縣惠慈且庶民方樂土士方仰旃云胡構誣乃遂歸田譽有不虞毀有求全古今之常又何恠焉我銘爾心我知爾賢爾垂爾後何啻百年過者知名如一日然

明故陝西叅政平丘侯公墓志銘

公諱秩字季常平丘其別號也其先河南項城人洪武初高祖仲禮徙長垣今遂為長垣人云公別業在柳村或又有稱柳村者祖仲禮生三三生俊俊生宣宣娶唐氏生隆繼娶張氏生子男二伯曰福早卒仲即公也公生而慧敏沉重性孝友寡言笑方垂髻時封侍御公口授以詩即成誦了大義封侍御早世事母以孝聞事兄隆曲盡友愛隆嘗遘疾公求醫問卜殆無虛日

撫其猶子嶼峻諸昆弟無異已出至誨教無倦色由是嶼峻
皆遊太學而嵒岷亦補邑庠弟子員俱有聲稱公初受學於鄉
進士王君恭肆力百氏操筆為文動中矩度久之論如懸河沛
乎莫之能禦矣恭大加賞嘆以為吾不能為若師也始學詩既
而學禮終學周易年十七遊邑庠二十八領鄉薦三十二登進
士蓋是年實丁丑云未幾尹晉之曲沃曲沃民俗悍而多訟公
申之以禮教董之以刑威不三月而風俗改觀矣會中貴於某
者是時方肆侵漁無忌公獨抗之以正由是邑眾獨免於擾尤
勤於省畊課士節財賑窮闢邪崇正旌節義鋤強暴闡幽隱閭
疾苦凡三年轉官去民多泣而留之既而民思之為立生祠以

奉有宗伯李公浩記公既拜御史甫旬日即論司馬王公瓊違
法侵奪御史權朝野莫不憚其風采某年丁內艱公哭盡哀三
年不廢禮是時國方有大禮之議臺諫多以語侵輔臣去者及
免喪再起為御史即又上疏論桂張二輔臣賴 聖朝矜其直
特賜原宥既而並劾輔臣楊公一清及禮官席公書招權納賄
私交黨惡數事家人莫不危且懼而公自如也後卒以忤旨謫
蜀之富順丞公素位無怨言且以汲引後進為已志一時出其
門下者多名士有如熊過有如唐耀如萬邦憲李汝忠熊應周
皆相繼為郎曹內翰焉及轉秦之蒲城尹撫而治之猶曲沃也
居蒲三月遂同知長沙未之任而揚州之命下矣會歲凶且路

當要劇公一切以省費求蘇民因為主毀淫祠斷疑獄是時蝗
不入境既去任民思之猶蒲城也有太僕盛公儀去思碑既而
自揚州轉秦之臬司副使兵備肅州肅州邊境公教之且畊且
戰有遊擊嚴愷者嘗貪虐殺無罪軍士公劾之用雪其冤由
是軍中歡聲雷動後卒以恩威鼓舞士心捷報虜人 上聞有
金幣之賜尋轉本省藩司叅政忽有尊鱸之思乃一疏辭疾以
歸日惟畊讀自娛與親朋宴集初未嘗事矯飾表正鄉閭人多
化之尤善處橫逆而不與之校亦吾鄰境所共稔聞之者娶陳
氏贈孺人生女一歸太學生楊希津繼娶馬氏封孺人生女一
歸苑馬卿趙公祐子萬再娶賈氏生子男三長崢次萊次基尚

在襁抱俱未聘室公生於成化二十三年夏四月初九日其卒
嘉靖十九年二月十八日也得年僅五十有五云訃聞無近遠
幼老莫不痛悼揚州之民至有越疆而來吊哭者且以金帛奠
公之孺人賈氏皆却之且曰未亡人以幼兒故弗能死然先公
之廉弗敢忘也此物奚宜至於斯是時邑令杜君緯嘗至曲沃
見公生祠而賢之比聞賈孺人之賢又嘆公之教行於家也因
即請於當路將薦公入鄉賢祠以廣風教嗟乎頽風澆俗之餘
而公之夫婦其不可泯有如此雖以節義成雙追美古人可也
公之猶子捷以狀來乞志銘將以是年十一月初二日葬公於
城西之新塋遂志而銘之銘曰有美君子曰號平丘德崇而謙

行敏而周捷聯科第名繼前脩化孚郡邑威震虜酋霜臺封事
直氣橫秋甫登藩伯輒復乞休表裏洞澈詩酒忘憂敦爾族黨
誰復怨尤卓爾內室誰復匹逯廣爾後昆足振箕裘銘以昭志
河漢長流

明旌德丞蕭公墓志銘

公物故之明年是為嘉靖辛丑是年冬十月庚午公之子枋將
葬公祖塋之次乃請狀於其舅氏鄉進士馮子延齡復濫托予
為志銘以傳按公名吉字順之號龍溪世為開之新惠里人也
曾祖德明賢隱於農家用饒裕祖敬仕楚之高橋巡檢父誠坦
夷儉朴為鄉飲大賓未幾以壽膺冠服既歿尋以仲子漢年勞

贈蘭州判官母朱氏贈太孺人公生而敦厚知德向學節用好
賢幼時大為高橋公所器重造就外傳嘗從鄉先生劉字民遊
成化甲辰祖命接例輸粟山右充國子生卒業歸省婦翁馮少
令於山東滋陽馮公愛其明辯携以自輔居三年然後歸所得
贖儀諸物用以治生故業日進而家賴益饒正德間弟漢亦以
公賢得遊太學一時以友愛稱於里黨庚午歲入選得授南畿
旌德丞是邑民健於訟俗梗於頑頗稱難治公蒞任凡佐三尹
奉職惟謹加之誠心自牧謙已無傲延及邑之士民久之翕然
稱其賢懷其惠矣故事邑之均徭更數歲始一審編積弊之久
人人知之人人莫之能革也公當其期率邑之里書故老矢於

邑廟糾察防範曲盡心力不三月而版籍告成山壠水田高下咸當其可由是下而小民上而撫巡靡不感悅之者遂以考績進迪功而脩職矣將轉官以封君恙作遂浩然有歸志民吏多懇留者乃再三請於當路而後允有年力精強方堪委用引疾求退志亦可嘉之語遂致仕歸歸之日封君疾少差公捧觴彩舞日與兄弟親朋徜徉林壑間及季弟漢判蘭州行復以公廉二字勸以急流勇退四字規焉故其兄弟始終皆獲完美以還則公之實行大畧可觀已矣公弟慶早卒遺孫鶴璞有子植俱庠生公篤念同胞各與三百金植因得援例入胄監鶴與昂亦均沾其一視之愛各立田業漢以疾先公卒公且延親識友生

儀典造冠服焚黃壠上土類莫不榮其事而嘆其用心之惻惻也庚子忽構疾百藥莫效公曰生死命也何以醫迎為哉未幾卒於正寢實是年十一月二十六日也公生於天順甲申某月某日享年七十有七娶馮氏有賢聲人稱內助滋陽少令馮公女鄉進士松菴姊也子男三尚仁尚義俱早歿枋蓋晚得之者為承業娶延昌令王朝章女女一歸監生張甫男錫極男孫二曰蔚聘士人陳以正女曰芬聘庠生張岐女女一尚幼女孫二長務庠生張大化男某一尚幼枋卜日葬公於焦二寨遂據其履歷顛末聊復志之如右因憶往年嘗為高橋公墓表乃今復為公作墓銘耶存沒之悲今昔之感蓋有激吾衷而莫能已

者乃復銘之銘曰吁嗟龍溪嘗承旌德歲月未幾乃忽永訣公
有遺愛山高水長公有後昆蘭秀桂芳喬齡茂實抑又何悲盈
虛消長宜順爾歸

明中憲大夫鄖陽府知府梅軒馬公配孺人郭氏合葬墓
志銘

王子辭卿之十二年是為壬寅乃夏五之乙酉鄉秀南樂石子
汝礪持其友晉人馬子巒狀乞志銘既嘉石子之篤友而又
喜馬子之不朽其親也遂據狀而為志志曰公諱騃字世用號
曰梅軒曾大父弘毅大父彬私謚曰卓行居士父忱字恂如別
號曰東山母杜氏平陸望族封而人宋元時家許州之長葛縣

至正兵亂高祖德以儒生携家避地中條山今遂為解州夏縣
人云德祖自卜塋域謂所親曰吾子孫當有以文學名世者卓
行府君夙稱好義嘗出粟貸饑不責息度無以償并取其券焚
之蓋正統時也自宋劉永一之後一人而已乃淮安守劉忠愍
公之孫祥嘗聞而高之因著義士傳嘉焉故老至今能道之東
山翁學有端緒以尚書薦進士於鄉比南宮曉揭在乙榜會母
老因就祿養署教富平學正再歷清澗東平皆循循善誘後判
武定州事卒膺爵命為工科給事中從子貴也東海公仲子都
諫張公弘嘗志其墓妣杜夫人通孝經女史諸書樂施予故老
以為有采蘋之遺風焉梅軒公之生也氣宇魁梧眉目踈朗如

畫幼穎悟與常兒異篤信好學出於天性父母懼其勞之過也
間或止之則箴燈於器以俟親寐復讀誦如初故其所業輒終
身弗忘云方東山翁之歷三學也每誨諸生悉如族子弟或以
他故出即令梅軒公攝講是時公年纔十有二衆以其年少易
之公即正色作曰文中子白首北面古之人一字稱師諸君未
之聞耶由是衆皆歛容謝過年二十一以儒士領鄉薦時成化
丙午也明年冬始娶孺人郭氏卒業太學從莆田黃公瀾華亭
錢公福受學焉咸器重之立文會以友天下士嶺南若丘廷望
太原若陳邦器新鄭若楊一仁皆一時之偉而傑者於是莫不
翕翕然聚而樂也公之所造益弘深矣弘治丙辰登進士第初

授行人奉使周邸階脩職郎未幾選工科給事中馬端肅公見
其文驚曰董賈未之或先也尋轉左給事公既為諫官儀觀日
整進退悉中禮度 孝宗皇帝默眷愛之視他諫官為異旋復
奉 勅清屯田於蜀事峻因取道歸掃會迎遺詔哀臨乃即家
庭設几筵北向長號聞者感動公在官言事多不蓄諫草公之
仲子巒間得其遺稿讀之如論李廣之黨宜窮治外戚之權宜
禁戢諫官吳舜之狂直宜包容皆時政之要而切者也 武宗
皇帝即位有白金文綺之賜以績進徵仕郎推封二親及公之
孺人旋擢刑科都給事中正德戊辰廷試會掌試卷時宰臣某
與逆瑾結納勢焰方熾衆觀望意指欲以其子魁天下獨憚公

抗直莫敢與議公得涇野呂公卷倡言宜首選西涯閣老方猶
豫已而涇野竟首選如公言蓋公之補外亦自此始云是時逆
瑾用事而公以職當盡言侃侃不少屈瑾亦多勉從之有附瑾
新入為給舍者同官被逮假瑾納賂焉對賓僚誇且有矜色公
義形於色至鄙之以無耻客皆縮頭吐舌自以為莫之敢也蓋
卒至粟罰數百而免於竒禍之中亦鬼神默相之與先是逆綵
拜瑾為義父驟入銓衡公自蜀還會綵父宿同驛館不與交一
語綵聞之以為慢已會時宰夙憾公遂乘之搆毀出公淮安府
推官公既視事恠獄吏日報囚病時方大疫乃躬造閹獄間踈
放流徒以下幾數百人大碎甲救而獲生者二人焉揚州有某

者以所假姻家金首飾噐令家童送還途觀優戲忘而失去匿
入淮淮人不知也留為傭一日遇故主詰其由詒謂淮人迷以
藥攘其金執之使不得還遂訟於官治淮民罪宜死公大以為
疑曰楊淮地只尺既取金乃復留傭其人殆不近情因取成案
所具藥俾獄盜服之殊不驗蓋淮民被拷而誣服藥冀寬刑責
云爾因咨於當路竟釋焉他如鹽城張生忠元夕遇豪家婦於
隘巷家僮爭道毆辱生群生不能平明日相率詣豪家褫婦衣
報之豪家富且健訟生遂黜公知非生罪且廉其貧出金為生
贖罪又一日有蕭尹者被誣逮公亦遂白其誣尹後官至中丞
公保全之力也其他平反多類此然公方且退遜以為職分宜

然則亦豈人所易及哉公嘗荆杖示罰而民自服施藥惠民而病多痊行部不盛張騎從而老弱歡迎觀者如堵郡守華公璉適並出見之因嘆公以為平易近民不可及也後改官過淮百姓聞而出迎者相望於道郡有何烈女申進妻徐氏皆懼辱身不從淫暴以死公至為表其墓而立祠且撰雙烈記以愧士夫之失節者文宗黃公如金以清新老健稱之然其文未足以盡其蘊識者恨之先是流賊逼境公規畫嚴密賊知淮口不可渡竟遁去時陶恭介公疏薦公於朝有操履端方才識通敏之語至委公儲備軍粟旬日得金凡四千有奇士民告保留公者無慮萬餘人於是鎮遠侯顧公士隆巡按御史劉公文莊皆相繼

以薦則公之人品政事可概想矣瑾黨既誅海內以公當恢復舊物宜殊擢顧持衡者無知人之公僅轉同知松江而已公既視家松多富室由是畏公之廉而欲不得肆數年逋稅一朝完矣都御史王公偵遂又力薦之會丁外艱歸中途得邸報有擢守饒州之命公既歸哀不廢禮服闋再補守鄖陽其聲稱猶夫淮也鄖陽在萬山中路多隘公因過而默筭計之及蒞政量罪人情法可贖者俾脩鑿之至不爽尺寸由是遂成坦途有罪人陳文臯者忿鄖民負楮貨詬詈取償民母觸柱而死誣文臯重獄公察之甚悉文臯卒免焉他若創浮橋葺廢坊育賢養老振學課農敦風正俗屠奸剪弊鄖陽之人無近遠皆忻忻然以為

創覩也是時楊公邃菴知公久歷外郡勞績為最方擬大用會
免歸弗果蘇有顯官者公嘗以法及其姻黨公由是遂歸先是
有說公宜少貶從俗者公正色曰窮通顯晦命也君子如命何
公平生以直道忤權貴用是仕路蹉跎弗甚利然天下公論亦
以是重公如中丞東磐張公禮則稱公為正氣侍郎樾岡胡公
錠則羨公為真男子則公之所伸者亦多矣區區官爵利達安
足言哉乃嘉靖九年夏六月二十二日卒於正寢處其生成化
二年春三月之六日得年六十有五十三年冬十月二十七日
葬邑之城南辛庄里鳳翥阡祖塋之次郭孺人生於成化二年
秋九月十五日其卒則嘉靖元年冬十二月十五日也享年五

十又七次年夏四月二日始啓其壙與梅軒而合葬焉故老以
為葬而合柩周制也公性孝友事父母先意承顏曲盡其道事
兄來鶴敬愛有加兄罹讐陷為極力伸救至罄奩金弗恤焉先
世器用盡推諸姪其交友更重信義在太學有楊俊貧而卒旅
公捐金助以歸葬於濟南公嘗與其兄主燕醫張圮氏館圮卒
而無子公復為買地以葬仍居授其媪後在松邱背疽幾危一
夕夢圮來視疾明日尋愈人以為圮之冥報云平涼倅吳君綱
罷歸飄泊江湖公賙之弗厭廣西僉憲沙君立逆瑾索利羈於
家貧困失措公過徐州見之愴然動容援以如淮倒囊資焉嘗
使蜀館稱多恠人莫敢入公徑入而居之因夜坐觀書忽壁上

如人持挺而擊者三公觀書如故不為動居父憂廬中聲不扣
自鳴燈下見馘影如斗公亦處之如常崇弗能干自松歸渡江
會大風陡作舟師震懼無人色公從容仰天祝曰吾平生或欺
君嘗民舟當沉否則風亦當息俄而風恬浪妥湏臾數百里矣
治經學以平易切實加之體認力行遊其門者多為名士鴈門
吳憲副嘉聰尤公門人之卓越者也其詩文一以情性自得為
貴初得王文憲集恍焉如默會者及聞東山翁與客談韓文退
即了大義故公為文章雖出入古今莫可涯涘然命辭立意則
本之二家居多所著有梅軒集六卷手簡一卷藏於家孺人郭
氏亦夏縣中議大夫南康知府璫之女莊琬賢慧年十二好張

宜人疾每夕泣拜北辰以禱蔬素者三載雖為父母鍾愛而不
私藏一錢事舅姑極備孝養相梅軒公以正公嘗言與孺人處
三十六年無戲謔忿厲之語可以為難矣仲子巒幼授書於公
退而孺人默授不遺一字於論史事亦然卒之日鄉人共悼惜
之子男二伯曰邕早卒仲即巒俱縣學生男孫一曰珂巒早慷
慨有奇氣識者偉之肆力於六籍百氏多所著述博而知要信
而好古慕鄉先達文正司馬公之風奮然有尚友之志昌黎所
謂稱其家兒梅軒公真有子矣繼之銘銘曰大哉馬公忠且孝
友卓然凌群生也不偶既登司諫足稱匡糾既忤權奸足彰學
守相彼君子契則韓柳相彼小人視則卯酉大哉馬公豪傑稱

首澤流江淮名齊山斗道行治朝氣吞凶醜浮雲管輅誰曰為
有鐵石肝腸誰曰為朽大哉馬公足繼迂叟死而不忘天長地
久

明故樂素居士吉公配安人張氏合葬墓志銘

吾聞吉君陳及其弟陽皆以秦中刺史奔母喪而歸將以今年
癸卯夏四月乙酉合葬厥考居士翁於祖塋之次因濫以志銘
托豈不以慶忝交遊知君家世之美且素故耶遂據狀而志焉
按居士諱倫字天叙姓吉氏樂素其別號也世居開州之榆林
至高祖諱惟善冲和而靜莊敏而博蓋龍德而隱者今從祀鄉
賢祠君子以為士林師表云安人則同里張興之女慈而慧柔

而恪沉而寡言幼即與諸姊妹異興鍾愛特甚必欲得佳婿
日望見居士喜動顏色遂默注意焉公鮮兄弟父考某及妣孺
人每相自計曰兒郎孤立然視其才必大吾門者也盍求婦之
可與齊者既而聞興意乃又自慶曰殆天所以諧人願乎由是
遂真薦以歸時僕婢尚未多畜諸幼且在襁褓姑因進安人而
前曰晨殮無備如何安人方夜舂罷即面以已辦對姑因訝曰
二三小兒汝啜卧尚不暇矧無左右以代何以能此由是黽勉
有無無間朝夕蓋翁姑匪徒不之勞累甚且莫使之知聞矣安
人之賢且敏實自此著焉及祖翁不祿祖母日就衰安人孝養
備至每度置時物之佳者以供凡諸姊妹則厚為餽遺先意以

逆其志其事舅姑而竭婦職有如此者是時家尚未裕安人則盡出簪珥以應公調度日孜孜焉思所以振大其業未幾數年地且增至千二百畝積粟無慮六千石餘遂傑然為郡東巨室云居士性好施予尤矜恤幼老孤弱之貧而困者安人則敬承而曲全之族姪有曰崑曰魏及甥曰王宗者率未數齡莫之能自贍立居士皆携之家養焉安人又且維持而助其不逮既長則各為娶婦遣歸其相夫行義而敦族有如此者居士嘗謂安人曰吾家自處士翁沒書香寥寥未有繼者所幸今有五郎發前人而啓後昆意者其在茲乎友良質純可治農曰陳曰隆頭角弗凡可教也遂令二子從樂安司訓于廷器遊陳字萬言生

而清潤如冰玉幼有聰穎至性勤學好問能文章尋補郡庠廩膳生隆善書因棄儒去為郡掾會居士公疾安人供湯藥竟夕不少懈公因語安人曰吾少孤寒自汝之歸吾家兒曹森立產業增倍匪汝勞動何以至此吾病度不可起兒曹他日之榮貴老夫不及見之矣語竟而沒安人即長號仆地痛不欲生久之語諸郎曰未亡人失所天生復何為所以隱忍而弗死以有兒曹在也諸郎皆感泣不能仰視已而汝淡應曰敢不奮發安人遂率友良專力農事不欲妨萬言舉業季曰陽字萬春幼未知進取萬言遂激而進之未幾入府庠為弟子員日漸有聲當是時萬言與隆內眷州居者率數口萬春携眷而之府庠視州居

亦不少減凡所以給用度於晨昏者皆取辦於安人其教子隨才而施克盡母道有如此者萬言嘗見知於大名前守柳泉馬公至以魁解之才標榜於髦俊先巡按御史張公臨大名閱萬春文驚且喜問所以從學者因以兄萬言對御史笑曰吾固知學之有自也丙子萬春果舉順天鄉試至己卯歲則萬言亦舉鄉試十一蓋璧經之魁亞也鄉人榮而稱之遂呼為大吉小吉云是可以觀安人義方之效矣然二子屢困春闈安人則又每速之出仕曰爾父不及見爾今日已足恨矣爾不蚤出吾又何以見爾視篆耶言之且揮淚由是萬春遂就銓部除知陝之秦州萬春嘗欲迎養以秦山迢遞不果然亦從安人之命也萬言

則侍安人於里者又三年復試南宮又弗利由是決意弗出為同志者勸亦就選初冀得近地以便養已而授陝之河州視秦又加遠矣由是萬言身雖在秦每食未嘗不在榆林然而安人先此皆教之以急從王事無以老身為念其知國家內外大體而卒成忠孝之訓又如此者庚子秋萬言之子澄亦中順天鄉試安人雖思二子從官於外而得孫在側且捷報臨門則又喜倍於昔其教澤之流及於孫使遠近稱吉氏之盛又如此者辛丑萬春轉二府臨洮壬寅萬言轉鄭府長史為王所禮深以近梓里為慰而安人之訃至矣悲夫居士公生於某年某月某日卒於某年某月某日享年若干安人生於景泰六年六月十二

日卒於嘉靖二十一年十月初七日享年八十有八子男五長友良娶翟友女次即陳長文娶劉浩女次隆娶郭桂女次即陽臨洮府同知娶李儉女後安人一月卒陽與兄秦地皆有惠政士民思之迄於今不衰次陟娶濮州劉憲女女三長歸同里賈巖次歸十八郎里薛輓俱卒次歸張溫里李思聰孫男十二曰肅曰慎友良出也曰澄庚子舉人陳之長嗣雅有父風蓋氣凌雲而才華國者也曰薦府庠生曰芳曰芬隆出也曰須曰湛陽出也曰沾曰洽曰冲曰基陟出也女孫十五陳所出者五長歸國子生張錫保子潛次歸引禮官胡瑞子國子生應召次歸國子生徐遷子宋早卒次聘江西叅政王世爵子州庠生三吾次

聘鄉進士吳汝礪子橋俱殤隆所出三長歸大韓里李汝實次歸十八郎里庠生楊存仁子如松次歸柴如桐陽所出者五長聘國子生馬永年子州庠生若無次歸延津尹陳治策子行可次聘丘縣尹許伸子某次聘庠生郭崧子忭次聘清豐縣國子生王相子某陟所出者二長歸南孟里劉一蘭次聘劉湛子某曾孫八曰存留曰存在曰存安薦妻某氏出也曰大同曰僉同澄妻張氏出也慎出者二湏出者一俱幼曾孫女九薦二澄一慎二芳二芬則一也萬言及其弟萬春將以安人如卜而啓居士公之墓合葬焉禮從周也遂又銘之銘曰嗟嗟安人早歸名家相夫惟良教子孔嘉福萃有年慶衍無涯嗟嗟安人號稱慈

身志錄 二八 婦溪先生集卷之五 三十一
孝既多後昆且徵善報望彼郡東佳城實茂嗟嗟安人賢乎里
鄉柔足範內貞足流香夜臺雖寂 封誥未量嗟嗟安人歿亦
可寧共姜孟母永垂令名誰曰後世而乏女英嗟嗟安人行且
弗磨霜清蕙帳哀動林柯觀風者史視此銘歌

上蔡陳孝女壙銘

孝女者名九小字閨一郡大夫陳侯歷田之長女也侯行年四
十有五而未有子閨一生而秀朗性復明慧不妄言笑宗族稱
孝舊矣五六歲即能從事孝經烈女傳諸書講而解之了知大
旨若乃剪綵刺繡其緒餘耳侯因教之學書法楷且端而弗媚
侯自以為鍾愛之篤不減子男云十二歲嘗從侯出守廣德會

母氏構疾乃躬嘗湯藥慮恐傷其母而又謂非此莫之去疾也
至憂形言動者累夕未幾母小瘥始忻忻然有喜色焉癸卯春
侯再來守開母疾復作問侍膝側如初然以更歷暑月冒感熱
瘴因傾而卧者踰旬日侯未始知也乃秋八月侯再迎醫治其
母女愈益驚惕至泣守榻前未之須臾離也是月九日陡病頭
痛恐貽憂二親也終弗言然猶扶病而起禱母疾焉既而病益
劇至十二日卒侯與其夫人如失左右手撫而哭之幾裂五內
中外聞而悲之嗚呼其可哀也已矣君子曰慧而旁知書史非
女之常也善事母慈而弗違父訓是女之孝也其常可能也其
孝是難能也昊天柰何奪孝女之速耶君子是以知理數有時

而或舛其以此乎閨一之母李氏派出名家賢而內助侯以才
進士兩守郡城而惠愛雅有古良吏風然恬退出自天性因閨
一之沒而尊鱸之志若弗可禦者君子又以為難能云閨一之
生也在嘉靖十年十一月初六日其卒也嘉靖二十二年八月
十又二日其發而歸在某月某日其祔葬祖塋之次在某月某
日初許聘考功郎中胡君之子甚至年僅十三云銘曰何以
生何以死發爾喪哀爾齒汝之蔡是爾止何彼蒼不亮此嗟爾
孝女曾子

明韓君守默配闕孺人合葬墓志銘

吾開同知韓君文炳丁內艱將歸因以其考妣請志於端溪王





子蓋欲昭先而示後也可以觀孝子之用心矣按狀君諱某字廷重守默其別號也世為揚州之江都縣人君性慧敏意氣疎暢幼潛心業儒不果遂從事商賈往來於江湖間用是家道充裕日益以盛嘗聞談易者至積善之家必有餘慶即喜動顏色怡然竟日若有夙契之者故其平日安常履順事必求誠不事虛文粉飾親儒而近賢重義而敦信慎交而睦鄰未始一日衰也少事繼母馬以孝感由是鍾愛無異已出其與人交也曾無毫髮競忿雖衆論紛紜而折衷數言無不允服若夫事涉分外則未嘗敢為干預鄉之人侗齋張金義其雅而珍愛之遂偕鄉之諸士夫以詩文賀焉由是守默之號出矣君素蘊不吝施與

族有貧乏者解衣衣之死喪者以財濟之賦稅不能自辦者至默為貸之而族類中遂有終身無賦徭之累者一日獲遺金若干於道上以俟失者既而其人果皇皇然涕泣以至君惻然呼而與之曾無德色其人旋復願分其半以謝君笑曰吾與其受半何若獨取其全可速持去其人叩而返一時觀者莫不動容稱嘆云君性不喜飲中年後飲亦不過數酌惟對佳山水名花木則忻然獨好之而即欲徜徉其間識者以為市廛而能飄然風塵物表亦寡儔矣蚤娶闕氏維揚舊族也柔恭而儉勤事舅姑以孝聞內脩婦事歷歷整飭無一不盡其力相守默君綜理家務應酬賓客供祀祖考初無所廢缺及守默捐館為之哭泣

幾殞蓋自此孺人始病矣然猶力疾而教其子各隨其業以戒之勗之不少假貸至是遠近老幼則又稱其為女中丈夫云若其訓迪諸婦女孫尤為嚴憚不喜世俗浮屠以為人之善豈必事佛而後見哉然濟物慈幼之念栢舟斷機之志至老無倦孀居幾二十餘年莫之有改是亦可以觀孺人之大節矣君生於成化丁亥夏四月二十二日卒於嘉靖甲申春三月十三日享年五十有八孺人生於成化癸巳秋八月二十五日其卒則嘉靖甲辰夏六月初六日也享年凡七十二云子男四長鎮蚤卒次文煥業商娶孫氏次即文炳業儒以才俊有聲於淮海初選吏部即同知開州事佐政僅三月而已娶王氏知縣王君顯宗

女也繼娶楊氏國子生楊某女也次文燦業商娶葉氏今刑部
侍郎葉公某女也男孫某女孫某文炳擇某年某月某日歸葬
孺人於縣城北郊迎恩橋之左合守默而葬焉生事死葬動皆
以禮可謂孝也已矣復為銘銘曰彼美君子政佐吾開儀容嚴
雅足稱俊才厥妣孺人既貞且賢相夫教子何愧後先遂致書
香肇於左橋官踰兩月撫字心勞祿養將試忽以訃行筑筑在
疚吊者愴情厥考逃名從事居皆嗜善如素人稱寡過佳城何
許是曰維陽邑鄰淮海雲濶天長我銘述志我心無窮示爾後
嗣宜敦素風素風曰何惟勤惟儉守此勿替百世如見

明四川按察司副使西巖宋公墓志銘

公歿之明年厥子其治以志銘請會予轉官蜀轄不果今年丁
未予自蜀入賀 萬壽且復叨轉南都將行其治再請如初既
恨定奪之咎而又嘆故人之美不可無聞於後也按公諱欽字
敬夫為號西巖其先真定人也曾祖郁者永樂間徙開之慎德
坊僑居郭氏遂依郭姓郁娶王氏生子恕恕充郡庠弟子員有
聲泮宮間每嘆曰吾自上世以來宋氏譜可考也蓋復焉遂復
宋姓娶戴氏生子男五曰安曰寧曰寶曰完曰宏寶生公後以
公貴封戶部貴州清吏司主事復追贈按察僉事云性孝友朴
實力畊課子家範秩如也配張氏封太宜人今八十餘無恙子
男二長即公次銓早歿女一歸郡人陳嘉福公之生也幼而莊

重不群性英邁有智識未幾弱冠入芹庠督學御史每至試考必器重之曰佳士佳士蓋自是丙子秋遂領鄉薦丁丑復登舒芬榜進士二甲第七授戶部貴州清吏司主事出納錢穀一毫弗苟越明年戊寅武廟北狩雲中過晉秦公實奉扈以行拱事飛芻動合矩度辛巳還京以三載考績擢本部員外郎是年八月十五日丁父憂扶柩還乃朝夕哀悲暇則築垣樹栢見者與慨既免喪再授刑部如初官凡斷獄必求平允民無怨言居無何擢山西按察僉事旋復分巡雲中雲中軍多兇悖公下車頗見嚴憚有作孽者擲匿名書飛矢入院中計欲恐嚇公然公方處之整暇終亦無他虞既還省吏歷諸道所至有聲辛卯擢

蜀之憲副兵備建昌然地雜番夷土官率多以金餽者公怒刑於庭笞之餘蜀人始嘆服云是時當路多薦公者然公嘗得罪本兵因竟構讒罷歸既歸日惟放情詩酒與田夫野老相往來雅歌投壺釣魚橫舟恣意風月示不復出一日疾陡作遂卒於正寢實嘉靖二十四年閏正月二十一日也據其生則巳酉某月某日享年僅五十有七云嗟乎豈亦數耶配王氏先主事佐之孫女封宜人子一其治蓋公晚得者有父風聘國子生張友女女二長歸同里劉中立次歸呂丘里王若蒙又女一巫室段氏出又女二劉氏出也俱幼公之子其治先是葬公城西北郭家寨祖塋之次若乃志銘之告成則丁未秋九月二十五日也

遂銘之銘曰吁嗟宋公天生爾才亦何豐吁嗟宋公天速爾年
乃遽終吁嗟宋公幸爾有嗣揚休風

明勅封安人孟氏合葬龍池歐公墓志銘

安人姓孟氏薊州處士達之女通判龍池歐公之配也龍池公
先安人卒茲將啓而合葬思賢以予忝年家因以文字托焉安
人派出名族生而淑婉父母鍾愛不輕許聘人龍池幼聰慧有
英氣司衡校者目為俊才用是卒偕二姓之好既歸歐門是時
惟龍池母在堂安人曲盡孝敬歐舊稱大族視他氏特盛安人
相夫勤儉至親操杵舂雖服飾鮮潔然而弗效流俗之奢也先
是龍池潛心大業暑寒不怠安人供其食飲至或脫簪珥以資

之若夫教子姓則慈而能嚴處妯娌則和而不爭蓋自是家政
日益睦矣乃正德丁卯龍池果領順天鄉薦嘗語人曰吾業不
至墜弛安人與有力焉然屢試南宮弗利因就選判府常州安
人自奉淡如猶夫疇昔蓋其儉素出於天性有如此未幾龍池
以忤上官因致政行李殊瀟條安人又數以安命慰之既歸日
惟從事吟咏薰之雅好賓客每會未嘗不歡洽也未幾仲子思
誠季子思賢皆次第舉進士歷官所至咸有能聲嘉靖甲辰思
誠昆玉既免龍池喪誠補東昌賢補合肥交相迎養丙午安人
在東昌遂以疾弗起時二月二十三日也據安人生於成化丙
辰某月某日得年七十又一云子男四思廉七品散官先卒娶

楊氏運同臣之女次思誠己丑進士知府娶李氏封孺人千戶
榮之女繼劉氏封孺人中丞聰孫女又趙氏總兵杲之孫女思
忠早卒思賢戊戌進士先工部主事今改刑部娶賈氏禮部尚
書斌之孫女女一歸國子生李守仁早卒孫男六士稷郡庠生
娶蕭氏指揮欽之女士臯士文聘金鄉尹王沂女士訥士象俱
幼孫女七已歸者王化成劉蒼陳廷相楊炳其壻也許聘者上
舍范麟憲副高進之男也餘在室曾孫男二某某思誠先任大
理時 郊祀覃恩安人嘗獲封乃是年五月十七日啓龍池之
壙而合葬焉夫以龍池夫婦之賢若是其子姓又若是盛也歐
氏前人可槩占矣嗚呼休哉遂銘之銘曰賢哉安人早歸名家

相夫有道克稱柔嘉卓矣龍池見幾投閑清風高節笑傲雲山
篤生諸子甲科聯芳誕承 恩錫光照夜堂循良並著行且要
津誰謂龍池屈而未伸

明故臨淮丞北畝左公墓志銘

丁未秋予將之任太常南都公嘗載酒過訪秉燭夜宴顧德音
在耳道範在目日月曾幾而北畝捐館且隔歲矣乃知浮生若
夢古之人非誣言也按乘龍子郭生九遷狀公姓左氏諱淮清
甫其字北畝其號也其先山東館陶人高祖欽元末來尹清豐
多惠政既而樂其土因占籍焉遂為清豐人欽生習習生鳳凰
生昂公蓋昂之長子云昂嘗為邑耆老勤而儉和而不傲善幹

蠱基業遂以寔廣今為邑之巨族君子以為隱德之流澤如此
次子曰江先公卒公生而體貌魁梧質任敦朴不事文飾有古
之遺風正德間補邑庠弟子員尋晉增廩且博覽群書以才俊
聞於時然而屢試弗利棘闈君子以為命信矣竟以歲薦入太
學一時天下士多樂與遊者是亦可以占公之素蘊矣嘉靖丁
酉入銓部考選得丞臨淮臨淮西望淮甸南望建康蓋鳳陽繁
劇邑也公以分理應事殊整暇比及暮月而頌聲出然多以其
素志推而行之則又往往動合矩度甚至自畧餼糧用給宦邸
若乃催科寓以撫字行已務尚廉平所謂一介莫取又可占矣
由是淮民遠近愛悅而貪冒者至笑其泥古共目之為癡縣丞

云是時邑侯有御史謫官曰劉漸齋者獨器重公時復相與詩
咏往返至是君子又兩局之若其承上官之檄效民牧之勞革
邑風之澆篤守官之箴又莫之可殫述也乃一日忽喟然嘆曰
巧吾弗能拙吾弗容吾盍歸乎遂力求致政父老多悲其去至
望其行李瀟然有欲涕出者既歸別業在留固村者距邑二十
有五里厥田沃饒因於園林邃地構一小堂扁曰後樂乃日與
朋舊登眺其間或決渠灌花或操斧剖竹臨溪觀魚熙熙乎不
知歲之將邁今里之老弱猶歷歷能談之不衰君子則又以北
畝進退無累洒然出流俗外可尚也已至若祠堂以祀先義田
以敦族家塾以啓蒙則又近時所僅有也公平生賦性介直人

有過面規之無少委曲至其却無故之獲則有如李雲之馬汝和之金蠲賙貧之財則有若急人之婚喪救焚之鬻水堅晚節之高則有若非公事足不履邑宰之庭而又苦心自牧手不釋卷圖書盈屋几席之間皆格言也有北畧漫稿諸書若干卷藏於家夫以北畧不卑小官不廢大節不枉素履亦庶幾乎鄉先生沒而可祀者又何必榮以金紫拔以甲科而後為遇也哉公娶史氏生子男一曰譜早卒繼娶白氏無出俱先公卒繼娶王氏生女一曰涓歸上舍楊天麟子思曾側室李氏生子男一曰輔禮部儒士篤厚向學有父風娶吾小弱弟崇壽仁徵女孫男一曰學韓孫女一在襁褓俱輔出也公生於成化丁酉二月某

日其卒則嘉靖丁未冬十月二十日也享年七十又一公之子輔以今年某月某日葬公祖塋之次使來乞銘遂並綴之用示其後人銘曰彼君子者是曰北畧拜官少尹聊發其藏由學而仕未幾其良繼子而孫益紹其芳雲環岡秀竹翠松蒼爰比賢

後先翺翔古曰狷介誰謂其亡

明故兵部尚書龍山戴公墓志銘

公姓戴氏諱金字純夫別號龍山始祖伏一居徐之百步洪棗林周宋季避兵徙家於漢陽今遂為漢陽人四世祖景文舉洪武三年鄉試第二人明年會試在乙榜授河南武陽縣教諭以學行著聞沒而得祀鄉賢蓋公之開業祖也教諭公傳二世生

愈愈生伯珍配陳氏實生公者公之生也聰慧性成既長舉業
若不求甚異者然自沛乎鏗然矣一時同門之士多推之者正
德丁卯舉於鄉甲戌登進士試政未幾授蘇州府推官會庫亡
折糧金若干兩長吏日考掠守庫者竟莫之符公乃偏召諸糧
役於庭陰以一牌硃塗之實後堂暗室因諭衆曰吾有神牌在
後堂能辨盜若輩可往手試之果盜當即有聲不然者否衆如
約出皆赤指中一人獨不硃遂首服還所盜金而守庫者得釋
去其訊獄擿伏多奇中若此久之以外艱歸既免喪再除撫州
推官其能聲猶大蘇也撫之民士迄於今頌之嘉靖癸未以治
績徵授廣西道監察御史乙酉奉命理兩淮鹽政公精敏

定識乃條陳便宜酌處鹽法十二事皆舉要切時可見諸行者
嘗積羨餘六十八萬佐邊餉既而大司農上御史績於朝上
嘉之有羊酒文綺之賜士林榮之丁亥按川蜀蜀去京師遠地
邇滇南是時滇盜有曰安銓者構黨煽亂攻掠郡邑蜀稱大梗
事聞廷議興兵誅捕之公以蜀方大旱疫窮民死者相望於
道乃抗疏乞罷兵因躬入險阻撫平之既而疏請發帑金二十
萬通商市糴施藥給種凡救荒活民者舉無遺筭由是全蜀之
民不盡委溝壑公之力居多是可以觀公之蒞政矣未幾戶兵
兩曹連章條上公績上聞之喜復有銀綺之賜又明年戊子
當大比為監臨試事是科多知名士公居臺中歷兩考茂著風

力兼之才猷卓越濟之文學雅博中外多想企而願見者辛卯太僕少卿員缺銓部以公臺彥不宜泛然從外遂擢公少卿督京營馬政久之以貝錦之構遂叅議河南尋轉浙江左將之任俄轉按察副使矣蓋以謫非其罪故不次用公以愜群情云公既至浙實董飭海防遂徧察要害悉心規畫海邦罔不怡然戢寧甲午以繼母制還丁酉免喪再除江西副使兵備九江戊戌遷貴州藩司叅政頃之會順天巡撫中丞缺由是擢為僉都御史公既拜 命乃銳意安撫綏民糾慝選將練兵闔士日奮曾未踰月邊兵與虜相遇遂乘勝獲首級馬噐以歸事聞勞賞倍常已亥邊將弗利公以撫臣與責改南太僕少卿明年擢順天

府尹是年為庶子大比提調試事并有程度歲辛丑 上新太廟欲得西南巨材遂擢公為副都御史總督大木公承 制宣力惟謹采擇深入窮谷得異木數千章集都下事竟徵入為大理寺卿已而工曹以為鳩材 清廟仰裨 聖孝宜殊擢之由是為右都御史是年甲辰 廷試充讀卷冬十月兵部缺尚書遂擢公公被 命感激誓竭忠貞首陳安攘十二事 上省覽嘉悅之謂戴尚書賢可述大事公既膺眷受知即以身許國毅然為所欲為方經營數月然竟致其事而去君子惜之公敷歷中外三十餘年政事勲名炳炳可述顧乃未究其蘊謂之何哉性素儉約至賑貧恤孤惟恐不及尤敦族孝友孚於里人且未

嘗一日廢書不讀所著有三難軒集使蜀前稿靖芒紀事救荒事宜按蜀續稿滁陽紀勝督木事宜諸書藏於家公既歸徜徉泉石僅四載歛感未疾而卒卒之日精爽無幾微亂蓋其養素積於漢陽播於宗人乃次日為之罷市是亦可以觀公之生平矣先是公以御史勅命封贈其父母及大理卿並贈祖愈父伯珍為通議大夫祖妣廖氏母陳氏繼母蕭氏俱贈淑人公前配蕭氏累贈淑人繼室范氏累封淑人俱有賢德子男四伯曰江郡庠生娶指揮易堂女仲曰淮官生篤實有志娶武昌指揮孫柱女叔曰河庠生聘御史朱衣女季曰漢尚幼未聘女三長歸大司馬詹公同之玄孫懋次歸監生黃坤吉次幼未字孫重慶聘進士朱君寵之女公生於成化甲辰十一月十四日卒於嘉靖戊申五月初又七日享年六十又五云公之子淮等將以是年冬十二月葬公於龍霓西北公人山之次以予壬午嘗僉事西江過撫州與公有舊雅因濫以志銘托義不可辭也遂按袁太史狀作志銘焉俾之銘曰公之才其九三之剛耶公之德其六二之方耶公之名謂遂已耶曰吾猶疑其存未信其亡也孰呵護其旁耶孰發揮其良耶公之後謂可量耶曰吾固知其雄於地老永於天荒也

明贈光祿寺少卿監察御史覺軒王公墓志銘

按公門人陝西叅政熊君榮狀公姓王氏諱相字夢弼覺軒其

別號也汝寧府光山縣人五世祖勝四弟勝五嘗避兵亂自楚徙居老鸛巢因家焉曾祖元凱祖彥祖皆有隱德弗仕父珠幼讀書有才俊名後為安東縣幕小心贊政有黠民誣奏者及事解其人復且犯盜兄弟三人皆被繫邑令欲並置之死以償縣幕憤縣幕弗忍從及署邑政竟活其季曾無幾微介諸中君子以為長者云公之生也頎然長軀而豐貌雖天性樂易然亦不詭隨流俗先是縣幕翁每謂人曰大吾宗者其斯子乎遂延師勤課正蒙考業後以公貴追贈為監察御史妣胡氏贈孺人覺軒賦資穎邁習舉子業往往有警異語辛酉中河南鄉試正德戊辰登進士初授淮之沐陽令沐明邑僻民貧公帑無夙積會歲且大饑民日流移覺軒百方求所以濟荒者因請官錢數千緡賑之至躬親計口而給焉由是全活者甚衆逆瑾用事嘗變賣鹽引及沐陽覺軒乃白之當道謂舟楫不通百家之產未足以當千引之費後竟事寢吏有受賄伴為人申辦者覺軒時方訊決吏乃持手藁以進故問字之未識者覺軒知其詐治之立服蓋自是狡獪者莫之敢肆矣邑庠屋壞覺軒為脩葺之每謁廟後親啓群經而講究焉沐之士子翕然向學自覺軒始也時山東盜起近遠騷然覺軒乃築城廓浚池隍練民兵由是盜相戒莫敢入境者他如撫鰥寡鋤強梁恤獄訟正風俗裁冗奢未及青月而賢聲出矣當路交薦銓曹風憲之缺覺軒實稱首云

比啓行沐民老弱泣隨者相望因留其雙履既而且立碑以申去思未幾拜山西道監察御史獨持風裁門無私謁及領湖湘清戎之命乃更飭法令定立條格使官吏有所畫一以繩里胥用是軍政乃清而宿猾屏迹幸菴彭公聞之有嚴明端慎之許嗣後奉勅閱城池驗軍器凡湖山隙地盜所出沒者悉令修築以為捍衛斬府往嘗作看花樓於城隅至侵及池隍為魚沼覺軒一切按之以法始還其舊又嘗上封事有設守備以安地方禁科害以恤民兵責守巡以祛宿弊查恩例以免拖欠造軍器以節民財復舊規以革冗員事皆切於救時而冗員云者則指總兵權宦也楚人迄於今頌之雙鳳山二程夫子所生地

也因重新其祠華容劉公東山里居為薦䟽起之並及錄用其嗣至若群小憑依狐鼠必懲之不少假借時邊將多羅織平民指為奸細以冒功者無慮三百人覺軒察知其寃將奏聞於朝邊將懼乃賂權勢冀獄成以掩其詐且遣人恐嚇之而覺軒乞不為動尋出按山東風采視昔益倍先是臨清地衝要設鎮守太監一又各倉場設至五六有司供費動以萬計軍民病之覺軒按臨初即會議以聞辭甚懇切而又榜之衢市以示禁約由是有司始不敢過於奉承無賴始不敢恣於無忌矣然渠輩由是群起而謀所以中傷之後果被逮補判高郵州東人號泣而遮留者無異沐陽也覺軒方從容就道然自是病作未幾戊

寅七月十五日卒焉享年僅四十有九云明年己卯冬十月某日葬於四山蘆花溪之原厥子家士家賓俱哀思盡禮汝南稱名家孝子云覺軒生而孝出天性每念封翁未及祿養必為泣下敬其兄良輔處士殊盡友愛兄沒奉嫂氏撫遺孤每給田屋與之無吝色待族衆至捐俸以輸其稅宦居垂十年餘未嘗為自私計內外雍肅不經之事未嘗一出諸口有奏議文移詩稿若干卷藏於家娶章氏封孺人子男二長家士丙子鄉進士尹臨胸才猷敏飭有能聲次家賓甲午鄉進士今為石首尹愷慈慎恪汝南謂其悉有父風女三一歸舉人胡士淳一歸廬采一歸胡恩皆庠生今 皇帝即位追贈覺軒光祿寺少卿諭祭一

壇鄉邦榮之乃至御史蕭某按大梁奉 詔采輿論移文有司遂又從祀鄉賢祠嗚呼其亦庶幾不朽也已乃銘之銘曰堂堂偉人特起河之南兮卓卓令名永比石之磐兮振振公子同稱今之賢兮昔我看花飽領公之談兮落月空梁尚憶公之顏兮光先發後宜公澤之綿兮

明太學生西野馬子墓志銘

按環山陳子狀西野子諱永徽以慎其字西野其別號也吾開之西郭里人云西野既沒之六月厥子出湖走書京邸謀及厥親錦衣郝黃坡來乞志銘嘉其知所以托親於不朽則雖未之躬造吾門弗論也遂以素所悉者援筆而為志志曰往者予以

備員工並北上西野嘗餞之郊亭倚馬馳觴夕陽分袂日月曾
幾乃忽聞其訃耶傷哉傷哉西野生而通明善滑稽喜詼諧似
有東方朔之遺風者然而晚年儉德齊家推情睦族樂賓問舊
而又銳於幹蠱昌黎所謂稱其家兒者非與顧以一疾弗起且
未嘗小試其蘊命實為之人其柰何曾大父諱玉玉生騰騰以
例貢入國學永山東之萊陽有惠政騰生宗範宗範生子三伯
某仲某西野其季子也宗範亦以例貢 武廟初序班鴻臚旋
改檢校都察院因受業大學士楊公邃菴大為同門喬公白巖
所器重蓋其素所燕會往還多天下知名士是可以觀西野之
源流矣母劉氏封孺人考功正郎相之仲女也有淑德是生西

野者西野娶郝氏錦衣戶侯郝君某之女貞惠柔嘉人稱內助
生於弘治甲寅正月一日得年僅三十先西野卒繼娶侯氏吾
外祖副憲公之孫時畏女也賢弗讓於郝氏子男二長出湖以
輸粟入國學郝出次某尚幼侯氏出也每思西野人物之評品
時事之商訂親黨友朋之交際其言論風旨洒然可聽凡四時
令節輒具蔬果酒餚分餽諸姑伯姊及其父叔流葷鮮及焉自
奉殊儉約不喜奢靡嘗謂出湖曰驕肆滛侈德之賊也勤儉素
朴家之本也爾曹勗哉其別業數區皆沃饒之田至連阡陌僮
婢司耕司織類有常法主人則坐受成數非大青未始至詰也
故僮婢咸樂為之用先是瞽兄某求異財日夜以泣西野聞之

乃令悉取當意者徐收其散無怨言又嘗出息金數百至其負者西野率多毀券不復求償識者益高其義若其生平雅量或遇非禮之干不情之謗無心之失則又弗屑屑與校焉此其曠識高標亦可因之乎見矣西野生於弘治丙辰八月十一日其卒則嘉靖己酉正月十三日也享年凡五十又四云出湖將以今年冬十月某日從治命卜諸新阡與郝孺人合葬制也乃綴之以銘銘曰我昔長安見子高坡時方戊辰會我登科歲月飄忽奚啻織梭倏仰今昔何異南柯鄉稱克家賓羨綺羅茫茫大塊薤何足歌誰使淪沒竟侶煙蘿悠悠蒼天將復柰何永言弗朽獲亦孔多

明故封撫寧侯夫人柳氏墓志銘

夫人姓柳氏德貞其諱正叔其字也其先安慶人乃安遠侯柳公璟第五女撫寧侯朱岳之配也母支氏夫人實生正叔者正叔生而儀容莊秀德性柔嘉寡言笑安遠及其母每相謂曰是兒德器不凡異時當為貴人婦比長太師武莊公為撫寧議婚聞其賢遂加聘問焉是時正叔歲方十又九矣逮歸朱氏事武莊公及太夫人蔡氏曲盡孝道與撫寧則相敬如賓云武莊夫婦喜曰新婦得人矣正叔雖生長閨閣然雅愛儉素凡歲時家廟之祭必躬自省視務極精潔雖隆冬盛暑必具簪珥整衣服立於階庭至親閱飲饌以奉舅姑若乃延賓客則豐腆倍常綜

理內務皆井有條叙至其御童僕臨婢妾則又莊泣慈畜閨闈
雍肅無間言者武莊公夫婦後先捐館正叔皆哭泣盡哀葬祭
之誠罔或缺焉先是撫寧年既壯尚未立子正叔為置媵妾以
廣其嗣及有就館者又曲為保育之君子至以小星擬其不妬
以樛木比其逮下信而徵矣嘉靖二十七年會撫寧以提督西
官廳始襲今爵每入朝及視營務正叔必夙夜以相其勤戊
申三月感弱疾迎醫勿效是夕猶欲其盡心王事以圖報稱語
之嗟乎以女婦垂沒而能語及公家雖古之鷄鳴之賢何以加
諸正叔生於弘治丙辰三月十一日卒則嘉靖己酉七月十五
日也得年僅五十有四云卒之後上諭之祭者二壇命工部

為造墳塋葬焉夫以正叔生於名家配乎名公榮被褒封並
得隆典詎非全福也耶撫寧以是年九月十七日引柩葬於紅
螺山祖塋之次乃以山東按察副憲蔡君需狀來乞志銘因僭
筆而綴以銘銘曰嗟嗟夫人全福無疆稽其生也族稱大方乃
其沒也榮及夜堂漢有曹姑周有齊姜比而論焉孰踵其芳垂
裕後昆視此銘章併告地靈厥永惟康

誥封左通政味泉宋公暨太恭人劉氏合葬墓志銘

嗚呼是為味泉公暨太恭人合葬之墓按刑部主事李君三畏
狀公諱宗姓宋氏世系履歷詳見雙巖樊公所撰銘志恭人姓
劉氏小字妙能世為山東鉅野人父珍好義輕財鄉稱長者母

李氏有賢德卒時恭人始六歲然幼而能慕至晝夜哭焉後事繼母高氏孝敬猶其母也遂大為父母所鍾愛恭人生而慧婉既歸宋門年甫一十又八是時味泉公祖父母俱在堂見恭人動循禮度克盡婦道為之喜動顏面咸謂新婦得人門戶之興可占也恭人事味泉公當業儒時勞動無間寒暑繼之紡績相隨至親佐燈火期以光諸勲名及味泉公以應貢入選授訓導河南從遊之士多就造者嘗進伯清至膝下曰兒努力讀書用顯祖宗老身明當無憂死且含笑矣伯清自是益篤志問學莫之敢懈乃正德丁卯果舉於鄉明年戊辰復登呂柟榜進士蓋至是族人鄉黨莫不仰恭人之善於教子而又羨味泉公之種

德於平生也正德六年以伯清中書貴勅封為孺人至十四年則又以晉階鴻臚少卿誥封為宜人嘉靖七年又以銀臺左通政貴誥封太恭人當是時味泉公已解任歸里則誥封奉直大夫鴻臚寺少卿再封中憲大夫通政司左通政矣逮伯清升都察院右副都御史撫西川然聲望茂隆多所建白方將不次秉用以膺殊封未幾以勞悴遘疾卒於官自藩臬屬吏以至郡縣莫不悼之者皆自太恭人夫婦善教有以基之味泉公性素嚴大恭人雖顯貴然而故事無違猶夫布韋結髮時也蓋六十年餘閨闈內政之外歲時家廟旦夕食飲罔弗精潔乃或賓朋往還至亦親理中饋靡不當封君意者嘗謂子婦曰爾

曹宜知勤儉勤則有功儉則可久蓋其天性之蘊發而為誨家之規多類此間嘗呼其仲子今兵馬指揮君曰爾兄為都御史不幸旅沒今諸孫郎俱漸成立爾繼爾兄亦讀書斤泮柰何家食不之仕乎兵馬君遂如命於嘉靖壬寅入選銓部乃未授官而封君之訃至矣既免喪太恭人復語之曰爾忘爾父遺言耶其速仕無濡滯遂入選授南城兵馬司副指揮即迎太恭人養諸宦邸朝夕承顏備竭孝敬無何是年己酉春忽以疾作兵馬君迎醫多方以治乃秋七月若少痊既而以登榻仆地良乂未醫來已無能為矣遂卒味泉公生於天順六年五月十八日嘉靖二十一年四月十二日享年八十又一恭人生於天

順癸未四月初十日卒於嘉靖己酉九月十又二日享年八十又七云子男二長即滄伯清與子戊辰同年進士素相友善都察院右副都御史娶濟寧衛義民呂珙女 誥封恭人次沈貢士兵馬司副指揮娶濟寧州訓導李倫女 勅封孺人繼娶曲阜孔公瀾女 勅封孺人俱稱內助女一歸同邑庠生魏魯孫男七長民獻生員娶東平州侍郎劉東圃女俱先卒次民撫監生娶武城縣御史張某女次民敬生員娶監生高某女次民信生員娶濟寧都司馮某女次民悅生員娶汶上尚書王蒲菴女病卒繼娶濟寧監生胡某女次民化業儒娶教諭宗某女俱伯清出次民順尚幼兵馬君出女五長歸監生季芳次歸監生郭

時正次歸庠生王近道次歸鄆城尚書樊雙巖子官生士秀次許聘監生李某子子瑄曾孫男三孫女四兵馬君卜某年某月某日合葬恭人於邑之東北酒莊祖塋之次乃躬造泣請志銘亦可以觀其孝矣因綴之以銘銘曰賢哉姑璋眉壽同芳顯膺恩命光增震方鳳雛繼業嗣爾無疆地靈拱環保爾未央矧多雲仍全福曷量有山其巍有水其長明矣善徵稽此無忘

明故操江都御史恒山張公墓志銘

公諱璿字仲齊別號恒山真定晉州人也先世有諱伯遠者居郡城之北曰新庄生榮榮以紅巾盜起避地他出國朝平定乃復歸業榮生信然俱弗仕信然生子男三季曰矩者是為恒山

之父云矩少為州從事晚年飭躬勵行尤崇義讓封文林郎浙江道監察御史追贈大理寺丞丞妣苑氏雅稱內助封孺人加贈宜人蓋生恒山公者也恒山兄弟二人長諱某仕至山西岢嵐州知州恒山生而聰慧英發自為兒童時即有大志年十四入郡庠刻勵數年一時並遊者皆推讓之他日戶曹李君夢陽見其文遂大驚異 孝廟甲子果發解正德戊辰舉進士己巳考侍御史第一再考實授復居第一臺卿屠公瀟每指所試獄詞曰是固書生乃有老吏筆如此尋掌道事會邊帥馬澄乞討蟒衣恒山上䟽劾之風采動 朝宇未幾巡茶陝西會逆瑾煽霍凡官秦地者必先納交其親識族屬恒山獨以有命有義一

切拒之莫敢以私干者時將官曹雄結姻於瑾佩征西大將軍
印厥子入京過陝城撫按潘臬多趨承者恒山獨不為禮雄子
銜之肆毀於瑾使人伺察者三卒無所得辛未復巡按山東是
時大盜劉六劉七劫掠諸省而山東為甚臺中被差者多假告
而去恒山則慨然請行至則檄下諸郡縣治城池練兵士嚴詰
察為守禦計巡歷所及則又問民疾苦去吏貪殘復請蠲賦稅
表揚忠烈由是東人為之語曰吾何幸得更生也先是巡撫都
御史張鳳任情虐下恒山劾之宰執有欲庇之者恒山因再疏
其言動之非文移之謬宰執雖甚怒鳳竟罷去左轄姜洪廉正
人也不能諂事舊按陸姓者陸遂劾其年邁昏妄恒山力與白

之朝論爭傳其疏先是關人谷大用督兵勦賊謾無成功恒山
疏陳三事一曰罷征未果二曰冗兵太多三曰事權不一蓋指
宦者為地方害也 上嘉納之尋 詔大用回無何賊出東萊
境上會僉事許君達牛君鸞及邊將劉暉許太革會兵迎入恒
山為分命把截指授方畧賊始遁去遂劾各官怠緩縱弛者俱
蒙罰治賊平撫鎮以奏捷會恒山曰叅官吾職也至於奏捷即
諸公事吾或附名是借眾邀賞也遂不具奏職者以為知大體
後以公論有文綺白金之賜癸酉還京甲戌春值乾清宮災恒
山率同僚御史條陳八事還宮闈復司香早視朝御經筵掣邊
軍去番僧革皇店謹濫功言極剴切 上雖未納亦不之罪既

而復差南畿提學是時學政寬弛富室宦家子弟濫名庠校者甚衆及就試之多曳白者恒山於是嚴條約公勸懲革浮靡振篤實雖勢豪無復假借相老石公以為嚴毅公明陳天台以來鮮比司馬王公又以為雷電之震日月之明許之若乃蘇松人士則又以神明稱之乙亥轉大理右寺丞丙子尋丁母憂己卯免喪轉左寺丞嘉靖壬午總制侍郎臧公鳳疏薦大同巡撫不果旋轉右少卿贊佐大理後先五年叅駁在縱卿長或少偏徇恒山即反復論辯必使歸於是而後已癸未轉右僉都御史巡撫寧夏首劾總兵大將之退怯者諸將三軍莫不凜然慶庶人台沈先倡賞鑄之變漏網幸免於誅流惡邊陲正德以來撫斯

地者莫敢誰何恒山至赴訴者盈庭乃憤然剪其枝葉漸及根株庶人始有懼意又以謀復謹衛奏下禮兵二部以賄賂將開端移文勸報恒山搃法以聞事遂寢庶人憾之陰結官犯謀為中傷暮夜聞報罪人就擒恒山以其反狀奏 上遣中官憲臣往勘庶人徧圖救援勘官利之勤為掩覆恒山與總鎮亦因有提解之命即獲庶人納賄私單目錄總鎮喜曰持此 上聞助逆者當復何說恒山曰柰何為此敗滿朝縉紳乎遂引火焚之比至京仰賴 上明聖猶得以還原職及嬰變故後百念淡然遂上疏乞歸既歸日侍兄太守公田園觴咏若將終身西夏士人感恒山遏亂之功為建生祠舉祀肖像兩京臺諫諸君子皆

先後薦於 朝南科丘司諫九仞且特疏謂台沈之惡不減宸
濠恒山之功當不下王守仁然當國者受庶人賂若罔聞知公
論惜之已丑 詔求耆舊南北言官劉君世揚周君煦一時疏
上同薦乃起為都察院提督操江恒山乃振紀綱勤較閱嚴訪
緝明賞罰官吏畏威樂於因循者若以為過先是 上之建立
四郊也恒山協諸御史萬公鏗上疏忤 旨遂奪俸南禮部侍
郎黃綰恃寵貪污為御史張寅劾之黃即奏辨且自陳議禮功
並示其背刺盡忠報國四字以希感動 上心寅復劾其罔上
並行都察院勘焉尚書其謂黃背實有字非罔也恒山正色曰
原其刺字之意始欲求美官今欲幸免國法不能抑彼尚欲誣

正人乎尚書默然恒山得薄謫方相臣張孚敬觀政大理也建
議大禮張以書示恒山謂廷尉鄭公岳曰張言未可誣也自是
及秉用遂感恒山為知己且諷示欲遂顯用意恒山因善辭之
自後吏曹推山西巡撫北臺副僉大理卿河道侍郎凡屢疏俱
不果用張相既罷而李老時繼之嘗出送王太宰瓊文中有大
德大才大功之語恒山乃笑而弗言李殊有愧色及入相而貪
聲著恒山薄之因與絕交云給事中徐俊民黃侍郎鄉人也深
恨發黃之奸投隙乃劾恒山不能捕盜蠶撻軍官疏入李陰喜
其合已蓋自是恒山歸矣會長郎集今饒州府君以工部郎署
過家乃率諸孫捧觴膝下恒山及其兄州牧權甚且謂彼忌我

者將以去官為辱安知我天倫之樂如是耶由是釀酒栽花治田種圃日惟從事娛老又嘗自慰曰坐上客常滿尊中酒不空吾當不讓孔北海矣癸巳 詔復冠帶戊戌 詔復許致仕兩京部院大臣臺諫多連䟽薦之者方擬起用乃辛丑冬十一月偶感風寒遂成喘嗽藥投罔效延至壬寅夏四月二十九日卒於正寢恒山生於成化丁酉正月三十日享年六十又六云惜哉恒山敦篤持正教家甚嚴接人有禮事父母克稱孝敬愛兄睦族母嘗下堂傷足恒山與邵宜人晝夜侍側憂形動止衣不解帶者凡三月餘當恒山奉巡西行瑾例公差不得過里恒山主夜馳省而母疾愈瑾亦卒莫察及亦天地神明默相之與入

仕三紀子孫儉素如寒士縣車十五六年未嘗一私謁公府是亦可以觀公之大較矣所著有家藏集東巡錄撫寧錄若干卷配邵氏封孺人進封宜人有內助之譽先恒山三年卒子男二長集癸未進士歷官饒州知府剛介有父風次臬邵岸生慧敏有才年二十九先其母兩月卒女二長歸任丘邊憲副子太學生倌俱邵出次許保定宋大叅子佃庶母李氏出孫男三長燁州學生集之子也次燮次燾臬之子也孫女五長歸真定呂憲副子縣學生承詔四在室乃今年己酉使來問志仍復銘之銘曰偉哉儀範恒山之精粹乎論議易水之清夫惟守定是以見明夫惟積厚是以振英佳兒天錫薄海知名夙學天賦文苑飛

聲俛仰戊辰轡馬聯行上林看花風日和晴光景幾何存亡嬰
情堂堂宇宙赫赫風霆古三弗朽史有公評

明故大中大夫太僕寺卿沙溪孫公神道碑銘

公諱緒字誠甫沙溪其別號也世為東海人曾大父諱大公元
季避地來故城季子諱五者因占籍焉遂為故城人五生振富
而尚義鄉鄰賴之舉火嘗以歲荒焚券里中父老為相率立祠
焉後以公貴封吏部主事贈文選員外郎母蘇氏累封太宜人
成化甲午八月二日生公於鹿豕里第前一日寢後忽產異花
奇香襲人凡七日乃已公生而警穎異常五歲未能言嘗手書
一貴字文選公見之喜屢試弗爽八歲出就外傳能賦詩比年

十五六從同邑李侍御汝弼陵縣李解元大原遊十七入邑庠
復從蘄文懿公受三易一時聲稱卓然同時髦俊皆以為弗及
也弘治戊午試中鄉試第二由是名動京師明年登己未進士
初 廷試出讀卷諸老皆擬公為及第將 進呈竟以忤特相
西涯遂唱名二甲第一授戶曹主事辛酉火節入寇遣朝臣往
禦公被簡改本兵為叅謀以行畫策售奇酌以權變總戎而下
咸改容禮之是時許襄毅公為戶侍每見公輒咨詢嘆賞事竣
調稽勲主事鈞陽馬太宰深器重之癸亥丁外艱先是文選公
病亟公欲終養再具疏弗獲請乃微行歸省於私第數日還京
將乞休而計首至矣既免喪復除原官未幾轉員外郎考功文

選郎中時逆瑾嘗械繫某御史於市士夫莫敢申理者公過而惻然因詣瑾曲救得破械出浙江有褚知府者自知當免以在勢者為之地而懷金謁公公峻卻之卒不以其事白諸人及轉太僕少卿迎蘇太宜人宦邸歲暮大雪日晏而養具未備因婉辭以悅母心太宜人喜曰惟願終始不渝耳乙亥晉正卿時大司馬王公德華交結錢寧勢頗張移文僕寺語涉不遜公作書數之王引咎浙人胡逢者隸知印公見其少年雅秀教之讀書後舉乙酉鄉薦胡感知遇至以父事之舊例太僕供邊騾以千計歲久無用公上疏罷其役先是淮安鳳陽諸郡饑饉馬俱小弱公察其故咸與交兌省費至於萬緡民賴之不破產者千餘

家至過公之里有醜金設醮為祈福者南陵丞韓思義貧幾日著公庭杖之而按以法思義席權宦張雄凡與思義素者皆為之言雄亦托親信冠錦衣來致意皆不之答會思義以病死雄欲以故勘誣公而丁鳳劉愷於外助之乃繫御史臺閱月幸菴彭公力主邂逅律還職雄乃矯報禔為民 今上龍飛詔復太僕卿致仕家居足不及官府朝夕侍母愉愉如也母性嚴急或怒公長跪暑月揮汗如雨遇初度愀然塊坐終日蔬食曰吾念母氏劬勞也母沒後築漢陰亭剪韭軒於陂東柳曲自署陂東居士跡入城市者歲不二三間招朋舊者雲度壑賞花賦詩投壺對奕累日夜不倦揮斥萬累若將終身當道多所論薦其最

知者吳司空獻臣周都憲子庚王侍御應鵬也然秉鈞者謂其莫能偕時竟沮之公天性嗜學老而彌篤尤汲引後進及門之士必因才而淬礪之景州清河諸鄰邦率裹糧趨講今海內掇高科播令名多出陶鎔者庚辰避雨學宮見其屋壞因出私帑葺修之楊侍御師文紀其事邑志備焉先是孫氏同居者四世子姓既繁共謀析業公不得已取其劣下而便利者悉付諸弟姪幼受業於德州張君相不通問者三十年一日遇諸野停車伏拜張貧且乏嗣遂餼之終身鄉人劉美邵某白某窮迫妾所生子於途而逃咸收育成立賴其不絕魏道茹後母毒幾不能生公授之田廬以養復諭其母感悟如初惟不喜作家人產業

耻士人計財與利每對賓客子弟談孜孜竟日皆出入典謨聽者忘倦且自奉甚薄至調人之急則又曾無吝色焉公生而美風神頎身玉立髯鬚望之如畫重交遊慎然諾與人語必倒衷曲至於嫉邪惡佞則又毫髮莫之假借雖古之豪賢何以加焉然至中年後慈惠益若可掬雖草木雉兔蟲魚之細罔不注意欲其生然喜音樂雖生平不飲若乃勸人飲則又弗之厭也為文響振漢魏雄視屈宋詩則冲淡含蓄畜浸浸乎逼大雅矣博及群書天文地理老佛醫卜莫不洞究若乃國家儀文典禮則又無俟論也所著有沙溪稿四十卷無用閑談十二卷蒙求族譜大學中庸放言易經竒語陂東新論四書小說語孟毛詩尚書

雜義各若干卷藏於家遂菴公至評其作為近代宗匠允哉公
舊無恙嘉靖丁未十月十八日在別業聞女孫殤亟歸哭之已
就坐而逝是夕忽巨星隕於巽隅其光如炬空中有聲如雷其
異如此享年七十又四邑中遠近吊者奔走驚悼如有所遺再
從以下諸好孫號慟躃踊有至嘔血者配佐氏處士王之女封
安人贈宜人先公卒無出側室韓氏劉氏張氏楊氏張亦先卒
子三人長若谷邑庠生張出次若緘癸卯舉於鄉韓出次若樗
邑庠生劉出皆聰明特達有父風女一楊出歸儒士楊磯孫男
女各三人尚幼若緘請京師持公門人劉君志道狀請碑文於
予尚憶往年公以東田文集嘗托序焉既恨請益無由乃今聞
訃而又並識其子其真可感而慰也已矣因綴之銘銘曰茫茫
宇宙理氣乘之哲人挺生勲名在茲大河以北直節者難宦權
構禍承同掛冠三徑未蕪松菊有香天錫佳兒悉比珪璋多孫
林立福澤攸鍾鄒牟月旦足企高風

明故嘉議大夫都察院左副都御史東阜劉公神道碑銘

公諱大謨字夫其字東阜其別號也河南儀封人高祖文整魯
祖海俱業農不仕祖澄陝西苑馬寺清平苑圍長父愷山西黎
城縣學教諭後以公貴封監察御史贈都察院右僉都御史母
扈氏封孺人贈恭人云公明亮豁如髫年入邑庠即淬礪志節
刻苦學問一時豪俊未之或先也提學副憲章君璽試其文大

加嘆賞弘治戊子以詩經薦於鄉北遊國學得盡友海內名儒如彰德崔公銑吾開王公縱皆其莫逆交也正德戊辰登進士二甲初授戶部廣西司主事督收黃花鎮古北口清江浦諸地糧芻是時逆瑾擅權扇虐朝士凡行役往還皆趨候伏謁冀免禍者公 陛辭即出國門士論高之庚午改廣東道監察御史蓋自是風裁播中外矣辛未上疏勸學與政壬申巡按遼東陳三事皆有關政體時太監李童遠陽公廉知即捕其左右用事者悉置之法章惶懼至誣讎以他事逮繫詔獄遼士民奔走泣送先後相望於道癸酉謫陝西隆德典史旋量移浦城知縣既至蒲日惟行所當務蒲民頌德有碑在焉丁丑晉同知鳳

陽府會大水公以檄委賑濟多所全活戊寅晉浙江僉事首革菜戶於私衙既而分巡金衢時宸濠構變乃勒兵常山先聲四達兩浙賴以弗恐辛巳今上御宇入賀 萬壽晉陝西按察副使時總戎李隆者謀殺都御史許公銘事久未決當路以屬公竟正諸法輿論快之癸未晉四川左叅政分守川南川東二道值番夷為亂公督師征勦擒其元惡全蜀以寧事聞有銀幣之賜乙酉會四川鄉試充提調官作興之盛倍昔丙戌春懼母憂戊子免喪北上時三晉大饑公以才望素隆超拜都察院右僉都御史提督鳳門撫綏山右即上疏請出內帑溥賑 上可其奏遣官齎銀五萬入晉陽時方亢旱公巡歷所至問民疾苦兼

禱請旋復雨民大悅會有議撤備關官軍者公抗疏止之先是公之父黎城翁垂白在堂嘗乞終養不報既而糾劾參議魏倫忤重臣意遂得致仕或勸公辯者公笑曰老父在里乃今得遂侍養吾又何求况暇辯哉既歸與黎城翁怡愉終日每風和日晴即約朋舊登高眺遠觴咏為樂若將終身焉者自己丑至己亥數年餘南北大臣臺諫及撫按多所論薦由是再起巡撫川中其宣布朝廷德意獎拔廉平洗刷垢弊凡地方事宜罔不經理精密至於臆臘逼邇北虜堡屯曠遠舊設指揮防禦公謂其未足以震懾之也具奏乞設守備施州地界川胡夷多肆行劫掠亦欲添設參將疏入 上俱允壬寅奉 勅諭條理五事

以安邊禦虜又皆積有成效今川人固有能述之者公撫蜀凡四年澤被威宣銓部屢擬入佐院事並總督糧儲戶侍宮僚皆未之授蓋 廟建以材木為急而川中固採辦地也由是欲又任公是時例當給由公父母暨妻皆荷封贈癸卯大木告完大司空奏薦公資望獨深勞績為最遂晉左副都御史仍撫川中兼賜銀幣公自是馳驅間關因感瘴厲遘疾冬十二月六日卒於官享年僅六十又八公生而天性剛方風度偉然處事不大聲色而又曲中肯綮家居時嘗以儀封壤地瀕河賦役繁重建議均糧修堤築堰有司行之邑民便焉有石紀其事配岳氏封孺人再封恭人有賢德子男四曰爰曰象也學生曰彖國子生

曰其孫男五某某某某所著有東阜若干卷藏於家三蜀兩
遊稿已先梓行矣公之亡也臺臣上其功蒙 恩賜葬祭如制
四方聞而榮之蔭其子文為國子生蓋有孝友之志伯仲愜於
鄉評焉文以予為乃翁同年且厚遂請為文用垂永久尚憶往
年備臬沐臺與公握手對榻懽好論舊乃今為公秉筆耶謹撮
其素行有裨風教者如右俾其子孫世守焉系之銘銘曰嗟哉
東阜才賦英雄文宗漢魏誰則與京嗟哉東阜德音孔彰功宣
川蜀耿其流光嗟哉東阜允多後昆繼述方隆是曰恒存

明祁州知州封奉直大夫刑部員外郎天方張公德政碑

銘

庚戌之秋祁州進士王子用賢以其前守天方張公沒世而民
弗忘也乃述厥德政走書來問記予忝公年家固所樂聞也安
敢以不文辭按公姓張氏諱安甫字汝勉天方其別號也世居
崑山古婁之東郭東郭之人薰其德而仰止者素矣今之縉紳
知公宦情淡然雅有高致有以也 孝廟之庚戌舉進士二甲
拜官祁州既下車聞祁積習鬪爭俗日以漓乃教之禮義若曰
古風日遠化頑孔艱轉移振刷是誠在我也且躬為倡率之時
大盜蝟興勢甚洶洶復為擇選勇畧督率保甲遂立致渠魁旁
及數郡悉賴以安蓋自是政平賦均俗變訟簡非復昔之祁矣
尤蚤夜惕勤無間寒暑吏抱文牘候者但占署而已先是祁之

人士樵樸少文公導之講學日惟孜孜因扁郡齋曰洗心敦化
本也拔其秀而敏者若干人為鼓舞之由是始有登進士如郝
海者再閱歲政益宣茂當道部使論薦相望銓衡方議課最以
風示畿內而公母大夫人之訃至矣去之日父老攀戀塞道比
免喪無復仕用志公先業在橫塘蓋幽勝地也所居舊廬蕭然
出塵嘗鑿天方池優游自適以示終老有勸之出者但笑而謝
曰始吾為親而仕今復何求竟馳疏引疾乞休得 俞旨晉階
四品服致仕日益揮斥萬累遠揖五柳葛巾野服申申如也凡
名山勝境良辰佳節輒復放舟命駕今尚可想其襟期夷曠若
將俯視六合焉識者以為東吳達人詎弗然乎昔嘗聞之欲知

其父先觀其子以石川之博雅清脩繼武甲科歷守三州既而
擢秋官榮登銀臺蒞官所至悉著聲稱孰曰無自况兼諸孫
明秀器宇未量乃知積善餘慶不可誣也則夫祁之建祠樹石
既久而思雖謂公之緒餘亦奚過哉夫以公之人品行義度越
吳下從而階崇館閣輝煌斯世固其所也乃僅以令子得封秋
官卒焉謂曰位弗稱德非與嗟乎天之生人不盡所蘊則必昌
流其後理固然矣繼自今牧祁者其尚思齊於茲乎因綴之銘
銘曰賢哉耆德允矣循良古風振俗歷世弗忘飄然高潔蚤遂
翱翔才優守郡樂播天方有惠黔首無忝甘棠東吳擅名 魏
闕傳芳光昭汗簡曷其有疆吁嗟祁人真比桐鄉

明故南京通政司叅議筦湖楊公墓志銘

予自庚戌備員南部司徒越明年辛亥春三月淮陽同年楊公之子憶本持其先人行狀來乞志銘念一時榜中豪傑零落幾盡則又安忍辭按公名谷字遷喬筦湖其別號也世為淮之山陽人其先有諱十四者公之曾大父也娶湯氏生春以力農務本人稱長者春娶李氏生淋性純朴與物無競即生筦湖公者蓋其詳今淮安府志可考也居城南足不履墨市嘉靖改元時以筦湖公貴 勅封文林郎山東道監察御史娶董氏 勅封太孺人云子男二長曰銑拜官訓導娶鄭氏早卒次即筦湖筦湖生而聰明英邁性持重殊不與群兒類大父母倍鍾愛焉甫

七歲出就外傳所讀書輒領名大異及數齡日益有進由是操筆為文沛乎驚人矣一日郡守才公寬過其閭見而竒之因試之對其應如響他日月朔郡齋屢課屢稱才公謂所識曰異時縱壑昂霄魁天下士其在斯人與乃十又三歲遊泮水旋復入試棘闈甫二十又三遂領南畿鄉薦明年戊辰春果以三禮魁捷蓋士林翕翕然傳矣公既登進士三甲即欲求教官補外一日謁主司溫公仁和溫公因撫慰之且喟嘆曰豪傑之士如鯤鵬當凌駕九萬而豈燕雀知哉君勿以此介諸衷由是強之出為淞陽令淞陽浙之難治邑也公既下車興利革弊扶弱鋤強平均賦役作新學校未幾三年而邑政改觀矣會西江大盜

身志金
沅劫及於浙省勢甚猖獗公因練兵振武至身先士卒區畫指
示不旬日而底定事聞 上有白金綵幣之賜比及考績撫按
兩臺交薦之甲戌遂登北臺御史補山東道理刑公夙夜憂勤
注意激揚堂考稱職改河南道是時天下多事公知無不言正
色立朝慨然有澄清天下之志先是巡視京倉風紀卓然已而
告病歸杜門却掃節經御史寧公欽都御史減公鳳復繼薦之
乃辛巳秋仍起補山東道當是時 聖明臨御之初即條陳數
事如所謂勤延訪重親民明禮制云者中間援引辯論類多激
切一時朝論快之既而奉 勅巡視居庸諸關邊陲晏然軍民
莫不幸其來而恐其去也然公竟以其地隣京師甚邇因建議

添設兵備副使並一衛四所於紫荆易州諸處蓋以其平原曠
濶胡馬易犯有不得不然者公方籌度其事并有次第聞母氏
太夫人病乃又疏陳終養比至淮而母病益危公焚香泣禱於
天願以身代湯進俄頃而母即少痊蓋又三年而逝公哭泣之
哀顏色之戚凡有知覺者靡不為之感動丙戌春巡按御史李
公東薦之起補河南道公矢心率職猶夫厥初戊子之秋封君
偶病卧在榻公又乞歸是時巡撫唐公龍特疏以薦乃已丑春
南京通政右叅議之 命下矣公以封君八十又三勢不可離
膝下然重 上眷因捧檄登舟視事既三月仍具疏以聞而旋
兩京大夫士以其一舉而忠孝得焉稱羨有不約而同者自是

與兄柳溪朝夕承歡以求少竭昊天之報而封君訃且出矣方封君與公永訣謂之曰吾與汝母賴爾仰荷 恩錫封養生平足矣爾其竭力益効國家事可也公拜曰敢不奉訓公自筮仕家食先後膺薦凡一十有一盖清風雅望庶幾有古名臣風云公嘗謂士當以忠孝為本比歸湖南洋渙池塘鷗鷺之間得以肆力問學汲引後學而公事之外曾不以一字片言輕入城府其賢於人遠哉公娶許氏 勅封孺人繼王氏俱貞淑內助居多子六人長曰松先卒次即憶木生員卒業太學有父風娶都御史抑齋盧公女次憶公亦卒次憶淞府學生先聘御史少叅李公春山女繼娶謝氏次憶昆娶都御史熙寧潘公女次憶孟聘李氏皆業儒女二長歸太學生陸經次歸太學生朱深孫男三長思伯聘太學生葛房齡女次思元聘府學生郭子成女次思孝尚幼俱明秀孫女三長聘太學生陸允行子率禮次二女俱幼在室公生於成化乙巳正月初一日申時卒則嘉靖己酉四月初九日卯時享年僅六十有六憶木率其諸弟與孫將以今年辛亥七月初六日塋公於西郊祖塋之次嗟乎公偉人也積學而仕既仕而隱况道行於時樂教子姓澤及後進始終備矣若夫文學著述其緒餘爾復綴之銘銘曰吾聞天行至健也筦湖以龍德而自強吾見日月至明也筦湖以豹變而自章吾願河山如帶礪也筦湖以螽斯而自長

明故富平令靜齋王君配孺人張氏合葬墓志銘

南戶部新任李副郎懿述其姻親王子佩之母張孺人將合葬夫君靜齋之墓懇予為志銘以傳且知靜齋予鄉同年家也義不可辭據狀君諱宗源本潔其字靜齋其別號也世為吳橋人考其家譜宋元來以武弁相廕襲至我國初高皇帝龍飛淮甸君之曾祖從善亦嘗業從文舉屢不果如志祖俊以監胄授延津縣儒學訓導免喪後除補儀封歷臨淄學正焉父曰晟亦以監胄授蘇州嘉定縣丞當是時君隨任受業蘇之邵先生與趙君謚鄧君中和為友皆廣文同僚之子也君專心課業之外無浪遊嬉笑同門重之未幾晟轉常熟令遂以制歸然讀禮

之暇即以詩書課君及其姪曰立者一同受學既而趙君謚解發山東鄧君中和亦先領薦君至正德二年丁卯與其姪立俱在中式之列識者至是莫不羨其同窓一時之盛也然君以戊辰乙榜遂署山東安丘教諭君既蒞任因覃心職業念其邑庠教範日弛乃躬行以為多士倡由是公堂日講立有恒規夜則鳩令宿號未幾士風翕然奮發而捷科者出矣今副使劉君希龍知府趙君昶鄉舉黃禎潘密辛樂皆其所造士也蓋自是撫按兩臺聞而交薦遂擢陝西富平令矣先是富平俗頑民且健訟君視篆甫旬日蒞之以誠信綏之以寬平鎮之以簡靜加之慎而勤介而守凡所謂正俗救荒興學課士罔弗區畫焉由是

政聲煥然風動隣境而中丞李公宗樞亦以為邑令拔出君其一也君配張氏乃名族之女既歸王氏孝事翁姑甚至姑性頗嚴孺人曲盡婦道至於相夫以敬專撫卑幼以慈仁教諸子以勤苦則又聞諸黨里內外蓋終身未見疾言厲色可謂步步蘋之風踵雞鳴之芳矣子男四皆孺人出長曰瑞福建理問娶義民孫謙女次曰珙未仕娶邵淇長女次曰珮太學生娶寧津湯溪丞周堂女次曰瓛弱冠有美才早卒女二一歸邑人紀仁一歸邑人梁沂孫男二曰汝浚邑庠生娶太學生唐宥女曰汝銓聘同邑知州周尚志女孫女十長歸監生張從魯次歸邑庠生趙璧次歸庠生張之乾次歸監生周絃次歸庠生馬蓬餘俱幼

在室君生於成化丙戌十月十二日卒於正德丁丑十一月十七日享年五十又二孺人生於成化丙戌九月初三日卒則嘉靖辛亥正月十九日也享年凡八十又六云厥子珙珮將奉孺人柩合葬於靜齋之舊原詩所謂歸於其室者也復綴之銘銘曰始而同室陽之道其剛乎終而同穴陰之道其蔽乎夫我志我銘非無據也爾之後昆尚無疆乎

明誥封太淑人王氏合葬揚州衛指揮使李公墓志銘

按淑人姓王氏贈刑部主事南菴君之女揚州衛指揮使逸菴公之配今南京錦衣衛都指揮僉事光榮之母也李氏世為揚州江都人始祖勝國初為大河衛百戶乃至永樂間高祖有諱

忠者以舍人功著靖難特賜揚州衛指揮使遂世襲焉忠生綱未幾早世贈昭勇將軍祖曰鑑實承襲昭勇者鑑生淮號素軒世其官如初配陳氏平江侯莊敏公女是生逸菴者逸菴名維禎字瑞卿光榮父也氣質清羸而天性淳朴兼嗜儒書擇配得太淑人內助良多夫婦相敬睦如賓比陳淑人沒素軒內範殊嚴太淑人則孝慈曲盡常行食飲四時祭奠賓朋饌會莫不豐潔由是咸以賢婦稱之逮正德丁卯素軒投老因速逸菴公北行繼職乃中途遘疾而還不復志於宦遊淑人躬侍湯藥曾不以旦夕或懈蓋其夙賦幽貞已見鍾愛於父母比歸李門則又極其戒慎且宜其妯娌云及素軒沒則又泣哭盡哀衰縞疏食

以終其身間嘗教其家之老弱若曰治生莫如勤養生莫如儉凡所謂家之俯仰婚嫁一切人事皆其綜理而調度之乃其自奉則澹如也至於族屬之貧困故舊之貸借乞丐之哀恤則又未之或遺焉乃其撫養光榮則又莫不周悉髫歲時節不令輕出里閭懼其放也常使二老嫗挾持之且曰是兒李氏宗祧攸係其謹視之無忽正德癸酉光榮甫長始以冑子例應襲職乃淑人又曰父病子少且千里遠行冒危涉險老拙慮當如何比襲職還遐邇賀者無虛日淑人則又獨有憂色人問其故則曰子之齡幼國之事重吾恐其未之能負荷也遂復戒而飭之嗟乎以淑人之篤於母教始終若是則夫一山君感慈訓衍家聲

宜其日就光明以臻隆盛自視衛揚州歷浙江都閩荐陞坐營
擢掌錦衣罔弗砥礪名行繼之公勤清慎以迄於今何莫而非
淑人誨教中来耶夫以王氏著姓淑人二兄某某咸登甲科今
考之惟一山母與刑部侍郎葉迂湖配並以賢稱謂非南國所
僅見也哉淑人生於成化戊戌十一月二十四日卒於嘉靖某
年某月某日享年凡七十又四子男一即光榮才兼文武名在
縉紳娶張氏繼娶喬氏揚州衛指揮喬仁女封淑人孫男二長
奎娶散官古源女次舉聘都指揮姜應熊女孫女四一歸刑部
主事郝成性一歸太學生火鏡一歸庠生王緒一歸太學生俞
松男其一山下某年某月某日合葬逸菴公於蜀岡茱萸灣之
陽乃踵予乞志銘焉因復銘之銘曰卓哉李氏秀鍾維揚業崇
武畧名滿遐方婉矣淑人德齊並光鄉稱內助夙著慈良爰生
令子雄馳建康茂流家聲輝增夜堂有美後昆踵出翱翔世篤
忠貞視我銘章



端溪先生集卷之六

門人汾陽孔天胤編次建業張繼校刊

墓表

亡弟崇壽墓表

嗚呼是為亡弟崇壽之墓是故墓有表古之制也讀表可以見
亡弟矣此吾墓表之所由作與嗚呼其命乎據弟生於弘治之
癸亥春二月二十有六日乃嘉靖丁亥夏六月十有七日卒焉
實得年二十有五云崇壽字仁徵生而朴茂性柔善口嚅嚅容
愉愉鄉黨老幼之人未始識也配郭氏生二女無子嗚呼其命
乎始先大夫之令平陰也亡弟實生於邸舍先大夫每謂慶曰



此兒眉目如畫啼聲不凡其爾之羽翼乎老母亦喜曰然矣未幾病痘疹者閱月而面始有癍痕不類其初然先大夫之愛固未始衰焉甫二歲會先大夫轉判三衢乃携之任歲丙寅先公入賀乃復携還家歲丁卯先公復轉守沁州乃復携之沁州已巳先公丁繼祖母蘇氏憂時先公已感風疾然雖疾中鬱鬱而崇壽未始一日不在膝下則其鍾愛可知矣先是戊辰慶之倖捷南宮也先公輒以書入京師命慶曰此吾老生兒也可梓名登科錄上乎蓋先公手書未至之數日而予已謀及梓人矣時京師朋舊為之語曰王氏父子其同心乎不然何其不約而同如此辛未秋慶以戶曹得罪投嶺南旋守先公制服闋量移

復有沁陽之行亡弟崇壽實從行乃令與兒子野田日從事小學諸書然猶未脫蒙也戊寅佐守登州崇壽亦從行則令與郡中秦司訓容者遊矣然猶未脫蒙也乃辛巳僉事江西臬崇壽亦從行日惟自課而已比還始娶郭氏女乃復敦請甘子紹先季子宗美教焉然猶未大脫蒙也嗚呼吾之為爾者亦良苦矣乃竟不能見爾之成耶方爾之疾也吾嘗丁寧爾矣乃竟不起耶嗚呼其命乎夫命制之天者也制於天則人力不可為矣吾何言哉爰命匠人采石黎陽親製鄙文表之墓側識始末也嗚呼崇壽其有知乎

明處士王公順安墓表

公名頌字君備順安其別號也大名府魏縣人高祖奉穩世居潞安之黎城縣永樂初徙居魏縣之方里今遂為魏縣人云曾祖正娶張氏祖玘娶郝氏俱以儉勤傳家由是家業日益廣君子以為王氏遷居魏博所以宏先而振後者於是可考其槩矣備之父曰文娶翟氏賢而內助聞諸里黨公父文幼而聰慧稍長即業儒兼之蚤孤特立慎於勵行勇於積善性高潔慨然有拔出儔伍之志鄉無衆寡凡疑難鬪爭皆於君取衷焉嘗獨居鄉之別業讀書課耕之外足不履城市有司聞之舉以為亭長使之糾正其蒙昧者每旦焚香率同志二三故老申之以社約里人感勸及衰年尚親燈火樂於教子乃進士君光祖實多公

所策勵先祖之幼也嘗出帛於所親歸途拾金一囊既入門即以告諸父父怒形於辭亟令還之進士君依命往候果一女婦哭尋道左遂全付焉問其故則帛而回偶忘失去者進士君歸言其詳公大悅曰吾家本業農無他陰德乃今有是亦仰前脩而自效不使以積金貽累汝也進士君拜曰敢不受教乃既數年至癸卯果領捷鄉試甲辰遂登進士君子以為還金之報其信而徵哉是年秋進士君出宰東昌之夏津因迎公宦邸養焉邑政因葦多咨庭訓以行乃乙巳冬公以疾作遂卒公嘗謂吾生既順沒而斯寧也已邑之人士因私謚為順安先生享年五十又八云據其生弘治戊申四月初九日卒則嘉靖乙巳十二

月十一日也娶申氏生子男二長即光祖進士篤實有行次光考娶崔氏女二長孟珠歸鄭汝楫次仲珠歸宋朝皆邑之巨族也公晚年乃遺扁兩郎一曰慈弟則以命光祖也一曰敬兄則以命光考也君子以為順安公生而知教其家沒而知垂其後庶幾全德無恨也已丙午三月二十八日卜葬城南三十里之方里東一里俾公之後人世守焉

明陝西行太僕寺卿喬公墓表

戊申之秋寧陵喬生士賢走書都下以厥祖萬竹公墓表請於端溪子端溪子曰吾聞萬竹公舊矣即其平素固海內人豪也况先公漸齋與公為庚戌同年義安敢辭按公諱恕希仁其字

萬竹主人其別號也世為寧陵人高祖二公曾祖和祖諒考敏封監察御史妣王氏贈孺人從公貴也萬竹公以上四世皆有隱德弗仕至公始大顯公之生也重厚端毅童稚時即知從事於學未幾入邑庠為弟子員茂著聲稱一時黨族咸大噐之乃成化丙午果鄉試中式弘治庚戌登錢福榜進士釋菜後即授山西平陸知縣公嘗謂晉本唐地俗稱勤儉乃課農勸耕興學勸士平陸翕然稱治撫按交薦其賢於朝居無何以王孺人憂制歸既免喪再補微之婺源令婺源喜爭而健訟每接手要津以濟其私公聽訟明允曾未留宿兩詞皆服由是撫巡又薦之猶夫平陸也蓋自是遂拜官監察御史督茶政於陝西茶流

而溢於庾又嘗按西江及北直隸諸府所至貪墨至有望風而去者正德初逆瑾專恣士夫多巧宦避禍者公獨持正以直道行瑾以忤已中以他事詔獄罰粟至千數尋謫邳州判官瑾既典刑一時左遷者皆復官公始轉戶部主事復轉郎中 勅命總糧芻於大同公至乃督逋慎出固有或犯之者由是士飽而積亦充矣居歲餘擢湖廣左叅政既而陝西行太僕卿之檄下矣公捧檄笑曰吾老矣不能行也遂乞休歸公質任自然不喜效世俗能與親舊會但話及桑麻畝畝而已若其在臺察也則又多所建白蓋近世所僅有也先是弘治壬戌公巡於順天時國戚張和輩怙勢多致平民含冤而死者累年莫能決公至即

慨然首訊之由是罪人輸情事聞 孝宗以為真御史云繼巡西江又蚤識逆濠有異志其在里居亦未嘗輕謁邑宰子巒好脩造廣田宅公每不悅且戒之賦性溫厚然殊有分辯與人交但忠信以行城西有園冠童多從遊者公逍遙其間以示終老蓋其平生之大較然亦足為世範多矣公生於天順庚辰二月初六日卒則嘉靖己丑正月二十六日也得年凡七十配陳氏繼配馬氏俱先公卒子男三長岱邑庠生次巒太學生次岳亦皆早卒女一歸國子生曹价陳氏出也女孫一巒妻朱氏出也歸睢陽指揮李寅男孫一士賢有志行克振祖烈士賢以卒之某年某月某日葬公祖塋之次夫以公之人品歷官中外加之

賢子若孫又足繼述公復何恨雖其濟世之具取用未伸然而遺澤未艾鄉評未泯也其真弗朽乎其真弗朽乎

明故大理寺卿後菴李公墓表

公諱珽字廷重別號後菴吾開慶祖里人也高祖山生寬寬生敬敬生成即公考也贈承德郎刑部主事娶吳氏早卒繼娶孫氏贈安人公生四歲孫氏卒再繼張氏又十年父亦卒當是時公子然獨立無諸父伯叔兄弟事繼母張曲盡孝道初張母性頗嚴公積誠久之張遂感而為慈母矣弘治戊午年十有八入州庠時州牧池陽李公嘉祥校藝諸生見其所為文字深用嘉賞器重之甲子果領鄉薦明年乙丑登進士第試政工曹未幾

拜官長洲令長洲吳下巨邑也獄訟租稅之繁視他邑奚啻十倍公以青年濟之精敏未暮月而利興弊除聽訟詳審俄頃是非立判民至以神君稱之會逆瑾用事以勘魏國公田土誣奏被逮至京師邑人多爭出金帛餽瑾贖公者公正色曰吾知義與命而已竟卻之既三載擢刑曹主事及北旋邑之士則又爭持金幣追而送之公辭焉歷本部員外郎中明獄慎刑太學士楊公一清冢宰陸公完每見縉紳輒稱為西衙門第一云在部僅一考遂擢守東昌府未幾以才力之優調常州又一年丁繼母張氏憂既免喪補山東之青州府青州土產鹽鑛民多私發為利者官捕之又每聚而為盜公設謀擒其巨魁釋其脅從

地方以寧甫數月擢山東按察司副使兵備徐州是州路當兩京諸省通衢供給頗難公儉節約量令有司動支無礙一毫弗及里甲是時巨盜王鏜聚衆數萬流劫遠近公憂之選委各路官軍調集精銳至以戎服親臨行伍掩襲賊巢至火焚首惡餘黨解散總督余公諫奏 聞有銀牌金幣之賜尋陞浙江左叅政又明年復轉山西按察使晉俗民悍而好爭有相訟數年弗結至沒於囹圄者公下車片言決之蓋自是獄無停囚三晉無老幼皆以青天呼之年餘陞僉都御史巡撫甘肅抵任未久以山西按李福達事被逮復至京 廷鞠之日有教公以事諉巡按可脫罪者公以生死榮辱命也惟以罪當歸已不易初言廷

不默然嘆服獄成遂戍廣西潯州所過宦遊之地士民靡不有感泣如赤子之見慈母也在戍所十餘星霜公配結髮安人秦氏遂旅卒廣州從行親屬以瘴癘相繼死者凡一十有四人公會無怨尤之色某年蒙 恩詔始得生還壬寅秋虜騎南犯至於太原京畿戒嚴 廷薦起公原官提督馬門諸關並巡撫山西公聞 命輒書未至即日就道既至乃督率將吏躬詣三關陳言禦虜邊務及戰守之策 上皆嘉納添增太原岢嵐代州平陽四叅將招募兵至萬有二千脩築邊牆東起平刑嶺西抵了角墩延袤八百餘里復選調各屬民兵及各將領兵馬分守各該方路是歲虜聞有備果不敢越境矣事聞 上

賜文綺衣一襲降勅褒獎尋以邊勞得疾疏 上乞休不允乃扶疾視事既而疾劇復 上疏如初遂荷 溫旨往回籍調理病痊起用戊申春復起巡撫遼東公至遼築屯堡添戍卒選士民壯者教以長技不數月悉為精兵是年季冬擢大理寺卿候代聞虜寇遼陽甚急公會同總戎李琦督諸路兵馬申令設伏鏖戰累日得虜人首級凡若干顆馬匹器械無算捷奏 上心嘉悅方議行賞而勘者乃謂功少罪多事遂寢公自是焦勞成疾比至大理疾轉劇由是疏 上乞休歸未踰年而卒時二十八年十一月二十九日也公自筮仕履官無慮四十年所至悉者聲稱若其敦宗族篤故舊雅歌投壺則又人多樂其真率蓋

天性溫厚兼之明諒簡易在鄉有恂恂之風入仕多表表之政中間放逐嶺海間跋涉亦已極矣配秦氏與公同患難初不以常變而忘糟糠也其賢可知也矣子男三長易太學生朴謹猶直孚於識者次旭次是皆讀書克家女二長歸同郡憲副孫公經仲子鴻臚序班如筮早卒次歸大理卿王公經仲子官生行恕孫男四曰份曰修曰偕曰任孫女三長歸庠生王三謨次歸王之鳳三許聘太學生劉尚綱男樹公生於成化十七年三月初十日享年凡六十有九云公之諸郎卜三十年十一月初六日改葬郡城西聶村之新塋且荷 上有諭祭勅葬之典可謂垂老之榮矣則夫中年坎坷又惡足為加損哉謹用表之公

墓聊識歲月云爾

海虞庠生陳君謹齋墓表

弘治壬子予從先大夫漸齋宦遊海虞因與君同業乃兄東麓公門下是時謹齋已馳名里閭視予益倍長數齡焉別來五十年外謹齋墓木拱矣今年夏四月其孫曰仕持東麓公所撰舊志乞表諸墓然而情切舊遊交孚筆硯有未可辭者若夫始末則東麓公備矣請述其大而要者君名文字曰汝明謹齋其別號也生而朗秀英發兼之嗜學出於天性自父兄而下咸愛重之既長授毛詩潛心玩味多穎悟一時髦俊皆以為莫之及也至其操筆為文則又出人意表兼之書法晉人小楷亦自拔俗

他如醫卜鑄刻之類率又不學而能予日且聯床水心茅屋今尚想見其眉宇宛然在心目間也然君志進取入試鄉闈者凡至於三乃竟點額識者惜之自是忽忽杜門人亦莫窺其蘊予乃知成敗利鈍信乎有命在矣先是君之考妣以家政一切付之謹齋為經理焉則以助東麓公之不逮者固亦多矣君儉於日用長於治生孝友躬行處伯仲之間怡怡如也鄉人士衆亦無議者與東麓送終考妣多合禮節然以一疾竟至弗起實正德十一年乙亥十二月二十七日也據其生則成化六年庚寅七月九日享年僅四十有六云嗚呼豈其數之奇耶配衛氏前福建副使節菴公之孫女子男四簡邑庠生娶錢氏次策娶徐

氏次符娶周氏次節娶張氏女一許邑人李厓孫男三仕聘袁某女次俸次偁孫女二一許聘張某一尚幼夫以君之人品學術若是卓越乃其夭於年齡晦於顯用而謂天真可問也耶况其後昆悉多賦才要亦未可量也從而述君之素俾君之子孫刻諸堅岷世守無忘則亦庶斯人之不朽也已矣

明勅贈承德郎戶部雲南司主事楊君暨 勅封太安人

武氏合葬墓表

按狀君諱偉字世英號某其先山西洪洞縣人也國初始祖諱儉及祖妣李氏來遷館陶縣因占籍孝良保之七圖今遂為館陶人云儉嘗從事吏役後遂專農生子男二長鐸娶李氏次王

無嗣鐸生二子長威邑庠生次盛娶王氏師震曾大父也盛生鈞少業儒娶劉氏勤力耕織家因豐裕庠有陳生流落病幾死大父親調藥餌以起之且為捐資以濟陳之後人迄於今未之能忘也至圃蔬園果信饑乏者取而弗校鄉有不平事一決而息耆舊尚多記憶謂其不詭俗不近名無所為而為有以也生子男三伯元仲奉季傑即贈君也幼亦業儒未就先娶王氏新河人剛之女無出而卒繼娶則太安人武氏也賢而婉多內助焉邑之王萊村人文通之女生子男二長即師震戶部郎中次師縮女曰重陽適某封君性仁厚事親以孝聞太父沒鄉人無問老幼皆知能致劉氏之養也仍讓田二兄以贍其家口人

有稱貸不問償不視息以是鄉人又以輕財濟急稱之至如親識有鬪訟者則又不願詣公府而日來求質是非往往相接踵焉喜飲陪賓與大父若出一轍樂善好施里社推首事多詳密終其身不至邑宰之門愛物之誠一草木虫蟻之細曾莫忍摧折踐踏之是可以觀其素履矣然而行年四十始生師震由是遠邇稱慶以為積善之報也方湯餅之陳竟以樂飲成疾不起乃與前妣王氏合葬城南祖塋當是時戶部君甫七齡與其弟妹俱在襁褓太安人哀毀欲以死從所親救勸之誓節孀居養劉之日饌具必躬治疾則調嘗藥餌夜必焚禱以身代祝竟為傾貲以襄厥事若夫讓而有恒以處妯娌慈而能惠以御童僕

雖盛寒大暑衣食之間未始倦也事良人猶事其姑比及蓋棺則又盡以篋中所貯付之火而弗顧僅以遺資自濡已矣是時荼毒百出太安人茹苦祝天蕪之弟妹繼殤撫戶部君曲盡劬勞乃擇師授書課勤懲怠既長補邑庠弟子員又謂既免淪敗則顯揚可圖也歲屢荒恐家事就微而廢業則又勸激益切云戶部君娶宗氏封安人同邑和之女太安人亦嘗訓以婦道示以紡織脫其簪珥以充書燈之費積之數年乃登甲辰秦鳴雷榜進士授官民曹雲南司主事吁亦艱矣是不足以慰母志也乎蓋自是而路亨名彰上下京師必輿隨往返得受慈訓以展孝思每元辰令節必冠裳稱壽談及往事則又垂泣而告曰不

圖孤兒寡母乃見今日兒其勉之又慮戶部君行年三十子未立也取同居兄善之子為嗣然太安人雖多慈惠至其內外家政則又肅如秩如莫之可犯每當戶部君趨朝太安人必終夜不寐往往若將倚門而望以俟其還不然晝亦不即下筯也往在天津宦邸凡所用必取諸梓里皆母太安人意又嘗面命之曰富貴無忘貧賤其直賢母也哉比奏績進階承德郎因追贈厥考如已官封妣為太安人矣及仍命漕運監兌即縈思遘疾藥餌弗喜二月中幾危未幾師震擢官郎中歸省方將卜日戒行乃二十一日蚤起問疾易衣遷寢即屬纊矣嗚呼悲哉封君生於成化十一年乙未八月二十六日卒於嘉靖二年癸未閏四月初二日享年四十有九太安人生於成化二十三年丁未十二月二十五日卒於嘉靖二十九年庚戌五月二十一日享年六十有四乃卜遷於巽方五里外新城之原十月二十四日合葬焉使來乞表王子曰吾觀楊氏之源流及其父母之慈嚴與戶部君之造業多艱蒞官惟慎今時固亦鮮矣會予入賀過里不日且將之任南部聊作此以復

明故段隱君墓表

隱君諱奉先字思孝其先山西高平人洪武初有諱仲賢者徙居吾開嘗以工醫授南樂醫學訓科遂占籍南樂云仲賢生麟正統戊午以禮經魁京闈既而屢試南宮不利授山東濮州學

正尋以憂還服闋歷河南汝磁二州學正當路薦其賢有山西文衡之聘擢南陽府學教授致仕麟生琮即隱君父也以歲貢授河南中牟縣訓導一時門下士多所造就歸之日行李殊瀟條然訓導君視之漠如也琮生子男六人隱君行實第六甫二齡而父歿伯仲各異爨隱君僅得城中屋數椽郭外田四畝而已比年十五六即卓然自立以幹蠱為己任乃力田治畦獲者恒數倍他人田南樂水宜麩隱君復以田之獲者麩風寒濕暑啓閉以時俱有法度故麩美無惡息恒數倍他人麩以故不二十年起家萬金遂以財雄視一邑則隱君之致富其才智有足稱者矣且天性孝友居母鈔氏喪哀毀踰禮四兄承先為諸生

白眉而父困塲屋隱君恐其日就淪落乃以數百金與之不責其償承先以是得援例入太學仕為沂水簿他如周人之乏急人之難每毅然恐後是故鄉鄰多賴之舉火然今固未易數也先是客有勸之納金拜官者隱君曰踈散既久一旦裹以章服吾恐其弗適也君子聞而高之娶王氏克稱內助子男五人長致遠娶李氏次柔遠予之乘龍子也次視遠娶席氏次澤遠娶董氏俱太學生次壽遠聘董氏鄉進士弟裔女君子以為悉有父風云女六人一適李諧一適邢慕一適邢芬一適孟一言一聘張溥一聘姚復振孫男五人長金次某致遠出也次某次某柔遠出也次某澤遠出也孫女二一聘侯慶柔遠出一聘李慶

墓表
人端溪先生集卷之六
三
雲視遠出夫以隱君之承家詩禮而又奮迹農商兼之積而能散益光父祖吾乃知杏林之遺澤推也為濟世之仁畜也為處已之義今之富室蓋渺焉寡儔矣顧乃五十有五以歿其命乎據其生弘治丁巳六月初四日其卒則嘉靖辛亥二月二十九日也致遠等以子忝姻眷走書金陵乞表墓側嗚呼克是心也至於永言孝思表裏一致雖古人終身之慕何加焉聊作此用識歲月

明故處士槐岡叔公墓表

公諱繡字大備別號槐岡予從叔父行也高祖彬曰雲社翁者當元季避兵自山西繁峙縣徙居開州今雲仍蕃衍鄉稱衣冠茂族者必曰東郭王氏家則翁之善積當年慶流後裔可槩想也已矣彬生浩有隱德不仕浩生智智生玘玘配李氏生子男四人槐岡其季也先是予自童稚時與公實同筆硯皆受學大章叔父往往以豪傑自期待而凌雲之氣濟世之志又多不約而同一者顧慶自戊辰倖捷名科今且馴叨八座而叔則已稱古人矣感今懷昔不其悲乎叔早失怙比少長見撫於兄嫂復為擇師講學即稱勤苦甫弱冠補府庠弟子員然大名去吾開百餘里薰之家素屢空往來奔走者無慮二十年餘予每從而激之進脩至繼之資費然竟以是廢業信哉人生之有定命也叔性近狷介不事浮華語尤直率與鄉人處或辯別是非人多不

能堪久之知其中亦無他怨是用希焉若夫教子以報本睦鄰以厚俗薦新以廣孝則又不但朔望之風興時物之後嘗語言之諄切而已夫以叔之跼伏草野跡若不踰中人而立身行已乃為鄉人族子所共知情吾固知未盡之福當貽其後之人矣尚何遺憾也哉據其生成化十五年四月十九日其卒則某年五月初十日也享年凡七十有一云娶張氏克脩婦業人稱尚助子男一崇寶娶張氏為州庠廩膳生篤實向上有遠大志女四人一適樊世隆一適孟我一適蘇守仁一適馮以實孫男二長堪次埤俱明秀女孫二尚幼崇寶嘗從遊門下以予知叔為悉乃走書金陵乞表諸某俾新所借是以光無窮且將來子姓

有所考焉

誥封奉訓大夫宗人府儀賓質菴孔公合葬新鄭縣君墓表

陝西右方伯孔汝錫天胤氏子昔駐汾間課所品題者先是厥考奉訓大夫棄背山西巡撫陳公講既志其墓而銘之乃二十七年三月初九日合葬厥妣新鄭縣君於萬戶山之陽生事喪葬已極榮哀仁孝之情始終備矣尚復何言顧汝錫之請方勤而予以司徒南部相去數千里追惟往事義安可辭按狀大夫諱麟字應經別號質菴世為汾陽右族曾祖友端祖表皆畜德未仕父大禔官巡檢母和早卒大夫六歲鞠於繼母張即以孝

聞年十五通詩書兩經能文章督學王君鴻儒試而嘉之自童
生超補增廩員郡博其嘗過飲其家見古鼎索之母張固弗許
因以銜公雖極窘辱而質菴誦習如故比年十七有司為宗室
女新鄭縣君擇婚強以質菴姓名上 敬皇帝帝可其奏 誥
封奉訓大夫歲食祿米四百石質菴盡以歸諸父母兄弟後雖
分產亦聽兄弟取以為有曰但使親心慰悅可也汾多王孫習
於豪俠動呼鷹犬衝侈路衢質菴厭之目惟杜門讀書作字且
妙契玄理至手書參同契端好弗苟然不營家人生產未幾公
祿鮮繼與縣君蔬食布衣晏如也是時汝錫生而巍然頭角殊
有奇氣大夫每鼓掌曰大吾家而恢吾未造之業其斯子乎遂

躬自教焉並立四戒如所謂粗心妄語歌坐逸遊云者至季子
天民亦苦心嗜學旋復踵捷於鄉初大夫迎養入關中也見汝
錫學政過嚴而憂之示以弘度後果不理於口謫守祁州尋迎
大夫於祁一日觀於野而見民和馬則又喜動顏色部使交薦
遷穎之兵備僉事大夫西歸復寓書戒其勅法毋撓既踰年而
一道果治再擢陝之少叅當路多薦其賢者其得之大夫不既
章章矣乎先是質菴在祁寢牧鶴亭夜半亭壞物盡摧而大夫
孰寐無恙邑人神之嘉靖戊戌忽病卧汝錫之陝猶及過省受
遺命卒之日十二月二十日未時也配新鄭縣君姓朱氏 太
祖高皇帝之後也曾大父慶成恭僖王大父鎮國將軍諱美塚

輔國將軍諱鍾鐺母夫人謝氏以成化二十年七月初九日巳時生縣君享年六十有三而終時嘉靖二十五年三月十四日戌時也縣君生而莊嚴脩嫺均凜即温剛絜慈良嫉邪嗜善雅有識量與大夫處相待如賓家人事之親則如母畏則如神其始也本出富貴遭家中耗艱窘困蹙人莫堪其苦縣君怡然若固有之嘆息炎涼謝絕戚里焚軒杜扉無諂無屈及汝錫督學浙江而縣君奄逝矣謂曰數非與雖然大夫之亡也汝錫得侍湯藥屬續孝非有加焉其不得侍藥與續於縣君孝非有損焉要之王事私養不可強而同者時也所可合而一者心也汝錫亦盡其心而已矣然亦何害其孝之同哉子男二長即天胤千辰進士及第歷官陝西右布政使有學行大名於時次天民舉丁酉鄉試古所謂難兄弟者女二人長歸某次歸某男孫某某往年庚戌佐春卿時會汝錫免縣君喪如京師踵予乞表諸墓顧冗奪未遑也乃今如狀撰次碣立夜堂庶大夫縣君德匹生前光垂身後汝錫兄弟之用心顧不宏且遠哉嗚呼繼自今孔氏雲仍可以踵而述矣

明贈徵仕郎南京戶科給事中懷雲萬公孺人賈氏墓表
辛亥之春二月望後南京司諫萬君岑南以三載考績京師銓部以贈封之典例請於上於是推恩追崇所自贈其考如已官乃其妣得追封孺人云謹按公名祚字天錫別號懷雲其先

豫章人也始祖有名中者 國初從征雲南以軍功累拜官至都指揮同知遂留鎮雲南因家焉今其子姓世襲臨安衛指揮卓然以族雄一方兼之業儒往往多取科第者至於今不乏固宜乃至懷雲公始樂隱逸君子是以知岑南家世有源流矣懷雲父名昂號雲軒篤朴天成里人重之厥母王氏亦溫淑內助懷雲始三歲即失怙今想其號踵懷雲仁人孝子之心端可識矣懷雲賦質光明磊落特立不群與物無競若乃事有當為即毅然為之而於好善惡惡尤甚弗苟蓋有司鄉閭皆素重而禮貌之若其平居事親交久莫不各盡其心與力考諸鄉邦無間然者其他尊嗜樂賓賙貧問疾守身揚善多類此所謂一鄉之

善士其殆斯人與至於孺人賈氏亦系出武弁大族甫笄歸懷雲公善事太姑早相夫而勤儉晚教子以嚴慈若詩所謂采蘋鷄鳴豈多讓哉嗟乎先觀懷雲公之種德再觀賈孺人之貽教可謂室家並美矣公生於成化壬寅年三月十二日其卒也則正德己卯年十月二十日也享年僅三十又八云孺人生於成化之辛丑六月二十有九日卒於嘉靖辛丑十一月十三日也享年蓋六十云子男四長文奎次即文彩嘉靖戊戌進士今南京戶科給事中克修官箴蓋諫垣表表者次文光蒙自縣庠生次六哥蚤夭女二孫男七異時荐升要津恢弘素蘊士林之慶於是乎在獨夜堂之光也哉尚願雲仍視此無替云爾

行狀

宋古愚先生行狀

公諱明字惟遠姓宋氏別號古愚世為大名之黎陽人曾大父叔昭大父春父恕皆樂善弗仕母鄒氏有淑德蓋生公者公自幼敦重風神凝遠如老成人比其將冠從師受業日記數千言未幾入邑庠聲動鄰國矣會巡按御史桐廬俞君畫試其文大加賞嘆由是公之名日益彰焉是時娶盧氏邑令實為之聘遵御史俞公命也成化辛卯以壁經領鄉薦壬辰丁內艱戊戌登進士觀戶部政己亥本部尚書知公才乃命遼東處給軍餉歡聲達於三軍歸授本部雲南司主事辛丑委督太倉糧儲屠奸

國家圖書館, NATIONAL CENTRAL LIBRARY, TAIWAN, R.O.C.

剪弊風采著於京師漕運官旗多憚之者會群小毀公於中官
尚銘將欲誣公中以竒禍於是尚書殷公謙極力救之事乃得
解癸卯再委監督廬鳳淮揚河南諸府兌運比及暮月報完恐
後殷公聞而鼓掌曰固知是事非宋主事不可也由是公之才
美日益隆洽矣甲辰守外艱居喪盡禮鄉人賢之丙午服闋改
福建司主事丁未進階承德郎贈祖如已官鄒氏廬氏俱安人
是歲再委臨清倉時中官劉玉等頗恣橫公一切裁之以法由
是倉場肅清軍民稱快戊申擢官員外郎監兌小灘鎮民力之
省實視往年有間焉 孝廟己酉中官陳貴奏乞庄田濫及容
城各郡縣人莫敢誰何而公以推選往按其事既得其情則抗

疏聞於 朝於是貴之私無由以逞而地復歸小民矣容城各
處父老至今稱之保定守吳君傑嘆服之庚戌轉官郎中辛亥
奉 勅冊封慶府餽貽甚盛公一無所取止受其詩文而已壬
子還京師復有總理漕運之命由通州抵儀真官河疏通 國
計充完蓋以四百萬石計尚書葉公珙因器重公凡部中章疏
多托公為之癸丑擢公兩浙轉運使蓋冢宰耿公裕簡拔乎公
者如此公下車初會鎮守中官張慶頗不繩憲度公一無所校
但靜以處之均派支謹盤剽嚴銷繳禁私販創倉廩積粟穀賑
貧灶恤復業而已由是清聲直氣洋溢乎淮海間矣御史吳公
漢姚公壽皆交章薦之有操守無玷剛果有為之語丁巳考績

戊午進階大中大夫贈父及祖如其官祖妣以下及盧氏劉氏俱為淑人甲子以九年考最改山東左叅政引年休致乙丑進嘉議大夫會逆瑾誣公以鹽課乃傾家以償僅以身免而已後瑾誅尚書孫公交侯公觀知公為素卒復還之餘不得預也公歸田二十年累奉 寵恩士林榮之縉紳大夫士兩登公之堂以壽公至製為詩歌以見頌濬邑自 憲廟以來未有也公嘗却僚友之金助姻親之喪黎陽陽和等十一里先是隸屬河南淇湯二縣民未便焉公聞於當宁仍復濬邑里人來謝公笑曰何為者此見公之處身居鄉又自不可以尋常尺寸者觀也公生而天性厚重望之偉然美髭髯善談論堂堂乎一時之俊傑

也居官自郎曹以至藩省清苦直諒如一日淮上之民有鐵宋之謠自秀才以至歸田垂老忠義豈弟如其素黎陽之人有黃霧迭坊名登黃甲之識是可以見公之人品矣公生於正統丁卯二月初二日卒於嘉靖丁亥正月二十四日享年八十有一先娶盧氏繼娶劉氏子男三慄先卒龠介俱國子生有孝行鄉評重之女一適國子生趙憲男孫三可久可大俱庠生可大先卒可賢業儒女六俱適名族曾孫二長存次在公之仲子龠以公實行乞予秉筆為狀作志銘焉追憶先大夫漸齋登弘治庚戌進士觀政戶曹公是時方為正郎乃最愛重先大夫者則今日固有世講之義可默也乎謹撰述如此

墓誄

明添注山東左叅政前大理寺卿龍湫王公墓誄

公諱縉字邃伯龍湫其別號也其先出自鳳陽有四世祖曰玉者洪武初徙居開州之別駕里今遂為開人云玉生福榮福榮生貴貴生溥溥公之考也嘗為陽曲丞今進封都御史從子貴也狷而介以事忤上官歸年七十餘卒配牛氏嚴而弗事姑息治內井然有法度家人憚之識者以公之剛方寡合母實胎教之矣公之生也聰發明哲夙有穎悟深潛而弗浮質素而弗俚沉毅而有斷博洽而有文浩浩焉汪汪焉人固莫之測也公嘗謂莊恪足以日強故脫流俗之和謂簡要足以蒞衆故絕泛濫

之交謂端肅足以振褻故羞邪媚之態謂儉約足以行遠故耻
紛華之行加之考覽經史進退古今遇變而不乖其常臨機而
不滯其用用行舍歲仕止可則蓋近世未之多有也 孝廟戊
午舉於鄉乙丑策對擢進士二甲十一既而拜官戶曹司徒郎
父之出守衛輝其行政猶戶曹也守衛輝幾四載始遷副使楚
臬其行政猶衛輝也會今 皇帝入繼大統有宦者谷大用迎
駕而南見公禮貌不之異也因辱公而褫其服公遂號呼而徑
奏諸行在 上為溫旨遣中官慰之候處分焉已而改汴臬有
擒賊奏捷功遂叅政晉藩其行政猶夫楚也當是時晉亦患盜
公乃躬率將士而振策之無何盜平由是行太僕之命下矣衆

論以擢非其宜而又不當其功然公亦從此以病棄官歸又三
年銓部益薦其賢乃晉陟方伯全蜀旋守內艱既免喪又復方
伯西江未幾擢都御史巡撫本省公苦西江多徼訟因稍加裁
抑又弗通鄉宦之在當路者及召為廷尉其直道猶西江也乃
遂莫能康其位而山東左叅之補出矣於是衆論又多莫能平
者公方且自安厥命莫之怨尤將抗疏乞退而遘疾卒實嘉靖
丁酉正月十一日也春秋僅六十有一云臨歿不以利囑其子
一時僚寅莫不咨嗟稱嘆故老遠近至有聞訃揮淚者可謂三
代之英拔乎其萃者也公之仲子行恕才俊而志雅以 恩蔭
入太學宛有父風繼室陳氏出也公亦何遺恨之有遂作誄曰

矯矯王公英聲茂流歷官中外道行政修門題冰蘗氣欲凌秋
冠掛逢萌壑可藏舟遠公既父德音孔昭龍蟠重淵鶴鳴九臯
宜卿宜相尚未二毛知人則難古病唐堯我思廷尉邦之紀綱
公既之任叅駁惟詳刑多平反名協於張群奸側目貝錦思傷
嗚呼哀哉乃既藩叅公益礪淬讒言未殄聽者猶醉柰何昊蒼
哲人隕墜天平人也誰榮誰悴嗚呼哀哉公善大書兼工詩草
美談四坐聞者傾倒清風不磨孰謂其槁大節無虧孰珍其寶
嗚呼哀哉公凡三娶始自吳門爰及張陳德俱柔溫男三女五
更獲令孫視兄撫姪誰知其敦嗚呼哀哉仲郎相繼號稱克家
志存仁孝質復孔嘉人生令終餘何足嗟喬木蕭森落日啼鴉
嗚呼哀哉遺容雖遠典刑猶在佳城我我過者興慨人誰弗亡
所貴義槩良史秉公尚昭百代嗚呼哀哉

明勅贈工部主事孫公配安人常氏合葬墓誌

贈公諱愚字用哲開州榆林里人也厥考諱盛嘗訓導三原有
令名於時妣郭氏生子男三伯曰憲早卒仲曰聰辛未進士官
至慶陽知府終四川按察副使季即贈公也公之考以仲兄貴
初贈承德郎刑部主事既而加贈中憲大夫邦人榮之贈公之
歿垂四十年餘乃嘉靖癸卯二月十日始合安人而葬焉若夫
贈公之世系則太史歐陽氏之志銘備矣今謹撮其行誼之著
者表之墓俾芳烈奮於百世令名流於無窮庶幾贈公早沒而

弗朽安人後死而益光去昔贈公之生也方七齡而厥考卒於
宦邸乃哀慟至動吊客既長去學而業農則又克敬其兄善事
其母識者由是益加重焉里中嘗有惡少侮贈公贈公終不與
校既而卒感其人悔謝若無容地則其雅量又有足多者矣他
如撫伯兄之遺孤則代租輸稅因使聞知恤姊氏之無恃則分
田授廩若恐或後此又篤厚宗族之大者也配常氏蓋東明處
士聚之女資柔婉有賢聲既歸其鄉人皆以為得內助云子
男一即今工部員外郎國也生八閏月而贈公歿春秋僅二十
有九云當是時安人方且栢舟誓志回生於九死之餘斷機示
兒完名於六十之後卒之徽音播式於采繁世美繼聲於入穀

宜夫守臣剡薦其賢 天子旌表其閭也則夫龍章赫耀下賁
九京貞範森嚴旁及列郡固非倖而致矣遂作誄誄曰嗟嗟贈
公玄德匪幽既仁且孝爰獲天休早迎嘉配允稱好逑星霜垂
老言誓栢舟嗚呼哀哉匍匐示勤嘗丸示苦彼蒼下臨昭昭如
觀遂致仙郎榜登龍虎蒞官水曹精忠誰伍嗚呼哀哉琴瑟聲
遠蘭桂叢芳卓爾喬門共號大方高風清節水碧山長餘澤未
涯滾滾流香嗚呼哀哉 聖明側席求賢惟新誰謂柱石弗賴
臣鄰有美國噐文苑所珍誰謂濟美匪由二親嗚呼哀哉讀公
志銘傷心未已題公墓石用彰信紀庶幾後來采之 國史地
靈呵護厥惟永矣嗚呼哀哉

嘉謨 一人 嘉謨先生集卷之六 四
明贈徵仕郎禮科右給事中前南和縣史李公配封太孺

人胡氏墓誌

公諱瑄字宗玉山東東阿縣人也祖諱勝配陶氏厥考諱祥娶
苗氏子男五人公蓋第四子也公生而聰敏長髯鬚善談論讀書
多所自得既弱冠棄舉子業去為臬司掾卒授扶溝縣史進封
今官從子貴也公早娶胡氏即有賢行聞於時子曰仁字元夫
正德己卯以毛詩發解東藩乃嘉靖癸未舉進士南宮初為行
人歷戶禮左右都給事中以直道補外初判吾開繼判漢陽既
而陟南都刑曹郎中今始副使河南按察君子以是知其守之
正蓋不愧真諫官云元夫之過開也實癸卯夏四月乃首以其

考妣墓誌請於端溪子然而公之世系與太孺人之貞操彞行
則太史涇野呂公之志銘備矣乃撮其梗槩用告公之後昆俟
觀風者采而登諸 國史庶幾子產云亡宣尼悲其遺愛隋武
既歿趙文懷其餘風云昔公篆史扶溝也摘發奸伏表章哲賢
盜獲於浣帽之匠祠創乎明道之院君子以為克是以往則夫
仁經義緯足以篤穆王庭玉振金聲足以洋溢海表矣逮公之
服除也再補南和積其誠足以屈負氣之強令忘其生僅以還
不測之虜疆君子又以為推此而上之則夫績簡 帝心聲敷
物聽又皆可坐而致也若夫太孺人則亦有足稱述者懷斷機
之志則孟母同芳宏嘗膳之教則敬姜風斯下矣况苦節聞於

垂老之秋儉勤行於內則之素卒使仙郎策名魏科補袞 魏
闕緝熙皇猷於 昭代茂騰英聲於士林可謂淑德令終垂法
無窮矣蓋至是君子以為美談云遂作誄誄曰吾山孕秀卯靈
發祥卓矣君子厥賦惟良官雖小試才則大章履常順變相時
翱翔天鑑厥德爰獲佳耦琴瑟方和誓同白首蕙帳俄孤寒燈
自守八十春秋 袞封豈偶德音在鄉遺訓在室垂之百世允
哉可式詩書滿庭慶流善積孰謂窈窕心操鐵石嗚呼哀哉仙
郎揚休譬之鳳麟文傳青鎖才重楓宸秉道弗回中外所珍孰
謂斯美弗由前人嗚呼哀哉東阿何許白雲蒼天令名何朽高
山大川阡石戔戔喬木森然斷煙荒草過者吊焉嗚呼哀哉

祭文

祭三忠文

士生百世之下而感乎百世之上是固有自然而不能已者予
獨何心方三忠之在漢宋而慨乎各盡其誠高風大節足以掀
揭乎宇宙而爭光乎日星迄今歲月凡幾而入其廟瞻其象猶
凜凜如生則以忠義為之也彼負國欺心陰鬼險賊亦獨不死
乎哉而三忠之名殆與天地永終三忠謂誰漢諸葛宋文山武
穆也乃復歌曰維潞河之濱兮三忠有堂瞻千古之遺象兮激
發衷腸慨漢宋之既遙兮至今猶有生氣奠一杯而陳辭兮秋
高氣傷讀出師表兮淚沾裳追胡元之方熾兮感夫子之勤王

念恢復神州以痛醉黃龍而卒莫之致也彼秦檜者果遺臭也
流芳仰視長空兮天蒼蒼大河東去兮水茫茫西風寒日下踈
林兮草有霜三忠氣塞六合兮使天下後世之不能忘嗚呼神
其有知兮來洋洋

祭母舅侯公禹服文

惟公清風如在雅量不忘傳家教子終發書香念予童子乃被
恩私逮予幸捷公已無知至人不死諒亦有聞陟彼山玄時見
白雲流泉涓涓蒼栢如煙過者太息德音孔傳薄芹將獻洒淚
如霰庶其歆之尚饗如見

告曾祖文輔公祖松軒公立石文

憫予小子不惠昊天爰喪先君奄忽三年乃考先系立石面陽
千斯萬年表厥不忘特茲祭陳敬昭孝義惟神鑒之來格無斃

祭海神文

天下之水海為大人物之內神為靈嗟惟太始清濁攸分西北
多山東南多水此天地之大形勝也我聞蘇氏東坡嘗禱於海
以求觀海市故老傳於今未衰也崇慶踈拙蹇淺非東坡比而
其興則未始異也今者為天子命吏佐郡在斯與海為隣海
之靈宜有知識書曰海物惟錯尚其恬不揚波惟興霖雨為蒼
生攸濟尚其各順爾類各安爾居俾東方以寧吾嘗念及夫此
又未嘗不嘆海神之果有靈異也海市之奇信未易曉而必有

物主乎其間吾謂至妙當歲其用故海之有市使人觀不若歲之勿見以絕後來好異之階也神其謂何吾與神約亦求海市聊用一觀以慰夙昔三日不見至五日五日不見至七日若七日不見則是海亦無知不過蛟蜃怪物之類不足貴也不足信也惟神聽之

祭侯大叅啓忠文

嗚呼是為侯子之柩乎吾謂侯子之未亡也吾見侯子之為君子也其生也蹈道如有所不及其卒也殮幾不能以成喪矧尼父之聞道雖夕死其何妨嗚呼吾何悲乎嗟大化之為逆旅信萬物之如行商自古賢聖不一罔不率是以為常嗚呼吾何悲

乎方西夏之告變子獨力主乎天綱泥封玉門萬夫莫當清風大樹十年草堂吾未見丈夫有如子者也嗚呼吾何悲乎會見子柩之歸也故山之光其始也何為其出也其終也何為其藏也蓋既以戒其僕夫因以語其嗣郎幸達人之不昧或有感予之奠章

吊虔兵備王惟貞文

嗚呼惟貞爾真卒耶吾見子之惠吾手教也尚以莫春來省期倒北海之尊也乃今遽有是耶嗚呼悲哉吾謂人之離合者時也死生者命也繁華秋雲富貴春夢是皆未可誣也嗚呼悲哉吾聞子之在南安也一夫在關萬夫莫當是子之備邊者素也

呼吸風霆豺虎膽落是子之令行者素也積以歲年行且為長城也乃今遽有是耶司空之徵已矣造化小兒亦戲人耶嗚呼悲哉爾有佳嗣吾固諒其必有繼也爾可以蓋棺也已嗚呼悲哉

祭孤竹王將軍墓文

嗚呼是為王將軍之墓將軍已矣掃地王之號固在也嗚呼雄哉仰惟 聖朝名臣大將功在凌雲者何限如將軍者獨可少乎哉予自童時已聞英聲歲月幾何幸覩遺形登歌寒野殊慰平生嗚呼自將軍守雲中虜人不敢南下而牧馬矧敢跳梁自將軍守西夏虜人數年不敢出矧敢僭王將軍垂老之後威且

未衰矧在爾時其何能當嗚呼雄哉讀將軍之遺文覺餘韻之鏗鏘博群書而知古每憂國其涕傷是尤武弁之所難能也嗚呼雄哉慶也書生敢談兵事而竊有志華夷之辯以振肅乎邊疆但見兵力寡弱 國威所係益嘆將軍之蚤亡也嗚呼將軍有靈其默相我諸將率陣亡之厲鬼自今以殺賊俾 天子垂拱乎明堂其在將軍矣嗚呼將軍來饗

祭土木虞臺厲鬼文

嘉靖三年二月二十五日庚申山西布政司左叅議王崇慶分守來大同去宣府甚近追憶 先朝土木之變及近日虞臺之變良切痛心於是乃率其邑吏王文昌殺羔設酒敬呼土木虞

臺厲鬼望而祭之曰嗚呼傷乎 先皇帝親御六飛屯軍上谷
今凡幾載懸想爾時帶甲百萬氣吞戎羯宜若坐掃爾多軍乃
狼狽陣亡今復何在噫傷哉我為布衣讀天順錄蓋嘗永慨嗟
嘆奸雄何代無之乃王振何人甘心降賊至為虜賣噫傷哉嗟
爾多鬼殊方異軍臨危受敵同為冤魂天陰月夕結為愁雲噫
傷哉再聞虞臺機事可哀孤兵懸境血染草萊茲人謀之不善
豈天數之獨乖仰 聖皇之新馭溥恩澤于九垓凡顛連之悉
照矧幽昧之何災噫傷哉惟時春陽天心無外嗟爾多鬼一順
大塊無鬱鬱於窮邊為清時之厲害其享予祭噫傷哉

恒山禱雨文

嘉靖甲申春三月不雨夏四月不雨雲中無麥苗巡按直隸監
察御史王官憂形於色閔雨也於是乃率分守左叅議王崇慶
及分巡僉事田美副總兵時陳同詣恒山廟禱焉其辭曰嗚呼
惟官欽承 帝命來按邊城我其夙夜祇畏以敬典恤刑乃風
靈繼月靈雨不零官等之愆敢復自寧惟神鑒之哀此蒼生嗚
呼我與神約三日為盟三日不雨我其遂行嗚呼神也其鑒予
誠

毀西寺告文

嗚呼慶聞天下之理本一而事或有二學孔子者為孔子之徒
學佛氏者為佛氏之徒崇慶學孔子者也今我行署方與爾鄰

夫道不同不相為謀不相為謀則不相為鄰吾方從事於君臣父子之道以畏天而悲人也爾何為者夫人神各歸其所則天下平謹擇日遷爾於別宇爾其安之

祭王汝賢文

嗚呼汝賢吾猶及子之從吾先大夫也乃今已耶意者冥冥之間其有一定而不可移者在耶爾直振俗方當我師爾何至是亟也浮世紛紛秋雲滿眼誰復苦口如平生耶爾爵未膺於彤庭爾之諸郎固在爾尚恨耶嗚呼汝賢大塊逆旅古今其茫茫也充桀殊途竟誰為存亡也嗚呼汝賢可以慰矣

祭戶部照廳祭澤武仲衡文

吾與君故人也辛未之年與君同選民曹義且同寅追思狂悖抗疏逮獄錦衣雖素號知己且復疑貳乃君獨若契愛垂一飯之恩於九死之地蓋雖風雨莫之為阻嗚呼君其高義逼人矣吾嘗佩之念之迄於今未已也則亦曰人生大塊何莫非友至若相信與否實則存乎其人然而知我疑我已何與焉如公者吾恐其千百人中之寡儔矣今公已矣吾來視事大梁見公之子思公之義望公之墓不能一哭平生為之奈何要之惟以寫吾衷曲而已公其有靈庶幾聽之

代馮掌教祭王澶西母文

惟靈喬門淑秀奕世名香澤流子姓孝備姑嫜貴而勤儉賢而

謙藏春秋幾何遂復黃梁嗚呼哀哉卓惟令嗣柱史傳芳鳳毛
並秀麟角儲祥蕙帳夜寂有虛其堂銀鴨晝閑有陳其裳嗚呼
哀哉佳城幽勝古木茫蒼龍眠牛卧水迴鳥翔琥等忝司鐸教
風化是張未陶髦俊徒切汗惶跪陳祝辭仰冀來洋嗚呼哀哉

祭馬西坡鴻臚文

惟公曠雅寄情柳庄海鷗停機林鹿相忘官登容臺禮達諸侯
徧交名士號稱風流良辰曾幾一疾其構造化小兒脩短誰授
公有賢嗣允協克家天祐善良後福未涯我忝眷厚仰公愛素
薄陳衷私淚其盈袖西風大堤衰草滿目百年永訣桑田陵谷

祭大姑母文

嗚呼大姑夙稟淑德宛有凡風女中稱傑範我親戚光我閭閻
既歸段門孝貞惟則曰惟二男各勤其業爰及三女悉著其潔
仲郎成效觀光上國蟾窟屢催龍門點額我忝姪行淒愴尤長
往年辛卯叔喪大章日月曾幾我姑云亡言念已丑迎姑大梁
昔我髫齡姑來我堂比我孔明期我翱翔未幾科第兩叨名揚
我思德教曷其有疆茲當發柩西風悠悠白雲衰草有淚其流
長星寒夕有墳其丘姑兮已矣其復何求姑兮已矣其復何憂
再陳衷辭再歌雜謳傷哉悲乎天地為愁尚鑒菲誠鬼鬼來遊

祭史封君文

吁嗟封君德音孔章吁嗟封君德範弗忘昔我先公道講 皇

王一時髦俊雲集門牆惟公邁勇進脩稱良才高弗試樂然韜
光歲月忽忽五十餘霜言念今往欲裂肝腸公有賢嗣金榜流
芳拜官繡斧震驚遼陽矧茲繼述名在四方薄陳芹意不覺沾
裳今夕何夕春燈滿堂靈如弗昧無羞我觴

祭張二守崇美細君龍氏文代諸鄉大夫作

嗟夫人之在楚何計聞於澶方因相率而共吊覺感慨之轉長
聞之夫人之生也其身淑慎其質柔良敬孚內闈孝著高堂慈
畜幼孤風動隣鄉衍芳聲於石首傳師氏於英皇效斷機於羊
子似舉案於孟光豈秦家之弄玉陋唐室之媚娘夫是為女德
之無玷夫是為婦道之至康也方繼聘而克耳亦造舟以為梁

乃今捐館於里使爾夫君徒九回其腸耶香銷兮蕙帳寂寞燭
閃兮鸞鏡淒涼指九疑兮烟迷芝草望故國兮雲接衡湘豈瑤
池之西歸將跨鳳以翱翔抑采蘋而南去聽鼓柁以徜徉信浮
生之如寄柰何棄二女於柩旁也復靈魂兮長夜未央撫瑤樹
兮零露為霜孤鴻度兮天漠漠哀猿啼兮月茫茫謾陳辭而三
奠羞菲薄於椒漿慨執紼之無由願來格而來洋

祭妻弟段君晦文

吾猶會爾於七月戊午也盃酒笑歡言猶在耳乃遽脫屣人間
世耶吁嗟乎痛矣念爾之幼也從予京師亦嘗為爾正句讀矣
何遂成無恒乃至是耶吁嗟乎痛矣爾之賦質朴實承爾先業

近頗有餘事爾母教爾子近頗稱有孝慈見爾甥每思爾姊近頗熙然敦篤凡此數事皆未之能忘也而竟弗克其終耶吁嗟乎痛矣卜爾葬安爾柩綏爾魄行且與造物游矣吾聞萬彙之始終皆命也爾獨如命何耶吁嗟乎痛矣

祭東明子壻盧滂文

嘉靖辛丑七月初三日開州眷老王崇慶聞子壻盧生滂物故而吊之以文曰嗟乎滂也視予猶父也予猶及子之幼也眉宇修然出而拜予古所謂坦腹而特出者也先宜人實共竒之顧親迎以俟予弱息也乃一疾弗之起耶吁其悲乎爾父往年詔予既望而哭之寢矣墓草未乾爾復使予抱痛弗能堪耶

吁其悲乎聞爾讀書斐然成章且將進而凌雲事爾母以孝事爾諸兄以恭臨爾族人友朋以睦以信乃未及三加告廟欲何之耶吁其悲乎乾坤無恙吾見古今之一息也天地無外吾見物我之一體也孰謂滂生沒耶吁其悲乎繼自今予當視爾家綏爾靈雖以永好百世可也尚明聽之吁其悲乎

禱後嗣於大伾山文

嘉靖癸卯夏五月己酉開州王子崇慶行年六十有一而未抱孫心竊憂之思昔先哲積誠而禱動獲神休乃其最著莫尼丘若也由古而今奚幽明之間也於是乃薰沐為文遙拜大伾之山禱焉其辭曰仰黎陽之秀拔出肺腑而吐真望雲松之凝結

隔凡市之貴麗方辭卿而林壑幾十五之餘春其簞瓢而茹淡
豈軒冕之敢隣守困途以舒嘯省素行之未純顧宗祧之頗微
每競業而撫床豈罪殃之多故抑遲速之有常感交遊之群立
悉蘭桂其芬芳乃吾志之獨拙何得此於穹蒼雖兩兒之成立
亦久娶而未郎願造物之俯察合上下其洋洋俾暮齡而見孫
愈垂老之弄璋庶為善之果徵亦天道之匪茫乃載思而載言
冀懇悃之終通嗟浮生之何限豈竟垂而失公倘一朝而得請
顯靈貺於無窮容走謁以申虔扣 明神之廟宮銘斯舉於堅
石恢捷應於西東信神格之難度但自慎以求衷偶喜蛛之在
目聊若慰乎愚躬敢矢心而弗貳期無墜於祖風

祭林郡博乃翁朴菴文

惟公夙抱古心超然塵表德猶神龍能大能小養高林泉寄興
庭草温然良玉孰謂其稿旁進六經歷覽百代逍遙無方士稱
英邁知命樂天誰偷其樂豈圖茲時先天如在肇生麟兒高撥
靈科文成倚馬才湧江河鐸鳴澶水曾復幾何衰服遄行慘不
能歌音逝臨哀動吊宵卧苦枕塊童僕沾巾明可垂訓幽可
格神嗟哉克孝再覩曾參我忝斯文恨識君後方將論心又忽
分手岐路愴懷何能折柳願崇今名努力皓首薄言三真聊發
衷腸秋聲在戶寒燈滿床闔山迢遞落葉驚霜靈其弗昧昭格
洋洋

謝大任龍洞康侯祠文

維嘉靖二十三年甲辰冬十二月乙丑越十五日己卯遼東苑
馬寺卿開州王崇慶謹以羊一豕一庶品香帛清酒之奠遣伯
子野致祭于宋誥封康顯侯神祠曰惟神鍾靈大塊毓秀黎陽
洞倚層巖惠沛多方卷舒風雲權衡雨暘出入造化表裏陰陽
我聞在宋聲動帝京禱蘇亢旱廟貌始崇歡傳遠近史勒元功
遂載祀典爰及無窮開實隣境仰止有年心馳紫翠目斷蒼烟
落日晴空更切遙瞻往憂抱孫因祝神前歲惟癸卯誠效尼丘
未幾甲辰果獲神休慚予無良先德實周龍種命名豸史情優
豈曰嬰孩敢比前脩言念自今夙夜益勵惟孝惟忠世守勿替
用答神貺匪敢為媚惟神眷佑終始一致尚饗

祭清豐呂司諫乃翁文

往年嘗拜公於高堂但見其衣冠偉然論議洋洋也既以為葛
天之遺老而又驚其有洛社之敦龐也歲時幾何訃越隣疆公
本雅素與道翱翔兼之性氣和平應物無方間雲野鶴動與相
忘顧 褒封之將及而何長往無何之鄉耶仙郎用世德猶挂
璋飛英聲於青瑣流藻思於玉堂吾每喜其氣節而又愛其文
章蓋誠不讓漢之劉更生宋之唐子方也豈曰 帝心簡在而
實師表儒庠也公復何求繼今當含笑九京不朽黃腸矣羞報
奠之涼菲欲涕出而沾裳佇臨風以北望渺落木之夕陽靈其

昭格庶無間於茫茫也

祭贈光祿少卿夾江同年宿孺忠文

慶也昔忝戊辰得與公為同年領公高談望公儀度嘗以為天下豪傑未之或先也未幾公選秋官慶入民部又得相觀而善時復以道義相砥礪逮公抗疏逆鱗罷歸川蜀慶又不自揣量上章申救雖謫官嶺海旋復生還蓋已三十有九年矣追惟疇昔遂成陳迹其為情何如也繼自今公之完名全節當與晴空皎日高山大川相為始終於無窮公復何缺遺之有矧令子素稱克家吾又喜其忠孝書香之弗墜也公靈有知將不忻然來享也乎

祭文簡公東川劉先生文

昔我丁卯京闈校藝公當是時實秉文衡顧才微戰線力竭窮經偶以文字誤中品式既而數備戶曹又以越職言事憂丁先君乃速之出而從事以明君臣之義何眷遇之惓惓也俛仰既往邇來三十有九年矣乃今再起來茲公且僊遊傷如之何敬惟公之長器克紹世美名振中丞而公孫復且繼芳未量也嗚呼公其全福也乎望公夜堂不復遂摳衣如往歲情可知矣

祭温托齋宗伯文

公以太史馴至尚書出入館閣幾三十年何其榮也比其乞休歸里完璧錦江海內豪傑屈指文學大家如公曾幾而公方且

仙遊不復指顧人間世矣嗚呼悲哉慶每追念夙昔辱公教愛
槐陰地曹清冊小軒而公每投我佳章啓我聳聳也今復何時
乃公不復再覩矣嗚呼悲哉公之仙郎青雲繼芳雲仍未之窮
也公可含笑以歸矣又何遺事之恨公有佳城何異瀛洲公有
別業聞之在青羊宮後是又可謂存沒光矣嗚呼悲哉

祭太僕卿果齋楊公文

予昔看花京師辱公教愛丙子嘗判沁州又嘗一接宦邸比公
代巡信陽則又荷公餞別其後宦轅相睽音問良鮮然而公之
文章足以扶世道乃實學也公之節氣足以動縉紳乃忠臣也
公之人品足以式後進則又川蜀傑出也比米備官右轄嘗欲
出吊公於射洪思一灑淚松楸間未之能也幸見公之子如觀
公風度然哲人已矣臨風遙拜何悲如之公如有知其尚墮於
斯乎

祭王隆吉併乃正趙氏夫人文

昔我與公並轡京師射策 天子之庭觀政郎官之署雖義稱
同年情猶同胞屈指今復幾何然而存亡之感係之矣追惟守
我澶州惠政威聲父老迄今固歷歷能談也奈何公乃辭棄人
間世乎公之夫人志誓栢舟固士林光也然而慶斷滌池未終
祿養公之仙郎今已繼武青雲箕裘振響公之流澤遠矣其又
何朽也哉薄芹遙致少見生平云爾幸惟來享

祭易臺山憲副文

臺山古之遺諒也今之士林可多得耶吾嘗慨夫大道荒於多岐雅風壞於弗振志士之所悲也比及會公曾幾又何不幸而使天奪君子之速也宜其縉紳蜀地及門墻髦俊罔不痛悼也乃今而後又誰誨言吐露至於弗吝也耶聞之先民至人弗死在天為日星在地為河岳乃今臺山近之審如是公當凌清風而下大荒矣其尚鑒吾誠而享之也哉

祭妻弟張舜美於富村驛文

嗟乎舜美何為而來何為而有此也往年丙午夏六月二十六日子實別舜美於梓里言動尚在心目乃今年春二月二十九

日又聞舜美訃音於宦邸恍猶夢寐豈獨聚散之無恒抑亦生死之有數乎言念今昔慟可知也已追憶辛未予以踈狂言事是時爾實從予金臺受業太倉乃今訪予川蜀間關幾於萬里計富村藩省相去僅五日程耳乃不能一對面一握手耶天平何舜美至是極也君有令子諒足以恢舊業君靈弗昧宜依爾先隴以慰爾後人當無久飄泊於外也予行且入賀 萬壽見爾周美諸弟有日矣尚當往吊撫爾遺孤如平生也嗚呼君其聽哉

祭張五臺僉憲文

公也出而川北賑惠群動糾察多官又從而整亂扶危分也憶

丙午之秋始識荆於新都幸再會於省城乃茲丁未春復且勤使錢予入賀吾為是益嘆公之施乎予者博雖聞偶恙吾但以為勿藥而愈奈之何遂至是耶無恠乎唐人之天問以發也是故痛斯文之日孤宜寢之莫能席憫友朋之日鮮宜食之莫能筋哀窮獨之日悴則又宜思拔茅而共濟之急也然而公有佳嗣敏且嗜學行踵芳躅未可涯也吾又安能效世俗為姑息無益之悲耶夫生之順沒之寧也德之脩名之著也公可以蓋棺矣而又焉用抱戚於遐方也耶

祭封君王惠菴文

惟翁敦朴瀘水知名居家勤儉人比耆英擇師啓後振起書香恢弘門祚更仰仙郎蚤膺封八十餘秋樂事孔殷日惟田疇子姓滿前見禮仁賢積善餘慶誰曰不然方宜百壽倏爾云亡訃傳里黨何其有疆我忝通家聊致芹私靈其弗昧尚其鑒茲

祭東郭開始祖雲社翁文

維嘉靖二十六年歲次丁未閏九月己卯朔越六日甲申南京太常寺卿孝孫王崇慶謹以羊一豕一庶品香楮清酒祭告我開始祖雲社翁及我高祖東郭翁曰慶自西川入賀過里乃四月叨轉本省左轄未幾六月復陞今官追惟先德啓我後人則又有無窮之感也今當蒞任聊陳薄奠用伸孝忱神其默佑來格來歆尚饗

祭曾祖考開化丞及祖考松軒翁文

維嘉靖二十六年丁未閏九月己卯朔越十日戊子南京太常寺卿孝孫王崇慶謹以羊一豕一庶品香楮清酒致祭於我曾祖開化丞文輔翁及我祖松軒廷瑞翁曰惟我曾祖佐政開化聞之故老虎隱而民安迄於今遺愛固在也逮我松軒祖放雀好生言猶在耳至使餘慶流於後昆追思先烈曷維其已今當之任仰祈默相尚饗

祭馬宗湯文

惟公高年耆德科甲遺英才華茂著學術老成飛聲仕路允愜鄉評田園樂道課子窮經清脩邁俗名傳兩京令孫秀發天錫

聰明古云積善今有明徵言念舊好遂結婚明盟薄陳芹獻聊布素衷

陞工部右侍郎祭始祖雲社翁及高祖東郭翁文

近蒙 聖明用擢今官擇日啓行追惟本源積德有自謹陳芹

祀展孝隴前神其來饗以慰我虔

陞工部右侍郎祭曾祖開化丞文輔翁及祖松軒翁文

惟孝曾孫仰承前休叨轉卿亞光增門祚揆厥本源何可忘也

茲當北上謹陳祭牲伏惟尚饗

陞工部右侍郎祭顯考奉訓大夫顯妣侯宜人文

男自乙巳起用以至今年戊申馴至卿亞茲當過里行且北上

追惟膝下以及成人再念啓佑以至後昆昊天之恩何其有極
祭泰和伯陳母楊氏夫人文

嗚呼夫人之生也完名全福豈夙昔係籍乎瑤池耶抑上蒼因
才而攸篤也繼之壽登九十又三蓋天雄之僅聞厥畹中鮮有
逐也况夫質任自然秀鍾貽於母后淑儀播於金屋誰則如之
若夫香徹蕙帳賢稱雍穆行且光登策書意必積德之久誠貫
萬物焉雖滄海太山之高深吾恐未足為彷彿也嗚呼孰謂異
數不驚動一時之耳目也望佳城之迢遞思慈顏於冥漠荷
龍章以自天膺 寵光而旁燭蓋草木當為之蕃夜堂元氣當
為之復矣嗚呼夫人有知庶鑒度忱

陞南京戶部尚書祭始祖雲社翁文

歲惟庚戌欽承 上命叨轉是官榮寵邁格光動里閭顧爾孫
才力綿菲何幸際荷如此今將啓行恪用告虔尚冀默賜啓佑
以開發其蒙昧也尚饗

祭徐養齋司徒文

嗟乎公今之人豪古之遺諒也追惟夙昔僚案東牟旦夕荷愛
逮公改篆臨江予亦叨臬洪都矣是時溫盟論舊歡若平生由
今視之豈異夢寐也顧英標在目令譽在人耿乎燁然謂不賢
而有是耶庚戌之秋予來濫員茲部諦觀題名再披手澤然後
益占公之晚年宦績有不可及者矣嗟乎出入造化蜉蝣萬象

固達人之恒也則夫塵世無益之悲不又可畧也耶佳城入望
渺不可即公如有知其尚鑒吾意而享之也哉

祭崑山天方張公入祀鄉賢祠文

昔我先君辱與公為同年也是時 孝宗在御歲曰庚戌太平
景象看花襟期熙熙如也皞皞如也在苒流光今昔之感存亡
之懷盖有未可喻焉者矣仰僊郎之望重銀臺行且賜環羨諸
孫之秀踵蘭蕙並萃一門况崑岡名族半多姻屬則夫公之餘
慶何如也茲復祀登鄉賢揆之祁州名宦始終備矣人生出處
曾復幾人如是我忝世好遣使告虔公靈有知將不洋洋來乎
嗚呼公其鑒我微忱可也

祭大中丞端虹川文

嗟乎公方卧病曾未旬時而何遽有是耶我聞仁良必壽理固
然也公稟宏邁之資賦博大之器抱奇偉之才統風紀之權係
朝野之望是方垂紳正笏名播兩京未之艾也而何天奪之速
一至此也嗟乎公有未盡之蘊將蕙蘭諸公子繼之述之也乎
公有已播之功將良史書之紀之為當代法程也乎公之平日
教言風範凡一時豪傑寅僚追思慨想之者將何日忘之也乎
而况慶忝大名治教之深且切者則又如之何其為情也乎薄
陳三奠公靈有知其庶幾鑒之聽之洋洋來格也乎

祭姚司廳乃翁大塘文

公以哲人種德楚鄉抱素履貞篤生賢郎勞施燈火效衍翱翔
我聞仁壽茲理之常胡踰古稀乃忽黃梁牛眠野草猿哀夜堂
褒封異時應拜 龍章尚冀有知鑒此弗忘

祭主客司李正郎鳳川文

嗟乎我聞夫君抱傑秀之資鍾博雅之才優甲科之選方幸識
君之初嘗重其老成以為必且遠到而未可量也曾尋醫之未
幾而訃音且出矣何其悲也何其悲也吾嘗思夫以造化為小
兒匪哲人狂語也謂浮生之如夢亦達士曠觀也雖然不又有
進於斯者乎仲尼以朝聞道而夕死為可其非至教至教也乎
鳳川學道而立朝明體以達用要未可以年之久近官之崇卑

論也况鳳毛繼武天必祚其所未逮也一脉相孚神啓填南昌
流其後夫固誠之莫可揜也吾又奚鳳川之悲也乎鳳川有知
尚聽之哉

祭浮山陳振卿文

嗟乎君清才也期雲路而竟莫之登其真可惜也已君用器也
試銓衡而入幕遼左然後始拜百里侯亦難能矣乃既歷官沂
水遺愛在故老未之忘也及其斷事都司於蜀則又拂袖以歸
風月林園壽且與太公相伯仲何高如之言念人生如寄春花
秋月樂曾幾何況夫見君之子良切內悲回思往事則又無復
了期也已嗟乎君如有知其尚鑒予情哉其尚鑒予情哉

祭戶部四川司尤主事麒麟文

聞尤主事將卜日蒞部以痰喘劇作而卒於旅邸因具俸資數星香一炷拜而吊之其文曰嗟乎往年嘗過武城聞君踵子游之治也心切慕之昨見該司黎郎中謂君抱病而難於參拜也方思所以畱之乃今何遽捐館報駭衆聽也耶矧夫君之入選也捧檄而來檄則未之封還也任則未之議有擇期也柰之何旅次瀟條殘燈倚擲也耶豈君之才徒可試百里而君之履聲不足以上八座之堂也耶吾謂人生成敗有命壽夭榮瘁有命若子之來斯而歸造化之速其殆非人力可為亦明甚矣是故幽明始終固萬古之恒也吾意學道者而亦豈必愴情於冥漠

為乎謹率屬送汝以歸汝其安焉無復忘心爾故鄉可也况爾郎林立行必有出而繼述者汝又何求夫以生未識汝之面亡恐未能鑒予之情也仰太虛而三嘆其庶幾感而格乎

祭翰林邢雉山乃翁鉄橋封君文

仰聞南國耆德孔昭梁園家世當代人豪才雄斑馬學失蕭曹花香三徑氣凌九霄逮封玉堂光照錦袍鄉悲薤露夢熟蟠桃仙郎史氏文苑名高言念今昔辱忝素交菲陳示恪靈格非遥



端溪先生集卷之七

門人汾陽孔天胤編次建業張縉校刊



詩

四言古詩

· 壽養賢殿下南山詩五章


南山有松蒼蒼弗老彼美王孫慈祥是保我有旨酒願言壽考

川生瑤池月升蓬島

南山有松曰惟萬年彼美王孫嗣多且賢吹笙鼓瑟樂傳四筵

四筵歡祝聲動普天

南山有松茂其翠矣彼美王孫德其類矣願言壽考永無墜矣



言四言
二
宴集嘉賓樂其醉矣

南山巍巍彩雲在天瞻望何極有來群仙厥禽朱冠厥猿白顛
今夕何夕於此流連

南山我我紫芝可採滄波悠悠駕言行道人生幾何瞬息千載
今我不樂日月其改

五言古詩

感何仲默過訪

城南有遷客舍館隣都郊畫角隱高閣倉鷹俯孤巢白坡有佳
人海內鮮比交所以傾蓋情古人謂投膠

南國有脩竹歲月蒼姿顏美人治情性讀書白雲間栖遲一何
樂永矢葳深山文帝思賈生已見徵書還

我生本踈愚百年仰吾子唐虞日已遠哲人日以徙長風吹大
林落日下金水多病還自憐門墻如萬里

送吳廷勉乃弟還莆田

有客還閩中離亭撫芳草况復薰風時把酒看長道骨肉難為

情斯文結新好江舟何時來重會一傾倒

冬至簡王公濟

冬至生一陽君子道乃長萬象萌玄機天風發新響豈痕綠一
絲彩線添半掌更喜淵中龍幽潛頻俯仰

漫興五首

朝服三才九暮飲四物湯爵祿匪吾想髣髴安可蒼
朝引決渠叟暮携灌花郎我生無羽翰安得看翱翔
閑來倚松立困即枕書眠流光一何迅六十忽一年
開卷欲何事太古時相聞良辰不可曠對甕還自醺
高人訪誰何對面即忘情斜陽不可問塵夢當自平

苦雨嘆

陰雲何頑癖長風吹不休寒雨飛累夕徒使蒼生憂嗟我期上
帝而何空悠悠願早奮乾健赤日光神州

喜涇野谿田二君子修西京全志一首

西京有全志棄置又不脩一朝美人集萬古江河流麟筆何曾
缺祀人多自憂楊花與芳杜何處是秦州

次沱村秋雨韻

秋風一何涼秋雨况遲暮蟋蟀鄰我床凌晚一清露悠悠林壑
心誰共更外慕幽寂樂轉深殆愛前賢步却嘆機穽人徒自遠
王路

贈三洲李公總憲閩中二首

與公躋亨運况聚君子堂旬時窺道義至樂真無疆有言當不
朽有約當不忘從茲苦相憶各在天一方但願勗令德千載垂
名芳

薄言陳祖餞出廓雲蒼蒼浮名一何恒徘徊岐路長達者貴尚
友仍願追甘棠索居何為惜意重伐木章良會復何日重對風
雨床

題陳歷田素扇四首

南國有佳人風標皎霜雪含情出塵表可愛不可棄共知業素
貧百畝近城陌書香傳何人尼父得正脉

吾郡本燕趙連歲苦征求使君一朝來清風動歌謳况復雨暘
順禾黍知有秋願言早飛騰勲業垂伊周

健翮雲衢穩芳春惠澤流赤忠良刺史皂蓋古諸侯黃霸名猶
昔張堪髮未秋更憐殊擢近旌旆入皇州

城廓增嚴令仁聲播大同吾曹老襟袖清素古人風禾黍傳新
茂靈觴會屢豐未須愁別袂談笑夕陽中

寶鷄杞柳郵亭時與應儼菴對食

豈必武陵溪豈必天台路流水映桃花小隊穿雲霧况復際芳
春落日未云暮行行望漢中時復河橋渡同遊幸名公博雅窺
風度何日能相忘還當悲去住

夢顏子一首

年來覺徃愆愛憎苦未忘乃知克已後萬慮俱清涼如何紛紛徒乖悖安如常喪心良足悲渠且方施張君子者何人終始怒無蔽百年論攸定一笑浮雲長馬牛任世呼隨應亦何妨大哉顏氏子師表垂無疆

送徐令文卿之任武邑四首

有客抱英邁夙重里黨間一朝試銓部篆視鄰恒山極知又歲脩雅志希清班况夫有義命誰可乖曾顏佇立短亭上悵望塵飛漫

駕言出都門北風一何寒對酒未能酌頗覺分袂難漢家重循

吏炳炳垂青丹願子先六事不獨稱能官卓哉展驥足薦剡騰
長安

送子殊繼繼倚劍衝斗牛作賦動時彥好名播中州當時已忻
羨對榻恒無由比來京邸中再喜文字投銅章照紫綬飛轡不
可留

良會曾幾何餞送新邑侯河陽憶潘叟武城說子游出處雖異
代五道原同流行矣慎所之廣譽當無休豸冠與駘馬應俟來
龍樓

送湛小泉守廣西太平府

我昔卿太常喜見小泉子今復是何時訪汝江之涘相對殊有

言五言古
八
端溪先生集卷之七
四
緣諄諄語盈耳魏武羅浮山斯文正仰止而翁秉正印嶺南比
闕里有琴何必絃有酒何必旨吾悼民俗漓何以消頑鄙吾恐
音問稀何以繼鴻鯉努力願加殮歲月急如駛

宴集東園二首

東風吹習習苔草生池塘言念今何夕俎豆飛霞觴萍蹤對燭
影笑語聞虛堂有懷佩芝蘭有敬秩冠裳豈曰借公暇搖曳成
荒唐豈曰效鯨飲吟弄涉斐狂願言駕天保鴻業垂無疆
徐家本闕閣將種亶殊科飛龍佐 真主鐵馬橫金戈英聲播
汗簡元祀昭巍巍流慶一何遠繼美安可磨華筵美無倦高愛
誰仍多猶恐歲時晚良會能幾何因之增太息遑恤頻經過

旬日幸舟遇風順詩以識之

時辛亥八 賀也

歲月何飄忽愚臣本質庸天風回逆水夕照動微涼大有期豐
稔清平登俊良天人原匪二喜極欲傳觴

雨窓偶念戒酒一年感今悼往作俚言自問

涼秋撫窓硯悼往憐襟期雙親隔永世夢寐如見之雲影一何
迅鴈影一何悲勲業敢荒怠江湖詎忘思良朋萃 清朝一一
皆吾師入 賀日曾幾仍復稱臨岐小園築綠野垂楊照塘池
願言效知止行行樂東籬

詩送少司空笑齋龔公引年歸姚江

笑齋本清邁綠野開新堂况茲芳春時桃李凝幽香而翁抱夙

學素比哦松郎公來佐水部盛德流輝光如何引年歸立覩移
行裝有情未盡吐有酒未傾觴鶯囀雜絲竹交深陋炎涼姚江
羨橋梓高致誰能忘

送呂巾石擢少卿南太僕

使君抱竒特歲暮登蘭舟瞻彼雲錦司借重經綸籌夙心本淵
密新政知優游况喜僚案賢更接煙霞幽醉翁亭不頽釀泉聲
正流遙想公事暇清賞飛螺甌安得屢相訪談道忘吾憂

元旦謁 孝陵喜雪一首

孝陵何崔巍長江渺一線好雪忽紛飛楊花輕拂面所望年豐
登百穀云俱賤萬國同歌謳 祖功播天眷風塵頓覺清誰用

元規扇

五言長篇

閏七月兩日雨偶賦

閏七苦少雨輒復仰天祝所幸似感通沾足徧川谷兩日雨不止又恐窮黎哭自謂匪有私豈曰稱煩瀆蒼蒼固難測事理本倚伏卓彼賢聖徒顯微皆穆穆志每與天遊化常與天速古來稱商湯六事不迷復周宣亦偉人雲漢章可掬悠悠千載後此道如棄逐行矣尚勗之慎德是機軸

、壽彭澤陶封君仲文

九江有一叟眉宇真天人飄然抱遐想振羽欲離塵我昔嘗見之別來幾迴春太素合軒岐南國稱通神遷耶忽射策吐氣凌

國家圖書館, NATIONAL CENTRAL LIBRARY, TAIWAN, R.O.C.

言五言長篇 一 卷之十一
楓宸巡行攬高轡風采驚華津翁今在何許睇望不可親遙知
山堂夕斗酒喧四鄰笙歌娛清聽豸服迎花新海屋籌幾何此
樂還誰伸俚辭倒衷曲愛雅占鴻鱗

次沱村侍御見訪韻

柴門晝常關客來知驄駛自嘆生何愚每願見知己君本經綸
才豪傑稱閭里博雅開我家交久淡如水古道良獨難蓬草塞
蘭芷乃知莫逆情究竟歸君子感激發衷腸佩德何能已行矣
入 彤廷中外仰素履

杏塢後園限韻呈在坐諸公

涼風吹客髮逸興轉添豪洛社思先哲梁園憶彩毫可人忻共

席塵世覺徒勞且自誇三益隨渠說二毛夕陽情未已更愛月
輪高

留別西溪二首

西溪本宗室執贄來門墻我方為俗棄感子用意長窮經擴前
聞論道殊未次豈必討興廢豈必專文章大塊安有涯人心率
自狂念之重念之此義無相忘

自憐世業儒上賴祖考光所幸君子朋聊復契肝腸直道豈我
癖古訓原有常况喜際 明時從遊多俊良願言及子孫永矢
當勿忘誰謂隔山岳去住兩茫茫

武擔山新亭成宴憲使沈少吳李鳳臺諸公一首

芳春開羽觴絳燭閃清光
細草含苔潤高雲積夜涼
旅情悲聚散絃管泄宮商
饌出河魚白風傳路柳香
錦城資遠眺飛蓋卷青陽
一笑驚千古諸君幸不忘

賀紀方伯西臯一首

矯矯燕山老聲名行四方
經綸恢世用學術貫王章
雅志澄清素家傳詩禮長
會須補龍袞奚足問豺狼
西蜀初聯轡梁園復右堂
黃河思未已白壁價難量
聚首悲鴻鴈風花欲對床
嵩呼看且逼相訪幸傳觴
道義期何爽吟壇敢遽忘
浮雲連朔漠落日下迴廊
取次崇殊業光輝覽鳳翔
還當效迂叟千載望平康

恭遇 東宮加冠識喜一首

盛事傳清世芳春協太和
唐堯重御宇虞舜再薰歌
謨烈乘時茂神明啓祐多
制崇周禮樂統邁漢山河
佳氣騰丹陛文華耀綺羅
帝誠孚祝禱響應已殊科
東宮未誕時上嘗禱祝
元老俱虔事舊章原未磨
龍旗迎景福震彩發簷阿
雅頌誰能擅華封不啻過
願言千萬世洋海息風波

送少宗伯兩崖朱公歸楚

道義聞公素幸逢真幾何
雅風才對榻高論比懸河
新鶴增詩料幽蘭靜石坡
漢江牽遠夢潞柳愴離歌
野水橫舟楫華筵笑綺羅
論交原可惜苦節更誰磨
崇德期名世流光任織梭
相思

却相恨惆悵隔煙蘿

送蓮浦路道長出守保定

聖皇重民牧特選治安才問俗傳諸郡揚賢動內臺薰風沙鳥
沒落日野棠開循績追先漢高文逼上台鄉情幸鄰國官業望
塩梅更切臨岐祝頻看鴻鴈來

五月之二日雨忽如注喜而賦此

聖皇思久渴雲集忽滂沱殊惠當非偶歡聲亦孔多窮荒回地
脉茅屋轉謳歌但使沾枯澁何須設綺羅 玉宮玄鶴潤 金
殿瑞煙和大有從茲始嫩涼宜若何

送駕部周正郎章巖少叅廣東

嶂海煙初曉燕山麥未黃才名魁俊彥藩省倍輝光禮樂時方
泰旬宣澤更長漢家重循吏旅館惜離觴世美傳三晉秋齋公嘗
文宗晉地
新聲到五羊極知展經濟共料急農桑榕葉風前密鞞花馬首
香勲名壯圖在須補舜衣裳

送高世昌丞齊東一首

齊東隣巨省佐政易傳聞暑雨連荒朔秋風逼暮薰哦松追往
哲巡陌謾勞君書劔敦恒素襟期羨拔群溪橋三疊酒岐路萬
重雲更切平生祝乘時早策勲

贈琴川陳瞻叢上舍一首

別却海虞後逢君情若何青山牽夢想丹桂憶婆娑道義增新

詩集卷之八 送近山羅掌科參政東藩一首
感流光任織梭襟期悲去住聚散慨煙蘿但願助明德何須羨
綺羅贈言仍有約膠漆且休磨

送近山羅掌科參政東藩一首

有美豫童彥聲光從諫垣宣忠孚 聖主視篆得名藩文榻方
資教離亭暫倒樽露華涼野竹月色映高軒海岱傳勳烈乾坤
試道源行須際津要萬里看騰騫

春初漫興一首柬元峯太史

青春冰未泮寒色襲重裘潞柳疑含澁江梅欲作羞曉晴雲影
薄淑氣鳥聲柔雅會鄰初密論文意頗投 鳳池名獨早芸閣
寵方稠不惜山陰訪期追東燭遊詩壇從此約誰笑學風流

送栢峯舊太史兵備秦臬一首

天子念西秦兵連烽火頻黃河羗笛遠白鴈陣雲新宿學原非
偶詞林豈誤身每疑交有數常欲道垂紳知己仍誰最懷賢我
更真相思幸相問早晚望鴻鱗

送春元晃生仲權北上

家學傳芸閣冰清擬鳳毛玉蟾分曉露金殿待仙桃六籍專堯
典群言陋楚騷苦心追往哲拔俗笑兒曹勇發三軍帥才期一
代豪夜涼澄碧宇秋入聽松濤世講稱喬梓年忘比漆膠永言
申道約勳烈準夔臯

泉溪園宴集觀蓮率爾一首

言五言長卷 二 / 五言長卷 三十一
雨後蒼苔潤尊中綠酒香徘徊情更劇談笑興仍狂勲業羞補
袞襟期喜對床沼池含馥郁絃管雜宮商謾憶當年會重傾今
夕觴忘言茅徑窄者菜道心長樂極翻增慨秋初頓覺涼共盟
圖弗朽戮力答虞唐

、壽封君萍湖翁

有美豫章叟飄然真地仙令名忻衆嗣世德驗長年洞徹盈虛
數歡騰玳瑁筵曉烟凝畫棟寒菊茂霜天至樂仍誰並高風已
盛傳 褒封行再覩同仰李門賢

喜雪十二句

素志恒憐汝天寒益喜多香應分竹笋潤復及松蘿謝女傳芳
韻表生密睡窩明當資史燭暗豈隱蟾蛾苔碧梁園砌水堅玉
水河流光須愛惜勲業敢蹉跎

、送黃正郎壺宗出守常德府

有美莆陽彦家聲衍宋唐楓宸光宦業行栝掠花香繼述真稱
孝風標雅自章楚雲高入望鍾阜耿難忘願早崇明德功收達
廟堂

虎丘山寺一首

孝廟追壬子尋芳到虎丘繁華驚逝水塵網笑浮鷗垂老添新
興臨風想舊遊瀟騷看寶劍繾綣愛蘭舟海月明禪定松濤亂
客愁他鄉誰聚樂吾道有滄洲花落千人石春深一徑幽何當

重眺賞懷放酒盈甌

吊仲雍墓十四韻

我昔經過地相看比故鄉
樞衣嘗展謁奚用說焚香
歲月真飄瓦依稀空斷腸
文身光宇宙抱璞彷彿唐
至德敦頑俗清風消鄙狂
繁華時共逐寵祿世誰忘
一脉傳尤遠千年靈蓋彰
雲煙任朝暮花草密宮墻
鶯轉柳抽葉猿啼苔蝕廊
春秋勤俎豆湖海走冠裳
豈羨麟稱瑞休云鳳作祥
積誠原喫緊遙拜係網常
入夢情何限凝神興獨長
寄言登碣石地老與天荒

別少司空木山嚴公歸姚江

西蜀初相識南都喜再逢
壯心回往事旅况入春風
常恐風緣薄誰知笑語同
尚期鍾阜約恒與浙潮通
雅志憎投筆浮生任轉蓬
離歌從別調世講願何窮
共比庭前栢能忘江上鴻
臨期仍繾綣珍重付詩筒

挽周大理令祖廣文先生一首

大雅推名族清時行素風
一官傳教澤百代仰豪雄
豈必鄉關異須知理道同
家聲原弗淺元會總無窮
嶺海增新廟壇花發舊紅
斯文誰振鐸往事匪談空
盛典昭邦祀豐禪懋遠功
雲仍方秉用千載屬亨通

詩送少叅張立菴之西江

諫垣收宿望新寵出
皇州鄉曲知非晚
離亭情亦稠
淡烟分

野曙斜日下滄洲撫字尋成式旬宣抱杞憂正圖敦素業不必
說丹丘且奮張堪政休談庾亮樓心同補衮手澤比濟川舟後
會應何處奚辭酒滿甌

過邵伯高郵寶應三湖十四韻東同年潘熙亭李春山
自憐年老弟真愧冒亨衢畫舫天垂野蒼煙樹接湖甘棠民小
慰神爽興俱孤魚喜潛還躍鷗閑有復無萬方同治教千載覩
唐虞耆舊知仍健踈狂笑更癯永懷思大雅何必問投壺

高氏館會大司成閔午塘一首

隔歲稀聯席張筵聚午塘馳名光日月吐論比蘭香細雨清衢
路高雲送夕涼俊髦期秉用遐邇願平康下筇勤東道論文嘆
望洋拔茅思更苦憂國髮成蒼夏禹通常貢神堯作大章願言
平虜後治道行無疆

禮曹舊館謝松溪公再訪一首

大雅思流響清標樂再逢頓驚夙約在猶幸賞音同露葉垂陰
密風花倚檻紅涼生蛩砌薄香拂繡簾空短髮羞吾老高情羨
賦雄榻方勞冀北帆已望江東感極盟非淺時亨頌不窮桃投
期李報世講諒攸終

恒陽喜會楊大巡東江並賦又潤

經國馳芳譽論文對竹床冰壺湛秋月幽谷發春陽雅羨驚人
語還思陟謁章策勳光白日養志喜高堂仍幸歲寒約行當終

言三言古集卷之十一
不忘

喜張周美生子一首

聞道張周美年來始弄璋家聲真朴素心事更溫良世澤傳先代兒曹繼晚芳詩書原積累琴劍轉輝煌庭草穿簾翠天風動栢香忝予稱內眷湯餅喜如狂

贈館陶令徐子後卿

梁園思往事倏忽幾年華白髮憐予拙銅章羨子嘉清時初發軔郎署有人誇豈必稱強項終當獎相麻循良追漢牧蕭灑憶僊槎况復門墻舊論交應未涯

送楊正郎明日倚廬詩

陶山嘗識面宦海久馳名慈母生前淚郎曹天下情菘莖我群望切經濟壯心橫何日重連榻高談對燭明真憐路幾許恰似隔蓬瀛

送司諫林心泉奏最北上

臘雪饒登麥春風喜送君調羹基相業擊楫戀斜曛海鶴凝高潔林花露萼芬已忻培國本况復拔儒群茂族傳朝野雄才足聽聞封章乎百辟浩氣逼層雲薄酒停驂發寒香睡鴨焚矢心直若素思範自須勤日月光長在山河壯不分行當共拭目相與看鴻勳

送陳子思卿還海虞

言三言長卷 二ノ五ノシノシノ三ノ三ノ三ノ三ノ一
髮歲遊名地君家近碧山詩書盈畫閣花鳥動春顏身老憐疎
髮情多憶翠灣尚期敦世講何必問澆頑好效張公藝流芳宇
宙間

賀待封會泉李君雙壽一首

錦水傳家訓天雄羨令郎孝忠振至性詩禮擅名鄉迎養承雙
慶儲封萃百祥春風動芝草明月行蘭香世澤盈庠泮竒勳待
廟堂先聲騰巨猾清節比嚴霜用立獨字群望真稱輔五常瑤池
花自艷玄鶴舞偏長盛事誰能觀華筵非細忙行行歌借寇並
喜拜 龍章

送九峯俞庶文歸建德

有客來相訪春方二月中如何千里隔忽漫一朝逢撫景看新
柳懷賢問舊驄乃弟嘗為侍御桐江家世遠鍾阜笑言同令子才非偶
名門教自崇不堪仍話別惆悵倚東風

贈大廷尉王崖余公入 賀

寶殿靈高處瑤池鶴舞時萬年周禮樂一統漢旌旗月色澄松
影露華涼桂枝河山原自固福澤豈容私 國瑞日方茂仙蹤
事每竒華封與天保今是 聖朝詩

送春沂盧正郎擢守桂林

科目推名族旌旄望桂林秋風雲出沒落日樹瀟森太守聲華
重專城惠澤深未須思閉閣豈必弄鳴琴家學稱兄弟完功震

古今鴈鴻追曠影蟋蟀動微吟會入銓曹耳登崇次第尋老子
稱夙愛不盡讓能心

柬大司成茅見滄

南國陪明祀冠裳入仲秋鼓鐘窺禮樂燈火出松楸報本思何
限明倫化正流三綱存自若萬古意誰休豈必鸞鳳喜仍消豺
虎憂拔茅萌造士移壑可葺舟取次開科目光輝見斗牛永懷
真不寐嘉慶滿皇州

送天泉潘正郎入 賀兼便道省親

才美聞君久英標愜素評椿萱稱具慶伯仲且齊名黃閣推髦
俊 清朝賀 聖明秋風苔徑爽落日錦帆明禮樂方時泰詩

書况耳盈謝家還繼武荀氏豈專榮勲業追前輩文章啓後生
老子叨識晚從此願尋盟

送椒山楊副郎北上

馬市何人創椒山當日憂勇陳經濟策忠播鳳凰樓道大原非
外情孚論自投男兒須不朽職分况能脩鄉里喜同志衣冠真
邁儔殊勲從此立且盡酒盈甌

送梅生用賓還江陰

寒日催行色離歌動別觴才猷馳上國文采擅江鄉七步誰還
踵三年詎可量水消階級迥玉潤姓名香良會真疑晚高情當
未忘臨岐仍有約連捷看翺翔

送葛正郎雙石守河南

學集家聲舊時方國士推南宮初識面 魏闕已掄才城近梁
園地名高郭隗臺河橋官柳細驛路野梅開但願四知播何須
三疊催虛堂鶴自唳幽谷氣仍回取次循良譽行當盈耳來共
看勳烈茂金紫照衡台

壽封君芝山呂公七十有五

聞道芝山叟修髯聳豸冠無憂上眉宇有子重朝端瀟灑追彭
澤風流比謝安書香家世遠宴集侶朋懽况被 皇恩渥仍忻
錦瑟彈彩衣稱書錦樂事播衙官豈必蟠桃樹何誇蓬島鸞行
看 褒荐至更祝興無闌遙拜心良切江雲入望漫

六言古詩

訪澶東於城外草堂一首

雞酒聊存古意賞心久欲聯床况復良辰對目任渠名利牽腸
落日未堪回首薰風且到瑤觴自古金蘭難遇從今終始休忘
贈大司成松溪程公一首

黃閣紫雲北望春風化雨南都早暎 帝思良弼須陳二典三
謨

即事一首

斜日旌歸費老春風茶喫曹家惆悵旅懷何似憑欄莫問楊花
送待封君李公南還一首

令了政傳燕地封君舟泛池陽家學已宏步武 清時普播書香

謝遂安伯陳北窓送桃李二首

盛暑簾垂清書薰風時復南來獨愛高情桃李何須出自蓬萊
我本儒家寒素仰承先德流芳何幸群僊聚首 清朝環珮鏗鏘

七言古詩

辛丑季夏憂旱蝗二首

上天不雨吾將哭願把淚珠沾草木豪家富族方酣歌誰慮
亡百姓屋

前年飛蝗滿阡陌今歲飛蝗更相拍哀哉吾欲告窮蒼可憐誠
意還乖隔

題李春城卧轍圖

有客有客稱循良臨洮德化不可當攀轅父老做前古頌聲遐
邇何洋洋男耕女織各有業况蕙摘伏鋤強梁生平才賢冠粉
署豈止撫字如河陽我觀由來數卓魯誰云後世無龔黃矧公

鳳毛繼世美青雲五彩騰翺翔丹山不獨羨竒特 彤廷更復
呈文章吁嗟祖功與宗德滾滾派衍名金鄉即今時雍通萬國
濟濟豪傑屬眉揚徧觀諸郎在官邸偉哉頭角俱軒昂易云積
善自餘慶還許誰復宜流芳丈夫俯仰有如此豈必勲業登明
堂幸君旦夕領高論怡然不覺居平涼披圖嘆息匪私說行須
永播傳其棠我忝鄉隣且僚友但願相教無相忘

晚宿河橋驛館一首

寶鷄山水何大明却恐空同浪擅名清景還應老子識雅懷何
必衆人驚亂雲出沒渾無定萬木扶疎各有聲明發又當漢南
東風細草一含情

題胡與松道士圖一首

彼美人者神僊流白雲芝草何悠悠偶然一笑是春夢振衣欲
想尋巢由

仲冬二十日雪幾盈尺兆喜有年漫賦二首

長安北風吹客裘却喜瑞雪光吟眸郊農預賀二麥好太平處
處應歌謳

長風吹雪過盧溝詩思撩人可自由何處野梅香拂袖便當載
酒作春遊

壽海虞張太守立齋七袞一首

君昔彈琴來池黃百里製錦流聲光桑麻禾黍茂花縣但見老

弱歌循良無何視篆邇南海山連衡岳靈蒼蒼催科不勞動父
老春風時復吹橋梁君忽飄飄思梓里東吳夢想鱸魚香由來
出處關大節豈必孔子孟能行歲君年今且登古稀鯨飲百斗羅
瓊漿人生至樂貴無累矧今百福方洋洋舞彩動迎賓滿坐笙
簫迭奏盈開堂試看令嗣更堪羨凌雲吐氣成文章

壽杏塢劉公一首

古稀之年誰復強僊風宛想雲霞鄉瑤池青鳥雙翱翔幾番滄
海驚扶桑主人結髮才名揚同時豪俊推班行縱橫 廷對禮
樂章所過宦業真輝煌清風久已依南岡在苒華屋鬢眉蒼年
年願祝飛籌觴笙歌每致賓盈堂我忝通家義弗忘歲寒盟約

番無疆

次探梅韻東韓石溪

早春剛過元宵節未信浮生愁百結高情最愛錦江翁重欲尋
盟賞梅雪梅花有緣踐苔苔耐暗香疎影呈聯珠百年良會曾幾
何清興由來不可孤燕舞鶯啼景如許草池碧桃已萌蕊感此
方思罄日歡當使芳筵次第舉况添脩竹柳條黃詩社仍期開
草堂明午簿書乘小暇風流樂訪賀知章

次直齋原倡一首東石溪司馬

西隣魚躍春塘水萬花開徹梅殘蕊茫茫造物測者誰敦化川
流何用擬偉哉二老心融融每邀狂斐看花紅笑談動入範圍

裏乃予何幸窺元功熙然殊切勤渠祝玉振金聲拔流俗但願
奇勲登廟廊會傳繼武仍台錄

、壽金母楊孺人七十

令子飛英黃甲郎蚤馳嘉譽金陵鄉嘗思往事猶未忘冲然博
雅孚太常斗城嘗博士
太常云云天子明聖統多方太平豈必專麟鳳

吾今聊忝司農忙倏爾六稔驚韶光丈夫立志營網常必使勲
烈垂無疆賢哉阿母稱慈良斷機舉案遙同芳和風春晝煦煦
長喬松脩竹凝幽香綺筵彩舞稱霞觴古稀康寧殊未央人生
至樂安可當重期 褒命來高堂揮毫莫罄辭洋洋毘陵山水
疑扶桑

、壽馮母太夫人七十四詩效栢梁十五韻

少洲馮正郎臨
胸人

賢哉阿母七十強蚤登 鸞誥聲名香共傳令子如珪璋青春
甲榜雙翱翔而翁振起民部郎後先卓越何可當由來善積源
流長雲孫頭角仍軒昂詩書共羨堆滿床從此勲業垂無疆即
今壽酒稱瑤觴終日百拜萱有堂人間至樂真洋洋忝予世講
喜欲狂望雲遙拜秋風涼

壽寅丈芹山陳公詩

昔我佐部叨南宮已幸左順瞻芹公乃知夙好如有同出處誰
復稱群空經邦濟世仰高風允文能武才相通往年奉常禮貌
崇即今尤喜僚寅中感茲無愧為奇逢况遭傾倒情何窮綺筵

言一十一
卷之七
四
堂靜香融融斗自光耀鶴來東 清時先願有始終澤流黔首
傳華戎居嘗每笑衰成翁真多啓我平生象且誇令器方英雄
秋闈捷繼瓊林紅丈夫曾幾五福隆倍當壽祝歌山嵩

壽儀郎沈毋程孺人效栢梁體

沈郎家學名琴川東南秀發誰仍先卓哉乃祖人稱賢觀瀾聲
價揚堯天昔予從宦壬子年俄驚荏苒流光遷詎圖際會良有
緣寅清風夜如忘眠我聞阿母蘭舟旋閨門素範過蒲鞭煙薰
紙帳垂遺篇女和熊膽尤堪憐即今令子心懸懸望雲遙拜臨
江邊應知梓里開華筵笙歌弦管相喧傳况郎孝友期雙全勲
階致澤當延綿 褒封行且榮持宣何誇王母來群仙

七言長篇

喜雨

有雨有雨來蒼空固知神物歲無窮連旬杲日光滿屋頓覺人
物如爐中我心匪石閔農困早起每覺懷冲冲焚香密禱良自
苦敢言鄙劣能宣通民吾同胞更同願恒言常欲期年豐賴天
賜若鑿愚請海濤忽復傳梧桐郊苗遂爾翠盈目豈有几席仍
多蠅須臾俄返雨師旆但見四壁生清風我 皇致理踵堯舜
登崇才俊摧奸雄人人俱可洗心垢相與奮發為夔龍繼今再
祝我 皇壽願言萬載如喬松

壽蜀王適菴老殿下

一脉龍飛出鳳陽萬年 宗社有輝光雲開蓬海聯金燭香滿
瑤池倒玉觴松竹交加真樂迥笙歌迭奏慶源長螽斯會見傳
何遠嵩岳行湏咏不忘魚錫錦江增俎豆喜騰華屋播琳琅書
生何必登樞要濫醉寧辭思欲狂

送水部謝三洲叅議三晉

斯文契雅原非偶鄉曲情關亦自長素望玉冰清畿輔地芳春花
茂紫薇堂漢家循吏今誰擅 昭代殊勲終未量甲榜素馳名
自偉簿書仍見政初忙惠風歌徹旌旄影化日盃流琥珀香記
取銓曹公論在行湏 鳳詔出巖廊

送孔文谷督學再之二秦

大雅文章稱獨步中行人物覩清標傳經心學吾嘗愧拔萃才
名誰復豪化雨已沾康苑地和風仍到灞陵橋憂時正賴經綸
出覲德終令鄙吝消宦海壯遊驅野馬旅窓寒夜試春瓢襟期
飽愜談王道勲業何孤翊 聖朝別况未應愁錦瑟相思翻笑
濕紅銷坐忘意味今猶昔漫說雲山秦晉遙

壽太師介翁先生七十又一

大明六合稱全盛元老三台越古稀魚水真傳 恩曠蕩經綸
益覩筆光輝春燈影粲神僊宅寶鴨香分歌舞衣憂國共忻仍
綠髮薦賢猶自啓黃扉融融清晝苔先潤寂寂深庭燕欲飛述
志鳳毛孚俊彥格心鴻譽陋珠璣已占夙學人中粹更衍 皇

猷海內肥相國願同周召又太平無復苦言歸

、龍湖先生 寵荷飛魚詩以賀之

黃閣令名推薄海玉堂宿學重 清時鍾陵已羨題銓部楚地
仍傳有太師密勿喜聯經濟手風流迥駕鳳凰池謙同赤烏心
何愧德比緇衣事更奇長畫曲欄花爛熳澹雲深院竹參差綺
筵會觀金蓮炬椽筆寧誇絕妙辭况復普天歸化理何憂前代
擅鳴岐為霖湏信乾坤潤江漢誰云但沼池

賀南渠先生入相一首

姚江自古稱文獻不獨詞林冠四方甲榜早聞魁俊傑風雲今
喜聚 明良芳辰漸發苔階綠淑景初含芳藥香已見成均沾

教澤更當石室秘篇章深山窮谷知金馬白叟黃童歌玉堂

灑未容塵拂袖優游長愛鶴鄰床光輝永譽垂寰宇博厚 殊

恩紀太常從此弘文開日講會看同補舜衣裳

庚戌春二月知貢舉一首兼懷往事

此日自忻叨貢舉况逢庚戌復含情 先公漸齋登 孝廟庚戌云云 文聯奎壁

稱全盛天啓雍熙際 聖明蹇滯往悲終刺史 先公官 止沁州 斐狂今

濫佐春卿東風披拂香盈袖化日舒長柳轉鶯動業敢忘圖報

稱品階翻笑計枯榮王臣須念敦忠孝無負堂堂才俊名

送大司寇治齋萬公北上

暖風吹徹柳條黃江浦蘭舟又夕陽已羨寅清歸衆論更看欽

恤播遐荒白雲何用誇疇昔

公嘗司寇南部

丹詔恒來說豫章盛世

令名馳烜赫及時弼教想敦龐清歌思入南薰外行色花開野
渡旁華國有文昭石室傳家多嗣衍書香獨憐良會稱萍水翻
恨知音對竹床三疊臨岐關夢寐萬年至治好鋪張况予忝竊
難兄榜寧惜離亭酒滿觴

壽唐母太老安人九十有五兼賀令孫狀元

天啓

皇明開景運人傳奕世衍書香共宜令子先樞要重見

賢孫登玉堂豈獨兩京推俊傑還追八斗擅文章雲來玄鶴嵩
山遠酒熟瑤池舞袖長鴻業未論歸石室宮花真羨滿牙床交
乎孔李今奚愧德佩芝蘭倍自芳敢避頽齡尋夙講並期奮發

惜年光况思佳麗東南最百代通家冠四方

賀古冲李公家宰兼述鄙况

蚤推吉士騰輝遠特拜天卿輿論同僚案尚勤南國想錦雲真
羨冀群空知人藻鑑原非淺入彀才賢正未窮已料歲寒垂采
擇不妨流俗笑癡聾小堂綠野平生志都在明春一疏中

贈長垣令劉吳溪

太倉家世本琴川文采風流有歲年清白且看稱父老循良更
自播旬宣農桑何用旁人頌經濟還應識者賢舊學誰云曾改
轍新篇仍羨脫流連行須快覩三秋績豈服我冠到處傳

五言絕句

曉發張家灣二首

沙鳥知山雨舟人慣海潮紫雲堆 魏闕回首路迢迢
昨夜蓬窓雨瀟瀟破客眠秋風南國道鴻鴈正踟躕

舟次德州

遠浦漁舟小寒天柿葉稀歸心正愁絕江鴈夕陽飛

觀魚

小春稱十月風暖日光遲流水河邊草經霜半欲衰
河邊莎草細魚子動成群寒日明殘柳輕帆帶曉雲
斷岸蒼苔滿平林寒日初洋洋古人意真樂是觀魚

沙明帆影白風細浪痕輕十月官河路時聞簫鼓聲

舟次臨清

南來天氣好恰似早春時暖日晴雲細鶯黃柳葉垂
小舟多病體萬里下南荒榕樹蠻煙裏誰能怕念鄉
清江十月暖草木未全凋茅屋煙蘿外依稀見小橋
紅葉半村遠酒旗落日橫客心南下急厭聽鷓鴣啼

元夜雨

春雨夜燈前童子將進酒明月煙花時官河有新柳

同年劉遠夫中夜扣門

客從遼東來中夜扣我門此意良亦勤何日同芳樽

贈沈綬歸海虞

此郎來並北重會感吾情誰忍相離別河橋聽馬聲
門城上山虎丘山下水春花曉鶯啼念子在言里
晚城鳴踈鐘北人送南客只尺江村梅孤標照寒月

曉發清豐

寒鴉棲古枝蒼黃月未落山館何瀟然雞聲起城郭

題張侍御元德墨竹手卷

有美山中人肝肺皆冰雪秋風鳴琅玕寒月虛庭白
脩竹在空谷緬彼人如玉年華恐將晚惆悵湘江曲

夢中一首

言三
欲上河陽郡先來洞府遊
白雲滿天地紅葉不知秋

城南懷楊遷喬

倦郎垂隔久重會復如何
惆悵黃梅雨南窓幾度過

留別景前溪

塵土暗堯京離歌正不平
清溪分鳳竹赤日下龍城
尊酒孤舟別裊袍萬古情
荒祠承遠餞猶自愧平生
朴拙憐吾性才華羨爾強
風塵容髮老豺虎道塗長
別思驚秋館征雲落太行
青袍當日志白首敢相忘

黎城公館

山館荒涼夜踈鐘下戍樓
明朝不可卜紅樹一含愁

見牡丹

曉風見顏色深夜浥寒香
十二欄杆裏春來幾斷腸

夜夢趨朝

月臨秦塞遠春入漢宮遲
搖落遷人夢隨風到赤墀

南關道中

頗愛山中行愛山常不足
雖與僕夫共趨向各自篤

過分水嶺

一水分南北滔滔各自流
聖朝原混一分水亦何由

觀漳河源

漳水名天下源頭却在斯
溝渠非是侶江海本同期

贈表兄侯獻德

秋樹連河朔西風動玉關一樽聊與別得意蚤須還

贈武仲衡乃郎

十載京華別風塵入望頻故交真見汝感嘆一傷神

過伏生墓

在鄒平道中鮑家庄

秦火一何烈傳經獨有功長歌思往事瘦馬倚東風

簡邵思抑

京華言別後忽已十三春良夜聞高論襟期還自親

雨中簡同年田文明愈憲

又聽霖宵雨還令獨客愁煙花數里外誰道是洪州

西山與南浦往事今何在寒鷺下滄洲野火春鍾外

初夏十日演武

聖世山河壯旌旗入戰場鐵衣明曉日振武意何長

風日晴和地從容會俊髦羽書還正急誰是霍嫖姚

贈陶醫官埜

還憐多病體初入九江城落日逢陶埜冲然愜素情

別桂舉人實

送子秋江上秋風吹獨舟明年杏花發春色滿皇州

別貴溪楊子育秀

薄言江上別落日下疎林惆悵對江月悠悠勞我心

江水寒烟外輕舟自在還有懷不可寐斜日對秋山

安義縣行署

觀風冬盡處燒燭夜闌時楚國連封界燕山入夢思

與南埠飲玉巖館

十月廬山秀茅亭老眼開主人清興發連飲不停盃
短髮照新月二人共上臺百年幾知己醉裏菊花開

天池寺

落日天池寺僧閒門未關鐘聲在高樹獨鶴未曾還
隔雲是五老欲借石床眠山火照今夕問僧悲俗緣
我來天池寺不見佛燈明清話諸公在冲然亦有情

小春穿石徑落葉正紛紛獨愛洞天語下方人未聞

懷周僊

萬壑生碧雲孤月照瑤草空山渺難尋一笑山花老

訪西林寺

落日廬山青楓林半衰草如何世間人不說永公老

至東鄉仍用前韻

行行來東鄉古道多荒草落日萬山中豺虎驚野老

送虛白殿下

空谷來清風寒江見秋月主人多高情時復愛留客
彼美人如玉清虛本自真春風對孤鶴不受一分塵

送既白號友蓮一首

聞道洪州地南風細草塘奇花香入夢萬紫自春芳
長夏迴廊寂天風多好香主人清興在時復數蓮房

再贈陶埜

江樹孤山秀重來彭澤城清風知靖節不獨故人情
風雨廬山近仙槎通赤城飄然抱遐想對子有餘情

東林寺二首

兩度來虎溪恰是潯陽道落日下空廊西風動野草
陶令已在墟惠遠在何處秋山起暮鐘雨落燈前樹

舟過采石憶李白

碧草空山寂人傳太白祠淡烟孤鶴遠長日一帆遲

過盤駝驛

落日下盤駝秋風聞牧歌太原勞病眼烟樹遠汾河

贈劉方伯東溪之陝西

月照函谷關風吹函谷樹彈劍一長歌都是相思處
紫塞風煙外鳴鴻夕照邊秦山與晉水忽漫是離筵
十月此對床忽忽聽砧杵懸知春風時花落秦川雨

贈石庄柯大行

曉風發大原落日下徐溝徐溝近邊塞不鮮駕蘭舟
小徑連荒戍寒山接大堤斜陽烟雪裏恰聽野鳥啼

騎馬來三晉長歌對夕曛
閩江與煙樹離思各紛紛
平定州

平定來平潭風沙二十里
落日均壽陽前村隔煙水
山館夜燒燈澗草明寒月
隣雞逐曉風惆悵悲行客

渡桑乾

匹馬桑乾河春風亦可渡
落日望大同却是長安路

贈麻總兵

白日靜邊塞將軍走玉駟
單于避千里不敢向南州

宿懷仁寺

自笑勞行役却來宿梵宮
春風三月半棠樹未曾紅

贈時陳總兵

將軍騎白馬莎草不揚塵
會見收三捷花明塞上春

別許正郎

遲日花開晚薰風草亦香
離人各嘆息折柳意何長
行旆出雲中長歌逐曉風
懷人情事苦搖落杏花中

應州喜雨

如何憂旱久忽見雨飛飛
豈獨農家喜還令萬物輝

凌井夜興

凌井復凌井山高夜獨寒
梅花不可見空自倚欄杆

宿臨洛驛

敗葉團空砌寒蛩鳴夜廊客愁渾不寐閑數鴈聲長

過灞陵橋

秦京多古跡初見灞陵橋風雨茫蒼裏鶯花共寂寥

晚渡潼川一首

渡河復渡河誰解採蓮歌落日西風急何時鴻鴈過

再過松林一首

誰識山中意空教行路忙白雲與流水風逐萬花香

雨後四首

聖君理玄默恰似漢文時願效嵩山祝長風吹紫芝

朝來一炷香處處願平康塞草宜抽綠狼煙息戰場

好雨淨埃塵清涼亦可人書長見車馬煙細萬家春

禮樂承平久仍期大有年雨暘從此若何羨舜皇紘

東康太史礪峯四首

有美玉堂客聲名河漢流文章驅百代相見即相投

古稱知己少不獨賞音難斜日燕山暮看花倦倚欄

與君若夙昔雅愛一何長何必曾相識永懷金玉章

君本昭代儒德音比瓊瑤感嘆欲何言還令吝鄙消

送箬溪顧公北上四首

江天寒日短有客上蘭舟忽忽難為別相思但倚樓

公今登八座吾亦忝班行重會知何日高情不可忘

尋常文字飲話舊轉悠長洗耳期功業從容羨廟堂
公來真萬里方幸接芳鄰誰復催行色相看更小春
舟次潞河懷彭草亭

賀拜 明光殿雲高建業城美人應念我寒月再尋盟
重九樂城館漫與二首東楊東江侍御

何用拘常格登高問菊花風塵當肅靜海宇樂亭嘉
曉露催行旆恒山望轉長觀風思豸史高韻莫能忘

盆菊新酒送孫子龍乃堂一首

薄釀新浮甕黃花尚滿盆百年敦母族此意好誰論

題邯鄲令嚴寅所書南山四首

邯鄲勞撫字富順說甘棠春塢杏林意年來更覺長
尚和本高士陰德即名家令子明堂器澄清未有涯
滇南家世遠雲樹望何窮忠孝行須茂都來一念中

錦江曾識面入 賀復重逢勲業仍非晚行還看豸封

走筆二首東張石川

江海風煙渺懷人隔玉岡行須問梅萼小閣繡簾香
衰齡多病體從事早衙寒念我知君切何時共倚欄

正旦午後日食早先有雪喜懼交集二首

上元天忽變日食恐多官惕省吾儒事焚脩共禮壇

東南財賦地水旱苦連年瑞雪知民福 明良喜並宣



詩五言集


入苑溪外生集卷之七

九



七言絕句

浮山十四歲時送沙東舅氏



送別陽關過小橋滿山花柳對人嬌
勸君飲酒須酬醉明日灑
淵道路遙

挽亡妹


大妹卒於海虞今葬祖塋之次

搖落東吳淚自懸平生眉宇尚依然
那堪回首成陳迹荒草年
年叫杜鵑

臺上黃花

在平陰作呈先大夫

丹心華髮十三年老大郎官又不遷
却笑一生清似水如何籬
下有金錢



暮春撥悶

江草垂垂江柳黃
酣歌走馬何郡郎
少年不解事
辛苦日日尋
芳空斷腸

綉簾小閣迥添愁
綠遍長安芳杜州
花發未應春易老
東風燕子度紅樓

茫茫塵土喚愁生
風送誰家笛滿城
悵立閑庭春又晚
一聲鴻鴈過燕京

弟妹何時一見之
故山花木萬重思
江城卜病新來瘦
羸得春愁上兩眉

御河柳條金線微
三三兩兩乳燕飛
誰家女兒好顏色
踏歌日

暮知音稀

萬里雲山起
憂愁風簾落日下
銀鈎誰家吹笛滄洲外
一夜相思欲白頭

江城蒲草日芳菲
梅子青青尚未肥
自在柳花飛薄暮
輕盈白鳥下漁磯

登王朝童客樓

小樓昨夜又西風
回首鄉關夢寐中
底事黃昏偏寂寞
瀟瀟涼涼雨滴梧桐

陪祭宿昌平館

小臣何幸陪明祀
匹馬昌平兩度過
回首諸陵倍惆悵
滿山寒

書館, NATIONAL CENTRAL LIBRARY, TAIWAN, P. R. C.

影月明多

送唐仁夫陞南京水部

喜見唐公陞水部春風直到建康城
建康斗酒值百錢醉時莫聽吳歌聲

金陵城上春山明金陵城下春水碧
山水看人思萬重鶯花二月煙如織

送焦蘊德養病

西風吹劔下南州太史聲名河漢流
忠孝平生都不愧且將心事付滄洲

夏日即事

窓外芭蕉欲放時槐陰庭院晝遲遲
夜來風雨瀟條處落盡薔薇第幾枝

送宇文之

長安酷暑何時秋送子直下金陵州
古來才大難為用把酒落日看吳鉤

憶海虞東同年胡縣令世高

吳門別後幾經秋對景還思上虎丘
南北渺然不可即白雲回首萬重愁

陳家園裏水心亭茅竹苔花照眼青
涼雨輕風三月後狎鷗魚記下蒲汀

虞山山上仲雍祠千載荒涼有斷碑遙憶春風芳草綠子規啼
盡百花枝

海虞令尹胡公子平易臨民在在傳懸想簿書清晝暇諸公同
醉海棠邊

繫錦衣獄

辛未夏也以踈狂言事

誰云夜永真如年星斗隔坐昏昏然不獨蚊蚋會欺客時有蒼
鼠來燈前

暑夜悠悠尚未眠忽生秋思月明前白雲茅屋開州地苦憶雙
親淚泫然

秋蟬感懷

望斷蓬萊弱水東秋風消息已先通寒蟬聲裏流年度正是行
人感慨中

別景前溪

長安九月西風冷獨抱瑤琴萬里行斜日孤村茅店裏思君應
作斷腸聲

行李蕭條出鳳城長林厭聽亂鴉鳴江城回首明朝路雲樹蒼
蒼是帝京

邸成家留題

辛未出京也

離亭落日一停驂作客何妨到嶺南野鳥似知人意事數聲啼
破碧山嵐

舟次天津

四年不踏天津路
楊柳溪橋半不真
短棹明朝又南去
水長山遠解愁人

江村山郭酒旗斜
半是逃亡百姓家
日暮鄉心正愁絕
野人吹笛落梅花

夜泊德州

日暮寒風細浪生
官船時聽棹歌聲
德州城裏多烟火
聞道新來盜已平

舟將至武城偶值風作

長安南下路漫漫
古木啼鴉野水寒
幾處人家亂離後
老藤閑

蔓不堪看

一番寒雨一番愁
杲杲蒼蒼照碧流
聞道官軍多致捷
犬羊豺虎一時收

大風吹浪水雲寒
高扣鳴榔下急湍
細數飛鷗歸別浦
懶看殘月入靈端

貧家女兒臨河邊
雙手汲水傷流年
爺娘凍餓鮮兄弟
豈有脂粉供花鈿

鄭家口夜泊

天寒愁極月陰陰
一夜相思萬里心
流水高山原自在
誰云世絕伯牙琴

少年曾作江南遊屈指後仰二十秋即今復作嶺南客亦有耿

耿江湖愁

子昔幼從家君宦遊吳下今復有廣南之行云云

御井甘泉

此吾郡八景

君王御井今猶在和議從前事已非千載靖康誰雪耻野人指

點寇公祠

洪洋積翠

惆悵洪洋翠壁重野花無語碧苔封居人不解尋芳事却向山頭學老農

清河漁唱

滄洲歲晚蘆花細汎汎漁歌生夜涼欲把閑情問真隱碧沙流

水路何長

西湖秋水

蘭舟輕棹壓湖光湖水牽風翠帶長歌舞年年自兒女幾人憂
得到農桑

長樂春容

桃花三月滿平堤長樂虛亭半欲迷避暑占人千載意春風都
付鷓鴣啼

龍湫煙雨

宣防匏子皆塵土武帝旌旗不復過惆悵古潭煙雨後隔林時
聽打魚歌

東寺曉鍾

落落疎鐘萬井寒，小城樓閣漏初殘。
尋常警破書窓夢，却勝韓家熊膽丸。

楚臺夕照

楚王酣戰今誰是，落日荒臺後代看。
王道何曾負霸王，江東子弟本無端。

漫興

軒前小種宜男草，墻下叢生禿女花。
晝永垂簾看周易，數般啼鳥過隣家。

苔草閑花上碧蘿，小窓風雨坐來多。
幽居性僻偏宜懶，欲向江

村聽牧歌

觀鷓鴣

新抱鷓鴣兒，柳葉黃三三兩兩。
各成行，春風吹入池塘去，更覺群呼意思長。

園中偶成

園中曉踏露華清，小小茅亭倚樹明。
生意自然成樂事，况兼今日正昇平。

中秋聞鶴

八月天風涼滿襟，九霄孤鶴有餘音。
市城忽動山林想，忘却紅塵一片心。

東岡寺

十年不到靈巖寺今日重來趣更長
山上白雲山下路盈盈佛殿草花香

撥悶

雨後蒼苔翠染衣江南別後賞心違
藤床睡起空庭外獨看斜陽燕子飛

七夕

涼雨梧桐一葉秋鵲橋真是浪傳遊
小窓睡起無情思閑看白雲天際頭

悶坐

夜長獨對寒燈坐愁見吾妻舊鏡臺
往事傷心眠不得不知何處角聲哀

頑兒三歲解尋娘苦被尋娘惱我腸
却笑死生是常事逢人聊復倒壺觴

穀雨日東方山張內翰

鶯啼花落惜春回愁聽孤村風雨來
賴有同舟張太史解顏時復共啣杯

懷柳泉諸君子

多君送我意何長折柳那堪上野航
回首天雄在何處暮雲春樹兩蒼蒼

詞七言絕
風帆一葉發蘭舟
兩岸桃花翠麥浮
萬種相思眠不得
釣魚猶憶小灘頭

連窩道中

細柳官河照碧苔
楊花飛入畫船來
酒旗搖曳前村路
忽聽漁歌起釣臺

舟次張家灣

張家灣裏夜初闌
月上孤舟煙水寒
沽酒懷鄉眠不得
却嫌漁唱起沙灘

錢可容陳允默見訪有作

長安遲日南薰細
却恠紅塵上客衣
賴有故人高興在
解顏真

足慰相違

城南邸舍懷前溪

細雨踈簾斜日昏
丁香花落捲重門
美人只在青雲舍
勞我相思欲斷魂

懷呂涇野

三秦自古英雄地
誰惜匡衡劉向才
易水浮雲斜日暮
思君不見上燕臺

市酒江魚送何仲默

長安酒家新酒香
潞河銀魚三寸長
端溪客子懷大復
斟酒烹魚心欲狂

言一
大復館見康

梧桐長日閑深院
康子啣花出藥欄
白雨捲簾天萬里
西山空翠近長安

飲大復館

曹劉陶謝文章館
却幸山人放酒杯
天上迅雷驚四座
馬前暴雨一時回
大復山人留我坐
高談實見杜陵才
相逢恰似曾相識
落日關門尚未回

城南聞鍾

十年南國馴孤鶴
此日長安聞禁鍾
車馬紅塵自來往
百官朝

罷出從容

城南約百愚不至

我愛河南馬百愚
平生誰更說真儒
城南有酒懸相憶
梅雨不來庭院孤

懷韓汝慶

秦川楊柳隔芳溪
遙憶佳人思轉悽
一曲南薰千古意
杜陵烟樹鷓鴣啼

賈生曾上匡時疏
湘水何妨當日行
雅志未容流俗喜
高風今見古人情

東太史許思仁見訪

許郎高義出城南舍館垂楊暫駐驂數看殘棊談笑裏不知對酌已沉酣

答張文光

遠客悠悠經六載一朝忽到黃金臺垂楊舍館紅塵裏驚見張郎出衆才

惡蠅

南來客子城南住却苦炎蒸見爾多安得秋風吹萬里夜涼明月一高歌

逐氣尋香忌太貪惱人情思入盤殮可憐虛負天生汝不及農家四月蚕

城南邸舍簡陳佑卿

細雨黃梅竹屋深思君不復對鳴琴歲寒朋舊多相愛無愧高人千載心

別來却是嶺南行此日逢君更有情惆悵一尊涼雨夜何時重與話平生

謝屠文伯惠角黍

天涯節序驚懷抱蒲草芳花白晝長憶昔金門分御酒嘗新此日有餘香

遲日長安端午節蕭條旅邸憶家鄉交情今見郎君厚不羨包金出尚方

飲許思仁館

許子玉堂留我坐麻姑入盞夏餘香南風庭院棊聲碎笑指碧荷生晚涼

東山學士燕京住館閣傳經三載餘不獨能留遷客飯會者已上濟時書

感劉紫岩枉訪

風流學士稱劉向却憶傳經寵孝宗十載褫袍情未改相逢猶是昔年容
獨館殘陽掩竹扉蕭條時憶故山薇高情却喜形闌客亦自留心閭布衣

飲竇司諫館

踈曠自憐叨沁水孤高真幸見晴山相逢原是同心客把酒何妨醉裏還

留別屠文伯

踈雨一番涼碧樹曉風催馬下南州思即不獨三秋喻愁聽陽關唱酒籌

高雲涼思隨行李茅店人家傍竹溪他日西山明月夜小軒應憶九峯題

題錦衣王景暘冊葉

廣南山水寰中秀此日聞君建羽旄應有梅花清入夢更闌月

言七言總
八端溪先生集卷之十
色動松濤

臨漳道中

秋風紅樹臨漳道
馬上看山半白雲
何處思親更瀟索
竹窓寒月夜燈分

除日

荏苒年光客裏身
山城銅鼓解傷神
京華搖落寒雲外
朋舊明朝拜紫宸
太行東下是開州
只尺高堂勞夢愁
薄宦浮名何足道
且呼兒子勸深甌

春日懷陳公錫

尖雲衰草山城路
落日猿啼未忍聞
寸赤還將遷客淚
明時堯舜望吾君

京華別却陳夫子
斜月松窓勝有情
吾道行藏本無定
何須流落嘆平生

懷屠九峯

寂寞寒城信不聞
憑虛時望九峯雲
何當再剪西堂燭
碧草春簾話夜分

寄林縣馬敬臣

相州自古中原地
細柳春溪接暮雲
遷客懷人倍惆悵
况堪新鴈夜來聞

言一詩集
春風細草湯陰路林縣佳人不世才湖海百年勞我夢何時重
與一傳杯

山中回偶成

天風吹斷西山雨空翠寒生萬頃秋千載坡仙成底事沁州却
恐是黃州

贈許思仁

玉人遙在燕京裏斜日西風但碧雲寒雨打窓懸榻夜燈花落
盡正思君

贈何仲默

木蘭花發兩經春惆悵懷君侍
紫宸落日禹山黃葉下相思

獨對一燈新

贈屠文伯

別來忽復兩經秋門掩西風對碧流
須記歲寒崇令德虛堂何必但深甌

秋雨別黃子

細雨翻風入客愁小庭黃葉下清秋
離歌何處中霄起不盡相思晉水流

代孝義閔大尹送陳憲長

曉旆衝寒萬木秋中原父老望伊周
遙知風采澄清後不日徵書下鳳樓

代大谷陳大尹送陳憲長

晉河輕拂曉雲涼
長劔高歌倒玉觴
明主正隆堯舜治
老臣應自入巖廊

次黃時庸韻

客舍并州得壯遊
碧雲紅樹曉霜浮
明年相憶知何處
惆悵烟嵐入望迢

長安十載憶同遊
醉裏宮花任酒浮
搖落未應清興減
五雲回首日光迢

貢院夜坐

高秋入夜思紛紛
寒雨蒼蠶隔樹聞
霜劔十年心上事
喜傳杯

酌憶諸君

贈張子還沂州

把酒寒城此別君
碧山紅樹小橋分
門墻桃李知多少
一日聲名四海聞

贈陳子還南康

大江西去好山多
明月隨人發棹歌
三晉論才誠不愧
聖朝從此說賢科

贈海虞唐太行

海虞風景今何在
還憶少年遊賞時
獨賴故人高興在
相逢猶是舊襟期

言七言絕句
八五
一杯話別轉凄然苦竹茅堂臘月天何日再遊澤國上小舟風
雨碧山前

東吳遠在江之南烟雲悵望直愁絕寒夜逢君未可言燈花細
落虛堂月

初見杏花

東風抽綠草生芽兩度山城見杏花他日別離成悵望沁陽亦
自是天涯

盤中杏花

山衙牆後開如錦盤裏相看更自嘉節序傷情吟不得閑聽野
鳥隔窓紗

南關驛

嵐光馬首拂烟霧閑花野草不知數東有兩山夾一溪行人云
是遼州路

題何憲使卷

栢臺寒月浸清秋汴水汾江兩度遊獨羨高人動歸隱青山紅
樹大江頭

次王虎谷原韻

虎谷跛樵投我菜淡中却自勝胡麻于今時事多疑似不獨盆
中見影蛇

除夜

詩二首

二八

一

言七言絕
平安書信近來多更喜高堂髮未皤解綬何時遂歸省舞衣行
看樂如何

燈前獨酌興何長樓閣空山耿夜光堯舜正當巡狩日何人草
奏入明堂

端午採蒿

浮名厭聽市塵勞何日乘風醉碧桃未向山中尋藥品小園聊
復采蓬蒿

登紫巖寺

紫巖幽寺兩經過樓閣穿雲照華蘿山色水光看不盡恍疑人
世竟如何

簡潘熙臺

白露空庭獨樹寒西風斜日萬花殘淮陽都諫熙臺子留得封
章四海看

懷王君佩

故人一別六年餘北望長安未有書須信閑堂重秉燭笑談同
醉夜窓虛

觀海四首

長風吹斷海門霞三月登州始見花望出白雲千萬里還疑天
外有人家

東南疑是無何鄉櫻桃楊柳滄波香人世繁華轉堪惡時有孤

言七言絕
鶴來翱翔

桃花開盡海城春只尺登高興更真薄暮酒闌看寶劍于今諸國息風塵

秦皇漢武亦雄才海上求僊竟不來千古風流等春夢碧桃巖下自花開

簡郝愚夫

京華一別十經秋忽忽風塵欲白頭此夕疎燈相對榻漫勞勲業說封侯

張秋道中

時予為松州同知

鬢齡隨宦錦川遊重笑東牟別駕侯屈指年光十八載春風楊

柳過張秋

簡劉子靜

春風捲地杏花殘芳草郊原三月寒惆悵美人不可即羅衣空自倚欄杆

王釋店鋪

行行風雨動春愁西望鄰山涕欲流嘆息流民填道路 聖恩何日下皇州

東鄰大海多風雨陡覺芳春變九秋多少逃亡民未復天涯空自一含愁

昌邑

海風吹雨馬長嘶城郭荒涼路欲迷草芥功名曾足道却金何
獨擅關西

棗園鋪馬上口占

寧海城東二十里棗園亭鋪好山多他時記取巡遊事已卯年
中此地過
常愛深山深處行深山曲徑更宜情白雲流水非凡世祇恐遊
人眼未明

贈萊州郭二守

他鄉却喜會西泉况復重逢夜雨天對酒未應忘赤子誰能不
忝羨豐年

贈浦汝器之洪洞

秋風秋風動高樹太行山色歸吟哦一不盡笑指晚雲細之覺花
縣陽春多

寶劍高歌動別愁夕陽人語竹林幽三年奏最形廷下白簡
應看六月秋

離思漫隨鴻鴈度送君今出短亭西河橋還憶相思曲吹徹梅
花五夜淒

先公遊宦浮山日是我年方童子時搖落歲華成老大感今懷
昔動襟期

贈族人繼道

言一
海國荒涼經十月曉風帶雨聽山鍾西橋話別烟雲裏對酒何
勞惜醉容

贈族人繼先

滄海東頭風怒號鯨魚吹浪水雲高荒亭西指澶州路何用閑
愁苦未消

舟過蘇州

曉風吹起平沙鴈楓樹江村照我舟只尺廣陵渡淮水寒山還
過蘇州

簡徐臨江

寒雨初飛草樹秋烟江江上望儂舟十年淮海動懷抱此日送

君生別愁

懷胡可泉

青山白日動懷抱南國又勞經濟才欲把一盃訪江上百年聊
欲共登臺

行署季冬八日感老母誕辰

長風遙隔西江外悵望慈堂未得歸多少瞻雲心裏事空勞塵
夢舞萊衣

曉旆衝寒何日息年華轉眼復春歸紅顏白髮尋常事只恐無
才補衮衣

觀射演武場呈周克之

言
十月江州細柳黃却從兵甲見文章誰言范老驚西夏千載風
流復見郎

吊許子忠節

西江大盜公然出白日黃塵赤子哀唾手壯心千古在漢家誰
說有雲臺

金戈鐵馬好勤王坐令奸雄事草草長風落日撫劍歌一曲大
江天地老

次初亭還字

乘風得此一宵閑人在黃茅翠竹間燒燭話仙渾不睡洞簫聲
裏鶴初還

次西字

小隊穿雲五老西滿山黃葉淨寒溪僧來樵徑月初白花落空
巖鳥住啼

寄臨江徐太守養齋

美人秋水一方長白白梅花入夢香寒月草堂誰共話燒燈時
復見佳章

送陳中丞石峯

寒浦白沙分細雨短舟錦纜引東風離人却有憂時淚笑聽哀
猿林木中

渺渺江村送別時棹歌聲斷夕陽遲自憐病目多蒙蔽雪裏梅

詩言集
二
人
花
恧
不
知

謝陸少叅約賞梅花

主人情重出流霞
擺脫風塵一散衙
却笑客中多俗事
芳春消息負梅花

簡田文明

天涯細柳東風軟
會見幽人一鼓盆
孤影自憐春夢短
日高三丈始開門

無情却是章江水
不惜憂人還自流
寒雨一番南浦外
數聲啼鳥作春愁

白髮還憐堂上母
青銅會惜病中顏
闌舟只尺東風路
多少斜陽鳥外山

陽鳥外山

高情不獨堯夫麥
雅調還驚子美詩
却欲滄江還舊隱
衷懷先許故人知

稚子尋娘不上床
有時嬉戲却如常
春風庭草依稀綠
心在故山三嘆長

自笑農家多病身
也於宦邸度青春
短蓬誰惜長江險
尋我滄洲舊釣綸

懷林二山

忽忽年光驚客鬢
悠悠鼓吹憶郎舟
桃花淡月遙相對
搔首東風空自愁

言一詩集
梅花六咏簡周玉巖

客子鼓盆成獨病僊郎弄月起青春
商家消息今誰是會見和羹席上人

梅花主人春思長春來坐客梅花堂
猛然對客發孤笑玉壺飛出流霞香

良會幾何真是夢百年一笑大江橫
寒堂紙帳踈燈夕坐聽孤城長短更

東閣南州意若何野棠碧草得春多
凍枝却帶霜中雪未解東風對綺羅

美人睡起意匆匆恰見寒梅綴曉紅
但得東皇知姓字傍花隨

柳任春風

曉碧踈廊睡起遲羞將病眼認寒枝
濃芳富貴知多少竟是誰知冰雪姿

聞鴈

塞鴻未省江南有渡海終須自北來
清影可憐明月裏儘教群雀上林猜

江南江北多春思但見烟雲幾萬重
收拾故山雙羽翼何須凄斷蓼花中

萬里烟江春水生一行搖落晚雲輕
獨憐孤影抱孤恨腸斷離人故國情

東鄉道中

野縣蒼苔夾路生碧桃春雨一會情寒郊况復多饑餓却愧無
勞答 聖明

春陰白晝菜花開村落人家半可哀收拾閒愁問青帝不知生
意幾時回

金谿道中

春風落日多豺虎茅屋人家半草萊
上釣魚臺

上清宮

小澗碧桃春自開上清宮殿鎖蒼苔
仙風鶴馭今何在閑聽洞

簫寒夜來

黃塵却笑走仕路白髮竟自來
子無瀛洲

暮春懷徐臨江

臨江只在清江外春水春風多少愁
復一登樓

進賢雨中漫興

涼雨霏霏花滿川東家西家人種田
城一晝眠

送虛白殿下復號契蘭

東風車馬梁園裏但見王孫愛賞春千載幽蘭是何物我心原
不愛風塵

我愛高人只種蘭秋來時復倚欄杆上林桃杏應無數祇解風
流一日看

曉發南康

五老平生如故人此來又是一年春乾坤揔是大逆旅何必臨
風一愴神

彭澤贈陶處士

小姑山下碧桃樹時復春風花自開中有高人心似水一瓢甘
雨潤蒼苔

彭澤舟次寫懷

自憐為客過彭澤舟對小山風雨時五柳清風千古在
我來猶得想襟期

飄然已覺宦情微長笑乾坤對夕暉一曲離歌三尺劍天風吹
雨上征衣

喜陶仲文惠藥

天涯多病見知己今日江舟喜欲狂千載軒岐傳正脉此中至
味許誰嘗

過采石憶李白

乾坤萬古此吊子叢桂小山猿鶴哀長日輕帆一盃酒錦袍誰

言七言詩
八
清溪先生集卷之七
復是仙才

答清江浦李副郎思德

八年不見芥菴子此日南風一笑談
烟樹清江重離別何時對榻復沉酣

瑞蓮主人情思長偶然留我薰風堂
狂歌忽動故山興但見碧水雲蒼茫

城武堤

城武堤邊楊柳陰野人茅屋自相臨
白雲流水俱堪樂翻笑愚夫積萬金

黎城館

六載青山還在眼半林黃葉獨驚心
東西南北終何事獨對寒蛩一短吟

武安道中

十年不入武安城山屋溪橋歷歷明
歇馬前村問野叟農桑到處一關情

黎城館

小雨霏霏秋正深滿庭黃葉動微吟
魏雲澶水知何處不盡西風行路心

襄垣道中

涼雨紛紛侵短髮西風寒日小山秋
十年寶劍今還在咲聽樵

言一
歌入沁州

沁陽公館

沁陽待罪恰三年此日重過意惘然贏得閑情歸笑語秋風聽
雨一宵眠

盤駝驛

紅樹人家半野坡白雲秋思兩如何于今幽谷半魑魅不獨黃
昏豺虎多

徐溝公館

驚秋紅葉寒雙鬢夾路青山入太原澶水雲高心只尺西風落
日鳥聲喧

沁州曾入太原來野道黃花還自開却喜秋來好禾黍太平燈
火下樓臺

榆次寺院聽同年張字溪彈琴

榆次古寺對燈坐瑤琴一曲增新愁梅花淡月紙窓薄相與傾
倒何時休

壽陽行署

雪路溪橋聞畫角凍雲寒樹晚蒼蒼梅花無復西堂夢寥落客
懷宿壽陽

題東溪圖

悵望東溪春可憐白沙細柳插青烟主人睡起草堂靜時有飛

詩七言絕
鳥來花前

代州元夜

遠道風塵催客髮
古城燈火入春宵
鴈門不見杏花發
寒月滿庭更漏遙

鴈門關

碧山樓閣倚參差
誰說邊關接遠夷
却是太平好時節
東風吹柳綠絲絲
鴈門此日空初度
白草黃雲生客愁
多少聖朝功業事
漫勞豪傑說封侯

廣武驛

廣武驛中逢蚤春
桃樹杏樹誰為隣
碧山野草大同路
西接關河却是秦

山陰觀射

桃花未發山陰寒
日旌旗照眼明
韓范有懷共誰話
却嫌金鼓自春聲

題山陰梅月圖

山陰壁上梅花月
却是江南一段情
播落年光真可惜
春風羞笛斷腸聲

雲中

曉日輕寒上客衣
古城高樹亂鴉飛
將軍無意凌煙閣
錦帳蔽

春白馬肥

雲中萬古接王畿烽火年來靜不飛誰是漢家真頗牧坐令邊塞野人歸

朔州暮春

荒涼樓閣倚空蒼城上誰教羌笛長却是太平真樂地大風吹起柳條香

渾源州壁上梅花

一枝曲曲一枝橫淡月空廊却在東說與邊人渾不省祇疑桃李弄春風

雲中懷周秋齋

并州何處閑青草一段山雲入塞長却憶玉人談笑夜小堂疎雨對藤床

憶雲中

野朴平生只自由雲中三月等沙鷗薰風細草沿村路還愧兒童父老留

忻州率諸司禱雨

千山高山如火流遂令旅客懷深憂何當大叫扣上帝坐致四海同歌謳

贈鳳陽郭勳

薰風獨泛木蘭舟落日清江野草稠忠孝萬年歸國史太平

國家圖書館, NATIONAL CENTRAL LIBRARY, TAIWAN, D.C.

勲業屬虞周

靜樂縣道中

順水鋪路東復東
蒼松亂雪寒山中
悠然僕馬度林壑
但見脚底來春風

題張仙三峯圖

聞道飛昇事可傳
聲名一動九重天
仙風鶴馭今何在
滄海空驚幾度田

送劉既道

劉賁下第策猶存
茅屋蒼苔日掩門
十載離懷談笑裏
夜深風雨對芳樽

蚤春漫興

五十三年感歲華
海南天北幾梅花
于今公道歸堯舜
誰復形庭壞白麻

素館春風倒玉壺
紅塵飛盡海雲孤
門前鎮日聞車馬
未必神僊一箇無

咏黃菊

萬紫千紅鬪曉芳
玉人誰復說黃裳
西風一夕添懷抱
獨立寒城勝有香

紅菊

秋來不解醉容粧
底事紅顏妬少娘
終羨歲寒心節在
漫勞歌

舞競迴廊

白菊

西施出自天然態何用濃粧淡抹之千古風流垂令節空教
李浪乘時

紫菊

白帝城高月滿樓輕盈顏色動清秋如何陶令歸田後不見聲
名入五侯

題運使薛漳涯卷

魏博風流一偉人秦淮宦迹等紅塵即今投老楓林下獨釣漳
江淺水濱

江彬恃寵迷

先帝淮水行舟駐大屯獨有高人心似鐵黃金
不到衛青門

謝馮掌教惠元宵團

閑庭寂寂惜年華徒倚東風月未斜此夜多情見知己江南佳
味向誰誇

客子風流近若何春宵應憶足絃歌嘗新忽發吳門思多病何
緣對綺羅

贈馮掌教壽星圖

南極誰傳萬古名人間五福摠關情修菴馮子多人愛留取斯
圖作話評

言十言編
人海先生集卷之十一
三十一
千年鹿鶴隨吾樂白髮綸巾海上遊唱出太平元化曲錯教老子跨青牛

春日登楚臺

與客相將上楚臺春風初見杏花開英雄一去今何在時復行車自往來

楚王臺下春草碧楚王臺上春風多康生送我意何厚相與慷慨一高歌

暮春撥悶東劉杏塢

杏花零落桃花寂忽復漫空柳絮飛多病年來兼白髮有時猶自上魚磯

誰遣愁人酒一杯可憐飛杏自開開憑君欲發春遊興策馬同登楚項臺

次近山原倡贈西巖子

西巖客子蜀中來琴鶴蕭然澶水隈金谷季倫空自朽湓江元亮正啣盃

聞道西川接吐蕃風霆為令孔明尊行囊未受夷人餽國史須當耿不昏

別徐同知松菴還瀘州

郎來澶水五經秋郎去瀘州百姓愁徙倚西風紅葉下為郎憔悴懶登樓

峨嵋山下是瀘州君去令人憶武侯白馬洪洋成遠別年年鴻
鴈一悲秋

喜晴

濛濛樓閣雨初休四日斜陽不上鉤紅了桃花青了麥老夫無
復杜陵愁

二月連朝雨打花賞心無計到農家商霖畢竟真誰是白首吾
當學種瓜

望秦州八卦臺

羲皇人去幾千秋臺下三川水自流王氣東來占紫氣秦州亦
是帝王州

才俊吾鄉士萬春喜看視象入三秦斯文鼻祖傳宗派不數龔
黃作後塵

陳州古廟曾參謁成紀新祠未仰攀落日眼穿成底事任渠花
鳥自空山

秦郡城西古木森共傳羲廟好相尋虛疑皓首差岐路實覺乾
坤契老心

賞牡丹後喜雨二首

誰道酸寒副使家春來亦見牡丹花風流苦被狂風打何用逢
君空自嗟

一番風起動塵埃忽復冥冥細雨來人事天心真未測何妨花

下倒金杯

吊沁州張封君四首

聞道沁陽張御史焚黃丘壑有餘光
尚堂不獨承萊彩魏闕還知有諫章

沁州好羨張公藝孝子忠臣一代傳
老去何妨封馬鬣春來依舊照龍川

青山松菊還新墓落日漁樵嘆故家
回首桐鄉歌舞地年年三晉隔雲霞

驄馬西來一偉人 彤廷風采照青春
文章光焰驚千古勲業輝煌顯二親

次沱村野望原倡四首

秋來睡起茅堂寂涼雨平分松菊香
却笑老夫憂國淚有時還自切農桑

卿相長安多故舊音書誰到野人家
幸逢堯舜垂衣日正好東門學種瓜

往歲曾聞盜劫村犬羊凌縱可銷魂
倘無大將風霆令何日群兇一笑吞

東門郭外柳垂堤亦有黃花近綠溪
村酒行當林下熟思君欲醉小橋西

再次自韻四首東史沱村

無數閑花開曠野半溪秋水照清狂長安朋舊多卿相土酒村
醪各自嘗

韓湘辟世非吾道孟子悲人不是狂安得高情賢杜史時時斗
酒共開嘗

石崇花木春來多陶令松筠秋若何落日鳴琴彈不得高山流
水有誰歌

細雨涼風驚夢多青山黃菊樂如何莫談拜相金甌事且聽佳
人琴瑟歌

除夕愴懷二首

宦海歸來兩鬢秋不知人世有閑愁繁華富貴俱休問惟有思

親雙淚流

憶昔先公五十七倚廬思我正悽然可憐歲月真飄忽又屬兒
郎第二年庚子慶年五十八也云云

送許四峯乃翁歸餘姚

塞北早春花未發江南又客已尋舟相思何日更相見越地青
山澶水樓

題五老觀太極圖四首

誰寫先天太極圖重教五老費工夫忘言却想尼丘叟萬古分
明一箇儒

元氣何曾萬古迷是誰指點有濂溪而今大塊皆功利誰問羲

言七言詩
八
文心上題

二五原來是一家任教千古競紛譁
些兒關竅何須問只合忘機卧碧霞

花柳風騷富貴場哲人默然想羲皇
披圖老眼誰堪對寒月空庭桂影涼

酌沱村宅小山聽泉

秋來對酌草堂前花木瀟森雨後天
更喜小山池上坐悠然一派武夷泉

宴史沱村對雪四首

早梅春透隱前溪碧草和烟日欲低
醉裏不知詩思苦數聲啼

鳥陽林西

對榻笙歌聞遠天可人梅雪似姻緣
相逢幸有同心客何用談玄更論禪

衰年欲問落梅風白髮青樽感慨中
醉後不知豪興發諫書還想奏堯宮

小結詩壇趣亦幽晉人風度楚騷柔
春來只尺紅亭別共送沱村入鳳樓

題馬雲從對月彈琴圖四首

誰遣彈琴作畫圖山陰王子費工夫
圖山陰王筆也長安車馬知多少不及先生酒一壺

言六言集 二ノ古詩夕々今ヲ二一
流水高山千載意紫塵白日幾人閑春深花落驚啼鳥一笑忘
情宇宙間

大雅不鳴周孔子風流只見謝東山桃花流水悠然處雲去雲
來總不關

聞道神仙鍊至丹長松萬古一朝看紅塵都入華胥夢一曲何
人與笑歡

次尹朔野賞牡丹原倡六首

敢向東風怨發遲風流偏愛最高枝而今却喜酒腸潤一笑都
忘白髮時

紫閣紗厨風漸來誰知富貴晚花開何當拉取高賢往一日流

傳酒百盃

千紅萬紫已多殘晚愛花王獨倚欄莫恨嬌姿緣分薄逐臣自
古遠長安

誰信清貧苑馬家酒闌取次更燒茶上林桃李知多少須讓姚
黃魏紫花

東風欲改南風調茅屋名花亦自竒何幸更逢賢刺史賞音惠
我八章詩

佳句驚人勞剪裁勳名終上鳳凰臺良辰易邁愁易集風雨誰
教數數來

雨中東史沱村道長四首

言七言
尋樂且嘗桑落酒悲秋休問楚人騷浮雲富貴非吾意平地神仙任爾曹

孟子當年志不休仲尼來往想東周丹墀勲業盧生夢白髮詩篇杜甫愁

御史封章入廟堂楚人共喜滅豺狼良金美玉增高價碧水清風滿故鄉

每日勞神入醉鄉秦箏艷曲遠雕梁行行又是黃花節次第春風到別觴

憶雲中四首東周元帥

邊塞年來幾度塵凌烟久待出群人馮唐空老誰相問落日南

風一愴神自古以正自守恒多困於時是以云云

總兵王爾是雄才健馬精兵比迅雷千古何人秉史筆勲名須上鳳凰臺

曾祭將軍王爾墳大同父老揔如雲春風二十四回首往事誰堪與共聞

近訪元戎身姓周堂堂威令可封侯一廉吏破華夷膽全勝真分聖主憂

送鍾文正丞偃城驛二首

西風落日送君行只尺黃河隔偃城世路衡門兩迢遞誰言劉向獨傳經

言十一言系
二
嶺南尚記壽康行老我遼陽作馬卿羞說五陵豪客事年來都
醉賣花聲

登金佛碖漫興

偶來金佛碖中遊黃葉西風小殿秋對語一僧年八十自云籍
貫是蘭州

題張桃坡畫

碧山黃葉屬清秋中有高人卧釣舟千古更誰還洗耳忘機何
用羨沙鷗

丙午二月五日小衙杏欲開花對之有感漫興二首

甲榜何勞問幾春山衙岑寂更清貧可憐杏樹花仍發似吐幽

香暫作隣

六十年来又四春獨憐青帝鑿五尺具官轅况復真萍梗花鳥誰
云可作隣

鳳翔公署漫興二首

誰遣巡遊入鳳翔野花啼鳥碧雲長一盃小酌東風裏何用青
山隔帝鄉

二月烟花處處山秦中自古虎龍關壯心須使登麟閣何必風
流羨玉顏

青橋驛過鷄頭關即棧道盡處下望漢中皆平原也紀興

二首

言也言維 二八 崑崙先生集卷之一 三十一
平生不識青橋路况復登臨是暮春何事 聖朝神化遠華夷
萬里正稱臣

野杏山苑次第開石橋茅屋半蒼苔自憐凡骨非仙子何異凌
虛天上來

松林驛對雨

風雨前村問落花不知行路是天涯何須山水分南北四海車
書正一家

三岔驛公館漫興

誰說他鄉山水惡却宜行客道心閑悠然收得春常在一咲
坤指顧間

鳳翔公館對竹

苦節無心是此君姚黃魏紫自紛紛歲寒不改平生意須讓王
猷終令聞

別滄江及其弟滄洲一首

相見滄江乙巳年那堪折柳復離筵更須忠孝傳家國次第聲
名啓後賢

別友人吳劉李趙二高張王談曹及徐翟楊諸君子於郭
外一首

過秦何幸偶同遊話別仍令萬種愁會觀風雲神變化甘霖次
第起龍湫

臨潼館坐對南山

臨潼亦是風流地，鬪寶曾聞秦穆公。館對南山思往事，清朝方

喜薦才雄。

過偽周武氏母后順陵四首

策馬咸陽城郭東，古碑殘碣共蒿蓬。繁華畢竟真何物，不博英

雄一笑中。

堯仁禹儉今猶在，萬古浮雲一望間。好水好山仍復昔，秋風不

忝照容顏。

錦江視篆過秦地，却喜山河入壯遊。舊事淒涼誰共語，牧童三


五自歌謳。



西風渭水獨含情
野草開花滿地生
須使經綸歸實用
坐看禮

樂頌昇平

鳳嶺道中寫懷四首



苦愛重重疊疊山
幽香空翠有無間
野花露濕禽聲滑
更覺風流客思閑

鳳嶺雲高連驛馬
漢江花細照漁舟
錦城會親開科目
文焰驚

傳射斗牛

是歲鄉試

客途亦是塵凡世
誰遣蓬壺到代前
却恨夙緣今尚薄
會須握手問神僊

真坤却恐露真箴
幻出雲霞儼子鄉
多少古今行路客
更誰塵



家圖書館, NATIONAL CENTRAL LIBRARY, TAIWAN, R.O.C.

言十言集
二八
夢脫黃梁

武關驛使重僕補窓隙戲作一首

情高誰及端溪子
族次呼童一補窓
宇宙由來皆職分
錯教俗子笑敦龐

馬道至青橋驛口占

山中花草慰愁顏
流水悠悠林壑間
何處道人吹鐵笛
數聲驚破白雲閑

沔縣東舊州河水暴發停車坐待頃之得渡

誰遣山中雨不消
奔雷萬壑勢如潮
何賞試借神人力
笑挽長虹駕大橋

五丁峽一首

聞道唐堯命神禹
鑿山治水不凡才
五丁畢竟皆人力
却笑紛紛俗子猜

神宣道中見水車

却愛農家有巧圖
轉移全不費工夫
僊凡說出無多事
順逆機關只在吾

過廣元千佛崖

誰鑿懸崖枉用功
改頭換面眩愚蒙
如何堯舜中原地
一任蚩儂說苦空

鹽亭縣即事戲作

鹽亭城廓倚清流叢竹巖花一葉秋黃髮兒童滿街看不知藩
省是諸侯

秋林道中三首

聞道秋林况復秋何須又更說瀛洲却憐黃髮緇塵更萬里真
稱是壯遊

昔人琴鶴意如何千載風流耿未磨今日又從全蜀過雲山依
舊馬前多

秋林山水轉清幽雲壑依稀破客愁啼鳥野蟬忘俗慮更當何
處訪丹丘

中江會成都方湖王戶部對酌二首

旅次逢君風雨間不妨對酌一開顏可憐又是臨岐別回首相
思隔萬山

君向長安吾向蜀天涯萍梗笑談間即今堯舜開東閣須使勳
名並斗山

過石亭渡河一首

石亭重泛木蘭舟防盜新脩望遠樓却喜太平天子世封疆
真見比金甌

送紀西臯憲長北上四首

小隊因人出郭遊錦江自昔有蘭舟薛濤廢井空群雀修竹寒
花落日愁

西來全蜀幸逢君一笑忘情酒欲醺莫說鄉關明日路寒山北望即燕雲

獨憐多病宦遊人對酒都忘客裏身努力好圖勲業事何須岐路各沾巾

喜見群公出衆才每驚高論海天開須知萍水相逢地絕勝同登麟閣臺

十月九日初試業武諸生於演武場四首

細柳營開錦水邊陣雲走馬太平年良家習射多諸郡金鼓齊聞震遠天

榆林寧夏兵威強大將往往稱忠良何日四夷來款塞坐令萬

國如虞唐

西川亦是中原地萬里誰云不屬王才俊會須昭聖武何勞兵甲陣堂堂

少年頗讀孫吳子垂老仍嫌說戰場須信仁賢是磐石且看禮樂講明堂

觀老梅二首時餞皮西屏廷尉

搖落清霜經幾秋老梅亦自有風流可憐苦抱幽香久千載應牽杜甫愁

却笑客中仍送客乾坤老大酒盈甌寒風落日歸來晚羞折紅梅懶上頭

季冬八日見園中菜花率爾漫興二首

聞道深冬當閉塞誰教小圃菜花開
須知闢闔原歸一分付東風次第來
聞說堯夫精數學可憐園菜混梅花
何當力挽中和事四海春風屬一家

送司諫劉岷川北上二首

巴蜀逢君情頗多一盃言笑興如何
漢廷諫草追劉向勲業懸知耿不磨

我來全蜀幸逢君把酒論交夜燭分明發
相思幸相問長安休隔萬重雲

范陽四章贈判府徐子

羨爾文章舉范陽壯年豪氣亦堂堂
成都判郡剛三日却愛尊鱸思故鄉

記得辭卿養北堂歸來辛卯幾星霜
而今六十年來外又笑浮生宦邸忙

林壑今誰尋鹿野少司馬史公號也英雄不讓比神仙
何時重對知音榻一笑忘情玳瑁筵

眼底知音曾幾人可憐咫尺又新春
梅花不改歲寒色誰薦調羹入紫宸

丁未立春四首

詩言集 卷之七
旅次誰教長作愁早梅花發舊風流公餘幸得添詩興况復年
來快速遊

天涯何減舊年光民瘼關情淚欲滂何日茅齋對風月彈琴重
理伯牙床

煦日和風欲放舟江山誰復共春遊鶯花獨喜清時醉却勝淒
涼杜甫愁

忽忽年光嘆轉逢更憐容髮對青銅狂歌猶有英雄意時復龍
泉倚碧空

同沈憲副少吳至新都館楊亞卿宅四首

楊家樓館新都裏况復東風夾雨來對食喜逢經濟客漫勞重

說子雲才

春初又見柳條黃茅屋人家半石塘誰遣使君勤父老馬頭燈
火隔簾香

巡行自古稱周召寂寂春秋髮欲蒼獨笑平生壯心在闕農憂
國未曾忘

修竹黃茅野老家春風况復惜年華成都自古風流地却笑虛
傳杜甫嗟

喜何揔兵平番報捷二首

細柳昔傳周亞令錦江今見栢村才英雄文武原非二盛事懽
騰次第來

言一三三
二八
我来聞說將軍令不數東吳權策賢
願秉精忠報明主蚤看
圖畫上凌烟

晚衙兀坐走筆戲作

但欲飽食太倉粟更誰憂及困窮人如何却使機深客翻笑公
心是任真

禱雨郡廟及南瀆祠是日聞易公訃三首

南國芳菲啓早春小梅叢發伴松筠
須知到處皆詩料誰笑風
流杜甫貧

文宗頗敬易臺山旅况相逢半歲間
天上玉樓應有賦高軒不
復更開顏

丈夫義氣重如何風月情投幾咏歌
幸見僊郎應繼述英雄何
用淚滂沱

懷史沱村吏部一首

鐵面爭傳御史郎巡行湘水有輝光
清時公論明如日迭喜
除書到建康

懷馮松菴諸君子會試京師一首

由来豪俊數吾開不獨文雄漢魏才
實願勲名垂不朽相看次
第列雲臺

聞妹夫馬以禮始生孫一首

蓮亭真率切吾思湯餅新傳泛酒卮
詩禮馬門多俊傑抱孫重

言十言系
感渭陽詩

仲春懷後菴澶西諸君子

郵亭別我見高情宦海年來說
令名對榻何須專問酒歲寒猶
自好溫盟

太平宴一首

干羽兩階堯舜世宴開原自為蒼生
况當賢後開春試醉飲真
堪答 聖明

送譚秀才鳴岡歸石泉二首

誰遣春風送子來天涯况覩不凡才
甘棠爾祖多遺愛乃祖公儀嘗守

吾父老猶傳岐路哀

雲山不隔秦中路送汝離情倍覺長
歸語令翁溫舊約年年尺
素莫相忘

郭甥九遷近不見進修消息詩以問之

而翁昔與我髫年不獨同心學聖賢
坦腹古來稱嘉壻凌雲唾
手莫流連

得猫之捕鼠二首

書苦潘司何冗忙晚衙時復一焚香
却憐穿屋多蒼鼠喜出山
賓立退藏

由來物理好思量制伏分明太極長
安樂窩中誰計取堯夫千
載未嘗亡

詩七言絕
一 端溪先生集卷之七
四八
謁宋潛溪先生祠堂二首

西蜀孜孜近一年，偶瞻遺像似茫然。
清風峻節驚千古，留與知音作話傳。

浙水岷山路幾千，喜從今日識前賢。
乾坤老大知名姓，萬古精忠日月懸。

再過褒城一首

秦蜀河流有斷山，農家喜動雨中顏。
歸朝安得陳封事，六合同看大雅還。

鳳縣聞張僊事戲筆一首

鳳縣青山半插天，長風吹斷紫虛煙。
不知海上千年鶴，何日重

來訪大僊

丁未秋八月訪同年蕭平麓一首

看花曾共上林遊，忽復流光四十秋。
懷昔感今真似夢，斷烟斜日一凭樓。

訪同年田四山一首

記得豫章同宦邸，紅梅花下酒盈甌。
而今相見頭俱白，不覺西風淚欲流。

題郭僉憲榮恩冊二首

開道君家積善長，靈椿共惜蚤驚霜。
而今白髮萱慈節，又共良人沐寵章。

事關世教姓名芳
垂老恩榮並夜堂
况喜仙郎忠孝志
又收聲價及炎方

訪醉翁亭二首

宋家學士歐陽子
華國文章河漢流
今日我來尋舊迹
許誰豪放覆金甌

小春天氣寒山碧
南國風烟水竹幽
何用窮酸仍吊古
願言勲業比前修

會于雲心張四峰二年次一首

憶昔長安叨甲榜
凌雲豪氣與君同
可憐四十年餘別
相見俱成白髮翁

太僕扈會溪召飲於醉翁亭詩以謝之

高情獨愛主人賢
誰復停盃玳瑁筵
一笑重逢真不偶
建康明日隔風烟

送少司成盧涑西一首

古貌古心初識君
天涯相見即相聞
而今幸際真堯舜
誰許山中問白雲

訪甘泉夫子書院漫賦二首兼謝趙湛二子

清時不必尋滄海
吾道何須登太山
眼底三陽如火發
杏花春雨滿塵寰

勞君相念意何長
海比天南酒一觴
至理本來當體認
却愁流

言一
俗亂思量

挽封君雷東郭二首

當年畿輔留遺愛應使甘棠咏未休却羨仙郎饒繼武黃門聲
價滿神州

樞要行當登令子况傳保定澤猶長由来積慶皆非偶豈必燕
山竇十郎

訪水部裘魯江留酌一首

水部瀟然晝掩門偶因留客倒芳樽獨憐從古知音少玄妙逢
君始一論

上元祀天妃廟一首

石頭城外天妃廟歲遣名香拜早春實喜朝宗方一統牙檣錦
纜照通津

郭守備惠虎肉二首

聞道周公驅猛獸端知上帝好生心江邊蘆荻林深夜休使人
聞咆哮音

聖人御宇澄清久元會都歸一統春立致蛇龍並虎豹馴箴不
復動波塵

四月二十三日雨識喜一首

馬首長安塵拂面喜逢好雨晚涼生太平會觀真堯舜五色雲
當殿閣明

水部右堂即事二首

長安近日風光別好雨時常生嫩涼盡省朝來公事畢半庭簾捲草花香

看花尚記戊辰春綠髮朱顏拜紫宸四十一秋今幾在兩京

相會只三人

松泉公暨予與苑洛公也

喜雨寫懷四首

宦邸長安塵夢多連旬恰愛雨如梭農家幸有豐年兆誰說窮愁到綺羅

凭欄愛聽芭蕉雨忽忽涼生小院秋何處美人吹玉笛朱簾十二隔層樓

日長乳燕入雕梁蒲草河橋生細香誰使條風兼恊候願言熙穆比虞唐

良朋時復惟茶話迅速流年可奈何平素志存忠與孝及時勲業敢蹉跎

孝烈皇后會葬識哀呈同事諸君子

長安五月西山雨空翠流香猿鶴啼誰說高曹專往昔會看聖母淚沾衣

直齋屠公山房對月一首

六陵疇昔恭陪祀回首青山感慨多相對寒霄清不寐太平重見頌熙和

善瑞章四首贈鴻臚孫子鳳

老夫日見聰明減孫氏從來積善多
蘭蕙滿前真可樂浮名何
用嘆蹉跎

記得辭官遼左地歸來茲侍十年餘
即今叨列春卿佐猶恐荒
唐負讀書

難兄共說稱難弟文采風流孝友同
何必瑞呈階下草世芳行
且徹堯宮

渭陽莫漫誇秦晉世講分明似一家
却喜令堂康健在年年壽
酒映春花

壽年家劉上舍文乃堂太恭人二首

黃河南望隔風濤我昔梁園憲節勞
遐想此行仍戲彩畫堂寒
照月輪高

而翁豪傑稱當代巴蜀中永有歲年
文采聲名應未朽且看壽
酒北堂前

喜馬子端見訪

宦况秋風益菊涼故人相對意何長
近來懷抱愁多病調攝還
勞惠藥方

訪南錦衣李一山一首

建業逢君曾幾何金臺寒日喜重過
生平渴仰懸河論絕勝風
流醉綺羅

言七言詩 二ノ八 喜田四山年兄見訪二首

年年契濶真萍梗
寒日煙花一笑談
斗酒匆匆仍又別
賞心却恨隔城南

倏忽年光急若飛
好懷嘗恨賞音稀
清風涼月頻虛度
誰及前人會典衣

題詹封君石泉翁山水圖

水碧山清萬木蒼
綸巾瀟灑意何長
土翁原有神仙骨
豈獨名傳八座香

喜周總兵渭崖捷報長安一首

壯猷久仰周方叔
家世同稱馬伏波
會見殊勲登汗簡
黃金原

不入囊駝

送登豐李少尹元英二首見別意

沁陽假館無多日
一別重逢三十秋
纔喜開顏尋舊約
不堪雲樹又含愁

平生道義襟期古
膠漆論文更覺難
何羨漢家循吏傳
清時亦自取廉官

送宗人經府聞西川二首

乾坤老大誰知己
四十餘年毛髮蒼
不有而翁秉公道
非才安得到班行

迂濶書生六十六
自憐辛苦半生多
年來便欲思投老
重效堯

夫安樂窩

喜雪二首

聖主勞勤格彼蒼
回雲漠漠徧昭陽
瓊瑤花落添詩興
大有年徵及萬方

太平自古稱堯舜
今日重逢豈偶然
况喜同朝俱俊彥
敢辭瑞雪出新篇

憶客星亭二首

壬午年間過釣臺
紫霞影裏鶴飛來
繁華回首俱春夢
又向東風思野梅

荒亭寥落誰為主
悵望桐江問客星
千古清風掃頑俗
始知富貴是浮萍

貴是浮萍

春祀 長陵 諸陵三首

融和淑景青山裏
尚覺寒生萬木中
地濶天開真異數
千年佳氣瑞葱蔥

紫雲時復繞龍岡
堯舜重開日月光
太史卜占真不偶
聖神萬代坐封疆

天開圖畫蓬萊境
馬上松風掠袖香
誰遣茲山垂一統
太平從此賀靈長

自述蕪發素况二首

尼父當年稱素位
更呼顏子說行藏
即今賢後盈朝著
多病具

言七言詩
八
宜問草堂

許大乾坤多少愁
太平時節邁商周
還思堯舜平生志
日效華封祝
晁旒

感往事四首呈龍湖諸公

武廟當年誰作相
可憐傳奉到詞林
不肖戊辰科而吉士未考
而今自笑臨
垂老猶幸龍翁一賞音

大塊幾何驚歲晚
仰承丹詔出山林
願歌奚止成周頌
努力

仍期協舜音

花落槐陰堂晝寂
淡雲塵捲隔長林
午衙老吏從渠報
仍喜苔階有鶴音

年來多病非疇昔
獨自悠然想竹林
流水高山誰共我
草堂真好問琴音

喜雨再賦一首

甘雨及時特特來
玄天何止潤蒼苔
精虔本自由堯舜
頌賦何須屈宋才

喜侍御陳行菴過訪
蕪憶大竹公海上
舊遊作四咏

天風曾送海東遊
琴劍瀟騷三十秋
往事未須勞秉燭
聖明方喜駕商周

文采風流御史郎
共傳驄馬有亭章
知君已愜清朝望
不獨經營冠四方

言一三言系 一ノ五言詩多ニシテラニ一
天生大竹何可當八斗文雄日月光世補 神堯龍袞服鳳毛
重觀立朝綱

踈狂自笑有年華樂對知音真大家海月洞雲應念我歲寒聊
復訂梅花

過呂翁祠四首

邯鄲路口呂翁祠說夢何時是了時夢覺有關誰打破須知尼
父是吾師

番揚萬古長安路白日飛飛一弄丸大道由來存巨眼不勞索
隱別開端

堯夫推測似良知元會誰云有盡期但願同心經濟叟綱常須

與其尋思

僊家避世煙塵外吾道同人宇宙間天下生民仰堯舜時雍風
動又重還

貢院至公堂即事四首

獨憐多病逗年華却喜文章聚大家徙倚夜闌清不寐群芳應
自讓梅花

二十九年勞 聖主百千萬世永 阜園曲欄杆外春宵寂奎
壁光聯興不孤

明遠樓高春夜涼月明銀燭共輝煌多才何幸遭全盛次第英
華徹玉堂

春蚕食葉夜香闌壯士還思倚綉鞍短髮幸存平素學未須人
羨紫金丹

東馮松崖四首兼寓期待且自述也

豪氣凌雲稱獨步喜傳聲價普光天極知禮樂平生志暫向長
安駐馬鞭

經濟人人羨爾賢髮螢漂麥更誰先龍頭原屬老成客會見風
雷談笑前

知己平居惟老天苦心原在六經前年来叨拜司徒後動烈誰
誇管晏賢

久旱忻逢霖雨天已占國課邁從前踈狂亦有明農志誰却專
稱裴度賢

閏六月望雨東馮松崖四首

已多好雨徧公田夜半重驚雷滿天却嘆枕書渾不睡商霖空
復思惓惓

知君久抱澄清志拭目平生我更勞掌上風雷應旦夕經綸策
射五雲高

聞道聖門稱子賤高山流水入琴囊不知大雅經千載誰是知
音可對床

睡起呼童愛煮茶南薰一曲好誰誇依然却羨知音叟終許文
園醉杏花

漫興二首

萬卷五車皆分內竟誰贏得道心全工夫何必忘言境經濟還當答上天

冲和專靜近多年恍惚誰疑未有仙苦愛清風與明月夜凉常伴讀書眠

王泉溪送蓮花一莖詩以謝之

聞道風流王子家小塘茅屋有蓮花新秋未唱陽關曲先博分香一笑誇

城南地僻柴門迥高樹鳴蝉清晝長雅况誰知絲竹外且看文字對藤床

池河曉發

池河大柳路曾幾溪山廻合重來茲欲借剛風問海鶴蓬萊火棗仍誰期

再過滁陽二首

滁陽亦是尋常路六一翁來始不同况復 聖朝賢接踵莫論逐客比彤弓

丁未年間訪醉翁野花澗草夕陽中而今又向江東路重拜鍾陵仰 祖風

東顧箬溪

報恩靈谷君先賞却笑司徒竟日忙苜蓿徑晚來黃菊瘦更憐旨

言也言歸
酒不曾嘗

以方戒飲也因及之

小春漫賦東直齋太宰

南國風煙近若何老年情思似猶多
芳鄰况賴知音在真比聞韶氣更和

訪譚憲副過鷄鳴山寺

碧山紅葉烟初霽城郭依稀十萬家
好景可人清興渺却疑蓬海是虛誇

苦愛長松及小山悠然流水意何閑
箇中至樂知多少便欲尋真講大還

次韓石溪原倡四首

壯心狂欲笑雲臺來學何勞拙朽開
却喜錦江耆德在未須重慕子雲才

白下城邊鳳有臺草春何處野梅開
年來尚抱尋山興安得風流陶謝才

桐江素羨子陵臺萬古清風日月開
薄劣敢言期弗朽况逢聖世樂英才

乘風嘗欲訪瑤臺鳳管春深花自開
幸得名公同結社何酒仍羨建安才

次韓石溪司馬

大塊浮生苦見忙幾人曾識無何鄉
可憐白雪陽春曲千載終

言七言絕 二八 卷之二 一
還讓大章

一日公家幾許忙自憐忘却水雲鄉多情幸見西鄰叟時復相承得教章

夙夜孜孜匪好忙知公宦迹比桐鄉經綸宇宙吾儒事願早功收絜矩章

許多詩債許多忙洛社流風有舊鄉從此便當敦世講漫誇孔李結盟章

近作二首東歸石溪

太平時節兆豐年誰使天風飛絮綿却笑党家忘淡薄羊羔自酒自流連

金陵往事關懷抱山水鶯花春復春獨喜一時多俊傑誰云吾道缺芳鄰

元宵日雨三韻

江城春曉寒猶在細雨分明潤早梅却願東風崇令節且教陰散月明來

商國風光屬早春輕羅芳草靜無塵年來白髮兼多事幸復同遊有好鄰

午衙鎮日簿書勞堂吏僉文數百遭便欲良朋尋好約四時花鳥共香醪

直齋宅問梅留酌

紅梅白梅相間開主人况復稱多才春風對飲池塘草未許尋常俗客來

憶老君堂一首

蒼苔白石僊人洞明月清風老子堂回首舊遊成底事浮生若夢幾傳觴

題沸水巖寺一首

沸水巖頭駐馬時亂松叢竹隱花枝而今每對東吳客真比桐鄉遇舊知

望白龍祠二首

白龍祠在虞山北變化風雲頃刻多在再清遊癸丑歲即今澤

澗更如何

記得山行十八里龍堂幽勝迫難窮為霖更願昭靈異四海忻傳惠澤同

憶東麓先生水心亭二首

我昔及門方十二春風茅屋對園池即今短髮成衰老說與西湖東塔知

撫州太守本循良家學淵源有義方繼武先看稱衆弟凌雲仍復望諸郎

子游巷一首

禮樂武城稱自昔子游名巷未沉消分明三載居常熟弘治壬子子嘗

從宦於此云云回首光陰幾洞簫

煮石山房二首

先子漸齋原朴古 孝宗時節會年荒
追思煮粥多全活 只許春風應未忘

政繼先君推柳塘

柳塘楊侯蓋代先公者云云

考功隨處有文章 寄言故老

敦遺愛觀物先尋煮石房

邀石溪直齋二公一首

司馬情多一代豪 天官風邁楚人騷
寒子俎豆稱東道 掃榻聊迎着碧桃

再用初韻東屠直齋

經國洪猷間世豪 高談亦自出風騷
共期萬歲君王壽 何用燒丹與竊桃

清明日謁 孝陵夏西溪留酌

天風吹散鍾山雨 異草奇花取次看
更愛高談諸老在 分明畫出古衣冠

東韓石溪

金陵自古烟花地 皇祖龍飛萬代看
况復中興全盛日 喜聞空谷亦彈冠

三月十日奉常陳芹山錢景山邀賞牡丹

衣冠不獨斯文會 道義真從此日看
千古勲名皆職分 誰云至

樂但凭欄

花開幸際太平時國色天香似有知仍喜艷陽清晝永不勞富貴通襟期

太常庭院日將曠賓主情交亦已勤况復耆英補天手同心更喜一論文

挽建德俞文峰方伯

世講年來春復春錦川東望海為隣老孑八座真何補舊事嬰懷獨愴神

文章功業數名家世德誰云讓相麻天錫鳳毛與麟角何愁不醉曲江花

走筆四首柬石溪公

雨後青山聞鶴唳竹窓睡起晚凉時飄然獨愛逸情叟何愧當年杜甫詩

明春是我乞歸年三徑黃花二頃田幸際清朝晚景地太平樂有康鳴篇

南來幸見好思量處處花枝柳葉香何必沉酣春甕酒追陪亦自有風光

公家事敢憚勞動書判黎明至夜分大雅幸逢俱是教已知笑免老無文

登燕子磯四首

詩七言絕 一人前漢外生集卷之十 三十一
天風六月生高寒恍疑身世雲霄端
長江萬古壯 明主豈徒空翠凭欄杆

義勇平素欽雲長三分籌策何堂堂
乃知天道有玄默豈必良史能鋪張

司徒入 賀駐樓船正恐平生有夙緣
天下奇觀寧過此大江東去想神仙

眼界安能窮八荒紛紛誰復悟行藏
知音當在知音客豈恃區區金石章

憶石川戲題鄭羽士卷

燕子磯頭望石川美人何處隔風烟
真州只尺思懸榻須作豪

吟三百篇

舟次真州東王藥谷年丈

投荒尚憶清源別垂老仍忻瓜埠遊
一笑相逢知已在滄江華髮兩悠悠

雅厚誰知我與君青山無數接江雲
而今未減當年興期醉虛堂斜日曛

廣陵道中別石川銀臺二首

宴集甘泉書院後蓬窓聽雨夜闌時
如何又別石川子惆悵維揚有所思

文章雅羨追秦漢廉孝仍誰播世芳
斜日那堪勞夢想即看

言七言詩 卷之十 三十一
恩下拜龍章

東中丞許少華二首

昌平八月北風涼金鼓旌旗日月光籌策老成推李靖笑談勲業有張良

萬方仰賀 天王壽一統常期大有年况喜名賢經濟手行當捷報滿三邊

東兵憲趙浚谷二首

堂堂文武是全才喜見聲名此再來萬代昇平談笑裏一時嘉會黃金臺

我昔平涼逢浚谷雅情殊佩歲寒多即今容髮成衰老惆悵思

君憶綺羅

賀年家張東泉生擒虜首功拜錦衣四首

家本斯文稱海內更誇忠勇出天成長安入 賀忻相會單騎從今播令名

金戈鐵馬破氍裘華夏驚傳此壯猷豈必孫吳稱暗合由来奇骨說封侯

尋常誰識奇男子一旦俄收震世功唾手願言仍努力凌煙千載繼英雄

東湖世美喜相傳文武名高 紫禁前愧我薦書相出晚嘗以東泉薦於太平真喜樂充年本兵

有感少湖公借館兼謝望湖相訪二首

黃閣文章新寵近，緇衣懷抱舊情多。誰能未改思狂斐，况復頻招宴綺羅。

雅羨望湖超世俗，恢弘家學擅明時。匆匆又是河橋別，不盡秋風紅葉思。

東康礪峯太史二首

江南常想康公面，燕樹秦淮幾悵然。今日分明鄰咫尺，却嫌訪戴愧前賢。

別來詩社近如何，曼玉鳴金想日多。誰有風流蕃榻興，願先請益日相過。

懷滄江伯仲一首

秦地黃雲勞遠夢，燕山紅葉復深秋。寒霄忽憶美人語，聯榻何時問酒籌。

得趙浚谷書喜其練兵著聞二首

浚谷堂堂連朔野，好名真喜繼雲臺。兵雄四十萬，如虎何數霍。光李牧才。

天王命將鳴金鼓，振世先聲動草萊。應使四夷驚破膽，始知白面總成猜。

喜全太史過訪二首

不見玉堂將二載，却憐黃髮忽深秋。清時去住牽詩料，浮世光

詩七言
陰動別愁

華國美名爭白日賞心佳會憶寒流未須三疊勤岐路鍾阜燕
山非遠遊

頌德公館題小軒

清時何用風霾作滿砌黃花半未開素學孝忠今白髮紫雲北
望是金臺

贈同年楊道長師文乃正李節婦二首

天下同稱御史郎名清節播蘭堂觀風應入春秋筆不讓梁
鴻得孟光

同年仍喜忝鄰鄉繼述真誇見令郎自古王風基內助並傳垂

老節如霜

沱村宅喜會澶東澶西二首

年光轉眼幾番春談笑分明倍覺親自許歲寒心未改可憐知
已但三人

酒闌猶憶少年春花落鶯啼會轉親回首洛陽多結社誰言澶
水乏高人

聞鶴兼寫懷再次初韻東程澶東

蓬萊別却幾回春海鶴天風轉欲親何用踈狂論僊馭蟠桃祇
合屬幽人

昔嘗別駕登州
因及蓬萊云

苦心恒欲訪長春大道由来本可親濟世有丹想程氏儒仙原

只是吾人

再過宿州寫興二首

曉旆衝寒尋舊館喜從郭外見青山太平一統真無事銀燭光
輝入笑顏

荒城漠漠凍雲長苔草踈簾夜未央多少太平功業志敢因衰
老說行藏

北蕭園鋪王氏華館

鳳陽一脉真天造淮上龍飛十萬年茅屋人家供午飯喜看凍
麥翠浮烟

喜會王侍御槐軒開筵龍興寺越翼日復約醉翁之遊漫

賦四首

聞道歐公文字飲共推名節重如山長松曲澗無今古明月清
風自往還

驄馬人稱御史郎盛筵蕭寺對藤床衰齡病齒真妨飲誤辱金
華入醉鄉

鄉里衣冠成小聚凍雲盃酌遇神僊風騷忝竊吾仍拙勲業恢
弘爾獨賢

仲冬寒日覺瀟然高興逢君似夙緣何用夕陽禽鳥亂靜修原
自有公傳

江上舟中懷王道長槐軒兼附謝

金陵江口隔風煙望望思君意渺然珍重激揚平素學勲名須使徧堯天

問梅一首東屠直齋

高情嘗羨直齋翁為問寒梅紅未紅却笑老年仍戒酒踈狂只恐負東風

石溪公邀觀白梅二首

翠幙虛亭曉色寒名園重喜翠衣冠叨陪雅況傳三老真羨白梅兩度看
大老襟期原不偶每尋一會幸如何却憐勝有梅花約消息和羨亦已多

再柬韓石溪二首

早春時候有餘寒何用旁人為整冠一笑海天愁頓減早梅猶幸倚欄看

宦邸勞公時復過高風還復數誰何即今識得東風面真幸年來啓迪多

謝箬溪公見訪二首

洪都曾忝僚寅後建業仍尋故舊盟三萬六千剛百載風花談笑好論情

青山綠水歸全盛脩竹寒花憶六朝交忝斯文三十載願今結社學聞韶

顧箬溪留酌二首

乘閒西扣美人堂，况復春風花草香。何必流霞問鯨飲，歲寒聊喜說衷腸。

碧桃小苑怯春寒，似待知音共倚欄。莫笑踈狂先訂約，百年能得幾清歡。

碧桃將吐東韓石溪

江南春事稱清絕，次第濃花逐逐開。除却早梅經屢醉，碧桃仍候地僊來。

再用原韻東韓石溪

錦江玉壘襟期迥，民部兵曹事業多。方幸先童並大雅，何誇長

慶與元和

問答碧桃二章東韓石溪屠直齋二公

問碧桃

試問碧桃含凍蕊，倚欄何事不輕關。而今賓主俱高興，何用人起浪猜。

碧桃答

濃非國色原無寵，焉敢隨風效柳狂。祇受不情連夕雨，似違諸老弄霞觴。

走筆口占次劉山泉年丈

自笑生平說孝廉，况叨八座品山瞻。相思聳目何時會，海上雲

詩世言終
二
不
端溪先生集卷之十
十一

峰露一尖

喜周文川北上一首

老成原屬龍頭選况復文光有歲年只尺長安春二月杏花走
馬想揮鞭



國家圖書館, NATIONAL CENTRAL LIBRARY, TAIWAN, R.O.C.



端溪先生集卷之八

門人汾陽孔天胤編次建業張繼校刊



詩

五言律

送衍聖公還曲阜

上國風塵地相逢偶爾間斯文原有主吾道豈投閑綠酒寒秋
樹雜歌起暮山十年懷闕里無計一登攀

文星隨節歸路正深秋岱岳迴峯迥滄溟萬古流衣冠歷秦
漢禮樂識商周別後知何日重來續舊遊

會馬君卿席上偶成



國家圖書館, NATIONAL CENTRAL LIBRARY, TAIWAN, R.O.C.

詩五言律 一 端溪先生集卷之八
聚首成良會相看興亦佳雲容思故國雪意暗京華落日催行
馬天風吹亂鴉多情憶年少惆悵木蘭花

寄馬君卿

爾在固安縣人未知起居如何兩年別不見一行書落日江雲
細孤燈夜榻虛長安有新酒何日會相如

舟次簡王公濟

天寒日欲暮風息浪初平衰草迷荒渡啼鳥下古城經宵燕地
夢萬里嶺南行喜有同舟客時時話故情

西湖寒望

湖水明寒草朝烟細戍樓行戢開病眼活計有沙鷗戎虜長安

淚漁樵今日遊徘徊千古意落日未應休

過顯頊城

君王舊亭館狐兔半縱橫墓入長林塞人傳帝子名深久荒野
雪白日隱孤城行路真何事滔滔萬古情

登水山寺

碧澗生幽草層峰隔暮雲鳥啼山自靜花落日初曛詩思迷東
野清懷憶右軍更憐猿嘯處時復夜深聞

贈華秀才

長安逢客子簾幙午風清落地楊花細隨人語燕輕輕書傳滿
腹制作奏金聲努力崇功業無勞羨賈生

言三言卷之二 端溪先生集卷之二
與馬君卿

客裏逢君日，垂楊照落暉。山人多遠別，海燕自高飛。喧笑悲塵市，風流想釣磯。古琴原大雅，却恠賞音稀。十載長安別，重來柰子何。南風槐影細，曉日珮聲和。嶺海思前事，關山想荷戈。知音半流落，惆悵一長歌。

重陽風雨

聞道重陽節，年年風雨多。登高千古意，對酒幾人歌。赤馬衝寒靄，黃花倚碧蘿。閑庭秋欲暮，卧聽隔隣梭。西風吹凍雨，愁思坐來多。禾黍中宵夢，江湖幾處歌。形廷懷賜酒，少日憶捫蘿。功業行須懋，流光正擲梭。

沁州夏日謾興

長夏風光好，園中草木深。野雲低度樹，葵萼細傾心。罔極悲何限，巡遊憶舊吟。昨朝家信至，真不羨南金。只尺園中意，悠然景自賒。蒼苔明照眼，翠麥細生花。往事傷懷抱，閑情惜歲華。却憐多病裏，時復酌流霞。

簡崑崙張秀才

張子人中傑，聲名吾所聞。滄洲輝夜月，易水暗春雲。逸興看孤鳳，雄辭掃萬軍。栖遲五年別，誰不惜離群。

閩馬百愚實授御史

西臺新命下，風采重斯文。白簡寒秋月，香羅綉彩雲。論交推古

詩五言律 一八 韓溪先生集卷之八 三
道憂國待殊勳尊酒城南夜孤燈常憶君

懷王遂伯守衛輝

爾在河陽郡聲名來 帝州牧心稱卓茂清致愛王猷花雨三
春夢松濤六月秋相思不相見斜日下滄洲

懷李東昌王沁水

迢遞東西路蒼茫憶二君交情推管鮑功業並河汾夜月寒孤
劍春溪細白雲會須重下榻取次一論文

簡楊乾叔

燕趙風塵地逢君列綺筵綉簾脩竹迥白日野花鮮沁水憐吾
拙三山見爾賢別離應在即尺素幸相傳

磁州道中

曉發磁州道人家近萬山楓林寒望眼古寺抱清灣瘦馬驚村
犬高秋爽笑顏武安賢縣令留酌夜深還

褫亭漫興

只尺襄垣道寒山紅葉多人從雲裏下馬向鳥邊過懷舊看孤
劍思親發浩歌褫亭今夜月相對興如何

季冬懷劉汝申

紫閣長安夢青山宦邸情雲深悲兔穴風急愛松聲民事勞吾
肺鄉愁付酒評永懷劉禹錫安得叙平生

送太守馬公之澤州

寂寞山城裏春風未有花野塘新水細茅店酒旗斜故國音書斷長安道路賒何時共知已傾倒酌流霞

代祁縣田大尹送陳憲長

曉發并州路風霜萬木寒先聲傳汴水舊業滿朝端茅店開江鴈窮民識豸冠 聖朝方眷注黃閣待殊者

貢院簡同事諸君子

棘闈分曙色客思正茫然肺病憐秦扁心勞愧晉賢踈鐘清戍角寒鴈下江天復憶明朝別流霞惜共傳

次劉汝申夜夢趨朝韻

客舍寒山外長林入望遙却慚經濟畧無補 聖明朝把劔霜

華細燒燈夜話饒并州是何處亦自得聞韶

謝何千兵邀賞牡丹

寂寞何郎宅南風見牡丹盛開寧愧晚幽抱却禁寒節序分南北穠花有易難揮毫增品鑒無語獨憑欄

雨後撥悶

山居將二載花鳥亦馴愚急雨濤聲裏涼風暑氣餘閑堂芸去草鄰國寄來書何日東還遂慈親正倚閭

沁州懷龍孔錫

搖落山城裏時時每憶君遠離龍鳳闕深入虎狼群野澗松含雪高林日帶雲何當重會語剪燭夜堂分

贈宋廉夫

宋郎久不見忽漫會中秋夜雨驚新夢春風憶舊遊友朋多四海活計但孤舟重與知何日相思各倚樓

西郊馬氏宅

不到西郊舍經今二十年草橋春水外石榻野雲前蚕事時方劇螺盃興正傳主人直愛客誰忍說流連

會諸同年於平野館見梅

小院東風細寒梅花正開他鄉憐此會良日見高懷草色含春意歌聲遶吹臺流光還迅速勳業約深盃

輿林二山訪陳蓉湖於章江舟次

携酒章江上鑑湖人未還沙邊飛野鷺雪後見青山宦跡真何物朋情原自閑會看歸路穩洛社任開顏

聞鴈

如何春已暮還復在蒼江清影渡寒月哀音來夜窓海風吹未歇鄉思苦難降誰解平生志燈前寶劍雙

舟泊金陵江口戴承緒道長見訪

客中風日好江上歌蘭舟燕趙平生意秦淮此日秋他鄉還對酒故國欲登樓後會知何日煙花生細愁

別來成十載此日忽開顏細雨對孤棹長雲生亂山生涯還我薄歲月是誰閑却羨金陵地離歌四座間

魚亭書懷

密槐聞細鳥長日得清涼江國憚行役魚亭如故鄉却羞宦途苦漸覺髮毛蒼忽喜萱親健無論酒滿觴

金鄉聽雨

聽雨金鄉館風來細作寒淡雲飛薄野長日倚危欄客夢驚停棹閑情欲掛冠家山今在眼對酒說平安

祁縣夜坐

歲暮寒仍急長歌乘晚風荒涼憐小縣真率愛山童積雪明殘柳衰顏嘆轉蓬旅懷不可寐徒倚畫廊東

長至日在平定

大星臨曙爛河影落空階野草初含碧溪梅欲盛開還憐孤客意終愛濟時才駐馬鳴謙驛長歌一放盃

代州夜懷

鴈門風雨夜獨館一含情落葉連荒戍啼鳥近大城青萍看自在白髮病還生明發平原路瀟瀟聽馬鳴

冬日懷潘熙臺

長安幾千里落日望熙臺古木寒猿下蒼煙塞鴈回如何全盛世久滯出群才還憶春風夕花前懷抱開

應州漫興

短髮勞行役長途動客心黃河秦塞遠白草晉雲深寶劍懷知

言五言律 一 端溪先生集卷之八 十一
已清歌愜素琴停車春雪滿回首是山陰

撥悶

白日此悶坐長風吹百林塵飛嫌寒還花落覺春深村酒正如水鄉書誰說金寶憐懷抱惡安得一論心

馬邑即事

小隊春風路邊關引興長梨花不肯白莎草故依黃野縣初留客清時自服羗王恢成底事千載一淒涼

題許正郎具慶圖

畫明楊柳細風靜竹松多盛事傳 清世芳辰舞翠娥瑶簪添海屋白髮照紅羅亦有東還客思親柰爾何

仲夏懷王玉溪

王事分岐路薰風一悵然野雲連朔草芳樹隔汾川對榻思今夕彈琴說往年平陽新視篆喜極慰情牽

季夏懷王蒼谷

不見王蒼谷瀟騷歲月除塵中九年別江上數行書淇水薰風細汾山沙竹虛阿郎新擢第文采爛盈閭

懷舒梓溪

不見文章伯春風憶泛舟野花開斷港紅葉下中流劉向令鷄舌匡衡出鳳樓何時重對榻燒燭共深甌

贈王朝重

十載相思恨重逢意若何朔雲連紫塞汾樹遶清河對飲謀良
夜迴車發浩歌秋風聽白鴈消息勿蹉跎

晉祠

晉祠煙樹裏村落依然匹馬倦行役空橋分細泉桐圭還自
信香火任人傳客思驚秋雨瀟瀟入暮天

夕陽還古廟流水盡平田桐葉寒仍綠松花晚更堅如何行客
路忽復是經年却喜東歸日高堂彩舞偏

文水夜懷

宦業真何物飄飄野水舟沙鴻將出塞桐葉已知秋呂誨空先
見王曾會獨愁晚雲還作雨明發是汾州

會玉溪子

不見玉溪父對床真可憐逢人皆欲死念我獨思賢搖落琴三
弄風流詩百篇河東有餘興聞擢蚤言旋

草堂即事

卧病辭金綬歸田戀草堂野禾存晚計文藻愧先良鳥外晴雲
捲沙邊落葉黃高情有知己時復惠佳章

早起

小院鐘初寤虛窓日已紅驚心啄木鳥拂面捲沙風勳業催遲
暮行藏憶海翁豈知踈拙舊交忝俊賢中

秋晚懷呂涇野

日暮霜初細徑荒苔獨深秦淮千里夢 魏闕五雲心詩酒還
同會經綸自可尋蹉跎嘆吾道振發到于今

再贈玉溪子

南國郡城吏西州鹽運郎天生才不偶人美德難量病驥終知
險寒鴉故怯霜雅風還嘆汝羞效俗人忙

夜夢趨朝

咄咄勳名晚冥冥歲月遙如何白屋夢亦入 紫宸朝已愧投
封事還忻種藥苗鬚毛看欲老何以答神堯

對雪

大雪亦何密天寒雲不開光分庭草碧凍入塞鴻哀菊暗陶潛

歌傳表紹杯栖遲驚歲晚忽憶杜陵才

冬陰

前夕已飛雪連朝尚苦陰野雲穿樹密寒草入沙深歲晚詩仍
劇江空魚可尋平生憂國淚一一付瑤琴

謝玉溪惠書茶

江海回遷客乾坤借病身香茶分密意書刻及間人白鹿看非
遠青袍情自真殘冬有封事應得慰嚴宸

贈程澶東會試

佳會長安地春風變化時英雄真有數離合本無期價重連城
璧才通五鳳池行行看殊業應得慰吾私

秋日懷海虞陳東麓先生

琴川猶在目花鳥故知名離夢依江國佳聲入汴城

公嘗惠書

水心

茅屋穩

公有水心亭

墻角夕陽明歸隱吾同調秋風一動情

老去聲名久別來歲月深已傳收定價不獨遂高心
著榻空勞夢醺樓初聽砧閑中應有興試教短長吟

望韓信嶺

漢代今誰在淮陰祠尚存井陘悲往跡漂母惜王孫
風急泉疑雨山空樹掩門英雄千古淚不獨吊忠魂

草堂獨卧

少小離襁抱艱危有歲年自憐將白首何以答皇天
慨古心仍

劇傷時淚欲懸草堂今夜月耿耿照孤眠

見牡丹

國色稱寰宇靈根自濮陽雨餘增態度月下轉幽香
秦玉蛾眉淡楊環春睡長可憐緣分薄不及獻 君王

贈清豐蘇雙栢臺選北上

使君三作縣臺召一朝行吾道歸清論蒼生有正言
杏花恒水暮芳草桂林情重會更何日臨風想鴈聲

送高孟門奏最北上

聞道朝天闕南風問野航由來傳白壁惜別憶黃堂
卓茂仁恩普文翁教化長懸知功第一史策有輝光

杏塢園中見薔薇

良會園亭僻佳辰懷抱開好花如創覩幽鳥似先來樂極悲黃
髮歌殘愛綠苔百年曾復幾取次莫停盃

次趙近山吊王龍湫韻

惆悵王猷慕行行幾復秋野花香自細寒水鴈空游世態隨蒼
狗浮生自白頭向來歌舞地故舊半成休

得田兒文宗試題

爾在大名府人來知試題時方拱堯舜才豈羨梁齊孟子義猶
燦穆王刑不迷時試題有孟子呂刑行行當努力早候報朝雞

秋旱喜雨

七月還稱閏郊原文不泥老農方望眼好雨忽臨溪國賦誰生
體時憂我更淒不知當路客曾否念窮黎

喜門人史生燦初入郡庠

知子亦已久名家學有宗謝庭傳寶樹荀氏繼諸龍頭角驚時
彥文章啓妙蹤還須勗素業四海仰遭逢

送劉君澤分教滁州

魏闕承君命郊原別故人青雲憐爾滯白髮笑予新吏隱環山
裏歌傳澗水濱醉翁亭尚在應對一傷神

東史沱村

秋憐黃髮短醉覺紫雲高豈料山庄會都忘城市勞野鳥明岸

草籬菊隔松濤更愛多情主壺觴意轉豪

懷湯溪鳴泉殿下一首

王孫衍金派一別幾年華燒燭歌前舞彈琴醉裏花春風還汴水落日自天涯但願崇鴻業東平未足誇

贈洪洋中丞撫關中

野雪寒郊別蒼烟落木間紫泥分魏闕白鉞動秦山雅志重瞳覽清風萬古還相思應未已飛夢遠函關

懷總制劉松石年丈

由來醫國手多屬濟川才次第看臺閣蹉跎任草萊誰知韓老後重見范公來更愛洋山客齊名列上台

懷昔州張中丞一首

長安同會飲歲月幾經還柳絮驚新髮桃花想舊顏經綸垂渭水勲業望恒山只尺何由面相思鎮日間

吊濮州郭朝儀一首

聞道西原子飛騰奮蚤年橫經傳苦節造士得高賢墓草荒煙裏悲歌落日邊仙郎多孝思無愧菽菘篇

王來濟宅見鴛鴦獨戲池內率爾賦此

華羅原未設踪跡轉堪疑名豈江湖蔽情因沼沚移可憐靈性異不獨羽毛奇一笑忘機外相逢即故知

送張三山餽餉北上

名家稱翰苑良吏復澶州小別紅亭口高歌綠水頭飛騰看指
日餽餉得深籌為語同心容無忘 社稷憂

送陳生德成

陳子三年業雲衢萬里天匡衡原鑿壁劉向豈談玄才擅文場
彥舟通蓬島僊行行看捷報燕趙許誰先

送晁生君石

晁生稱世彥文法啓多才一日雲程逼千年泰運回敷名期鳳
閣奇氣燭麟臺更切臨岐祝仍看甲榜開

送宋生道信

宋子名家胄由來氣格殊讀書能孔子孟立志想唐虞綠髮早如

汝青雲老慰愚異時稱卓越豈獨擅鴻儒

送馬生子恒

馬子人中彥聲名眼底聞襟期明月筆勢掃煙雲茂柳啼鶯
嬌溪橋綠水分不妨得意後鴈塔醉斜曛

示兒田一首

田郎今復試隨衆入神京業奮須敦素文雄如用兵乃翁聊自
立爾祖亦完名唾手男兒事崢嶸在此行

雨中將訪沱村走東申意

寒雨乘秋細輕雲繞屋低清樽思對榻白髮怯衝泥曲徑花將
露平林鳥倦啼振衣吾扣訪一醉豸坊西

對雪一首東范栢峯太史

歲晚寒仍劇愁深雪正飛野橋衰柳暗江閣早梅肥白髮思何
限清樽願敢違玉堂僊只尺時復想摠衣

再次前韻東朱南川節推

不見朱雲久相思欲奮飛郡齋知貌瘦寒谷喜苗肥却恐臨岐
別還成對榻違早春釀已熟何用典朝衣

聞霍廣事尚書訃詩以悼之

嘆息渭崖老縱橫灑淚多完名不可及直節更如何日月無顏
色英雄誰網羅千年知己恨誰忍聽謳歌

送中山吳明府入覲

積雪寒金轡臨風倒玉旒甘棠在濟水寶劔倚神州鬢髮勞王
事雲霄快壯遊明春杏花發回首鳳凰樓

送吳少山會試

少山吾創覩高論條凡襟禮樂三千蘊扶搖九萬心霜蹄空北
驥聲稱比南金只尺春風裏鴻臚聽好音

再次前韻東栢峯太史二首

衰年常伏枕愁思欲飛飛病骨凌晨瘦憂時願國肥豪吟雖暫
發雅志頗多違更念遷居客終當補袞衣

曉霧一首

草閣細烟霧朝來塵不飛如何蕙窓寂不似雀林肥金谷酒仍

缺山陰興復違滄洲五道在且自理蓑衣

送朱戶侯歸恒山

朱郎懷壯志早歲有英名報國看長劔窮經憶短檠
衛青真鎖鑰李牧是干城王化方無外誰談出塞兵

辛丑暮春喜雨雪二首東栢峯

脉脉仍驚耳飛飛不踐泥軟紅沾落絮虛翠上枯梨
草閣殘書潤寒空午漏低有年重兆喜欲醉盡橋西
徙倚重廊靜依稀見軟泥燕聲驚畫午蝶翅濕園梨
芳草惠風細殘雲秀麥低神功不可問喜極甕頭西

對雨

毒熱悲炎暑乘風欲遠遊山花忽帶雨桐葉似知秋
寂寞陶潛宅蕭條王粲樓誰能抱經濟姓字覆金甌

夢先宜人教增祭品感而賦此

歲暮當辛丑祠堂將設筵乍驚傳教語不記隔重泉
報德宜千祀忘情是幾年曉來仍稽首含淚對香煙

八日喜雪二首東尹朔野

上元佳節裏六出見飛花未問寒梅色先驚腐草芽
虔心悲刺史朔野嘗岐路失神鴉醉後仍三嘆吾生髮亦華

草閣風初細瓊林忽有花是誰悲遠道獨我惜春芽
菊圃寒荒徑江村噪暮鴉對人添老興亦自嘆年華

言三言有 二八 蘇漢先生集卷之八 其
立春日復雪喜而有作仍用前韻

三白是誰語數年無此花暗傳梅裏喜寒入柳邊芽楚水驚歸
鴈秦雲沒亂鴉太平真有多喜高祝願重華

次朔野韻二首

中原民病久醫國恨無方老去心仍苦憂樂與未妨却憐踈拙
性深愧孝廉堂安得陶潛友終朝酒滿觴

英雄平日志何以答皇天佳雪寒梅日新時 聖主年紅樓雲
鶴外白髮綉簾邊幸有知音在高情句句全

觀魚潭上燕閣武八首東尹刺史

晁露西郊宴情高刺史賢鷗眠野水曲花落艷陽天客思驚魚

網薰風滯酒船未須憐返旆樂事正紫牽

春來方病酒誰復忍春歸草綠侵苔砌鶯啼暗夕暉高歌才入
聽往事轉多違更惜分文袂旌旄急似飛

郡齋真是暇良日喜同遊野鷺依高岸萍拂畫舟感時思抗
疏尋舊欲悲秋興發傳佳宴滄洲會散憂

雲開心自逸天遠意俱幽談笑繁絃裏徜徉野渡頭已驚來首
夏何用說春愁後會知何日須傳酒百甌

芳郊竒雅會白髮笑行年却苦傷春客遙憐作賦賢鶯花供俎
豆簫鼓會流連樂極弄潭水南風正灑然

誰尋林壑叟君獨啓華筵花憶潘郎縣才知宋玉賢潭魚香入

饌龐麥迥含烟王事仍郊省直堪父老傳

鄉侯本英物旗隊急如雲雅愛林泉老兼勞細柳軍才雄誰是
敵酒劇我尤醺落日村黑遙看燈火分

流觴風可愛對景一何言酒發江村甕香生龍子門橫丹藏樹

角乳燕掠雲根莫說邊關報須令 社稷尊

次尹朔野初度韻四首兼述已志

名豈辭卿著情因戀母歸無心問金印有夢舞萊衣黃葉初驚
暑白雲故自飛破愁須賴酒紫蟬幾時肥

療鶴泉亭晚華筵集衆賓情深常懼別官义更憐貧風細歌方

多興轉真使君方具慶吾亦念吾親

晋俗風流遠流觴今始成月中丹旆夢雨後白雲情去國賈生

淚登樓王燦名酒勝似增濶忘却問宵征

尋常文字酌不覺契言深泉湧珮聲碎風高雲影沉關河勞塞

夢致澤繫春心會見遷喬去還來數弄琴

題文朴齋圖

三晋文齋叟相逢日已多草堂無俗夢幽澗有樵歌管澤添澶

水鄉心遠晋河臨岐誰忍別鴻鴈莫蹉跎會朴齋轉官因及之

癸卯春暮聞鴈門卿寺虛報戲而賦此聊以自笑

虛信常盈耳閑愁動滿腔重華遭舜帝嘉靖駕殷邦芳草迷春

徑寒梅憶臘窓陶然欲下榻酒陣許誰降

東余僉憲草池二首

使君云閱武不負舊家名
柳暗驚旗影風高雜鼓聲
已聞歌舜禹更喜得良平
佇聽封侯信飄搖出鳳城

兵畧雄河北循良憶汝南
備邊知鐵面訪舊見瑤函
落日牽愁夢秋風望駐驂
何時重握手剪燭對沉酣

中秋望前一夕共酌對月一首呈杏塢沱村二君子

令節憐吾病清輝羨爾多
羅衣真自惜紈扇更如何
露冷梁園兔香侵翠殿
娥明宵重有興綺席聽清歌

城南宴集郭氏庄一首

天濶滄洲遠雲高幽谷涼
輕羅明柳色檀欒引花香
頗覺傳盃

急都忘歸路長無勞惜
沉醉世事總茫茫

暮春與澶東柳溪對酌再用前韻

春深庭院寂花落燕泥涼
景入愁仍劇盃傳酒更香
那知塵夢裏不覺歲年長
醉別情何限休誇瀛海茫

小山苔草碧一雨輒生涼
白髮羞明鏡蒼松帶晚香
却憐春日影不似故情長
感極思常聚誰云路杳茫

賀孫右川水部乃堂貞節坊成二首

貞節憑誰表風霜幾暑涼
敬姜無缺恨孟母有餘香
麟角連雲發雞鳴間世長
却憐南國化江漢匪荒茫

慈範誰云朽幽墳月自涼
苦心寒鐵石蕙帳衍書香
令子應當

軸雲仍更覺長永言思信史千載照空茫

再用韻東右川

搖落年荒晚空憐日月涼五湖舟自遠三徑菊仍香誰弄薰風
調同誇流水長賞心有知己且共醉茫茫

每愛青春晝風生松影涼却嫌蜂蝶聚不逐蕙蘭香漫說蓬萊
客虛傳日月長小軒尋往迹吾道未荒茫

送劉君澤掌教文水

振鐸仍文水經過有沁州君先分教滌陽今為文水教諭沁吾舊遊也青山懷古道
紅葉遍新愁劉向名何盛蘇湖化更優一盃臨別意惆悵朔雲

秋

聞王澶西辭大叅歸率爾賦此

聞解陶潛綬仍辭劉寵錢繁華悲世競琴鶴是誰賢菊月花方
茂霜風竹滿前甕頭新酒熟擬共爾流連

我亦辭卿早歸來十五年青山常自愛白髮許誰憐詩社今當
結交情老更偏未須論出處且共樂堯天

雪後訪柳庄馬翁於卧榻留酌

乾坤誰獨荷故舊我尤偏對榻人猶爾開樽意惘然却嫌春色
吝還作臘風天愁極仍須酒書空轉自憐

乙巳閏正月一日城南觀魚既而杏圃習射二首

衰柳仍含雪平郊已踐泥路迴烟廓外網密板橋西實恐蒼鱗

竭虛疑皓首迷高情多地主傾倒滯輪蹄是日杏

小出郊原裏風涼動客衣還憐年漸老更笑巧多違努力天山

在停雲遼海非昏鴉空噪急落日共忘歸

春日懷韓苑洛年兄

嘆息同心老勳階日已長定名復洋溢佳句更鏗鏘社稷勞

雙鬢文章數四方何時重對榻傾倒九迴腸

馬對湖造舟初成邀子泛湖春賞漫成

早春湖水碧柳色上雙舟世事宜蒼狗生涯愧白鷗渚雲他欲

細客思自成幽忽憶隣翁宅湖去西巖西巖今已休

尋芳誇地主拉客共僊舟花凍仍依岸情閑故狎鷗却疑歌舞

艷不及水雲幽落日傳盃急高情擬未休

新鎮道中有懷王大任侍御一首

下榻知情素傳盃重別離經綸推紫閣忠赤滿彤墀白首慚予

拙青山發爾奇深秋有鴻鴈不惜杜陵詩

衛源驛喜濬令魏安峯入膺臺召一首

知子年來久無由一對床旅懷空自切別意更憐長松影穿窓

細蟬聲入夜涼蒼生憔悴望蚤晚聽封章

清華道中口占

浮山三晉路舊事宛猶存曉日催行色秋風欲斷魂流沙明白

石密樹失荒村王事真吾職行須報至尊

孟縣曉發

惆悵河陽路潘郎事已非
野花空冉冉乳燕自飛飛
白髮勞行役黃塵動滿衣
三秦何處是回首憶

彤闈

洛陽新安道中口占

昔聞洛陽水今過北邙山
衰草連荒塚秋風愴客顏
周秦空往跡鷗鷺自沙灣
却笑勞心叟西來函谷關

乾州問乾陵一首

山僻陵園古城深草木荒
已憐稱國制况復瘞乾岡
天道原非二浮生自不常
旅懷聊對酒何處是平涼

借舊同寅張桃坡謁潛夫祠一首

聞道潛夫隱雲山幾百秋
烏聲空細細潭影自悠悠
過眼塵俱幻傷心涕欲流
知音竟誰是聊復紀清遊

訪徐僊翁洞一首

徐翁不可見遺事宛猶傳
白鶴空高下蒼松自歲年
道心誰復悟俗眼轉堪憐
斜日西風冷思君問洞天

仲秋懷王羨陂太史一首

不見羨陂子流年恨擲梭
山空人復病月白鳥還過
世事每如此知音曾幾何
臨風三嘆息何日對床歌

送存一府二郎號滄洲一首

帝室源流遠龍孫自出奇
才名初羨汝禮數更稱誰
華國原非

言玉言律 卷之八 三十一
偶滄洲豈浪思詩壇從此密對榻復何辭

友竹存一諸殿下邀遊空同山四首

寒日出西郭空同始一臨黃梁仍自惜玄鶴眇難尋酒與酣佳
客鐘聲度遠林更嫌歸騎促燈火照塵襟

碧水丹崖路却疑入洞天但知傳酒食安敢問神仙濟世慚無
術忘機已有年高情多地主不覺是流連

十月小春裏同遊非浪過將軍殊愛客稚子總能歌落日催行
轡寒雲下碧蘿何當再相訪重扣佛堂窩

開闢由來遠茲山亦自然古藤還落莫野鼠任周旋行樂真誰
是知音更可憐白雲與流水信爾自年年

送趙浚谷酒一首

山衙一何寂風日更淒涼衛水思方渺燕雲舊復長正愁歸塞
馬敢問候朝郎斗酒還誰共知音好對床

乙巳季冬三日夜半後夢先考妣覺而援筆書此用識餘

哀

瀟條悲宦况誰遣夜如年風木驚已矣音容何宛然昊天思罔
極往事轉堪憐却保初心在懷傷淚若泉

定省曠何久嚴慈渺莫尋天涯憐說夢節序苦驚心怙恃真難
喻淒涼更莫禁鬢年心獨赤碌碌到于今

次趙浚谷韻三首

嘗嘆同心客真稱一世豪自憐狂斐志每仰斗山高燒燭供仙
菜傳經憶錦袍年華良迅速時約醉香醪

秦地東門外中藏一代豪文章還獨步氣節更誰高豈羨麒麟
閣何誇獬豸袍由來知己客寄與屬香醪

廊廟弛羅網江湖隱俊豪素琴三徑遠封事五雲高我獨悲寒
照誰當補衮袍雅懷仍有約記取對床醪

再柬浚谷一首

少小經綸志真添老大悲故人想知己古學嘆支離華髮仍憐
我青山竟屬誰不堪懷抱惡排悶強裁詩

贈半山別號一首

寂寂春堂永年來識半山詩書傳素講冰玉照朱顏出格來
訪聯床未可攀一盃聊共酌休復說陽關

立春先一日寫懷

衛秦相去路恰似隔蓬萊春色疑新望閑愁入舊醅未論登鳳
閣真愧後雲臺安得逢知己塵襟日一開

季冬閱雪

苦憶深冬雪殊悲隴麥乾三農方倚望萬里正交寒落日思彈
劍踈鐘倦倚欄旅懷渾未已何處是長安

西溪池館春酌

蚤春行樂地近郭得雲庄高柳方含綠濃花已露香傳杯知繼

言二下年 二下年
卷之二
二四
綵歌調按宮商臨別難為謝留題意自長

鳳翔道中漫興時二月清明日也

誰使清明日風塵忽復生
凄凉鄉國思搖落壯心盟
盛世歌龍德岐山憶鳳鳴
更忻知己客時復話平生
時與應公徹
菴同出巡

晚宿河橋驛館一首

雨後河橋路青山轉幽溪
殷急復緩雲影去還留
問俗殊相異懷鄉仍獨愁
更憐春色好花發晚風柔

新鳳道中山水亦佳漫興一首

開闢窺天巧紛紛識者稀
况當春時節更自惜芳菲
靈氣驚奇待天風入翠微
何須問仙侶跨鶴與同飛

武關驛得漢中朱太守遣使來迎漫成一首

梁園言別後惆悵幾青春
鴻鴈悲離合蛟龍問屈伸
却勞新遣使實見故情真
行且温盟舊何辭酒百巡

漢中公館遇雨漫興一首東楊恒南趙青墅

天高秦塞雨春發漢江雷
苔滑張良道花香韓信臺
旅窓情萬里詩况酒千杯
更愛同鄉叟真稱濟世才

別東溪繼善松月東牧守誠友竹存一養賢安愚南牧西

牧諸 宗室時丙午四月五日也

相見一何晚臨岐更覺難
壺觴聊對酌道義共凭欄
細雨添詩况南風正牡丹
何時重執手再與話平安

謝韓府諸王將軍餞別一首

過秦剛半載仍復動離觴
雨潤群花艷風傳細柳香
王孫本多禮迂叟却憐狂
但願勗明德恩承社稷長

懷三原谿田馬公一首

谿田何處是指顧白雲邊
洞倚方塘水香開玉葉蓮
才高終見忌道大許誰憐
安得重相訪清歌共醉眠

曉發松林次安山驛午飯一首

松林一夜雨喚起萬山秋
苦抱雲霞想兼存社稷憂
村醪聊問俗牧笛自騎牛
素食增吾愧明珠敢暗投

沔縣城東謁諸葛武侯祠墓

沔城諸葛廟叢栢草離離
共仰丹心苦仍勞白髮思
未緣良將弱空負史臣悲
才大難為用誰知杜老詩

飛僊閣一首

聞說飛僊洞塵心頓覺開
谷神原不死凡骨總成苔
曲澗花空落長林猿自哀
匆匆仍策馬安得與傳盃

隆山驛聽雨二首

風雨隆山館停驂亂石前
野禽幽自語茅竹巨如椽
倏忽過秦地蕭騷又蜀川
况逢仍大比應喜得才賢
好雨敲山竹徘徊不欲眠
烟花驚病眼勲業數群賢
素食羞何補赤心終自憐
未須歌日暮浩發興方連

詩五言律 一八 端溪先生集卷之八 三六一
柳邊驛秉燭見石洞庭後

誰鑿柳林石依稀小洞天還當奮經濟莫謾問神仙時雨消塵
渴秋聲動客憐有懷渾未倦清興晚風前

晚渡潼川一首

潼川何太急舟子却安閑王事勞征旆鄉心倦倚欄正須修素
業焉敢破愁顏且對盃中物成都只尺間

重陰四首

漏天聞已素真見雨綿綿白日驚何處陰雲苦滿前儘教鷗鷺
狎翻怪草萊鮮冬月草木皆青願速火龍出晴風一灑然

陽明乃天道滂雨幾時休畫閣誰甘旨荒村多涕沔如何端叟

病復抱杜陵愁安得祝融出輝光遍九州

自憐憂國淚每欲對床流豈不知崇養其如未有秋會湏致虔

禱聊復慰窮愁幸賴多賢在匡時輔 冕旒

良朋憐自古實切望同心國事羞何補韶光苦易侵却慚仍獨
信未見有知音頗愛商霖字光輝直到今

重九日懷孫右川水部

京華何處是對酒未能嘗碧樹清含露黃花細抱香交情仍自
許良會敢相忘落日看鴻鴈離愁更覺長

重九日懷臯春陵內翰

令節稱重九清樽思故人天涯懷抱惡眼底 寵光新勳業傳

昭代文章耀 紫宸對床何日是一笑玉堂春

早起即事二首

頗愛空庭栢中多 鸛鷺樓却憐薄書元每至夕陽西階草苔仍
滑行雲望欲迷 不須滯懷抱時復強留題

慣習雞鳴起 瀟然旅况春還將憂國志時及宦遊人蜀道何嘗
險家傳本自貧他時重回首雲隔錦江濱

除夕漫興二首東藩臬諸君子

歲華驚老大况復是他鄉苦竹依人瘦寒梅近酒香舊愁流水
遠新恨晚山長明發東風裏兒童笑客忙

客髮非疇昔壯心獨撫床更誰憐管鮑還我尚憂唐碧草霜疑

脫喬松晚更蒼知音幸諸老時復一傳觴

撫公東沙移文禱雨東前溪夢山二君子

閔農真愛雨憂國見中丞共惜蒼生困何勞元夜燈春風悲細
柳落日問良朋愁極頻搔首雕欄誰與凭

白草歌

渠魁方束手川蜀共稱平子孟獲擒仍縱王褒頌復成凱旋撒納
穴春倍錦官城何必酣歌醉民今自永寧

平市價一首

絜矩常平法何憂垂萬年但將心自度不必問前賢宇宙皆吾
職顯微仍畏天還誰是知己應亦發長憐

杜淫祀一首

天王方出震四海望虞唐禮樂稱熙穆衣冠萃俊良
皇圖無反側聖學有輝光淫祀真何謂徒悲流俗狂

謹大婚一首

大塊判陰陽坤柔乾自剛國風始王化民俗係天常
大雅先宗廟人倫貫紀綱願言脩治訣萬古法堯湯

正童蒙一首

源澄流自潔為力夫何難雅道原非鑿天真本自端
大人與赤子達變即心丹願爾多蒙士須知五教寬

丁未春二月十七日再得生孫之報喜而有作兼憶應龍

甲辰悲往事

其歲生嫡孫以嘗禱於黎陽之龍洞因名至丙午正月殤云云丁未幸新傳為善

誰云懼水懷仍自憐好音來北斗起拜實西川是日既寢聞報不覺忻然而作

焚拜先考妣云云却笑情何限燒燈耿未眠

舍弟崇寶及田兒丙午俱塲屋下第詩以勗之

父兄懷弟子懷抱耿無眠功業期千古文章但七篇囊螢仍我志漂麥更誰賢努力從今始藏脩好佩弦

三月十七日將旦始喜聞雷

大化窺乾健殊方始聽雷滄江將隔歲懷抱喜初開稻麥抽新實窮途振滯才未須誇異數陽德自天回

聽蚯蚓偶感一首

年五十五歲 希真先生集卷之八 三十一

詩五言律 二八端溪先生集卷之八 五
俗眼疑蟠屈誰知爾獨廉
眷宵方兀坐旅思轉幽添
萬里情何壯踈燈花自拈
知音有君子不必問飛潛

別大叅邵龍山一首

沁水當時別成都此日筵
金蘭真夙昔去住各風烟
道義仍敦素襟期敢自憐
不知重對榻執手復何年

太常公署齋居一首

玄冬當晦夕松桂逼層陰
白髮從渠變丹心直到今
良辰非迅往陽德喜重臨
羞備清卿後堅盟誰共尋

謝京兆蔣東瀾李泂泉召飲於貢院一首

三晉別何久重逢喜對床
管絃雜越調尊俎發衷腸
深院華燈

傳苦階嫩綠長酒闌有餘興
賓主各相忘

仲冬晦日小雪一首

吾君本堯舜憂切是農桑
况復兩京地何堪累歲荒
同雲方夜集瑞雪遂朝揚
稽首思薰沐忻然欲問觴

季冬朔大雪再賦一首

歲晚江城寂天階見草芽
郊農忻隴麥旅况比瓊花
未許漁先唱應催梅欲葩
豪吟渾弗倦安問鬢成華

季冬十七日立春喜雪一首

歲事稱殘臘蕭條忽復春
流光仍我惜好雪與誰論
池草虛憐夢江梅亦可人
調元賴君相吾道豈憂貧

春寒一首東湛小泉

雪屋春猶淺何人无臭梅未須愁落莫還欲共登臺酒憶梁園
醉花應建業開知音宰相邇策馬好頻來

挽節婦貞女一首代王傳巖作

女貞原自潔婦節更難雙鐵石知良苦風霜許衆降清天昭白
日脩竹倚寒江作賦臨文嘆應回古俗龐

四月二十三日同洪洋沃焦諸公至西內觀旋坡臺一首

聖主勞動日 皇天眷注年良工精斧鑿蒼檜細雲煙臺沼周
文上時雍虞舜前多官同洗目何異境登仙

贈耿君忠菴尹休寧一首

郎官應星宿自古得人難白馬傳家學銅章照客顏甘棠看異
日岐路隔寒山殊擢誰云久徵書會復還

送王槐軒出宰陽信一首

九月霜林醉河橋話別長牛刀看小試鳳閣待高翔行道心何
切憂思髮未蒼漢家循吏事先後好聯芳

春雪

青帝昭生脉瓊花忽滿前已增騷客興更卜太平年梅柳香仍
發綺羅情欲傳調和勲業事稽首拜堯天

春初即事兼述鄙况二首呈毅齋宗伯

早梅思凍葢弱柳半含春旭日開群動條風協四鄰玉河凝瑞

雪盡省絕置塵安得長揚賦風流追漢臣
薄劣羞吾老春來與若何未緣蓬島夢空賦紫芝歌殊績勞心
骨芳辰想踏莎幸逢賞音在却喜教聞多

送陸小峰出宰黎陽一首

聖主憂民瘼花封得俊才未緣倒蕃榻何必問螺盃霜葉寒清
曙蘭舟照碧苔便須看奏最唾手入烏臺

遣使迎古冲少宗伯於南都一首

風流詞賦客雅抱治安才潞柳未含綠紅梅欲早開極知久歲
器渴仰共登臺旦夕春風至應憐數舉杯

別葉柳亭一首

豈不戀交雅離情將奈何柳綿牽驛馬蘭棹發官河莫使稀鴻
鴈終期對綺羅相思南北路落日渺烟蘿

次甘霖慰衆原倡二首東李陶山刺史

靈雨經春缺誰教連夕雷桑林傳自古雲漢志寧灰千載明
良會一時豐稔來郡齋多政暇詩興更徘徊

帝澤原非偶郊墟當有秋紫宸心始慰黔首病仍瘳家學傳
知素開民惠獨優所希乘輿訪安用簡書求

送馬以禮還寧夏一首

淡雲時復雨黃葉忽臨秋升斗安常調絃歌動別愁嘗高陶令
賦莫問仲宣樓願早聞榮擢歸來醉酒籌

孟秋宴杏塢宅一首

三年別杏老仍復共華筵
月幾臨池水花應對客憐
笙歌盈俗耳冠珮愧前賢
願爾登眉壽無忘髻歲篇

贈徐生汝再一首

知子來三晉重逢一惘然
所希明大道何用說旁傳

汝再嘗從事地理因云

霜葉寒雲外青山別思邊
尚當期速到莫使愧堯天

宿州述懷二首

皇恩真浩蕩再過宿睢陽
亂石成鬼壘寒花抱晚香
郡方聞牧政見劍峯詩稱高子戒夫云云時豈乏才良
旅况無窮思何須數鴈行

老懷憂國久忽忽幾秋陽
溥海塵方息行軒栢更香
慚予衰髮

髮何幸際 明良願秉清忠節
班聯再閣行

別南康陶子孔啓一首

頗覺離愁迥江城菊正花
每懷白鹿洞何讓赤城霞
對榻還多感臨風興亦賒
願言宗令德誰謂隔天涯

人日拙句柬屠直齋太宰

細柳青垂線寒梅香自花
虞唐風正動稷契志何嘉
憂國來霜髮勞心慣午衙
知音關夢相應與惜年華

春懷柬萬治齋宗伯

午衙公事後乳燕正群飛
華髮思良友青春對夕暉
畫橋萍草暗遠浦杏花稀
欲拉知音叟清談望釣磯

懷鄧梓堂聘君

南國有高士風流樂四鄰
獨悲詩社晚猶幸道盟新
落照虞山外漁歌琴水濱
何當對文榻一笑愜情親

懷陳中丞虞山

我昔長安地芝眉幸識君
雅風欽姓字道妙飽知聞
鍾阜頻朝露琴川空暮雲
便當乘興訪何但只論文

曉發瓜埠東張石川銀臺

滄波連海岫旭日映樓船
旅况耽高卧清時愧薦賢
鷗浮瓜埠港花隔廣陵烟
何幸重傾倒真州見石川

入賀喜張正郎聯舟

入賀 明天子聯舟得美人
三盃何足問一見自相親
禾黍分野山河壯容神
秋風未旦夕未許說鱸專

舟次會趙麟陽道長一首

南國知風采兼稱豪傑才
瀟騷遇萍水倉卒缺螺盃
道義仍忻密行藏已素裁
不堪又分袂惆悵鳳凰臺

舟次天津東劉兵備白石

野水新添綠寒山舊隱盟
忘機鷗鷺狎入賀珮環清
禾黍思豐於華夷企太平
老臣忠愛意磐石比長城

送龍川孟春元

雄才知抱負交結有年華
共羨黎陽望終看上苑花
文章傳白

屋勲業足黃麻百里勞相訪相思未有涯

太僕余玉崖雷古和諸君子召飲瑯邪寺一首

亂石寒叢竹空廊倚白雲綺筵開夕照清愛荷諸君長笛悠揚
發殊勲次第聞相思應自切何日更論文

除日

冰結寒飛鳥風和舒柳條春令浦子渡雲遠霸陵橋守歲情何
限尋梅興亦饒明當臨正朔南北共聞韶

送太廷尉一泉郭公北上二首

春寒飛宿雨別况積江雲舊約仍新好晨鐘帶夕暝策勲乘治
世恩寵荷明君南北無多路音書幸早聞

不堪送知己盃酌入春新草細搖征旆花香淨野塵願勤天上
鴈長訊會中人誰說夙緣薄斯文終自親

元夜

早春逢令節淑氣作輕寒絳燭移松影長河映石欄却憐黃髮
老忘共小童歡簫鼓誰家樂堯湯戒燕安

月食

月食思王制焚爐拜舞同先天含至妙萬國仰皇風筭測原非
外調和本自中時方望堯舜鶴在玉清宮

望茅山二首用王陽明韻

聞說茅山好空思松月涼由来有真樂豈必問玄黃元氣亦可

服潛修應自光吾方際 明主渴望配虞唐

大道非虛幻須知功亦難紛華竟何益冲淡有竒觀
花落落林寂山空月色寒中興今獨盛盤石並長安



國家圖書館, NATIONAL CENTRAL LIBRARY, TAIWAN, R.O.C.



七言律



次文宗顧先生宴諸進士韻

喜看吾道際 皇明甲榜慚予列
俊英徹坐好風清 晝永入簾
遠岫白雲生 彤庭有意期消報
冰鑑無私羨主衡 千載斯文
成此會 晚涼人醉壯心橫

送馬君卿尹固安

長安十月好天氣 把酒送子生
離愁漫卷新詩赴 花縣必有佳
譽采神州 輕烟漠漠凝征轡
孤月明明照遠遊 載酒何時續
良會重聽寒雨下西樓

送顧桴齋先生守馬湖



國立中央圖書館, NATIONAL CENTRAL LIBRARY, TAIWAN, R.O.C.

Handwritten marginal notes on the left side of the page.

馬首風光動紫塵，壯遊南下蜀江濱。
丹心獨喜持今日，直道誰云負此身。
功業行看新政府，文章無愧舊儒紳。
春風再坐知何日，別後應須仰斗頻。

送劉天儀謫廣西

山遶蒼梧草閣斜，僊郎今去種桃花。
風帆小渡千門月，江樹平分兩岸沙。
但有好多名逢盛世，何妨蹤跡到天涯。
行看闔闔金雞報，還許排雲近日華。

送李四順歸錫山

唾手纔看碧玉墀，秋風忽動望雲思。
山連故國關愁處，酒泛河橋話別時。
沙冷鴈橫秋月白，霜清海濶片帆遲。
生平忠孝須兼

盡回首長安指日期

送呂涇野養病

有客有客還高陵，長安雲日方炎蒸。
不獨封書上天子，已喜射策題吳綾。
偶然抱疾欲歸去，使我別思難為乘。
即今百姓望堯舜，不有稷契安能承。

送同年王夢弼尹木陽

把酒相看動別愁，木陽山色正悠悠。
曉烟衰草長安道，落日孤帆淮水秋。
民瘼夜深關肺腑，棠陰日午上簾鉤。
行行應有循良政，拭目霜臺入帝州。

送王虎谷養病

詞一 言律 二 蘇東坡先生集卷之八 二
聞道風流王虎谷邇來抱病出長安河橋酒幔飛軟紙帳梅
花夜夢寒才學公今看八斗建明吾獨愧三難離亭日暮難為
別笑對吳鈞興未闌

舟中次王公濟韻

少年朋友半無餘青菜黃花憶隱居食祿但慚糜歲月行春猶
自惜郊墟潢池劇盜行須殄迹屋貧民總未紓日暮呼童煮新
酒解顏聊對月窓虛

蕭家林道中

曉發官河路渺茫困人天氣柳花香無邊翠麥添詩興不盡青
山入望長舊事有懷看寶劍鄉心多夢上高堂京華只尺天

顏在葵藿無由一補裳

次張刺史汝隆韻

煙花曾記下揚州夜半吳歌尚未休水旱十年迹赤子管絃近
日樂吾侯 彤庭狂諫真成癖嶺海虛名笑遠投底事腐儒吟
骨瘦詩成常憶杜陵秋

懷馬柳泉

溪口桃花送我時一壺相與聽黃鸝高情不獨留遷客野興還
能釣碧池萬古襟期歸輿論三年撫字在 丹墀黃金臺上紅
塵滿惆悵思君意似癡

次黃時庸十四夜韻

詩一 言律 二 蘇東坡先生集卷之八 二

言一三卷 二八五 卷之三
虛堂夜酌話從容寒漏初聞省院東莎草近階蛩對語洞簫入
坐月當空桑乾水遠通秦塞策士心勞憶漢宮廊廟江湖原自
切酒闌看劍倚西風

次黃時庸嚴字韻

高歌長劍曉霜嚴桐葉分秋旅思添僊館未應塵夢短江城却
羨藕花甜論交殊愧陪英俊策士重期得孝廉涼雨不堪連榻
夜滿城寒角下雕簷

送汪朝宗還長垣

寶劍清霜冷逼雲夜堂深處燭光分求賢祇覺勞雙鬢落筆真
能掃萬軍黃葉吟秋風細細曉山話別思紛紛明年花發長安

地應使人傳經濟文

與龍主政燈下論舊

別來契濶渾如舊忽漫逢君一放盃湖海勞心看塞鴈風塵迷
目憶金臺綈袍已羨推前輩下榻直疑得俊才王事在躬俱是
客未妨明日酒筵開

贈王宗尹之任文昌

唾手功名是此行海山遙接五羊城牧民應播陽春政守已還
垂米藥聲細雨踈燈臨薄暮暖風高柳拂新晴行看三載須回
首奏績還當達 聖明

贈馮太守黃雀來翔

登州太守馮君美喜見華筵向曉開
萬里海天常浴日百年懷抱獨憐才
青鸞有信隨風寄黃雀何知向客來
物理人情原不偶勲名應是到三台

題瑞鶴卷

華表傳來事不空九臯原自異昆蟲
涼雲碧樹聲還遠寒日清霄影忽同
誰解輕盈孤踏雪却羞饑飽問凌風
最憐地主多高興時復芝前彈素桐
天性孤高萬鳥空誰言教子獨殮蟲
瑤池有分虛平日蓬海無緣脫世同
花落燕喧隨永晝霜飛塵定聽秋風
可憐官貴知何限不及茅亭共一桐

次明遠樓韻呈曾憲長

五雲高處是神州未信東南有此樓
翼軫未曾移北斗匡廬元自接危丘
英雄實際昇平運天地虛隨日夜浮
千古浮生成底事惜花人遠鹿呦呦

次曾憲長韻

九江古寺對殘暉十月登臨天尚溫
落葉細鷺千澗雨洞簫清徹萬山雪
疎鐘月上禪初定鐵瓦風高思欲紛
何日還當陪笑語石床共結北山文

舟次揚州會屠文伯

十年不見九峯子此日廣陵一笑長
老意漸從華髮變交情敢

言十言集卷之二
向宦途忘荒橋野草照人碧夾路柳花穿袖香回首何時更良
會小舟風雨斷離腸

次柯大行原倡

停雲却惜馬蹄穿別思翻嫌此日偏對鷗秋風還自杜入床夜
雨似多緣汾江脉脉上衣綠閨樹萋萋帶月娟却笑客中重送
客短吟深愧子長篇

馬邑道中

春郊旗鼓兩悠悠躍馬真成博塞遊近水人家還自凍入山村
落尚如秋狂風忽復自家起好雨却來消客愁只尺朔州是何
處野雲糞樹麥苗稠

贈許正郎

南薰簾幙傲年芳門對青山流水長照席高雲還細細向人野
鶴自揚揚三邊餽餉雙旌耀千載鸞封兩誥香却憶長安勞望
眼洞簫吹動九迴腸

贈王用章兵備天雄

穆穆 聖皇初簡命堂堂樞府始分旌即看訟息三農老何止
威傳列郡兵唐代子儀完令節周家方叔擅才名太平况是王
畿地更喜年來禮樂成時郊廟禮成云云

千里長安接上台一麾旌節駐銅臺秋深霜冷烏臺靜日暖烟
消虎帳開老我空懷江海夢知君却是廟廊才登高忽憶同心

詩七言律 一 靖遠先生集卷之二
客潦倒思傳濁酒盃

望太和人

太和聞道是名山
屹立衡湘指顧間
萬古雲霞扶白日
幾人功利悟金丹
乾坤鍾秀誰終始
玄武流香亦等閑
却愧林泉將華髮
何當飛轡一開顏

題僊翁圖贈趙洪洋

聞道蓬萊隔翠微
僊凡終恐未相違
謝安衾枕塵初歇
李白壺觴花欲飛
松竹涓涓清鶴夢
溪山納納淨苔衣
放歌良夜須謀醉
何用浮生笑落暉

挽高柳泉隱君

苦憶濮陽高處士
漫留花竹近漁溪
即看令弟垂勲業
况是喬門合品題
五柳晉人推靖節
千年福地接青齊
鳳毛須記全忠孝
麟閣終還播紫泥

送傅彭原舊掌科

遷客歸秦屬早春
鶯花馬首靜飛塵
即今前席虛明主
行見封章啓後人
白酒會須傾百盞
彩衣還喜娛雙親
徘徊莫慢留鄉國
環珮終當報紫宸

送李吾西之漢陽

使君風節驅千古
佐郡荒涼已四年
雲霧襟期終自許
岳陽樓閣有誰憐
匡衡上疏追前輩
李白題詩啓後賢
萍水相逢更何

詩七言律 一八 華清宮 卷之二
日秋風回首是澶淵

暮春有懷可臬年兄一首

東望蓬萊花滿煙可憐
遲暮艷陽天縣車故國乃今日
走馬長安是昔年多病漁樵悲
朽拙匡時勲業仰才賢同心終
幸知音在頭白昏昏且醉眠

送石首劉僉憲竹雪

聞道藩侯劉太史國初亦在嶺南行
有時閉閣思民瘼更喜焚珠垂令名
乃祖內翰公嘗對宦者焚珠
納納乾坤包老夢瀟瀟竹雪伯夷情
孫枝繼武今僉臬相送汾陽入晉城

庚子上元夢孟望之兼懷馬君卿一首

別後長安幾幾年故人入夢轉悽然
流連苦恨成陳迹搖落仍驚破夜眠
鐵巷虛思寒月酌錦囊曾有白雲篇
望之文集近始梓行
還悲馬子潯陽戍應賦梅花到處傳

送秋卿施文峯之金陵

楊柳垂垂及暮春一樽聊復送行人
水分建業錦帆遠山遶吳門白月新
潦倒笑予耽菊徑風流羨爾轉通津
相思對榻仍何處不覺臨歧亦愴神

次杏塢西郊晚眺韻

自憐白髮照清樽何幸同遊對夕曛
高柳倚雲疑有待寒花入坐欲銷魂
孟嘉往迹何須問陶令遺香亦可吞
笑指歸途煙郭

外向來心事好誰論

范栢峯召飲重華臺偶成

栢峯學士烹金鯉與客重華倒玉壺秋色細含三徑柳宦情遙
逐五雲都杜陵去國關唐祚劉向傳經啟漢儒斜日不妨歸路
晚滿庭明月上寒蕪

范栢峯枉訪論事詩以謝之

海內蒼生思范鎮風前白髮笑王猷正悲寒日征求急敢論蓬
門禮數優萬古經綸終有待一時榮悴未須憂知音苦愛同心
客對虎縱橫涕共流

送北岡邢道長憲副浙江一首

北岡御史氣橫秋五月先聲到越州須使乘騄驚貴戚再傳攬
纒解窮愁雲飛魏闕頻看鏡月上西湖一倚樓載酒何須談對
榻相思聊逐木蘭舟

讀任太守南嶠陰德傳一首

使君高義事如何南國聲名羨爾多但使麥舟傳范老不勞枯
骨問華陀却看勲業愁何晚終是乾坤耿未磨秦地仍憐王太
史為渠猶子一悲歌

次張石川潞河舟中韻二首

僊舟底事急如飛雲樹蒼蒼望欲迷堯舜正聞勤側席巢由焉
許遂漁磯虛名自笑真蝸角白髮誰堪補袞衣南國通家還只

尺秋風鴻鴈莫教稀

江南梅雨正飛飛
往事真成蝶夢迷
紫禁會看傳鳳詔
玉山誰說有漁磯
白雲杖履湖山夢
綠水池塘荷芰衣
對榻未須陪笑語
百年知己眼中稀

送范栢峯判大名

斯文共說天雄郡
吾道今看范栢峯
海內才名稱獨步
甕頭知己恨初逢
旅懷愁聽陽關曲
宵夢驚迴長樂鐘
旌旆何時重過訪
小堂相對撫喬松

會范栢峯於龍潭喜雨亭一首

不知相對今何夕
傾倒傳盃信宿緣
歲月實驚鷗鷺外
乾坤虛

羨水雲前謫仙未許
旁人妬地主寧須
漁父憐却恐再尋潭上約
不堪歌舞是離筵

栢峯將別去故末句云云

望長垣學堂岡一首

尼父遺祠何處藏
蒲城郭外有高岡
每思衰鳳自陳迹
况覩獲麟空斷腸
雲去水流樵唱遠
春來花落燕泥香
可憐日暮無津問
白首柴扉夢欲狂

吊仲由祠一首

烟棹蒲城何處村
丹青古廟幾黃昏
結纓實作千年恨
負粟何圖極恩春
徑野花空戀蝶秋
霄寒月自當門
可憐尼父稱三善
常使行人欲斷魂

雙梧軒

刺史雙梧院有陰聲華何止羨南金即看彩鳳翔高漢已冀瑤
琴弄好音湖海風流千古夢文章經濟百年心石川原是通家
者世講誰言始自今

尹朔野初至開州

號令風霆新刺史共傳創觀出群才郡城無復豺狼集苑屋重
驚日月開白酒百年常愛客黃花九日好登臺英雄勝有平胡
策磐石封疆莫浪哀

送金陵張進士石塘南歸

花底逢君愜素情高秋回首是燕京漢家未試匡衡策澶水先

知原憲名淮浦帆迷鴻鴈影建康山遶鳳凰城臨風何必吞

嘆會見經綸答 聖明

題魏東麓怡親卷一首

聞道夫君孝思長三年宦邸有親堂琴鳴單父聲名舊花滿河
陽村落香負粟何勞悲季路卧冰休更說王祥 清朝雅望兼
循吏對榻何當累百觴

代族弟崇寶送辛廷相得子一首

聞道君家積善長聲名故老說南鄉正思往日嘗聯榻忽報今
年是弄璋佳席酒香浮凍菊諸親笑語滿高堂更當頭角超群
彥勲業無忘勸廟廊

題蔣虹泉雙壽卷

聞道虹泉孝思長二親迎養入黎陽鶯花方喜遷喬木姑吧何
勞賦大章化被南雍多國士風行西蜀有輝光便須更遂韓荆
識一笑流連春酒香

壬寅夏五雨喜而有作

郊原種穀方抽綠毒熱今年似更多正喜慰農傳膏澤何須倚
電作滂沱晚涼細逐荷花起清潤先驚野鳥過安得萬方同大
有仰天對酒一高歌

後五月朔喜雨仍用閏雨韻

中宵已喜傳清響大地同驚雲亂垂老去還憐心有應秋來何
用更憂饑須臾已足沾田潤浩蕩真能措世熙稽首豈能伸報
稱願言崇德不須疑

再用前韻二首東朔野

太平時節好彈冠未信風雲舊約寒龍虎榜嘗看姓字蓬萊閣
父覓仙丹盃中亦愛傳心事雨後真宜對藥欄况有知音今視
郡等閑相見即相歡

年來亦喜鹿皮冠半榻松窓樹影寒但使閭閻沾惠澤不勞蓬
海間金丹正看龔遂行新政復喜陶潛卧菊欄人事天時常倚
伏但逢知己即成歡

、壽郡侯尹朔野一首

使君初度見開州鈴閣涼生一葉秋萬里勲名終遠到滿堂賓
客比諸侯瑤池莫漫誇前會海屋今當更有籌鎮日笙歌忘却
醉飛騰從此是瀛洲

送朱南川考績北上二首

聞道使君將北上行旌遙望動離愁三年勲業歸公論萬里風
烟接素秋淑問還憐傳赤子高名終許覆金甌長安回首無多
日又見翱翔五鳳樓

聞邊書告急偶成二首東朔野

城南城北皆秋水但見邊書日日来犯順漫驚入塞虜濟時幸
賴出群才黃塵細逐千村柳白髮愁登百尺臺早晚會須聞捷

報草堂潦倒菊花杯

使君風骨原非偶號令真如天上來出將誰知有賢牧封侯自
慶得雄才晚香且掃重陽徑盛事須傳萬里臺落日嚴城宰相
樂金甌宗社紫霞杯

送星子鄒掌教鵬之任新城

吾方林壑辭軒冕子忽新城振鐸音南國湖山五老夢東林風
雨十年心嘗分巡九江云云朝廷正爾宣王化胡馬何如敢內侵把酒
送君秋日暮白雲紅樹欲沾襟

喜劉松石年丈過訪用張貞齋原倡一首

久別悠悠每愴神寒宵對榻更相親黃扉羨爾恢功業白髮慚

詩律 卷之八
予對故人萬里楚天鴻獨遠十年京國意猶新明朝碧草城南
路都是相思夢裏塵

送郡博周北阜歸固始

兩年初愜舊交盟忽漫誰教有此行落日不堪城外別寒花猶
向眼中明鄭虔老去心仍健若水歸來興更清倘問海樵眠食
事為言猶未改平生

朔野召飲話別用少陵忽漫相逢是別筵起句遂成一首
忽漫相逢是別筵酒行樂極轉凄然鴈門夢自美人想麟閣名
須太史傳愧我病成林壑叟知君才奪玉堂仙清時正願崇明
德何用情牽岐路煙

送范栢峯之金陵

天上誰傳民部郎離歌何必淚沾裳却看翠鶴青山遠共卜勲
名紫閣長樹遠秦淮千里月焚券燕趙九迴腸春風對榻牽懷
抱回首雲霄是帝鄉

壽郡侯陳歷田一首

使君本是清朝彦忽漫春風到我州禮數誰言驚老稚循良自
信見虞周即看鬢髮勞王事何啻飛騰入鳳樓蓬海嵩山俱在
目一聲玄鶴酒千甌

溧中詞次孫豐山韻送劉竹瀧

璽書向曉歸才畧碧草迎秋駐大城但使書閑沙苑馬不妨夜

舞翠華屏旌旗日月酒威遠號令風霆不廢耕更盡歡應即
叙願教取次答 皇明

挽陳歷田令女一首

聞君痛哭淚千行沉璧秋風憶故鄉
女播辭章未經兄弟同胞面先斷椿萱九曲腸從此芳魂向祖
隴年年春發蕙蘭香

癸卯秋八月二十八日宴集澶東宅漫成

名家負舊衣冠醉裏翻便風力寒笑我辭卿卧茅屋知君抱
道有倦丹賞心老去還扶杖對月秋來好倚欄更願兒郎同薦
舉行須連榻聲交懽

識田兒未舉場屋仍用原韻二首 東澶東

課兒欲振舊纓冠點額誰教風露寒天道却疑渾不測老懷終
許赤如丹五車須令歲螢火三策何愁對鳳欄願拉同時知己
客且開新酒共騰懽

虹霓豪氣自衝冠劍倚秋風天外寒俗眼漫從浮世白芳心終
讓玉郎丹雲高董賈殿中對草腐金張花下欄說與紛紛渾未
解且當鯨飲盡吾懽

送史沱村道長判滁州

建康城外青山裏寶愛滁州地有靈落日不勞黃鶴夢秋風仍
上醉翁亭鴈來魏闕驚孤影花放官衙照翠屏別酒離歌更何

事且教南國說儀刑

訪張羽人於東觀一首

寒日驅車訪道林談玄先喜得知音紅塵有夢饒相累白髮無
情細自侵萬古雲霞真過眼半毫榮辱漫驚心天風海鶴多仙
意忽想瑤池一弄琴

甲辰八月念六日得孫識喜四首

困苦年來但掩門繁華過眼不堪論官從辛卯辭三品嘗以母老辭苑
遼東老向甲辰得一孫金谷虛誇桃李艷貧家實愛菊松存清
風對榻兼明月潦倒何妨舊瓦盆

祖來何敢說名門積慶還堪次第論守拙儘教浮世笑解憂且

抱晚年孫管絃聊聽新聲發琴鶴仍忻舊業存何幸物涼真自
慰蓬頭有酒動盈盆

五宗黃甲兩題門先公登弘治庚戌先後箕裘敢自論正使驚
心談宦海不如繼武觀曾孫稱曾孫者以先公漸齋而言也本來面目何嘗改

老去耆英幸苟存湯餅從今多宴會晬盤焉用洗頭盆

禱嗣尼丘見孔門古今仰止實堪論文嘗卯歲投龍洞神忽辰

年報嫡孫予嘗禱于黎陽之龍洞今果然救世耻無新績補傳家幸有舊書存

而今垂老當知足安問人間聚寶盆

送醫官王商賢致仕書

王郎一脉出名家術講軒岐與未涯但使杏林增世美何妨橘

井向時誇藥厨風定重門竹草閣春閑三徑花從此對床真可
樂百壺何惜酒頻賒

送王南塘入選

小設離盃橋水邊共看行李意茫然鄉邦素識王喬面父老誰
投劉籠錢且把行箴歸衆論無勞榮悴問蒼天須知試篆仍何
處取次勳名魏闕前

詩送蔡栢坡審理周府

黃河不隔澶淵路却喜音書使往來民牧已沾循吏政王官亦
賴濟時才子孟津莫動尊鱸與梁苑先看桃李開自笑衡門還送
客短亭春鴈過荒臺

咏寧陵范太守牡丹二首

范家宅裏花王樹消歇年來又復開恰似乾坤真有意故教顏
色迭通媒尋常富貴何須問老大名香誰許栽尚願乘風當再
訪春深梁苑更登臺

別來岑寂幾經春花落花開興自真風月已投三品樂乾坤更
喜一閑身范舟海濶元無對梁苑秋高亦有因贏得傳家書萬
卷且看繼武後來人

孟津道中

黃河水流無盡期北邙山色何參差懷鄉戀闕不可喻憶昔
感今仍復悲司馬誠心原自許堯夫樂事有誰知匆匆行役真

何謂遊子奚勞問所之

駐義昌驛

義昌亭子清如許中有小山花木多四海知音竟誰是百年驛
路此經過秋風禾黍連平野落日牛羊下石坡問酒夜涼豪興
發沔池燈下一高歌

張茅道中一首

六十年来塵夢裏青山又喜馬頭看雨餘禾黍知豐稔天外烟
雲霽曉寒只尺何能忘故里迢迢猶自憶長安便當努力思王
事對劍誰歌行路難

次閩鄉即事一首

老大年華笑腐儒壯心猶自望唐虞江湖有夢思 金闕旅次
無由倒玉壺萬里河山增劍氣千年社稷仰 皇圖晚涼更喜
看明月唾手誰言清興孤

過朝邑吊同年韓五泉一首

三秦過吊五泉子但見空堂舊榻懸海內交遊還我在天涯涕
淚為誰賢黃河馬用瀟湘賦華岳終留白雪篇明日更憐重回
首少陵西路隔風煙

自潼關西入朝邑諸邑久旱得雨禾黍甚茂喜而賦此

征旆西來秦地遠太平好雨及桑麻關心王事勞雙鬢極目河
山正一家清夢慢馳憶鄉國紫雲遙逐望京華誰云行路傷懷

抱對酒仍湏醉菊花

邠州懷古

太王故國說邠州城郭依山始造周正愛秋風吹客髮更宜明
月上寒流故園松菊牽清夢秦地風煙接素秋燒燭夜闌渾不
寐曉鐘又忽起雲樓

金佛磧道中時與李春城少卿同行

衰年性僻耽山水誰使西征入固原金佛虛傳留石磧玉關實
想係烏孫鄉邦有客同聯轡經濟終能報 主恩黃葉青山不
可數旅懷時共倒芳樽

八月十二日漫興一首東趙浚谷

山城連日雨無塵惆悵東橋隔美人禮樂創觀三代治風光
似萬家春對床誰共追前約縱酒吾當問葛巾一笑文園酒再
訪休教涼月笑人貧

仲秋懷王蒲菴司徒一首

司徒今隔雲霄上聯榻行當四十春海內共知才捧日天涯吾
獨病傷神夔龍豈止稱經濟韓范仍須仰後塵回首長安更何
日青山紅葉欲沾巾

鎮原再會舊同寅張桃坡喜而有作

記得相逢海上州別來忽忽幾經秋論交實共悲新事握手仍
憐說舊裘過眼浮雲真夢境賞心良會得沙鷗明朝又是平涼

道寒日西風但倚樓

過涇州王母宮一首

王母祠堂何太幽，小山叢栢屬深秋。
虛疑青鳥驚塵世，實恐蟠桃誤羽流。
萬古綱常還砥柱，三生幻夢自浮漚。
停車獨立西風外，笑指寒雲天際頭。

王母祠下得一兔旋令放去紀興一首

曉霧濛濛失半山，恍疑鐘磬隔人間。
吾方全盛思明主，誰復虛無訪大還。
澗草不勞藏玉兔，野花似欲問朱顏。
何當更遇知音叟，一笑忘情隘九寰。

宴集浚谷宅

下堂學士亦風流，坐我文園倒碧甌。
萬里秋聲驚客耳，四圍山色豁吟眸。
清脩何用誇陶令，忠諫仍還繼武侯。
薄暮候人催絳燭，巖城回首隔雲樓。

重九訪浚谷太史留飲一首

九日乘風訪謫僊，綺園對酌意茫然。
論交况喜逢今夕，憂國何妨說往年。
黃閣行還虛席待，青山聊復且流連。
歸來涼月清如晝，却恠疎鐘耿未眠。

舊實長張桃坡訪予來自鎮原近欲辭歸詩以留之

別來歲月幾星霜，但覺逢君話自長。
世事可憐蒼狗變，舊情忍棄玉壺香。
寒山實恐歸心促，華髮仍驚故態狂。
記取東牟觀海

諸葛詩律 八卷 卷之八 二
約兒童從此不相忘

口占撥悶

平生不作機心事，忽復流年六十三。海內還誰溫舊約，天涯仍我任沉酣。數番風雨從容聽，萬古英雄取次談。咫尺芳春桃李杏，發五雲入賀，隔有函。

識亡叔大章丙丁好好一首

衰病年來可奈何，自憐平日最蹉跎。經綸敢望夔龍後，辛苦誰當孔子多。獨喜心田孚赤子，愧無殊績上鑿坡。浮生更笑真何謂，時復逢人醉綺羅。

長洲王留宴賦詩一章申謝

梅花未見發，簷阿桑落真。傳席上多大雅，何須誇往事。高情猶幸聽，懸河自憐司馬。經春苦更恐，陽關三疊歌。計取無窮天祿，在太平功業，耿難磨。

華亭會登州門人劉掌教鏞一首

平涼南望是華亭，夾路寒山馬首青。城郭荒蕪連碧草，旅懷岑寂對春屏。故人况喜情何限，良會聊看酒一瓶。曉發更憐村落外，數聲啼鳥不堪聽。

隴州重會王別駕南塘

隴郡桃花也自紅，垂楊依舊又春風。天涯節序驚懷抱，塞上烟雲壯武功。萬里仍歌全盛世，一盃况與故人同。殷懃更惜臨岐

別須信浮生類轉蓬

過沂陽憶邑令吾開李公漢卿一首

憶昔長安會李公別來歲月幾春風真慚 聖世叨金紫何用
浮生說轉蓬須使勲名麟閣上不勞惆悵夕陽中行當入 賀
嵩呼節又聽鐘聲長樂宮

鳳翔行館有懷北村大司馬年丈一首

秦京迢遞隔楓宸野水荒山土亦貧白髮未忘同榜客青雲誰
念遠征人隴頭柳色垂垂發洞口桃花點點春却喜嵩呼行入
賀梯袍應幸對床親

鳳縣口占呈應公徹菴兼致別意

天涯匆匆似窮愁却喜同行得應侯四海弟兄原我約一時膠
漆更誰投青山何必悲遲暮白髮還當紀盛遊只尺異憐重話
別相思仍倚仲宣樓

再過武關是晚至馬道驛

重重山水飽經過無數烟花照碧蘿塵世古來只若此天涯春
色更如何感時尚抱英雄約對酒何妨慷慨歌回首漢中春未
晚馬蹄北望紫雲多

宿馬道驛次几山甘公韻一首

澄清嘗憶范滂車講道明時有石渠春事漢中潦草過旅亭聊
復解襟裾秦中山水逢青眼筆底風流憶絳綃回首長安三十

言一
二
載五雲高處望龍橋

過邠州西大佛寺一首

邠州西望二十里誰鑿鬼我石佛堂秀麥野花空寂寂白雲流水自蒼蒼漢明何用金身夢唐憲徒勞朽骨章今日我來三嘆息敢將直筆繫綱常

磁澗燈下次中丞吳耐菴韻一首

秋意洛陽野草萋重來客子馬長嘶懷鄉豈獨關山北視篆仍勞錦水西鳥道何須談 盛世羊腸會見入雲梯相思下榻知何日風雨江村隔隴溪

松林道中一首

松林亦是神仙地俗眼空教旅客過風月道心原我素乾坤清意許誰多宦遊獨識三生石幽賞仍思一笑歌好雨况增懷抱雅且須呼酒醉顏酡

富村驛見年家呂幼通壁上之作一首

長安一別幾何年忽復勳階到處傳 昭代麟鳳仍獨盛謝家蘭桂更誰先秦山憶爾青雲外蜀道憐予白髮前疇昔壯心還自許相思何日對床眠

思賢舖道中吊懷杜子美一首

入蜀秋來懷杜甫風流千載有餘情黃牛實切臨岐夢白馬虛憐隔樹鶯廊廟且須推素學江湖何用浪迹名更羞碌碌推敲

拙恨不同時一訂盟

古店小歌口占

終養歸田十五年孝廉何敢望前賢除書兩見臨蓬華賀客重
看列綺筵老我歲華將白首是誰勲業格皇天賓興視象雙開
席更喜同官遇列仙

丙午鹿鳴四首

龍飛二十五年秋髦俊重看是壯遊雅志知超溫飽外榮名何
止鳳凰樓經天緯地從容布繼往開來談笑謀走馬長安期二
月羅衣沉醉曲江頭

錦城寒雨消塵渴玉兔清輝非閉藏

場中三試俱雨云云

華國會須歸俊

傑潤身奚止羨文章極知事播乾坤永更喜不傳琥珀不

論心復何日相思鴻鴈耿難忘

自憐多病臨全蜀琴鶴何須與共來柱史簾空懸藻鑑

時大巡岐山袁

公監

中丞憂切徧蒿萊

時東沙張公撫蜀

秋風苦聽經旬雨落日仍思

公監獨慶太平

天子世文光到處燭三台

少年豪氣欲吞牛垂老仍懷為國謀玉壘雲寒侵碧樹錦江月
日照清秋治朝安用楊雄賦皇極終歸大禹疇直北長安天萬
里翻嫌宴別一含愁

送成都高子玉諸進士會試北上二首

羨爾諸君氣若虹春風又見入南宮文章此去應時播勲業行

當看日崇驛路雲閑寶馬健瓊林花照醉顏紅更期努力思堯舜休復徒誇辭賦雄

送心齋陳憲副歸閩一首

聞道使君歸興促離亭相望樹茫蒼但求直道推平素安問流言有短長旅况浮雲迷白日宦途尊酒憶黃梁閩江蜀地牽懷抱寒月西風耿未忘

送木山嚴方伯入覲一首

錦水相逢曾幾何祖筵忽漫聽離歌青山雨後添空翠黃葉風前照綠波世事可憐塵夢幻交情實喜歲寒多懸知拜舞嵩呼晚袖滿天香拂玉珂

重九日懷少司徒趙洪洋一首

自憐多病錦江遊雲白山青萬里秋對景忽思陶令賦登高仍抱杞人憂却羞狂斐稱微省未有涓埃入鳳樓何日長安重下榻便當傾倒酒盈甌

暮秋懷苑洛年丈一首

帝城一別九千里涼雨連旬苦作愁却憶紫雲臺素好更憐白髮欲盈頭繁華往事真何物聚散萍踪不自由安得對床尋舊約夜闌重與話風流

壽張東沙中丞一首

勳業同推經國手壽筵先設錦江頭救時雅合宣公望為國誰

知范老憂天遠陣雲傳凱令公撫蜀屢報邊捷菊花深院屬涼秋更憐
垂晚真何幸叨拜嵩階學醉侯

壽德陽王老殿下

西蜀山川天下最賢聲盈耳德陽王烟令睡鴨飛朱棟花吐雕
欄生細香白髮高情傳繾綣瑶池逸興欲翱翔承恩再起叨
方伯願醉東平酒百觴

青羊宮漫興兼喜沈少吳紅梅之約

出郭西來老子宮千章喬木鬱葱葱長生莫說傳僊訣浮世空
思驚海風對酒仍牽塵夢裏清遊况復夕陽中更憐宦邸逢知
已重約梅花看早紅

浣花溪登樓一首柬臬司諸公

老大年華真自惜况當逆旅一登樓風騷往事追前輩潦倒開
樽笑白頭未有殊勲光汗簡且看樂意遍金甌獨憐博雅諸英
俊深喜寒溫氣味投

正月九日同沈少吳易臺山徐東墅訪溫托齋宗伯園亭一首

宗伯名園何處是青羊宮後石橋邊斷雲極目鳥仍白脩竹和
烟花更鮮往事繁華無俗夢清朝文字有公傳風流應憶他
時論一笑相逢說四賢

早春謁諸葛武侯祠一首

言一 言一
一 一
夫君來蜀幾祠堂杜老嘗悲有耿光誰致君臣勲未立但教豪傑恨難忘煙雲迷目空流水花鳥驚春自夕陽不盡古今登眺意賞心重約過回廊

重過浣花溪杜子美祠一首

少陵高曠比神仙重過祠堂倍惘然忠愛漫看傳父老風流猶自動山川名齊稷契真何忝氣蓋乾坤亦可憐惆悵夕陽開病眼野塘碧草菜花連

病齒飲承氣湯一首

岳老童心苦未忘可憐豪發興如常養心須煮和根菜消毒無如承氣湯麟閣勲名羞淺薄草堂猿鶴待徜徉會當入賀彤

廷日又向褒城過太行

喜平白草菴夷一首呈東沙中丞

春初共仰芝園老金鼓新張大將旗渤海嘗聞龔遂策蜀江重見孔明師漫勞擒縱誇先進真觀經綸載口碑萬里封侯兼入相更誰能擅史臣辭

來鶴詩一首贈德陽訥齋府

訥翁原是羽仙流有鶴新來自十洲瑤樹不知春晝永紫芝仍愛晚風柔吾嘗藥餌攻多病誰復忘機狎海鷗何必綺筵惜沉醉太平况見草菴收

壽封君果齋翁七十三詩

壽封君果齋翁七十三詩

東南何必問蓬萊老子深冬壽宴開
綠水青山歌一曲白雲黃鶴酒千盃
人間漫數桑田變膝下真傳經濟才
乃郎少吳憲副西川自古通家今忝竊
望江遙拜隔天台

花朝會曾前溪翁夢山李鳳臺陳前山諸君子於武擔山亭一首三月初三日也

花朝况復美人集懷抱真看分外開
嫩綠遙分煙霧濕軟紅細數蝶蜂來
良朋契結金蘭密野鶴仍隨鶯燕猜
誰說天涯增旅况五雲入賀即蓬萊

送憲副陳前山奏最北上

風霜羨爾先來蜀琴劍忻予共北征
予亦有入賀之行云云白髮未須愁

落莫青天已自鑒平生烟花馬度河
橋路楊柳鶯啼故國情澶水梁園原
只尺便當魏闕問聲名

得春闈中式川中凡十四子二首

記得來時八月秋偶同豪傑鹿鳴遊
文章誰使一朝出聲價仍當萬古流
視事幸臨全蜀地看花猶憶曲江頭
風霆昨夕驚雙耳次第飛騰五鳳樓

天開文運喜如何次第諸賢撥大科
休說仕途青眼少且期平素赤心多
同人孔孟原非遠憂國堯龍耿不磨
須信老夫各努力長安音問幸相過

暮春重集草堂二首

工部原有草堂翻嫌棟宇倍輝光賞心往事空流水聚景傳
盃更夕陽誰尚窮酸悲旅况漫漫教豪放說文章而今却幸歌堯
舜且漫風騷學盛唐

三月仍當二十三倚風佇立百花潭歌傳客耳情初逸香惹蜂
鬚春欲酣塵夢漫消良會席閑愁不到野僧庵江湖廊廟原非
二不覺憂民入話談

丁未入 賀得南京太常卿除書兼舟次寫懷四首

慈養歸來十五霜

辛卯嘗以先母辭官遼東云云

馬卿重起入平涼

乙巳秋再行太僕

除旬宣殊愧當全蜀禮數寧堪轉太常

予以右轄轉左未幾叨今官

白首忍

忘夙昔志青天應許歲寒腸蒿階更切神堯祝磐石書仍太史

戡

一笑甲科四十年敢將勤苦問蒼天素交宛與晨星似 新命
多應耆舊憐沙鷺野鷗仍爾白滄洲茅屋故依然 明良况喜

逢今日盛事何妨次第傳

潞河重見風帆穩錦水初離蜀道難 魏闕關情勞夢想建康

回首壯容顏知音應遂樽前約感興何須雨後山更愛夜來明

月上野航漁唱羨花灣

叨承藩省西川外殊幸班隨 玉陛前龍虎旌旗河影淡華夷

拜舞漏聲殘車書幸觀超三代禮樂還知垂萬年但恐生平才

菲薄敢辭努力答堯天

丁未入 賀喜會慧岩大宗伯一首

自憐凡骨訪儒僊却悔年來誤後天
宦海幾人造真覺長安今
幸遂良緣瑤池漫說蟠桃會
逢島何須石榻眠重對未知更何
日早期玄訣破迷顛

次少司寇劉春岡怡椿軒原倡

莊子靈根八百春
繼芳猶自可通神明刑司寇
光增舊裕後家聲
事更新應許史官傳石室
何憂世美重朝紳
梁園疇昔叨藩臬
臨楮揮毫感慨頻

詩贈王生來麒來鳳廬墓一首

記得當時入沁州
白雲紅葉小山秋
門墻桃李誇群彥
岐路風

煙憶壯遊取次勲名期旦夕
悲酸涕淚在松楸
須知忠孝歸良史
會見聯芳河漢流

壽長樂張先生八十詩

記得髫年入泮宮
獨憐塵世轉飛蓬
三千弱水思僊島
八十韶光羨老翁
淳朴且誇精力健
風流還喜醉顏紅
太平况是斯文會
一笑長春永不窮

詩送顧二守擢守蘇州兼憶往事

記得 孝宗壬子年
先公出宰下琴川
先大夫漸齋庚戌登第初授常熟 池塘

夜雨分茅竹龍廟
秋風破曉烟
少年嘗遊白龍祠 憲臬久知推俊傑
由公

僉憲歷 經綸暫復試才賢
何須殊擢勞三載
洗耳勲猷達普天

喜苑洛年丈新拜南都大司馬一首

三秦豪傑還誰是一代勲名羨我公且觀經綸推
闕下漫勞琴鶴數川中長江何用誇天險鈴閣重當說素風老我年家真
忝竊歲寒時復話心同

汪春谷沈鳳岡王傳巖召飲靈谷寺一首

小雪同尋靈谷寺寒山西近孝陵樓雲霞虛起三生想雨露
真看萬國流濟世共須推素學延齡誰復訪丹丘酒闌恍惚松
蘿徑從此休忘說盛遊

訪前溪景年兄宅見乃郎擇喜而賦此

春花秋月知多少此日登堂一惘然舊事還誰談對榻閑情仍

我惜流年僊郎况足追前武師範今猶說後賢前溪嘗為司業何必經

綸悲落莫東橋已著董狐篇顧公嘗推評前溪云云

送吏部趙益菴正郎兼憶海虞一首

逢君建業思常熟往事悠悠話轉長沸水澗邊勞遠夢白龍祠
下幾殘陽即今自惜行年邁何日重尋煑石房古道漫驚流俗
變且同談笑醉文床

壽錢封君思竹翁一首

令器方為通政使名家况復有源流雲高書香風軟鶴唳寒
宵修竹幽華屋仍誰傳戲綵海天從此更添籌良辰盛會皆非
偶願使篇章並虎丘

送范栢峰參議蜀藩一首

黃閣漫驚遷客久，錦城遙喜使君來。
鶯啼野寺閑雲細，猿嘯蒼崖曙色開。
清白素傳書萬卷，瀟騷聊任酒三盃。
須知內召還朝夕，先使炎方識俊才。

別海虞陳上舍瞻麓一首

有客高情來建業，早春小雨濕煙蘿。
却憐舊事關情素，何必離盃用綺羅。
池上鳥魚應未減，意中山水宛猶多。
乘風安得東吳會，重聽蘭舟子夜歌。

送王巖潭出守九江一首

建業逢君又別離，九江山色動遐思。
春風岐路牽清夢，斜日郵

亭問酒卮，撫字何愁追漢史。
經綸還欲擅明時，喜看奏績超

資格會見徵書下，赤墀

別夏公西溪一首

金陵王氣思皇祖，天造誰云事偶然。
虞夏山河仍萬里，商周禮樂再千年。
蘭舟別酒春含醉，寶馬行旌曉帶烟。
珍重無忘文字愛，隔江時望好音傳。

賀汪春谷新拜奉常一首

金陵對榻過三月，又向江頭聽棹歌。
楚地共傳家世美，燕山應望寄聲多。
奉常祀事原非細，昭代奇勲願弗磨。
況喜鶯花春若錦，何須更欲效滂沱。

過邯鄲再訪呂翁祠一首

宦海漫驚談甲子暮春仍笑理行裝
乾坤許大誰空老勲業無窮敢自量
塵世且休悲白髮仙風何必問黃梁
而今老舜正垂拱須使經綸達四方

聞長子野始懸弧喜而賦此

我昔錦川初得汝行行四十六年春

時予從先公宰平陰也云云

如何湯餅

久相待直使賓筵此日新却賴前人
廣陰德會教後嗣踵芳塵而今忝竊稱
餘慶喜極何妨進酒頻

送年家汪理問之任貴州兼慰鼓盆

戊辰記得看花遊我與而翁契頗投
已羨家聲終不朽何須離

况更添愁山川迢遞孤臣淚書劍瀟
騷萬里秋玉潤水清非忝竊好名還
許士林收

送克聖公新襲入賀

孔林北望長安路滄海東來有太山
元氣古今歸正脉高呼夷

夏節龍顏金風滌暑長河外王露凝
霜紫翠間珍重誰云多

送吳筠泉歸省一首

秋風涼起露華新客子思歸奏紫宸
萬卷尚須開素蘊片帆直若出紅塵
寒霄鶴影清無寐遠浦簫聲靜有春
孝子良臣俱分內文章誰說誤朝紳

次燕峯少司寇王簪花原倡四首

年來非復舊期襟
愁對西風說玉簪
湏使賞音還自得
未容塵慮輒相侵
芳隣却喜心同契
雅會仍憐意轉深
從此便當長對榻
共看勲業惜分陰

經國才華仰素襟
清時未許說投簪
偶然對榻資談笑
便似忘情出世塵
宦海終期收大業
旌窓從此締交深
行湏共醉黃花約
桂子天香步月陰

補天豪氣見宵襟
華國文章陋紱簪
幾度追陪窺大雅
數番風雨淨芳塵
詩魔老去仍相戀
酒量年來頓減深
時復高人乘興訪
小堂焉敢比山陰

會識高人曠度襟
誰教淺陋侶纓簪
忘情每愛詩壇結
得意何妨俗務侵
濟世未能追往哲
省躬還欲訟臨深
秋嘉况佩知音語
願把交明借寸陰

壽同年東舍錢公七十又七二首

海鹽不獨長安隔
綠水青山圖畫中
天上何須王母宴
人間真見壽星瞳
詩書風韻仍誰及
忠孝家傳豈易同
肇慶行湏誇奏績
嶺南惠愛自融融

年來病骨羞吾拙
却喜通家有俊才
四海冠裳逢盛世
一門喬梓播金臺
山川迢遞關離况
歌舞歡呼憶酒盃
洗耳遷官應未久
彩衣重對綺筵開

送馬以禮典寶慶府一首

曉旆遙分寧夏水，離愁先逐負闌山。
勲名何必稱樞要，盃酒聊須慰別顏。
楚地舊憐蒲草細，秦雲新喜大河灣。
聖朝到處皆恩澤，尺素無勞惜往還。

送侯憲僉之任三晉一首

纔見冬官稱粉署，又從晉地列旌旄。
霜分岐路鳥聲滑，馬度寒山月影高。
屯餉自當恢舊厚，旅懷何必對香醪。
殷懃後會知何日，尺素無忘往復勞。

十月十八日先公漸齋忌日也謹成俚句聊發衷私

年年是日悲先考，愁對寒暄倦倚盃。
純孝常懷追泣杖，殊勲安

用羨雲臺早梅含雪春，先覺凍柳蔽風燕。
未來珍惜流光彈指過，共誰點檢一論才。

送年家王蘆泉宰石首一首

而翁嘗作木陽令，一代名歸御史雄。
實望孝廉能繼述，何妨日月自西東。
即看績奏張堪政，又見人傳桓典驄。
老我年家仍送別，長安分袂夕陽中。

送郭汾陽尹恩縣一首

一官花縣著新篆，鄉里衣冠有歲年。
民事懸知馳令譽，公家誰與滯喬遷。
河陽未許潘郎擅，莒邑須追子夏賢。
徙倚長亭分袂晚，柳條正屬蚤春天。

上元邀孫迂齋諸君子觀燈一首

雪霽春寒開小酌太平樂與衆君同
明良正喜逢昌運絃管何須雜
晚風碧草依稀簾幙外華燈輝映月
明中及時更欲圖經濟須念流光似轉蓬

元夜後三日邀太史郭東野諸君子漫興一首

詞林頗恨相逢晚良會惟期此夜同
大雅聲華知有數鄙人踈拙愧成翁
笑談安問詩壇窄直率漸忘酒量空
宇宙達觀心更切願言夙學補重瞳

送太宗伯程齋盛公歸海南一首

翁來海上知幾春花開花落誰為隣
神僊豈必論火棗出處更

自敦曩倫閑居遠覽有真樂天風獨鶴無緇塵
倘訪甘泉湛夫子云吾舊學仍勞神

送大宗伯毅齋公歸華亭一首

紫閣流光春正曉一盃忽漫是相違
如何清教方聯榻又見洪猷問釣磯
俯仰共知終自樂相思何用效沾衣
僊郎况抱凌雲器拭目行看捷禮闈

送劉正郎沙洲榮差儀真一首

早春冰泮柳條黃餽誰知使節忙
馬走坦途清書永酒開別館玉壺香
徘徊花鳥情何劇博厚勳名喜未量
回首重看經隔歲便當洗耳沐恩光

送陳道長小江按廣東一首

閩海文章一巨人，身袍駉馬照青春。埋輪應破豺狼膽，攬轡仍清道路塵。萬里長風玄鶴遠，五羊細雨碧桃新。都門對酒情何限，別後懸知入夢頻。

送太史呂巾石還建業一首

玉堂學士本清真，相見長安尚早春。下榻未傾文字飲，買舟又向潞河濱。調羹行且追商叟，作賦何勞數漢臣。斜日酒旗牽別思，滄洲茅屋隔通津。

送莫道長沙岡還南都一首

聞道霜飛持綉斧，又看復奏出長安。日高花影鍾山渺，風弄鶯

聲易水寒。經濟久知馳海內，激揚更仰重臺端。未須三疊愁相別，願使完名照寸丹。

送申寒泉奏最還固始一首

博雅素稱馳列郡，循良更喜達彤闈。河橋楊柳牽征旆，旅店梨花照夕暉。三載汝南傳德政，一時冀北望清輝。會須旦夕應殊擢，又見乘駉說綉衣。

壽待封君賈前溪六袞一首

老夫全蜀曾相識，正是僊郎殿撰時。蓮幕共知辭視篆，壽筵仍羨近佳期。明年正月十日雲飛澤潞開圖書，花覆庭闈照酒卮。更喜褒封看指日，及時樂意比瑤池。

禱雨齋宿

舊冬飛雪似嫌多，好雨春來可奈何。
堯舜正逢臨大寶，夔龍仍覩侍。
鑿坡虔誠會見通，玄默大有行。
頌頌太和薄劣微臣叨，厚祿便當樂聽九成歌。

送松江舊同府王常菴還保定

而翁同姓復同年，巡撫芳聲今尚傳。
一泉公嘗撫三晉道義獨憐交契雅，歲寒更覺旅情偏。
薰風驛馬聞鶯轉，落日庭槐看鶴眠。
老我忝當稱世講，兩承垂訪思無邊。

送劉道長龍田補丞歙縣

清時才俊久知君，忽復離情逐暮雲。
憂國終勞仍北闕，哦松暫

且對南薰放舟此日，牽新恨聯榻何時。
論舊文民瘼近知頻望，雨循良行且聽超群。

再賦閔雨一首

畫省日長塵夢短，情知望雨聖心焦。
已憐二麥枯將盡，誰念三農汗未消。
水旱堯湯傳信史，憂勤稷契滿清朝。
更羞碌碌叨名位，便欲思歸作老樵。

聞雲中周元帥渭厓訃詩以悼之

雲中忽沒周元帥，應料三軍涕自流。
千古完名真自擅，九邊威令更誰優。
極知成敗由天定，終是孝忠還自留。
野草荒煙勞睇眴，晚風斜日一含愁。

漫興自戲一首

綠水青山何必問黃茅白雪未須求羅浮靜掃堯夫夢伊洛都
消明道愁老我草堂多病眼任渠宦海百年舟瀟然意味忘言
處霽月光風獨倚樓

喜會劉一巖僉憲一首

君來訪我長安邸相見真如一夢然海角天涯增舊感斯文吾
道話當年河梁斜日鳥聲外驛柳南薰別思前珍重更期勳業
建何須惆悵說風煙

挽中峯少司馬一首

公本明時真鉅族聲名何止漢江流佳城氣聚山溪合草閣

香浮花徑幽老我甲科稱世講更誰勲烈邁前修鳳毛况復種
奇特含笑應知說卧牛

送春元潘子毅軒南還

方塘原是同年丈見子京華情若何時雨頓增新景色 龍章

重照舊烟羅

時乃翁中峯
准賜祭葬

短亭折柳雲山渺長晝論文啓發多

黃榜姓名更相祝未須三疊說離歌

壽太宰石塘公七袞四首

三朝耆德際 明時山斗聲華仰太師大雅不隨流俗變古心

端合俊英知僊花含雨香庭院海鶴乘風下沼池殊感半生叨

簡拔薄言肝鬲四章詩

長安七月星流火庭草苔階太保家元氣由來長者壽高風安
用市童誇青山遙映湘簾影碧露涼催月桂花聞道主人還至
樂玄天萬古弄雲霞

豐亨時節稱今日况復天曹眼界明誰道黃金浮世在且從白
髮逐春生惠風細入池塘草涼月平分主客情千載遭逢真可
樂漫勞錦瑟與瑤笙

南山秀拔松千尺北海香涵酒百壺韓范襟期岳宇宙伊周聲
望屬公孤清風黃閣推名姓明月瑤池入畫圖更願年年同此
祝雅傳盛事滿 皇都

送黃門張立庵奏績南還二首

黃門父播 清時譽白下仍旋錦纜并對榻敢忘文字飲交情
何愧歲寒謀蒼茫雲樹思江浦去住萍蹤笑海鷗早晚飛騰當
拭目 紫泥恩詔出龍樓

我昔奉常初會面別來忽復兩年過烏衣巷外草仍碧朱雀橋
邊花更多勳業尚當並山斗離情何必動笙歌相思殊切秋風
裏願使鱗鴻繼若梭

送紀山曹道長按西江

使君原是 明時彥况復才猷播玉堂威鳳會傳朝野重瑞蘭
當自始終香水壺行羨霜臺肅華屋仍看彩舞長聞道豫章茂
瘼甚吾當洗耳問餘芳

壽大京兆李公沸泉一首


南都京兆入金臺忽復鄉心戀碧苔
經濟尚須當路展靈鷲聊
向壽筵開且看晉地名園竹况喜仙郎華國才
何日論文尋舊約洞簫海鶴與同來

送司諫少郭雷公還建業

對榻每思逢白下論交獨喜聚金臺
嘉時殊切杞人志叨薦敢忘經國才
雲繞江舟牽別况露寒驛柳滯螺盃
行行更有平生祝須使勳名燭上台

送胡僉憲青巖督學西江一首


風流豪客出綿州三峽詞源滾滾流
諫草已聞推直道文章仍





說繼前脩山空匡阜雲飛野江迥潯陽月滿洲治世會者傳大雅勲階立待鳳凰樓


贈琴川陳瞻麓上舍一首



春花秋月幾經年懷抱因君倍愴然千里虞山勞病目七叢老檜隔蒼烟詩書世澤榮華裏金石交情松竹前立候鳳毛與麟角聲光到處一留傳

送太保石塘聞公引年歸隱二首

萬代懸知傳大老一封忽復出長安洛陽社會仍誰續桐水魚磯好獨看古道未論借俗眼冰壺終許是竒觀正須大雅效三疊落日郵亭共倚欄



輔世已隆當代望明農更仰暮秋還黃花香泛盃中酒綠野晴
開江上山七袞引年名益重三朝憂國髮初班斜陽城外多車
馬嘆息高風迥莫攀

送惠岩顧公給假還錫山

片帆正是暮秋時黃葉撩人對酒卮家學已看傳宦海靈丹更
喜壽瑤池寒蛩入夜增詩料苦竹分涼助夢思更喜年來敦世
講願言明德慰相知

壽鳳巢王大叅八袞二首

我昔逢君三晉地別來誰問幾星霜青山迥隔仙標遠明月滿
庭詩思長陶令黃花風節在裴公綠野姓名香何須重對知音

楊爛醉狂歌共有觴

黃花時節倍思君笑倚西風吹白雲
黃好何嘗忘舊約宦情
覺
新
聞
已
江
渺
渺
連
蒼
野
燕
樹
離
離
帶
夕
曛
遙
憶
閑
堂
初
度
席
願
歌
老
子
五
千
文

送槐庭宿侍御按浙江一首

鐵面乘驄御史郎片帆便欲下吳杭
會當雅道追先輩更訪才
賢入薦章
夜月冰壺寒院宇春風甘雨徧
農桑都門話別何須
醉
屢
早
歸
來
答
聖
皇

送禮部儒士盧生汝壽還東明

汝壽年來知尚學讀書更覺好音多
長安遠訪已相感梓里端

言中言集 一八端溪先生集卷之八 四三
歸將柰何古道凍雲速鶴徑短亭寒日憶樵歌令堂七十仍康
健應喜萊衣照綺羅

送駕部楊後舉出守嚴州府

海東曾識而翁面相對榻相逢忽二年臺省勳名知己素嚴陵風
月想依然運籌實美傳諸案邁祖還當啓後賢臨別那堪三疊
唱野亭高樹隔風煙

送杜滄涯守池陽一首

寒日送君情繾綣又當從此說桐鄉明刑共羨騰芳譽循牧行
看爲俊長祖道聊須傾薄酒明時終許入嚴廊深冬春曉江
南夜應有梅花滿袖香

送鄒慕直道契分教陳留

四十年来見鄒子神京對榻意如何青雲夙志憐君晚白髮新
秋覺我多化雨漫勞尼父夢春風仍入鄭虔窩離情繾綣難爲
別惆悵梁園隔大河

送王子際明蓮幕秦州

家世蒲東稱俊彥長安却喜飽清談窮經久已傳芳譽行道何
須駕列騶渭水曉烟懷呂望華峰寒月想圖南况兼夙學知風
鑑應使群黎動仰瞻

送張涑溪擢憲副提學廣東

省元舊價孚群彥督學新推下五羊願踵夔龍興禮樂何勞班

馬擅文章尼丘杏子春風暖驛路梅花曉月香次第勲名自嶺
海一盃且與話衷腸

聞苑洛年丈四疏歸隱率爾賦此

喜見同州韓苑洛飄然四疏解朝紳清風野鶴無塵夢明月寒
山有舊隣直使好名超俊傑漫勞俗子說鱸尊對床燒燭關懷
抱宦海還誰早問津

送南光祿王鶴泉還建業

白下逢君魯幾何金臺重會轉情多東風已發短亭柳落日仍
愁分袂歌燭影光搖旅館席簫聲遙入大江蘿崢嶸真稱名家
後取次勲名振 鳳坡

壽張東泉一首

南極光輝映酒卮上元嘉節早春時閑庭花發紅梅夢曲徑苔
依白石芝甲榜喜聯先世美東泉乃祖亦庚戌進士云云交情殊篤晚來知
盛筵不盡添籌祝忘却東風日影移

送林東湖別駕開州

聞道東湖視篆行一盃聊復見衷情淮陽夙學人爭羨澗水新
聲政自平柳絮似將迎馬下桃花仍欲對人傾三年須信看喬
轉又報除書出鳳城

送劉蓮幕汝律還潁州

魏博共傳家學素潁州贊政更居多品階何必爭津要餞別寧

言十言集 二ノ草漢先生集卷之八 四四一
嫌乏綺羅八行圖成敦雅俗三年績報播民和臨岐尚切懇
祝洗耳遷喬達 鳳坡

送東萊鍾太守省眷還任

早春時節柳條黃太守來朝又促裝已羨文章傳世美更應牧
政說循良風前行轡聞樵唱海上飛雲望鶴翔三疊未須云遠
別好音行探入明堂

送儀封令葛子子才還任

喜見清標郭隗臺春寒文忽旆旌回河陽久羨馳聲價冀北行
知拔俊才楊柳風隨飛絮下杏花香逐馬蹄來更思後會知何
日莫惜臨岐酒一盃

送賈伯脩丞即墨二首

長安誰問青齊路况是東風三月時近水桃花紅奪錦依人楊
柳綠成絲何愁循政稱來暮須使廉聲學四知鄉國素情直借
別不堪斜日酒盈卮

送海村劉公之任南太僕

風烟漠漠水悠悠望入滁陽近石頭馬政應聯雲錦績離歌仍
集渭城愁諫書已羨傳津要雅望誰先播鳳樓魯衛鄰封情自
切長亭何必倒金甌

送國醫王子東陽歸夏津一首

春風三月花如錦客子徘徊思舊鄉誰復古來宗素問吾當從

此愛丹方一時術業傳何普百代陰功名更長落日郵亭聽啼
鳥不須戀別酒盈觴

揭曉後漫賦一律呈龍湖總裁及南野學士

棘院燈花連夕燦鳳毛春色五雲高文章司命真何忝人物權
衡亦自勞化洽正忻逢舜禹功崇仍均接夔臯年來尚賴粗康
健誰暇天風聽海濤

喜唐狀元一首

神聖又勤玄默化天人忽觀治安才臚傳 丹陛香迎袖花壓
瓊林酒滿盃共仰登龍根夙學恍疑走馬比春雷文章寧獨光
先美立俟元勳燭上台

別劉西泉一首

劉家築室都門外楊柳垂垂年復年教子勞勤知貨殖優賓盃
酌啓華筵白頭况喜稱偕老雅贍何須說二天行色匆匆又相
別願言不惜好音傳

送信陽孫司訓之任深州

清和時節雨初收客裏逢君憶舊遊萬卷素嘗聞飽學一官聊
復出巖修風烟去住情何限桃李門墻樂未休握手殷勤望明
德不須效倚仲宣樓

喜會尹侯朔野一首並見別况

使君矯矯氣如虹搖落山居眼欲空晉地書傳十載濶長安喜

詩七言律
對一宵同虛誇漢魏冠裳古不數齊梁詞賦雄談笑勳階何足
慮短亭先願繫青驄

喜雨一首東郡牧李陶山

聞道吾開刺史賢邇來憂禱雨連綿即看戶口恢圖籍還聽歌
謠徧陌阡閉閣豈須經歲外賞心欲共落花前清時公論明
如日便好徵書下九天

送年家王經府之任台州一首

天台亦自在人間着眼層層盡是山苦竹長林疑幻境小橋曲
澗足遊攀蓬萊何必尋雲鶴農肇終當避俗顏南國司徒有清
興煩君寄我好詩刪

送彭東溪滌膺內召一首

循政久知傳白馬美名仍見入烏臺誰誇漢世多良吏今喜
明時有俊才路柳遙牽征旆軟野花細逐曉風開經綸須使推
津要次第恩光日月來

喜黃池周進士來訪一首

美人載酒來相訪對榻論交意自長虎榜已傳文運蚤鳳池仍
待姓名香曉雲細逐平沙柳落日懽騰送別觴只尺何勞各書
問洛陽結社有遺芳

再過寧陵一首

驛路曉雲催使節

君王新命下

彤墀司徒願足東南賦相

國方收雅頌詩禾黍郊原饒病眼歲寒心事許人知睢陽往迹
關風化重過寧陵有所思

庚戌八月七日謁 孝陵西溪夏公留酌漫興

庚戌年來八月秋渡江重拜 孝陵樓長松白石非凡土脩竹
寒花直壯遊漫數六朝悲綠草還誇千古比金甌西風旭日饒
清興仍喜相逢對酒籌

送司諫岑南萬公奏績北上 一首

後湖清冊知民數公方查冊後湖因云昭代馳聲動士林清望又推登要
地封章何止比甘霖斯文契雅原非偶吾道論文本自深寒日
西風聊話別早傳殊懼慰群心

喜再會西溪夏公一首

孝陵久識西溪面篆視司徒今再來老鶴卧雲馴客履野花盈
路逐時開香焚寶殿思虔虔名播朝紳說俊才交喜笑談猶夙
昔何須玉露倒金盃予方戒飲因云

中秋寫懷兼示郎署諸君子二首

丁未太常猶昨日邇來忽復四餘年良辰花艷雕欄外垂老恩
濃 紫禁前風動已忻追帝舜中興猶自邁周宣微臣尚有無
疆祝 玉牒參斯萬世傳

八月正當初八日不堪狂斐作司徒漫勞浮世誇功利且守平
生學典謨寒月滿窓池水碧清風入榻道心孤相逢况喜多賢

俊一日相從一起吾

題石溪公雙鹿應期一首

南都司馬見韓公保障年來仰頌同雙鹿應期真有數千秋壽
國本無窮添籌樂協尊前酒叅贊名高江上鴻清世何妨傳樂
事華筵銀燭夜闌紅

送大司寇箬溪顧公北上一首

九月將臨黃菊開高情忽憶出群才江山秀結滿南國風雨寒
多近鳳臺往事俱堪資永嘆老年猶喜其傳丕芳鄰曾幾開清
論又苦江舟行色催

甘泉書院會呂巾石諸君子一首

甘泉書院會諸賢須信茲遊非偶然其築門牆原屬我本來而
目豈叅禪洪綱休昧新民效條件無忘格物篇大禹分陰嘗愛
惜願言振策此良緣

送泰州二守張鳴臯

渴想開顏逢冀北喜聞視篆屬揚州官衙政羨循良播家世名
還清白流但望效勞完 國事何須閉閣說前脩春風花發廣
陵地應有新章下酒籌

贈范醫士二松

嘗愛尋醫到處同烏啼花落幾春風軒岐大道誰仍探造化玄
機爾獨融茅屋儘教苔草綠名家何讓杏林紅更忻累世陰功

積宜使芳聲日益崇

賦題黃木香花在堂後南軒池上

天生一種宛然黃紅紫空勞逐艷陽小沼雅宜出格想晚風更喜十分香精神默默元非俗蜂蝶營營但自忙壬子明年吾別

汝

明年壬子引倚欄從此復誰狂
汝年例也云云

送龍岡朱副郎權任北戶部

久羨郎君經濟才離歌忽動鳳凰臺清聲已自驚頑俗浩氣還應逼上台淮海幾人聯姓字勲名終信比風雷鶯花春暮增新戀莫惜音傳鴻鴈來

送少司徒礪菴方公北上

宦海才名傳俊彥巴陵家學重衣冠方忻國課相咨問又惜行旌望渺漫荏苒何愁雙鬢改光明終許寸心丹薰風斜日勞相憶莫使平生舊約寒

送少司成涇西盧公考績北上

班馬文章冠兩京栖遲共謔玉堂名行囊書劔輝星斗奏最勲階駕俊英鄉里愧予叨識舊河山戀別有餘情薰風迢遞長安路莫惜勤渠一寄聲

送李一吾司諫憲僉廣東二首

長日南薰看壯別自應著舊重新遊巨衡氣節雲霄上李白才華江漢流菲劣更憐交契晚崢嶸終覩濟時猷五羊百姓疲征

調賣劍仍先一買牛

金陵風景飛龍地誰使相逢又別離
實羨令名神聖世何憂
殊遇鳳凰池柳花細逐葵花吐
山鳥忻鳴水鳥移嘆息萍蹤還
一笑倚樓對月幸相思

送茅正郎憲僉廣西兼述鄙志

聞道茅君大雅才
喜逢初識鳳凰臺
蒼梧民瘼勞思索
桂嶺先聲動草萊
旅况豈憑三疊醉
殊勲原兆五雲開
南薰莫聽離情曲

送王正郎隅齋出守贛州府

使君才調稱豪傑
慎密民曹近四秋
實許苦心馳牧郡
何須異

數說封侯雲高嶺海思仍切
猿嘯松蘿興不休
別後離亭頻拭目
蚤期騰踏鳳凰樓

齋宿部中火房得鄙詩四首柬松泉

五月齋居小雨後
碧池樹影聚幽香
公今勲業當朝重
我尚勞勩兩鬢蒼
道義襟期溫舊約
鷺鷥萍水得新涼
錦江行色無多路
早望鴻音字數行

南國相逢文字飲
笑談猶似醉長安
須知浮世流光迅
漫笑虛堂酒量寬
麟閣令名應簡在
滄洲茅屋肯盟寒
自憐詩癖成狂斐
便欲尋盟共築壇

僊舟南下午風涼
許大乾坤眼底忙
已羨丹心光日月
誰云華

言一
髮老榆桑攀龍况喜諸郎俊對榻仍思百夜狂神禹惜陰垂哲
訓天和須玩養生方

年家三百四十九惟我與公晚景同萬古浮雲休論說一時良
會且從容狂歌頓覺愁腸潤大覽真稱眼界空不朽尚當齊着
力清風明月滿庭中

詩送海虞陳敬軒歸田兼致壽祝

湘水歸來樂未艾郎官贏得好行藏風流素蘊傳方茂清白家
聲耿不忘黃髮道心源水滄青袍交義故情長相思千里恒相
切何必絃歌共一堂

琴川自古產名賢尚憶先公視篆年須記乾坤原一本何勞羽
化說群僊海風吹鶴驚春曉山月臨池失夜眠垂老教兒勤努
力書香百世行新傳

舟泊龍江驛口東鎮江申太守紫崖

一統華夷入 賀同樓船江口泊薰風車書正邁周宣室禮樂
奚誇漢武宮雲出金焦詩興逸歌鳴湛露 聖恩洪平生但保
清忠在敢效流矜詞賦雄

張石川約登金山不果賦此奉答

金焦屹立掩藤蘿入賀 楓宸喜再過彩鷁敢嫌登覺岸素交
真許比清波彈冠雅羨孚群望嵩祝期同舞 鳳坡薄暮海東
勞望眼洞仙玄鶴想高歌

舟發儀真承石川公約廣陵召飲甘泉書院

廣陵六月駐樓船簫鼓旌旗明遠天實喜風烟陪地主漫勞憔悴惜流年瓊花何用思疇昔綠酒寧須入管絃時方病齒戒飲洗耳徵書來旦夕 聖明原自樂才賢

訪李春山年丈一首

濶別何須論歲久重逢實喜笑顏同輕帆細雨朝連夕蒲草蓮花翠間紅出處已誇全晚節乾坤仍愛有詩筒行行鴻鴈蒼烟外誰說知音興不雄

舟次揚州雨始沾足詩以識喜

聞道

聖明憂旱久即看好雨自維揚東南財賦當饒足西北

胡塵永退歲秋色滿前清可掬簫聲月下韻何長太平氣象原非偶沐手先拈旦夕香

送年家賈主政平軒內艱歸里

白雲司裏馳聲價黃葉秋邊歸故鄉世講斯文同骨肉劬勞恩報係綱常杜鵑啼徹三更月 鳳誥榮傳百代香記取慈闈倚門望永期忠孝共聯芳

送戶部李副郎右山

京華重見舊相知道雅何曾異往時奮發才猷真自擅從容地步更稱奇即看餽餉傳邊塞立聽遷喬出 鳳墀臨別慇懃仍有約月明寒夜幸相思

送林正郎雙臺提學三楚

南宮早識治安才，旅次仍嫌缺酒杯。闔地秋風勞幾鴈，楚江斜日憶雙臺。經綸文字源源出，館閣勳名滾滾來。况復明良千載會，何妨懷抱共君開。

喜卽郢嚴令寅所應臺召北上

巴蜀往年曾識面，邯鄲旅邸再逢君。澄清地步原非偶，勸課勞勤應自聞。五道馴當光海宇，美名仍復慰斯文。臨歧更切無窮祝，鳴鳳朝陽早出群。

次皇甫百泉原倡一首

南國文章北斗山，偶逢一笑菊花間。吳江明月傳芳久，澶地淳

風取次還花發，河陽真不忝人歌。來暮許誰班，須知良會無多。又向長亭愴別顏。

季冬寫興一首

樓船入賀匆匆了，又向民曹忙幾何。頗覺簿書經眼熟，更忻華鳥入春多。衰齡何用談猶拙，宦海還當幸息波。只尺引年是明歲，便當舒嘯訪煙蘿。

送何正郎大壑述職北上

清曹地步字群彥，昭代才猷播早年。迎養慈闈心更懇，述勤魏闕頌何賢。春風俎豆青山外，落日鶯花野水前。公道由來消息好，紫泥行覩下堯天。

送蘇州金太守雙渠考績

君卧東山早有名喜來南國守專城虎丘澗濯龍黃足鳳闕
人傳撫字聲民牧三年還我悉陽春到處物咸亨即今况是
明良日會見飛騰晉兩京

聞桴齋先生入祀鄉賢喜而賦此

先生當日我宗師五十年来每念之海鶴未容群雀伍喬松只
許月明知衰齡厚祿叨公輔耆舊高風振大祠崑阜長江殊密
邇祇將遙拜展秉私

詩送魏大叅及齋之汴藩

洪州我昔僉何補建業而今髮忽蒼夙學尚存稌素懼平生仍

苦薄書仁喜君經濟原非偶况際時雍豈亦康聞說年来均豐
稔為霖須登潤窮荒

詩送王侍御連川考績北上

同姓真推御史郎清源澗水足鄉鄉無私更喜仍無倦至大須
知還至剛明月半窓松影瘦春風一路馬蹄香銓曹奏績宜超
格戀別誰云在豆觴

贈待封竹村先生一首

南國幸逢金玉叟雅風徒慕斗山高嘗奉訪未見云云家傳清白無能
掌世仰飛騰有鳳毛薄海群情推諫草芳春真樂羨蟠桃請看
積慶垂明報會見恩封拜錦袍

言一
禱晴後復雨詩以識虔用告同志

雨暘時若本中和况復 明良正咏歌海內窮民誰切念天涯
愁思我仍多光明實曾瞻晴影幽昧終羞涉睡魔沐丰辨香期
感格豐登五穀喜如何

壽大司馬石溪韓公一首

斯文志合時雍日司馬名高江漢長肝膈頗勞傳號今蕙蘭方
喜比丰璋甕中酒熟春恒嫩花底風柔夢亦香况復忝稱詩結
社更期勲烈協 明良

引年未允勉賦見志

戊辰三百英雄外却幸忘機我向任厚祿每驚叨八座野心常

愛掩重門齋脩茹淡平生志抱病尋醫獨榻温深愧引年猶未
允策名何以報 君恩

送禮部初臬劉正郎守寧國

東川舊學思而祖寧國新除羨使君撫字不勞迎竹馬壺觴且
共倚江雲南風歇徹琴瑟用明月秋當鴈有聞况喜滿庭蘭蕙
茂名家誰更擅元勳

壽待封君李存耕一首

李副郎
懿之父

聞道存耕有歲年更能教子播才賢太平景象生何累結社風
流樂自然倚竹領孫春似海賞音留客酒如泉 褒封會見
龍章下誰復仍多陸地仙

贈竹濱李錦衣兼寓期待

竹濱器宇真儒雅南國相逢今幾年講武又當推要路論文何

必問華筵同寅俱望稱平虜君與李一報主仍期澤普天勲

烈古來皆職分請看麟閣與凌煙

詩送北川韋少監

我昔太常初識面年來風景尚依然 老陵夙夜勞供事南國

瀟騷仰地倦忘酒止緣牙作病予以齒病成飲慎交誰外眼中賢高軒

題有陽明筆似蒼新詩贈北川

賀年家王錦衣得十一首

龍虎聯標稱累世罷熊重喜見諸郎薰風南國傳湯餅秋月東

山數鴈行入架詩書皆貫致及時功業更難量古來積善誰云負香拂華筵笑語長

送榕洲張侍御

對湖雅况雲岳野盈耳秋聲竹近床一飯每思民社計六年何

愧豸冠堂治朝文字追韓愈名世才猷繼李綱平素推賢還我

切敢嫌聞教笑踈狂

送謝吾溪出守廣州府

閩地嶺南原接境郎中太守轉移間金風玉露行窗迥秋月米

壺鈴閣閣儘把勞動親政事未須阡陌悴容顏即今垂拱逢

堯舜取次勳階列上班

送侍御趙君南臺北上

南國喜逢鄉曲雅，燕山重切別離情。清風藜藿勞民瘼，寒月霜臺照旆旌。直道久知推宦海，丹心終不負皇明。壺觴何必歌三疊，取次勲名動兩京。

送鴻臚黃九峯入賀兼便道省親

纔聞入賀祝堯天，更喜宣親八十年。彩舞畫堂風力軟，酒浮南極月光圓。江山快覩真圖畫，禮樂方興入管絃。孝子良臣仍並許，好名誰復比君賢。

壽川中甘母太夫人一首

起居八座夫人壽，雲細花香憶錦江。薄宦昔曾過姓字，太平今復頌家邦。庭芝知更風前秀，海鶴應須月下雙。南國每誇郎意好，舊情猶自見敦龐。

贈先太守趙雪崖及仙郎鷺洲大參

聞道君家橋梓盛，聯名試郡各芳年。甲科姓字傳當路，循吏聲華動普天。白馬黃牛先澤遠，錦心繡口後人賢。老予荆識誰云晚，猶幸登堂贈短篇。

送沈進士師節入試春闈

沈郎筆路多精采，眼見秋闈即有名。素學仍當期遠到，壯心寧肯負平生。江山風月多奇況，社稷勲猷更好盟。從此交情須世講，明春先報鳳池聲。

送鳳墩阮使君考最北上

阮君奏績向長安行色先傳九月寒循吏久知稱魏博名家更
自說郎官虛窓月影穿芳徑小閣禽聲茂秀蘭愧我交情期弗
淺佇看 恩詔五雲端

壽筭溪顧公行年七十

廊廟憂勤七十秋江湖夢想且潛收喜來白下叨詩社况幸公
餘對酒籌儘把交情談往事却忻晚景樂同遊行戲畢竟追前
哲銀燭華筵笑語投

送大總戎劉雪麓鎮廣西

聞道轅門稱雪麓久知號令比風霆老成行且希方叔竒特何
勞數衛青萬馬便須傳捷報諸蕃當自拱 彤廷太平功德方
無限不獨華夷仰將星

謝潘醫敬夫一首

勞冗不堪年邁叟每思清暇聽謳歌東南正慮逃亡甚西北仍
傳戎馬多藥踵軒岐原有自名高吳越耿難磨新泉精舍知鄰
壁間訪何嫌次第過

送趙正郎特峰還同兩浙一首

古來萬事多由命利鈍無勞苦愴神獨我薦賢心最切還誰憂
國髮如銀江山雲樹俱堪樂經濟勳猷未必屯三疊畫橋仍戀
別早梅南國十分春

長至一首柬王太史槐野

喜隣太史王槐野意氣誰云素涉狂吳國豈圖聯綺席泰京尚
憶訪雲庄早梅正擬開金酒修竹仍忻滿玉堂况復日逢添一
線共期同補舜衣裳

送陳正郎園山出守南寧一首

歲暮光陰憐白日離歌宦思有青山極知勤恪平生志不作寒
酸岐路顏行聽好音字衆論並看新政播人寰南寧指日仍迷
職又喜 皇恩次第頒

次箬溪公自述兼寓鄙况

大道由來是守身引年同躩 九重宸自憐素節有知己終賴
青天不負人盃酌每因窺夙好勲勞從此羨惟新踈庸更復添
多病只合滄洲問釣綸

賦

遊僊堂賦

正德丁丑之秋九月八日端溪王子訪黃巖劉子舜弼於蕭莊
劉子乃拉予東遊僊堂之山蓋距庄已二十里矣越翼日是為
重九訪山之羅漢洞焉石逕既小草復多霜山高氣寒逼人恐
怖山有野人以石為屋以樹為鄰鷄犬靜而不知人之至也但
見客與童僕四散以登嘯呼互答上下響振既返復訪硫礪洞
於路左崖上端溪易其名曰元華示初也其洞曲而長垂而下
俛焉以進則豁如屋堂之狀中有石渠曲遶糾結隱幽猶龍巧
不可喻水清而甘仰視其上皆五色成文如雲如霧如霞如露

如苔而潤如彩而素信仙堂之得名非偶然之故者也於是紅日始上光映遠空對景欲文而未之能措也少焉洗目徐觀山僧隨步樵歌在雲鳥聲在戶殆彷彿出乎人間而特慮造物之妬馬疲瘦而倦還興既闌而如助恍平生之如識或夙昔之未悟回瞻萬峯如戀如訴獨謂山靈寧不感予顧也嗚呼動則智也靜則仁也山以靜而可名水以動而可慕是仁與智之同觀也而恨予來之暮彼登臨之何窮諒達者之有數黃巖突竒遠拚陶杜嗟人生之百年曾為懽之幾度於是客有起舞於旁者乃歌曰指草而紫兮茹芝採花而香兮滿榜霜入林兮紅葉催塵飛不到兮迷來路黃巖亦從而歌曰山有水兮在深谷有人

結屋兮依岩宿雲為衣兮霞為殮鶴歸來兮風滿竹歌竟有候吏自武鄉來迎予也黃巖遂偕予而還衆客皆笑不覺清興之遂拒也作遊仙堂賦

吊顓頊陵賦

帝高陽之有道兮既明且竒徒窮桑之故墟兮來國於茲嗟大化之既澆兮太古日瀉撫長陵以舒嘯兮飛鳥度而猿悲

吊巡遠賦

浮汴河而南兮予視篆曰臬司甫公席之初暖兮復旅食而東之過故壘於睢陽兮知巡遠之在茲悵夫君之不還兮撫禾黍以增悲嗟負國之彼人兮甘犬豕其何辭謁頽廟於西風兮儼

靈魂其格思拔孤劍而長歌兮仰白日之西馳

登西巖臺賦

惟仲秋之既望偶出廓而憐才扣草堂之半掩照叢菊于蒼苔
引壺觴以大嘯忽涼雲其四開撫西風於落日携美人而登臺
慨浮生之如寄覺樂極而轉哀倏榮華於爍電任流俗之日垂
指神京於渺靄舒豪氣於上台何洞仙之難遇飛塵夢於草
葉旋回車而把燭驚宿鳥于高槐思地主之雅况冀重會之再
來

卧龍賦贈陳子敬

晉之蔚羅陳子敬氏歲辛丑來訪郡大夫尹朔野于開文而不

忘其初其五人之於獻子乎子敬早以文學鳴於時蓋三晉之
傑然者今年春朔野於其行因取汾涯氏所繪卧龍圖以餞而
又懇子以辭於是作卧龍賦一首寓期待也子歸而求之必有
慰予望者矣其辭曰何神龍之幽潛兮卧林岡以有年歲頭角
以自珍兮待飛騰于九天佇蒼生之望霖兮屯膏澤于名川維
志士之守道兮亦敦雅以自然豈浮生之碌碌兮枉聖轍而流
連壯夫君之抱噐兮馳芳潤于蚤歲操江淹之彩毫兮使髦俊
而心醉嗟造化之玄玄兮掩邦家之竒瑞昔董生之未達兮乃
下帷而礪淬逮劉向之傳經兮亦蹉跎以自畏苟虞唐之有術
兮雖遲暮其何憂幸良朋以麗澤兮何顯晦之涕流俟利見而

經綸兮豈英雄之滯留悼知己之難逢兮閑野渡之橫舟矧劉
 蕢之落第兮人亦知其邁儔握臨岐之分袂兮傷卮酒于離群
 撫東風于斜日兮馬長嘶而猶迤聽啼鳥之恰恰兮雜離歌而
 並陳知後會之何時兮指征鴻於塞雲願令德而早崇兮樹殊
 勳於 紫宸

吊馬東田先生賦

後夫子三十年兮予棄官而伏巖望夫子之故城兮遙致吊而
 薦芳願英靈之垂格兮庶陳辭以有光昔尼父之憂世兮竟列
 國而徬徨繼展禽之直道兮又焉往而能康惟聰明坦率兮動
 推讓而蒙殃惟踈暢洞達兮每忤物而乖祥彼汨羅之楚投兮

於屈原而奚傷雖管星之滅殞兮覺武侯之愈彰何巧言之毒
 善兮世方以為筆竇何便媚而奪正兮人弗以為講張初人之
 議夫子兮似鄭重而迷邦及夫子之晚出兮復橫吟於群靡惟
 大人之作兮非濁俗之批據委政部而長往兮豈所以示夫綱
 是皆神人合冥心太古昭夫子之未始下也况先聖建而一
 效夫不減况墳壙於莽庶兮孰曰久而不揚雖蘭蕙於
 荆棘兮孰曰幽而弗香夫子之墓木拱兮行且振於麟鳳夫子
 之風烈兮孰曰於仙郎叨遺編而管序兮予亦感而沾裳
 下世之弊也但有激夫衷腸仰夫子之儀形兮眇河漢之
 輝流嘉惠於來學兮任地老而天荒嗟儉人之奸慝兮反若

利於忠良孰曰夫子兮不慮後而為防

海鶴賦寄都大夫陳歷田

春將暮時既和麗日明海無波都侯視篆老稚謳歌會且初度
 經紳稱薦鼓琴瑟吹笙篳設俎豆宴高堂於是業武數子相繼
 而後爾北海未罄其私咏南山不擇其口俄而乞文於溪史之
 門胡定於瑤池之右花照雕欄風披羅袖乃稽首而拜揚袂以
 宣曰願抽公秘藏聘公鴻言啓清商於四座媚綠髮於遠天為
 都侯賦壽何如端溪叟於是聞而喜動眉宇樂且洋洋曰美哉
 諸生之役既以愜予懷於平素更且發公美於循良矧若人而
 令德允 清廟之珪璋若乃祝其得壽其誠亦易可量吾聞東

海之流是為仙鄉厥有羽客朱冠玄裳出入丹霞往來無方道
 道何累齡且無疆桑田奚間榮枯元會豈有短長匪虛鳴徒聞
 於九臯亦清修自授於尋常知子和之有徵陋乘軒之弄狂於
 世豈優差而與思欲起舞而翔翔乃作而賦海鶴之歌歌曰春
 風和兮芳華香群仙遊兮流瑤海籌添兮樂未央嗟塵夢兮
 何能久又續而為洞仙喜鶴之歌歌曰曲既敷兮肴既陳朱顏
 何自親願佩德兮永芳春無使公去兮悲棠陰

賦孔子悲麟圖

斯麟於圖畫真尼父之在旁何至道之難詣興遐想於虞唐
 乾坤之偶否致靈物之乖祥慨羲文之既遠苦知音之渺茫

其 二八 端溪先生集卷之八 五
彼昧庸之何為但相駭而如狂雖哲賢之鮮遭幸六經之未亡
掃遺迹而振衣昭治澤於明王矧多賢之在位奚嘉瑞之可方
頌天祚之有永普鴻化以緝疆

歌

吊范節婦歌

已丑秋八月既望之十日予以視事來睢陽既入城見路旁有
王輔之婦曰范氏者能死節於夫為之含悲起敬曰嗟乎巡遠
在昔死其君丈夫也猶之為難范氏於今死其夫女子也可不
謂尤難乎睢陽之地行且甲天下矣因作范節婦五歌聊以示
睢人 嗚呼一歌兮我哀長卓哉范家真女郎生來柔婉貞且
孝自小結髮歸東床同心方結山海盟夫君一夢馳黃梁烈婦
內隱殊不哭傷情亦已催其腸人生豈不重生死吾心初約焉
能忘 嗚呼二歌兮我心烈范氏之女何高潔南山蒼蒼有喬

松北山森森有古栢可憐多少春風花空委紅塵競顏色吁嗟
之子生睢陽不施脂粉汚冰雪夫男早已氣凌雲爾亦不終負
同穴從容整衣辭舅姑六街男婦誇貞烈 嗚呼三歌兮我心
苦範家女兒何其古睢陽哭象千載餘大節更誰與倫伍我來
正是秋風時楓樹蘆花不堪觀秉彝好德誠何心吊祭遣官動
金鼓 嗚呼四歌兮我心憐凜凜節槩堪凌烟人間多少愚文
婦琵琶夜過商人船乾坤正氣豈零落况乃 聖主方求賢自
愧才非外臺任激揚早夜心懸懸觀風偶采范氏女亦庶少備
班遷篇 嗚呼五歌兮我心恹嗟嗟睢陽城英雄日已遠有懷
何其涯年華歲將晚茲行豈浪遊得汝光汗簡

效堯民歌五章

皇皇大君作我民極大哉訓辭箴名敬一
皇皇大君光復虞唐既登大寶萬壽無疆
皇皇大君天生仁孝永言洪範天德王道
皇皇大君作民父母曰聖曰神允文允武
皇皇大君實天生德物阜民安風清弊絕

端溪先生集敘

門人河汾孔天胤撰

孟子載遊於聖人之門者難為言夫言何難哉難乎其為正耳聖學不明先王之法晦天下之言學者皆任其一偏言法者復沿襲於敝是故異端之言滿天下箏鼓時人之耳目比之淫淫之樂充

塞仁義比之洪水猛獸之災於是衆言
殺亂不可稽矣遊聖人之門者則不然
本天道以言學述堯舜之道以言法學
術審法執端如日中天如水行地如繩
誠陳不可欺以曲直如衡誠設不可枉
以重輕而百家之言始梗塞而喙息而
後知其說之難也當是時鄭聲放黜大

韶振汎濫委輸九河安狃獯獍之類
竄伏百姓寧輯正道宣朗而天下之言
學言法者壹統於天同歸於堯舜三綱
布昭九疇敘列五尺童子不愆於儀而
後知君子之立言以扶教也故孟子曰
能言距楊墨者聖人之徒也余誦覽端
溪翁文集而編次之其文浩浩其二言諄

諄其究非聖人之學不敢談也非先王之法不敢陳也乃知翁遊

聖明之世贊

皇極之敷其所以脩辭纂言卓然一出於正觀者體之心可以知德推之物可以明政有非言語文字之間爾者是故可以傳矣然則孟子所謂聖門之言其不如

是乎夫文章根本乎六經翁所著有六經心義若干卷刻在家塾試取而並參則是集也特枝葉之扶疏者焉嘉靖壬

子孟夏上日

端溪先生集跋

蓋聞之孔子曰情有小大則辭有險易
天下之情未有不見乎辭者也愚得日
侍

端溪公見公為文辭興至操筆立就不
待推量倒研之勞或人有求請未諾而
已授稿不為文卜珍惜態為詩好長咏

愈放而愈有餘雖片詞短章亦自有豪
氣今讀其詩文捷如飄風快如湧泉公
之於辭也可謂易矣蓋公之為人性真
灑落襟懷洞朗無纖芥疑滯嘗侍公言
論終日款款談吐顛動吻赴若機括之
發而肝膽心胸咸若可見夫如是故其
發於文者直而寄乎興者遠公之於文

大率類此公集之始刻也實以付彬訂
其魚豕之訛刻成公屬為跋嗚呼公之
文章燁然被海內矣當必有大人先生
序之以信天下以傳來世而愚豈其人
哉獨竊嘗誦讀公之文章而因有感於
當今之人好危險其心思一言語之間
而機械萬變言且不得而知而况於其

文乎故特表公之實以為天下道焉若夫公之所以顯允著聞如道德問學志節勛業之在於文字之外者則固自信而自傳也而又何待於言也哉

嘉靖壬子夏六月吉屬吏龍溪謝彬拜
手謹跋

翁之文辭私淑興起之心庶幾少慰其萬一然則是集之梓也夫豈特蘊之幸固天下士之至幸至幸者與

嘉靖壬子八月吉旦屬吏門生張蘊拜
手頓首謹跋

蘊童非時則聞今天下有

端溪翁者道德文辭爲世所宗每欲瞻
拜其下風而拘於地位之微既累年矣

嘉靖庚戌春校藝南宮時

翁以

少宗伯知貢舉蘊爲門下士遂獲覩
翁之儀刑然而文辭未之見嘗竊慕焉

今年壬子

翁為

大司徒於留都蘊復以屬吏日侍顏教
不以蘊不肖嘗盡檢其平生所為奏議
書序碑銘詩歌凡若干卷且捐俸付蘊
校梓之蘊自念平日慕

翁文辭思一披閱不克遂乃今得盡錄

其篇什之繁而校梓焉豈非蘊之至幸
至幸者與夫入者摠其心之得者也心
統乎性情見乎辭聖賢之文微顯闡幽
審謂覺民崇理學明道術也昔人有云
文不關於世教雖工無益也今讀

翁之集其旨遠其辭文咀囁經傳浸淫
風雅至於抗疏逆邪建言國是又砥石

中流歲寒松栢也蓋

翁之學根抵濂洛貞忠勁節本諸天植
故其胸中灑脫不為物礙吐口英華縱
筆騰湧真千古之格言後學之規範也
豈徒辭而已哉夫天下士拘於地位之
微終其身莫
翁而不獲瞻拜者多矣復見

尚書端翁先生集凡若干卷文奏疏書
序銘狀類凡若干篇詩古律絕歌行類
凡若干首

侍郎芹翁先生既序諸首簡小子恒謹
受而卒業焉恒嘗讀淇澳之詩衛之卿
士詠武公而作也其辭曰如切如磋如
琢如磨言公之于學也勤而不懈故其

道德之有諸身者發而為文章之盛至于金錫璧圭猶未足以形容其美今觀賓之初筵與夫抑戒之篇雖丹書敬怠義欲之訓曾不是過仲尼刪詩至取列之于帝王風雅之後噫亦云盛矣公之政不見于經然詩人之辭曰瑟兮僖兮又曰寬兮綽兮則公於詩教謹恪之中

而行之以碩大長厚之意者未嘗不與其文章相類此所以能宜于當世之人而終不可誼而謂之有斐君子者歟若今端翁先生之於學也又何其似之而不異也翁在

先朝嘗以直言被斥山中養晦已及十又四年切磋琢磨之功具見于海樵諸篇中

遭

明聖致位今官茲年七十而猶孜孜不懈若
不知老之將至然者則其文章之盛若
今集所載其足以播諸後世而列于學
官也豈過哉傳言武公年九十五猶箴
傲於國曰苟在朝者毋謂我老耄而舍
我必恪恭於朝以交戒我恒是翁之風

夜孜孜箴傲庶士者亦猶是心也而
能有所懇勤獻替於位守宴居之間以
稱君子之意又不能作為詩詩而儼諸
金馬壁三之亮以與法與並傳諸後獨
寫惟存人之義托諸末簡爰讀翁文章
之思會則知問學之功不可誣至其行
之於事而能使民之不忘者又在得之

于言語之外也雖然視衛之卿士則亦
遠矣歲壬子季夏念有八日屬吏晉江

趙恒謹跋



國家圖書館, NATIONAL CENTRAL LIBRARY, TAIWAN, R.O.C.